

رواية مقتبسة عن قصّة حقيقية

مكتبة

سعاد العامري

بدلَة إِنْكَلِيزِيَّة وِقْرَةٌ مُودِيَّة

ترجمتها عن الإنكليزية مع الكاتبة: هلا شروف



المتوسط

**بدلة إلكلبيزية
وبقرة يهودية**

لزنسي تشنرين .. ٢٣

لزنسي غزة والشهداء

انضم لمكتبة .. امسح الكود

telegram @soramnqraa



حقوق النسخ © 2022 منشورات المتوسط - إيطاليا.

حقوق التأليف © 2020 سعاد العامري

مكتبة 2010 2023

t.me/soramnqraa

Mother of Strangers by "Suad Amiry"

Copyright © 2020 Suad Amiry

Arabic translation copyright © 2022 by Almutawassit Books.

المؤلفة: سعاد العامري / المترجمة: هلا شروف

عنوان الكتاب: بدلة إنگلزية وبقرة يهودية / الطبعة الأولى: 2022.

لوحة الغلاف: الفنان الإيطالي أندريا جيرميما (Andrea Geremia)، وصممتها خصيصاً
للطبعة الإيطالية / الغلاف والإخراج الفني: الناصري

ISBN: 979-12-80738-53-0



منشورات المتوسط

ميلانو / إيطاليا / العنوان البريدي:

Alzaia Naviglio Pavese. 120 / 20142 Milano / Italia

العراق / بغداد / شارع المتنبي / قيصرية المصرف - طابق أول / ص.ب 55204

www.almutawassit.it / info@almutawassit.org

سعاد العامري

**بدل إنكليزية
وبقرة يهودية**

ترجمتها عن الإنكليزية مع الكاتبة: هلا شروف

مكتبة

t.me/soramnqraa



المتوسط

إلى أبي،

وإلى اللاجئين جميعهم الذين قضوا في الشتات
مُنتظرين العودة إلى الوطن.

ملاحظة الكاتبة

هذه الرواية مبنية على مقابلات شخصية، أجريتها سنة 2018 مع صبحي (88 عاماً) المقيم الآن في عُمان، وشمس (85 عاماً) المقيمة في يافا.

الفصل الأول

صحي

قصة بدلة (يافا، تمُوز 1947)

أشطر ميكانيكي في يافا

مكتبة

t.me/soramnqraa

«صحي، صحي، صحي!»، تطلب الأمر بضع صرخات متتالية قبل أن يبدي صحي أية إشارة توحى بأنه قد سمع اسمه. رفع رأسه على أقلّ من مهلة، وحذق باتجاه معلمه. على مدخل الكراج، وقف المعلم مصطفى، وبجانبه زيون جديد أنيق الملبس. استمرّ صحي في عمله لبعض دقائق قبل أن يُسْكِنَ الصوت الذي يضمُ الأذنين للمولود الكهربائي الذي كان يُصلحه. من بعيد رفع يده في إشارة بأنه يقول لمعلمه: «نعم؟ إيش في؟»، وبال مقابل تلقى إشارة يدٍ وصرخة: «بقولك اترك كلّ شي بإيدك، وتعال هون حالاً».

منزعجاً من مقاطعة معلمه لعمله، أشار صحي بعصبية إلى عشرات قطع المولود المنتشرة على الأرضية الإسمنتية القدرة تحت قدميه. كان هناك صُفٌّ طويل من آلات أخرى: مضخات مياه، مولدات كهربائية، محركات؛ كلُّها بانتظار أن يصلحها الميكانيكي البارع ذو الخمسة عشر عاماً. صرخ المعلم مصطفى، الذي كان معتاداً على حركات صحي ولغة جسده التي تشير إلى أنه «عنَّد»، ولن يتحرّك من مكانه: «صحي، بقولك اترك كلّ شي حالاً، وروح غسل إيديك وجهك، بدّي ياك تروح مع الخواجا ميخائيل لبيارتة، تتفقدّ نظام الريّ، وتفحص مضخة الماء في الخزان الكبير».

«الخواجا ميخائيل!»، تتمّ صحي لنفسه، وهو يحدّق مرة أخرى باتجاه الزيون الجديد.

في وسط بوابة الكراج، وقف رجل طويل القامة متين البنية، يرتدي بدلة من الكتان فاتحة اللون، وقبعة «فيدورا» الطليانية ذات اللون البنّي الفاتح والشريط البنّي الداكن. كان من الصعب على صبحي أن يرى ملامح الخواجا ميخائيل وهو يقف في ضوء الظهيرة الساطع الذي شكلَّ هالة حوله، وهو أحد أهم رجالات يافا وأغناهم.

«خواجا ميخائيل، خواجا ميخائيل ... وين سمعت هالاسم من قبل؟»، سأل صبحي نفسه وهو ينحني فوق الحوض الحجري، ويفرك شحم المحرك عن يديه، «آه تذكريت، طبعاً من أبي»، ثم قال بصوت مسموع: «ياه! خواجا ميخائيل بحاله، حصل لنا الشرف!».

وفجأة، تذكر الجدال، أو بالأصح الشجار، الذي دار بينه وبين والده، والذي ذُكر فيه اسم الخواجا ميخائيل:

«أنا بحب شغلي، ولو اضطريت رح أشتغله بيلاش»، قال صبحي دفاعاً عن خياره في ترك المدرسة والعمل كميكانيكي في كراج المعلم مصطفى.

«طبعاً بيلاش، يا ابن الكلب! شو مفكّر حالك؟ ابن الخواجا ميخائيل؟».

في هذا السياق، سمع صبحي اسم الخواجا ميخائيل لأول مرّة في حياته، وتذكري أيضاً كيف سخر منه والده، لأنّه ظلّ أن «خواجا» كان الاسم الأول للسيّد ميخائيل.

«لا يا ابنّي، خواجا مش اسمه الأول، الخواجا هو الرجل المسيحي أو اليهودي، لكن، أكيد مش كلّ المسيحيّين واليهود خواجات، بس الأغنياء منهم. وفي كثير منهم فقرا مثل أبوك، إذا مش أفقر». بالطبع،

كان صبحي يعرف الكثير من الفقراء المسيحيين واليهود والمسلمين، مثل جيرانهم المسيحيين أبو وأم يوسف، وأبو يعقوب، العتال اليهودي في سوق الكرمل. ولكنه لم يكن يعرف أبداً من الخواجات الأغنياء.

«وشو بنسمّي المسلم الغني، يابا؟»، سأله صبحي والده.

«رجال غني، على ما أظنّ»، أجاب والده مبتسمًا.

ورغم تشوّق صبحي لمراقبة أحد أغنى تجار البرتقال ومصدر ربه في يافا، إلا أنه شعر بالقلق: «طيب، وشو بدّي أعمل لو ما عرفتش أصلح نظام الري في وحدة من أكبر وأهم بياارات يافا؟»، ولا تشغاليه، فرك وجهه بالخطأ بخرقة الكاز: «آآآاي»، صرخ، بينما صارت وجنتاه العاليتان حمراوين، كأنهما تحترقان، وكذلك عيناه الغائرتان الشبيهتان بعيّني الثعلب.

أكثر ما حير صبحي وهو يخطو عبر الكراج مسرعاً باتجاه المعلم مصطفى والخواجا ميخائيل، وهو يرفع باستمرار ينطاله المُبعّع الواسع، هو مجيء الخواجا بنفسه إلى سوق الحدادين، السوق الأكثر فقرًا في المدينة، بينما كان بإمكانه أن يرسل سائقه أو أحد الرجال الكثُر الذين يعملون لديه. كان والد صبحي وإخوته يعملون في البئارات، لذا فهو يعرف جيداً كيف يمكن لهذا العمل أن يكون مُضنياً لبعضهم، ومُريحاً لبعضهم الآخر. لا بد أن لدى الخواجا ميخائيل عشرات، إن لم يكن مئات، من الرجال الذين يعملون في بئاراته، وعدد مماثل في شركة تصدر البرتقال التي يملكها. في تلك اللحظة تذكّر وصف والده للخواجا ميخائيل بأنه رجل «عصامي» صنع نفسه بنفسه، حينها فهم توافر الرجال العصاميين.

على عكس شقيقه جمال وأمير اللذين يعملان مع والدهما في زراعة عدد من البساتين ورعايتها، والواقعة إلى الشرق من يافا وإلى جنوبها الشرقي، حَقْ صبحي حُلمه، أو الأصح هَوَسِه، فمنذ صغره كان مولعاً بفكفكة أي شيء يقع تحت نظره أو بين يديه وتركيبه، سواء كان راديو زينيث، أو أدوات جَدُّه الزراعية أو حتى حنطوره، أو دراجات إخوته، وحتى دراجات أطفال الجيران ذات الثلاث عجلات، أو ألعاب ودمى صغار العائلة. كان يُفكِّك تلك الألعاب إلى رؤوس وأذرع وأيدٍ وسيقان وأقدام وأحذية وجوارب وقبعات ومراويل. وبينما كان الصغار يصيحون بجنون، كان أفراد العائلة الكبار ينفجرون بالضحك وهم يهُنئونه على مخلوقاته العجيبة، إذ كان يركب سيقان لعبة على جذع لعبة أخرى، أو رأس حيوان على جسم إنسان، أو العكس. وكان صرخ المالكين الصغار للألعاب المُفكَّكة يستمرُّ إلى أن يبدأ صبحي جولة جديدة من الفكفة والتركيب، مُعيداً الدمى إلى شكلها الأصلي.

«ليش تستغل عند المعلم مصطفى بدل ما تستغل مع أبوك؟؟»،
كثيراً ما اتعرض والده إسماعيل.

«الجواب على سؤالك بسيط كثير، ياباً»، أجاب صبحي بسخرية،
«المعلم مصطفى بيدفعلي 30 قرش في اليوم، بس انت بتدفععش
لإخوتي ولا قرش».».

«ولا قرش، يا عرص، يا ولاد الحرام، ولا قرش؟ أنا مش معطيك إنت
وإخوتك سقف تعيشوا تحته، وفرشة تناموا عليها؟ مش إمك وستك
بيقضوا الليل والنهر وهُمْ يغسلوا ويغلو أوعيكم المزينة ويطبخوكم؟
بتسمّي هاد ولا إشي؟ شو بيقدر أب فقير متلي يعمل لولاده أكثر من
هيك؟ خلينا نشوف شورح تعمّلك هالثلاثين قرش في اليوم، وهاي
دقني إذا ما ضلّيت عَرَبِي مثل عمك الهامل».»

«شو اللي مش عاجبك في عمّي حبيب؟ مش هيُو مبسوط،
ويقضي أكثر لياليه في تل أبيب؟».

«بدك تقولي إنه عيشة عمّك حبيب هي العيشة اللي بتحلم فيها،
يا ابنِي؟».

كان والد صبحي يشير إلى الحياة الليلية لأخيه الأصغر، الذي استطاع أن يعيش حياة صاخبة في بارات تل أبيب ونواديها الليلية، برغم عمله القليل ونقوده الأقل. كان حبيب يقضي معظم عطلات نهاية الأسبوع في الكراخانات العربية والميدانية الواقعة في شارع يافا تل أبيب، والتي يرتادها الجنود الإنگليز واليهود.

«بس مش عمّي حبيب بيقول إنه عم يستفيد من علاقاته المنيفة مع الجنود الإنگليز في الكراخانات عشان يغيّروا سياسة حكومتهم، بخصوص هجرة اليهود لفلسطين؟».

«شو هالحكى الفاضي؟ هينا شاييفين النتيجة! كل يوم عم بيزيـد عدد السفن المحمـلة بمهاجرين يهود، والـلي بتوصل قدـام عينينا على ميناء تل أبيـب. إذا كانت الثورة بعظمتها ما قدرت تغيـر سياسة الهجرة البريطانية، بدك تقولـي إـنه عمـك السكران والجنود الإنـگليـز المسـطـولـين في الكـرـخـانـة رح يغيـرـوها، لأنـهم بـشـرمـطـوا مع بعض؟».

«لـيش لاـ؟»، سـأل صـبحـي الـذـي كان يـسـمـتع بـأـوـلـ حـوارـ لهـ معـ والـدـهـ،
رجـلاـ لـرجـلـ، ويـسـعـيـ للـمزـيدـ.

«بتـسـأـلـني لـيش لاـ؟ لإـنه كلـ الناسـ بتـضـربـ ضـدـ تحـيـزـ الإنـگـلـيـزـ لـليـهـودـ إـلـأـ هـدـولـ الشـرـامـيطـ وـالـعاـهـرـاتـ وـكـرـخـانـاتـهمـ. حـربـ وـلـأـ سـلامـ، عمرـهـمـ ما بـيـسـكـرـواـ أـبـوابـهـمـ».

«بس مش هديكاليوم الثوار حرقوا محلات في شارع شلوش؟».

«والله، يا ابنيّي، شايفك متبع منيح الأخبار السياسية والصراع في
هالبلد!».

انفجر صبحي ضاحكاً، ثم أضاف: «بس اليهود كمان بيروحوا هناك».

«شوف، يا ابنيّي، كلّ مرّة بيتفقّوا العرب واليهود على إشي بيكون
مسيبة: دعارة، تهريب، تجارة سلاح، عصابات، نهب وسرقة، وما تنسى
الجواسيس والمخبرين، بس هدول للأسف بيشتغلوا باتجاه واحد،
بتتجسسوا على قياداتنا السياسية وثوارنا، لكنْ، إحنا ما بنتجسس على
حداً».

«بتقولي كلّ هالحكى، بس لإني قلتلك بدّي أصير ميكانيكي؟».

كان صبحي يناكت والده، الذي لم يفوّت فرصة ليشتم أخيه الأصغر،
ويعطي ابنه محاضرة عن الكفاح والمقاومة:

«أنا قصدي، يا ابنيّي، أسألك إذا كانت هاي هي العيشة اللي
بحلم تعيشها؟ التدخين والسكر كلّ ليلة، وأللله أعلم أي بلاوي تانية
بيعملها عمّك في تلّ أبيب. على كلّ أظنّلك إنه هاد كلّ اللي ممكن
تعمله بهالتلاتين قرش اللي بتونخدhem. يلّا، شو ممكن الواحد يستنى
من زلزال غير الدمار؟».

صعد والد صبحي هجومه على أخيه حبيب، الذي كان يُلقب
بالزلزال، ذلك لأنه ولد في 11 تموز 1927، وهو اليوم الذي ضرب فيه
الزلزال ودمّر مدينة أريحا وعدها من المدن والبلدات. في ذلك اليوم
كانت جدّة صبحي تزور أختها في أريحا، وأنجبت حبيب قبل وفته. «من

شدَّة الرُّعب، خرج حبيب مسرعاً من رَحِم أُمِّهِ، ولم يتوقف عن الجري إلى أماكن دافئة أخرى منذ ذلك الحين»، كانت هذه نكتة العائلة.

لم يكن حبيب استثناء، فمعظم أفراد العائلة حملوا ألقاباً ترتبط بأحداث مهمّة: ثورة، حرب، أو كارثة طبيعية، وما أكثرها في فلسطين! فوالد صبحي، إسماعيل، الذي ولد سنة 1911، لُقب بالصخرة، نسبة إلى قبة الصخرة. في ذلك العام شهدت فلسطين ثورة عارمة ومظاهرات ضدّ الحفريات التي كانت تجري سرّاً أسفل مسجد قبة الصخرة في القدس. وفي حقيقة الأمر، ومع مرور الزمن، أصبح إسماعيل قاسياً مثل صخرة، وخاصة عندما كان الأمر يتعلّق بشقيقه حبيب الذي يصغره بستة عشر عاماً، وكان أقرب إلى أن يكون ابنه، وليس أخيه.

لُقب أحد أعمام صبحي، الذي ولد في العام 1915، بالجراد، لأنّه كان العام الذي اجتاحت فيه أسراب من الجراد فلسطين، مُلتهمة معظم محاصيل ذلك العام. عمّ آخر من أعمامه كان لقبه ضوء، لأنّه ولد عندما تمّ ربط مدينة يافا بشبكة الكهرباء سنة 1924، أمّا عمّه الأصغر صفوان، فكان لقبه الحيط، لأنّه ولد سنة 1929 في أثناء ثورة البرّاق. كانت هذه الثورة اتفاضاً شعبياً ضدّ الانتداب البريطاني الذي سعى إلى تغيير وضع حائط البرّاق، الذي يسمّيه اليهود حائط المبكى، في القدس. ومثل النار في الهشيم، امتدّت ثورة البرّاق إلى العديد من المدن الأخرى، وأدت إلى مجردة، راح ضحيتها 133 فلسطينياً في عدد مُدن، و166 يهودياً في الخليل. ومع الوقت صار اللقب لائقاً بصفوان عندما أتضح أنه عنيد مثل حائط.

كان إطلاق الألقاب تقليداً عائلياً وصل إلى صبحي وأشقائه، وبما أنه ولد خلال العاصفة الثلجية الكبرى في العام 1933، فقد لُقب بـ

العاشرة، بينما لُقب أخوه الأكبر جمال بإسراء، لأنّه ولد في ليلة الإسراء من العام 1931 التي عُقد فيها المؤتمر الإسلامي الذي انطلق معلناً عن رفضه لإنشاء كيان صهيوني في فلسطين. أمّا شقيقه الأصغر، فلُقب بـ أمير، لأنّه كان خلوقاً وشديد التهذيب. وفيما عدا الكوارث الطبيعية، مثل الزلازل والنيران والعواصف الثلجية والجراد، فإن الكوارث الأخرى جميعها كانت سلسلة من الانتفاضات والثورات ضدّ إقامة الدولة اليهودية في فلسطين.

شقيقة صبحي حنان، التي ولدت في أثناء ثورة 1936، حصلت على لقب فوضى، لأنّها كانت أبعد ما تكون عن الترتيب من جهة، ومن جهة أخرى، لأنّ الفوضى كانت واحدة من سمات ثورة 1936 والإضراب الكبير، والتي خاضها الفلسطينيون على مدار ثلاثة سنوات متتالية بين الأعوام 1936-1939 ضدّ القوات البريطانية والصهيونية في فلسطين.

الوحيدة من بين الأشقاء والشقيقات التي لم تكن بحاجة إلى لقب كانت كلثوم، الشقيقة الصغرى، إذ إنّها سُمّيت على اسم المطربة أمّ كلثوم، التي أقامت حفلأً غنائياً في سينما الحمراء في يافا سنة 1937. كان الجدُّ علي كَلَّما ذُكِرَ اسم كلثوم، يروي قصة مجيء أمّ كلثوم إلى فلسطين:

«والله يا سيدى، عشان أحضر الحفلة، صرفت تحويشة سنة بحالها، بس، والله، ما ندمت، إنت عارف شو يعني تسمع «الستّ»، وتشوفها! عليم الله كلّ أهل البلد طلعوا يستقبلوها، من المحافظ لأعضاء المجلس البلدي، والأعيان، وحتى الخواجات. والفالحين المصريين المعترفين إجوا من الضواحي، وناموا في الشوارع يومين، على أمل يلمحوها لـمَا وصلت المينا في يخت خاصّ. اتحاد بحارة

يافا هو اللي نظم جولتها، ودفعها ألفين جنيه فلسطيني عن كل حفلة، وعلمك، عملت خمس حفلات، تثنين في القدس وتثنين في حifa، ووحدة في يافا، يعني باختصار، عملت ثروة من جيّتها لفلسطين، عشان هيكل أجيـت أكثر من مرّة، في سنة 1931 و1935 و1937.».

أدرك صبحي أن حديثه عن عمّه حبيب أدخله في دوّامة من الجدل، فعاد ليشرح لوالده السبب وراء خياره في أن يصبح ميكانيكيًا، وليس عامل بـيـارة:

«إنت من بين كل الناس لازم تعرف معنى إنـه الواحد يكون ميكانيكي شاطر، بيقدر يصلح للناس ماكينات ومضخـات المـاء. بدـي أشوف شو بدـه يصير لـبيـارتـك إذا خـريـت مـضـخـات المـاء فيها بـدون ما تـلاقـيـ حـدا يصلـحـها!».»

«طـيـب ماـشـي، يا سـطـور، غـلـبـتـني هـالـمـرـة»، قال إسماعيل بنغمة تصالـحـيـة أبوـيـة حتـى لا يـضاـيقـ اـبـنهـ أـكـثـرـ منـ ذـلـكـ.

ولـكـ صـبـحـيـ واـصـلـ:

«إـزاـ إـنـتـ مـُـصـرـ إـنـهـ الـوـلـادـ لـازـمـ يـشـتـغلـواـ معـ أـبـوهـمـ، إـذاـ فـسـرـلـيـ لـيـشـ إـنـتـ ماـ صـرـتـ صـيـادـ مـثـلـ سـيـديـ عـلـيـ، مشـ تـرـجـّـاكـ، ولـسـاـتـهـ بـتـرـجـّـاكـ إـنـكـ تـرـوحـ مـعـهـ عـالـبـحـرـ كـلـ لـيـلـةـ بـيـطـلـعـ فـيـهـ عـالـصـيدـ؟!».

«ليـشـ الوـاحـدـ يـرـوحـ عـلـىـ بـحـرـ هـايـجـ، طـالـماـ بـيـقـدـرـ يـشـتـغلـ فـيـ الـبـيـارـةـ؟ـ وـليـشـ يـكـونـ فـيـ بـحـرـ غـدـارـ مـتـلـ بـحـرـ يـافـاـ طـوـلـ اللـيـلـ لـمـاـ يـقـدـرـ يـسـتـمـتـعـ بـدـفـءـ الشـمـسـ فـيـ بـيـارـةـ الـبـرـقـانـ كـلـ النـهـارـ؟ـ».

كان إسماعيل متلهـفاـ ليـشـرـحـ لـصـبـحـيـ ماـ عـدـهـ أـمـراـ بـدـيهـيـاـ، لهذا أـضـافـ:

«يا ابنِي، ليش أنا حاسس إنه ما عندك أيّ فكرة إيش هو برتقان يافا؟ وإيش بيعني؟! الدنيا كلّها بتفتخر ببرتقان مدینتك، وإنْت بـدك تكون ميكانيكي! برتقان يافا ذهب، ذهب صافي! واضح إنّك لـساتك صغير لـتفهم الثروة اللي بيعلموها التجار أمثال الخواجا ميخائيل أو الإخوة زهدي وعلي أبو جين أو واحد مثل عبد الغني النابلسي من هاد البرتقان. السنة الماضية لحالها تصدّر ثلاثة مليون صندوق، بـتعرف كم مليون جنيه هدول؟ بـيارات البرتقان مناجم ذهب.».

كان والد صبحي شديد الانفعال، ولكن صبحي أحباه باستهتا: «والله، يابا، كلّ اللي أنا شايفه بـرتقان، بـس مش شايف ذهب.»

«وأنا مستنّي لأنشوف مين البنت اللي بدها تتجوز ولد، بـيهلك حاله عشان تلاتين قرش في اليوم، وحاشولي حاله في كراج عـتم ومـريت!».

تسمر صبحي صامتاً، فهو لم يعد يرغب فيمواصلة هذا الجدال العقيم، ولكن، والأهمّ، لم يكن يريد أن يبوح بسرّ وحـلم، طالما راوداه، وهو الزواج من شمس. في هذه اللحظة استعاد ابتسامتها الرقيقة. لقد مضت عدة أشهر الآن وهو يحتفظ لنفسه بـسرّ لقائه بها في الصيف الماضي في موسم النبي روبين. لم يُخبر والده، ولا أيّ شخص آخر، أنه غارق حتّى أذنه في حُبّ شمس ابنة الثلاثة عشر عاماً، الابنة الكبرى لخليل السقا، مساعد أبيه الذي كانت مسؤوليتـه الرئيسـة رـيـّ بـيـارة البرتقـال. شيء ما في تلك الفتـاة أفقـد صـبحـي صـوابـه. لم يـفهم أبداً ما الذي جعلـه يـقع في حـبـها، ويـصبح عـاشـقاً مـثـلـ مـجنـونـ لـيلـىـ، هل هي ابتسامتـها أم عـينـاـها العـسلـيـتانـ الحـزـينـتانـ؟ شيء ما في خـصلـاتـ شـعـرـهاـ الكـسـتـنـائيـ جـعلـهـ يـشعـرـ أـنـهـ عـالـقـ فيـ شبـكةـ منـ شبـاكـ صـيدـ السـمـكـ، وكـالـسـمـكـ الذـيـ يـتـخـبـطـ فيـ شبـكةـ صـيدـ جـدـهـ، كانـ جـسـدـ

صحي يتقلب من جهة إلى أخرى، عاجزاً عن النوم في الليلة التي تللت رؤيتها على شاطئ مقام النبي روبين. وهل هناك مكان أفضل للوقوع في الحب من احتفالات هذا الموسم، والذي أقيم في الهواء الطلق جنوبى يافا، واستمر شهراً كاملاً، من منتصف آب إلى منتصف أيلول؟ وككل الأشياء الجميلة التي أينعت خلال موسم العطلة ذاك، أزهر الحب بين صبحي وشمس. وعلى عكس بقية أشهر السنة التي لم يلتقيا فيها إلا قليلاً، حظي الحبيبان بفرصة اللقاء والركض على رمل الشاطئ، ورعاية حبّهما البريء.

مثل مئات من البناء والأولاد الآخرين، كانت شمس تركض على الشاطئ مع شقيقها الأصغر محمد، وشقيقتيها نظيرة ونوال، وأبناء عمومتها العديدين، عندما لمح صبحي فستانها الأبيض والبرتقالي، قبل أن يقترب منها، ويغرق في ابتسامتها وعينيها الحزينتين، وحصلات شعرها الطويل المتموج مثل موج البحر. كانت ابتسامة خجولة تطفو على وجهه المتورّد كلّما استعاد ذكرى إحساسه الأول عندما حدق في وجهها لأول مرّة.

لم يعرف صبحي حينها أن الحزن الذي لمحه في عينيها كان يُنبئ بمحاساة، ستقع عليهما في المستقبل القريب. ولكنه ظلّ حتى ذلك الحين ذاك الفتى المفعم بالحياة، والذي نادراً ما فارقت ابتسامة مُحياه.

بدلة الميعاد

ارتسمت على وجه صبحي ابتسامة خجولة عندما وقف إلى جانب المعلم مصطفى والخواجا ميخائيل، أبرزتها وجنتاه العاليتان. لمعت عيناه البنيتان الصغيرتان وهو يستمع إلى معلّمه الذي كان يصفه للخواجا ميخائيل: «صغر بس حريوق وشاطر». كانت هذه الكلمات الأخيرة التي سمع معلّمه يقولها للزبون الأشبه باللورد الإنگليزي، قبل أن ينظر إليه ويقول: «روح افهملي ليش نشفت المي بدرى في أول الموسم، مع إنّه الخواجا عنده واحد من أكبر آبار المي في يافا!».

احتار صبحي هل يجلس في المقعد الأمامي أم الخلفي في سيارة الخواجا ميخائيل الـ «باكارد»، لذلك انتظر إشارة منه.

«يلّا، يا ابني، تفضّل اركب في السيّارة»، قال الخواجا وهو يشير إلى المقعد الأمامي، بينما جلس هو في مقعد السائق. دخل صبحي إلى السيّارة، وغطس في مقعده.

ترددت في ذهن صبحي كلمات جدّه على: «اقعد ساكت لاما تكون مع اللي أكبر منك».

وجوده الآن بصحبة رجل أكبر سنًا، والأهم من ذلك رجل ثري، جعل صبحي يقع ساهياً وهو ينظر عبر نافذة السيّارة، وظلّ صامتاً معظم الطريق إلى البيّارة.

بحكم عمله، اعتاد صبحي أن يرافق الزائرين إلى بيوتهم ومكاتبهم

وبياراتهم في مختلف مناطق المدينة، إلا أنها كانت المرة الأولى التي يرافق فيها شخصاً هاماً بهذا القدر، رجلاً سياسياً، وعضوًا في المجلس البلدي، ورئيس الغرفة التجارية في يافا. باختصار، كان بصحبة رجل بالغ النفوذ. بالنظر إلى ثراء الخواجا ميخائيل، فكّر صبحي بالأجر الذي سيتقاضاه منه المعلم مصطفى في حال نجح هو في إصلاح نظام الري في بيارتة. ومع أنه مجرد أجير، إلا أنه كان يعرف أن المعلم مصطفى يتتقاضى أجراً مختلفاً لقاء العمل ذاته، بناء على مظهر زيائته ومكانتهم، والمنطقة التي يعيشون أو يعملون فيها.

في نظر صبحي، وكذلك المعلم مصطفى، كانت المدينة مقسّمة جغرافياً واجتماعياً إلى ثلاث مناطق، وكذلك كانت أجور العمل التي يتتقاضاها. الأجر الأعلى كان المعلم مصطفى يتتقاضاه من قاطني الأجزاء الأكثر ثراء في المدينة، والواقعة إلى الجنوب من برج الساعة، وإلى الجنوب الشرقي منه، أحد الأبراج التي بناها السلطان عبد الحميد الثاني في عدّة مُدن، مثل يافا وعكا ونابلس وبيروت ودمشق. من بين هذه المناطق الثريّة حي العجمي، الذي أقيمت فيه أفخر الفيلات ومعظم المدارس التبشيرية والكنائس، إضافة إلى المستشفيات الفرنسية والحكومية. كذلك كان الحال بالنسبة إلى الأسعار التي يتتقاضاها المعلم مصطفى من سكّان حي الجليلة، حيث توجد فيلاً الخواجا ميخائيل، بين فيلات أخرى فخمة وحداثة غناء، وهي النزهة، الحي الأكثر حداثة بفيلاته الفاخرة وبنياته السكنية القائمة على طول شارع الملك جورج، المعروف أيضاً بشارع جمال باشا. أمّا أرخص الأسعار، فكان يتتقاضاها من سكّان البلدة القديمة التي تسكنها عائلات يافا الأكثر فقرًا، كأقارب صبحي، ومن بينهم فريدة، جدّته لأمه، وكذلك من سكّان أحيا الضواحي الشعبية، مثل سكّنة أبو كبير والبصّة في الشّمال، وسكّنة درويش وتلّ الريش في

الجنوب. معظم المناطق النائية، إن لم تكن كلّها، كانت على حدود المستوطنات والمُدن اليهودية، مثل مدينة تل أبيب في الشمال، وحولون وبيت يام في الجنوب. أمّا على أطراف المدينة، فقد سكن العمال والمهاجرون الذين قدموا للعمل في ميناء المدينة، الذي زاد نشاطه بسبب الازدهار الاقتصادي النسبي في أثناء الانتداب البريطاني بعد الكساد الكبير في العام 1929. وقبل الحرب العالمية الثانية تحديداً تدقّق الكثير من العمال إلى يافا، معظمهم من القرى الفلسطينية، وأخرون من الدول والمُدن المجاورة، مثل مصر والأردن واليمن ومنطقة حوران ومدينة حماة في سوريا. عمل معظم المهاجرين كعمال مياومين؛ إمّا في صناعة البرتقال (من زراعة وقطاف ومراقبة وتغليف وتعبئة ونقل وتصدير)، أو في الاستيراد والتصدير في ميناء المدينة، كما عملوا، أيضاً، في قطاع البناء والإنشاءات المتنامي، وفي الصناعات الخفيفة، وفي مهن صغيرة أخرى. أمّا الأجور المتوسطة، فكانت من نصيب السكّان وأصحاب المشاريع في حي الرشيدية وهي المنشيّة، حيث تعيش أسرة صبحي، والذي يُعدُّ أكبر أحياء المدينة، إذ يمتدُّ من دوار الساعة في وسط المدينة إلى تل أبيب في الشمال.

ما إن اقتربت السيارة من ميناء المدينة، حتّى تبادر إلى ذهن صبحي أنه المكان الوحيد الذي تقاضى منه المعلم مصطفى أجراً مختلَفينْ، في بينما تقاضى من التجار ومصدري البرتقال أعلىها، تقاضى من صيادي السمك أدناها على الإطلاق، وكانت هذه لفتة تقدير لصبحي، لأنَّ معظم، إن لم يكن الصياديون جميعهم في الميناء، هم أصدقاء أو معارف لجَدِّه على أو عمّه حبيب.

قطع الخواجا ميخائيل على صبحي حبل أفكاره حول الأجور المتفاوتة عندما بدأ يحدّثه:

«شو اسمك، يا ابني؟».

«اسمي صبحي إسماعيل حلاوة»، مُعطياً اسمه الكامل على أمل أن يتعرّف الخواجا ميخائيل على اسم والده، ولكنه لم يفعل.
«وكم عمرك؟».

«رح أصير ستطعش في شهر عشرة الجاي». ومع أنه في الخامسة عشرة فقط، إلّا انه كان يحبُّ أن يتظاهر بأنه أكبر بعام أو عامين.
«مع إنّك صغير، لكن، يبدو إنّه في إجماع على إنّك أشطر ميكانيكي في يافا!».

«هاد إزا الله وفّقني، يا خواجا، خلّينا نستنّى ونشوف، تكون أشطر ميكانيكي بس إزا قدرت أفهم المشكلة في نظام الريّ عندك، والأهمّ من هيك إزا نجحت في إني أحّلّها».

كان صبحي ما يزال متّهيّباً من المهمّة الصعبة التي تنتظره.

«بتمنّى تقدر، لأنّه لَهَلَّا ما حدا قدِرِيفهم ليش المَيْ نشفت بدرى هيك».

«إن شاء الله، يا خواجا، إذا الله راد، بتأمّل إني أقدر أصلّحلك إيه»، أجاب صبحي وقد أصبح أكثر توّراً.

«وأنا بوعدك إني أشتريلك أحلى بدلة إنگليزية في البلد، إذا شفت المَيْ بتدّشع في الماسورة الرئيسية كمان مرّة».

شهق صبحي، واتّسعت عيناه: «بدلة إنگليزية!»، وأخذ نفّساً عميقاً، ثمَّ قال: «إنت قلت بدلة إنگليزية، يا خواجا ميخائيل؟».

«نعم، صحيح، بدلة صوف من مانشستر، بيفصلّك ياهـا أحسن خيـاط في البلد، بتختاره إنت بنفسك». «فـكـرـتـكـ قـلـتـ بـدـلـةـ إنـجـلـيـزـيةـ!».

مدركاً أن صبحي قد يكون ميكانيكيًّا عبـريـاـ، ولكـنهـ ليسـ بالـضـرـورةـ مـلـمـاـ بـالـجـغـرـافـيـاـ، سـارـعـ لـيـطـمـئـنـهـ قـائـلاـ: «نعم، نـعـمـ، بـدـلـةـ إنـجـلـيـزـيةـ». مـانـشـسـتـرـ هيـ المـدـيـنـةـ الـلـيـ بـتـنـصـنـعـ فـيـهاـ أـفـضـلـ الـأـقـمـشـةـ الإنـجـلـيـزـيةـ». حـدـقـ فيـ بـدـلـةـ الـخـواـجاـ مـيـخـائـيلـ الـمـصـنـوـعـةـ منـ الـكتـانـ الثـمـينـ، وـلـمـ يـسـطـعـ أـنـ يـمـنـعـ نـفـسـهـ مـنـ طـرـحـ سـؤـالـ آـخـرـ: «تـاخـذـنـيـشـ، ياـ خـواـجاـ مـيـخـائـيلـ، بـسـ قـدـّيـشـ بـتـكـلـفـ بـدـلـةـ إنـجـلـيـزـيةـ أـنـيـقـةـ مـتـلـ هـايـ؟ـ».

«منـ سـبـعةـ إـلـىـ ثـمـانـ جـنـيـهـاتـ، يـعـنيـ إـشـيـ بـهـالـحـدـودـ».

ابتـلـعـ صـبـحـيـ رـيقـهـ، فـهـذـاـ الـمـبـلـغـ أـكـثـرـ مـنـ الرـاتـبـ الشـهـرـيـ لمـديـرـ مـدـرـسـةـ، وـأـكـثـرـ بـكـثـيرـ مـمـاـ يـسـتـطـيـعـ أـنـ يـوـفـرـهـ فـيـ عـامـ، وـهـذـاـ لـاـ يـعـنيـ طـبـعاـ أـنـهـ يـسـتـطـيـعـ أـنـ يـوـفـرـ قـرـشـاـ وـاحـدـاـ مـنـ الـثـلـاثـيـنـ قـرـشـاـ الـتـيـ يـحـصـلـهـاـ يـوـمـياـ.

بـهـذـهـ الـأـخـبـارـ الـمـفـرـحةـ بـدـأـتـ مـخـيـلـةـ صـبـحـيـ وـحـسـابـاتـهـ بـالـعـمـلـ عـلـىـ الـفـورـ: رـأـيـ نـفـسـهـ عـرـيـسـاـ أـنـيـقـاـ، يـقـفـ بـقـامـةـ مـنـتـصـبـةـ إـلـىـ جـانـبـ مـحـبـوبـتـهـ شـمـسـ، نـورـ حـيـاتـهـ، الـفـتـاةـ الـأـجـمـلـ فـيـ هـذـاـ الـعـالـمـ، هـوـ بـدـلـتـهـ ذـاتـ الـثـمـانـيـاتـ، وـهـيـ بـثـوـبـ الزـفـافـ الـأـبـيـضـ، كـالـأـمـيرـ وـالـأـمـيـرـةـ فـيـ صـفـحةـ كـانـ قدـ اـنـتـرـعـهـاـ مـنـ مـجـلـةـ، وـجـدـهـاـ فـيـ الـمـكـتبـةـ الـإـسـلـامـيـةـ الـتـيـ كـثـيـراـ مـاـ كـانـ يـرـتـادـهـاـ، وـلـهـذـاـ تـجـنـبـ وـلـعـدـةـ أـيـامـ الـذـهـابـ إـلـىـ تـلـكـ الـمـكـتبـةـ خـوـفـاـ مـنـ أـنـ يـعـاقـبـ عـلـىـ تـمـزـيقـ تـلـكـ الـصـفـحةـ، الـمـعـلـقـةـ الـآنـ عـلـىـ جـدارـ الـكـرـاجـ الرـمـاديـ فـوـقـ صـنـدـوقـ عـدـتهـ: هـوـسـ مـعـلـقـ فـوـقـ هـوـسـ آـخـرـ.

يـقـفـ الـعـرـيـسـ وـالـعـرـوـسـ بـيـنـ جـمـهـورـ مـُـحـتـفـلـ، بـيـنـماـ يـتـبـاهـيـ أـهـلـ

العرис (أُمّه وأبوه، إخوته وأخواته وأبناء عمومته وأطفالهم جميعهم، جدوده لامّه وأبيه، وأفراد أسرته الممتدة، وضيوفهم) بالغناء والرقص أمام أهل العروس. يستطيع المرء أن يميّز بسهولة بين لباس أهل يافا المدني واللباس الفلاحي لأهالي قرية سلامة المجاورة. ومع أن سلامة لا تبعد إلا بضعة كيلومترات إلى الشرق من يافا، إلا أن أنواع نساء عائلة شمس وضيوفهم، عائلة أبو سعد، تختلف كثيراً عن ملابس أهل يافا المدينية. في هذه اللحظة فكّر صبحي في رفض أسرته المتوقّع لزواجها من فتاة قروية، خصوصاً وأن شمس هي ابنة أحد العاملين لدى والده. الأمر الوحيد المطمئن كان كلمات المديح التي اعتاد والده أن يُعدّقها على والد شمس كلّما ورد ذكره: «لو كان عندي أكمّن عامل شغيل وعنده ضمير مثل خليل، لكنّت صاحب بياراتين، أو حتّى تلات بيارات». بفضل مثابة خليل وإخلاصه في عمله، أصبح إسماعيل مشرفاً على بيارة ضخمة، كما توفّرت لديه الإمكانيات لشراء البرتقال من بيارات أخرى. بكلمات أخرى، كان إسماعيل في طريقه إلى أن يصبح تاجر برتقال متواضعاً، إضافة إلى كونه مزارع برتقال.

الآن، وقد وعد الخواجا ميخائيل صبحي ببدلة الزفاف، شريطة أن ينجح في إصلاح نظام الريّ لديه، فقد بدأ يفكّر، وللمرة الأولى، بالحاجة لأن يبويح لوالده بسرّ حبه لشمس. توّقع أن يحتاج الأمر إلى أسبوع أو اثنين لإقناع والده وكبار العائلة بنوایاه. وربما تطلّب الأمر شهراً كاماً لعمل الترتيبات اللازمة لذهاب كبار رجال عائلته في جاهة لطلب يدها رسميّاً. سيكون من الضروري أيضاً أن يتّفقوا على تفاصيل المهر، ولكن ذلك لن يكون عائقاً، حيث إن مهور بنات القرى أقلّ بكثير من مهور بنات يافا.

وحتّى لا يقلّل من نشوة البدلة الإنگليزية الموعودة بالتفكير في اعتراضات أسرته على الزواج من شمس، أو حتّى التفكير بالقلق

السياسية في فلسطين، والمناوشات المتكررة بين يافا وتل أبيب التي ازدادت في الأشهر الأخيرة، بدأ صبحي في حساب تكاليف الرفاف: «هلاً، بعد ما أمنت البدلة الإنگليزية، يا ترى قدّيش لازم أشتغل عشان أوفر مصاريف العرس، فستان شمس، والمصاغ، والعُقد الدهب، والمهر؟ وشو بدّي أعمل لو أبوبي وإخوتي ما رضيوش يدفعوا حصّتهم من المصاريف عشان يضغطوا علىّ إني ما أتجاوز شمس؟». تخيلهم يقولون له: «من بين كلّ بنات يافا، وكلّ بنات أعمامك، ما عرفت تختار إلاّ وحدة غريبة وفلّاحة صغيرة؟ قدّيش عمرها؟ طنعش؟ تلاطعش؟ بطلّ حكي فاضي، أصلًا إنت نفسك صغير كتير على الجيزة!». أخذت أنواع الحجج كلّها تترافق في رأس صبحي.

تنهّد: «آخ بس لو ياخدوا عيوني ويشفوفوا شمسي فيهم!».

وماذا لو تبيّن أن ثمن فستان شمس كان باهظاً مثل ثمن بدلته الإنگليزية؟ في هذه الحالة لن يمانع في أن يكون الفستان أبسط من فستان الأميرة في المجلة. لو ترك الأمر له، لاختار أن ترتدي شمس الفستان الأبيض والبرتقالي الذي رأها فيه في أول لقاء لهما في موسم النبي روبين. كانت تدور وتدور وتضحك وتطاير مثل فراشة وهي تلعب مع أخواتها وصديقاتها. رأس صبحي أيضاً كان يدور في كلّ مرّة يتذكّر فيها رؤيتها لها لأول مرّة.

بعد التفكير في المدّخرات التي سيوفرها من يوميّته، توصل إلى الاستنتاج الحرّين: أنه هو وبدلته الإنگليزية عليهما الانتظار لوقت طويل. وحتى لا يقلّل من سعادة هذه اللحظة، فكر: «مثل الخواجا ميخائيل، لازم أشتغل خطوة بخطوة، أنا كمان رجل عصامي!».

بَيَارَاتِ يَا فَا

ازداد قلق صبحي عندما أعلن الخواجا ميخائيل عن وصولهما. أوقف سيارته متظراً أن تفتح البوابة المؤدية إلى بياراته. ثلاثة عمال جاؤوا مسرعين، اثنان منهم قاما بفتح البوابة الحديدية الضخمة، في حين أشار لهما الثالث بالدخول.

«يَلَّا، يا صبحي، ورجينا قدّيش إنت ميكانيكي شاطر، هات عدّتك من صندوق السيارة، والحقني».

في الوقت الذي خرج فيه صبحي من مقعده متوجهاً صوب مؤخرة السيارة ظهر من الأبواب الثلاثة للمصنع المبني من الحجر الرملي، والقائم عند مدخل البئار، عدد آخر من العمال. وبمحض أن رأوا الخواجا ميخائيل انطلقوا باتجاهه مسرعين لتحيته، والاستفسار منه عما إذا كانت الدعوة العامة للإضراب تشمل مزارعي الحمضيات أم لا.

كان صبحي قد سمع من والده عن الشائعات حول اتفاقية ضمنية، اتفق على تسميتها بـ«اتفاقية الحمضيات»، تدعى العرب والمليون على السواء إلى الامتناع عن القيام بأية أعمال تخريبية ضدّ بيارات بعضهم البعض. وبينما كان بانتظار أن يرافقه أحد رجال الخواجا ميخائيل إلى البئر، سمع أحد المشرفين يبلغ الخواجا عن قيام اثنين من عماله بتوزيع منشورات، تحرض ضدّ الاتفاقية. ولحرصه الشديد على الآتفوته فرصة الحصول على بدلته الإنكليزية، تنهى جانبًا وكأنما يقول «دعونا ننهي

عملنا قبل أن يبدأ إضراب آخر». ومن البقعة المرتفعة، حيث كان يتظر، رأى منظراً بانوراماً رائعاً لمدينة يافا، لم يكن قد رأه من قبل.

«يا إلهي، شو هالروعة!»، تتمت صبحي لنفسه، إذ كانت هذه المرة الأولى التي يرى فيها مدینته من جهة الشرق، حيث توجد معظم البيارات. امتدَّ أمام ناظريه بحر أخضر، عوضاً عن المتوسط الأزرق الذي اعتاد رؤيته، وقد طرَّزت حبات البرتقال السجادة الخضراء الممتدة أميلاً أمام عينيه، وفي بعض الأماكن، فُسِّمت أشجار النخيل الباسقة وأشجار السرو المخروطية الشكل والداكنة الخضرة المشهد، وشكّلت له إطاراً مُبرزة جماله الأحاذ.

ورغم معرفته الجيدة بزيارة والده، وبيارات كثيرة أخرى، إلا أنه لم ير ما يضاهي هذه الزيارة في حجمها، ولا في دقة تنظيمها. كان التغليم الدقيق لكل واحدة من الأشجار مدهشاً، وأكثر ما أثار إعجابه هو ضخامة نظام الري وتعقيده، والصيانة المتقدمة للقنوات الخالية من الماء التي رأها أمام عينيه.

لا بد أنهم جاؤوا بمهندسين زراعيين مختصين لتصميم هذه الشبكة المعقدة من قنوات الري الجافة، والتي يأمل أن يعيد تدفق الماء فيها قريباً، بالإضافة إلى مهندسين معماريين بارعين لبناء قصر الخواجا ميخائيل، وبيوت العمال، والمصنع القائم عند مدخل الزيارة.

مُستعيداً حواره مع والده، فهم صبحي الآن فقط لماذا يفضل أبوه أن يكون بياراً يعمل في مثل هذا النعيم، بدل أن يعمل صياد سماك وسط بحر هائج. كان والده مُحققاً عندما اختار عبر أزهار البرتقال على رائحة البحر اللاذعة. لطالما اعتقد صبحي أنه يحبُّ رائحة البحر، إلى أن امتلأت رئاته بعطر زهر البرتقال.

في مخيّلته، قارن صبحي منظر مدینته من البحر بمنظرها من الـبیارة؛ لا عجب بأن لدى تجّار البرتقال وصيادي السمك وجهات نظر مختلفة حول الحياة والسياسة، وأنهم لم يتّفقوا أبداً، وكأنهم يعيشون في كوكبٍ مختلفين، ففي حين يقضي الصيادون ليلهم في تحصيل قوتهم من البحر، يقضى تجّار البرتقال نهارهم في تحصيل قوتهم من الأرض. كُبر صبحي وهو يستمع إلى الجدل الدائم بين والده وجده. وبينما ازدهرت صناعة البرتقال في يافا، هجر المزيد من الصيادين البحر مُفضلين الأرض. كذلك كان الحال بالنسبة إلى إدارة ميناء يافا، فبينما كان الصيادون سادة الميناء لقرون طويلة، أصبح تجّار البرتقال اليوم ملوكاً له. وعلى الرّغم من وضوح هذه الفروقات التي استجدّت في السنوات الأخيرة، إلّا أن صبحي، الذي يقضي معظم وقته يصلح المحركات في عَتَمة كراجه، لم يفگرّ بهذا التناقض من قبل.

اعتداد صبحي، عندما كان يرافق جده إلى البحر، أن يرى مدینته من الغرب ناظراً باتجاه الشرق. الصورة المنطبعـة في ذهنه حتّى الآن كانت صورة البـحـارة وصيادي السمك في عرض البحر، والسفـن من مختلف الأحـجام: سفـناً كبيرة، تخـشـ المـينـاء الصـخـريـ، فـتـقـفـ بـعـيدـاً بـانتـظـارـ جـوارـمـ صـغـيرـةـ تـسـنـقـلـ جـيـئـةـ وـذـهـابـاً مـحـمـلـةـ بـالـبـضـائـعـ وـصـنـادـيقـ البرـتـقالـ الخـشـبـيـةـ منـ مـسـتـوـدـعـاتـ المـينـاءـ وـإـلـيـهاـ. منـ قـارـبـ جـدـهـ الصـغـيرـ كان يـرىـ التـلـةـ التـيـ تـقـومـ عـلـيـهاـ الـبـلـدـةـ الـقـدـيمـةـ، حـيـثـ تـعـيـشـ جـدـهـ فـرـيـدةـ، وـكـذـلـكـ الـقـلـعـةـ الـصـلـيـبـيـةـ التـيـ كـانـتـ، بـحـسـبـ أـسـتـاذـهـ، مـقـرـ الـحاـكـمـ أـبـوـ بـئـوتـ، وـالـمـلـقـبـ بـأـبـيـ يـافـاـ الـحـدـيـثـةـ. وـعـلـىـ التـلـةـ أـيـضاـ كـانـ يـرىـ دـيـرـ الـأـرـمـنـ وـدـيـرـ الـيـونـانـ، حـيـثـ يـقـيمـ الـحـجـاجـ الـمـسـيـحـيـوـنـ الـأـتـوـنـ مـنـ الـبـحـرـ فـيـ طـرـيـقـهـمـ إـلـىـ الـقـدـسـ. وـمـنـ الـبـحـرـ أـيـضاـ كـانـ يـشـاهـدـ الـبـرجـ الـمـرـبـعـ لـكـنـيـسـةـ الـقـدـيسـ بـطـرسـ، الـقـائـمـةـ عـلـىـ رـأـسـ التـلـ، وـمـسـجـدـ الـبـحـرـ الصـغـيرـ الـمـجاـورـ لـبـيـتـ

جَدِّهِ، والمنارة الحمراء، وأجزاء من مسجد المحمودي، حيث توجد إحدى أفضل المكتبات العامة، التي كان كثيراً ما يستعير منها الكُتب، أو ينتزع صفحات من مجلّاتها. ومن البحر أيضاً، كان يرى ميناء تلّ أبيب الحديث، والسفن الكبيرة التي يُهرب على متنها المهاجرون اليهود إلى داخل فلسطين، وهو ما كانت تُنكره السلطات البريطانية على الدوام.

لم يكن من السهل على صبحي أن يتعرّف على معظم البناءيات عن ذلك الْبُعد، ومن جهة الشرق. معتمداً على ذاكرته، خمّن أن المنطقة البعيدة الواقعة إلى أقصى اليسار، والمحاذية لمدينة بيت يام اليهودية، هي حيّ الجليليّة، وإلى الشّمال منها حيّ العجمي الثري. أمّا سلسلة البناءيات الواقعة على طول شارع الملك جورج، فهي حيّ النزهة الأكثر حداثة، حيث توجد أرقى المقاهي وأغلاها، كمقهى فينيسيا، مقهى النخبة، الذي طالما شاهده صبحي عن بُعد دون أن يجرؤ على دخوله. شتان ما بين هذا المقهى وبين مقهى «التيوس» المتواضع الواقع في حيّ المنشيّة، الذي اعتاد صبحي أن يرتاده. تساؤل إن كان سيمتلك الشجاعة للدخول يوماً ما إلى مقهى فينيسيا إذا حصل على بدلته الإنكليزية الموعودة؟ كان يضع في ذهنه قائمة بالأماكن الفاخرة جميعها التي يرغب بزياراتها، إذا حصل يوماً على تلك البدلة، ولكن، إلى أن يحدث ذلك، سيواصل جولته المُتخيلة في مدینته.

كان أول ما ميّزه برج الساعة العثماني القائم وسط ساحة الشهداء، المعلم الرئيس في المدينة، وحاول أن يخمن ما إذا كانت المئذنة إلى يسار برج الساعة هي مئذنة جامع البحر أم الجامع الكبير، عندما سمع اسمه: «يَلَّا، يا صبحي، إن شاء الله نشوف الخير على وجهك»، قال الخواجا ميخائيل بتحبّب، ثمَّ أمر أحد مساعديه بمرافقته.

«جيتلّك أسطر ميكانيكي في يافا عشان يحلّ المشكلة. بأكّدلك، يا معلم مروان، إزا ما قدرش هاد الشّبّ يلاقي حلّ، رح تكون فعلاً في ورطة!». كان الخواجا ميخائيل يحاول أن يطمئن المعلم مروان، الذي بدا متشكّلاً بقدرات هذا الميكانيكي لصغر سنّه. ومع أن مدح الخواجا دغدغ مشاعر صبحي، إلا أنه أثقله بمسؤولية أكبر.

سأل المعلم مروان: «في هاي الحالة، أخلّيه يفحص كلّ الآبار والبرك، ولا آخده مباشرة لخرّان المي الرئيسي؟».

«ليش تضيع الوقت؟ طبعاً خُده مباشرة للبير الشرقي الكبير، عند المضخة الرئيسية». استاء الخواجا من سؤال المعلم مروان. ربّما كان هو السبب وراء عجزهم عن حلّ المشكلة إلى الآن، ومع ذلك لم يقل شيئاً.

سأل صبحي: «قدّيش عمق الخزان الكبير؟»، آملأً أنه ليس عميقاً. فمع أنه نزل وصعد أنواع آبار المياه جميعها، إلا أنه كان يعاني من فobia الأماكن الضيقّة في الآبار التي يزيد عمقها عن عشرة أمتار. ولأنه كان قد سمع العديد من القصص المأساوية عن الآبار العميقـة، فقد كان دائمـاً يسأل عن شروط السلامة.

«ما تقلق، هاد البير عمقه مش أكثر من تمان أمتار».

«السلم اللي في البير حديدي ثابت، ولا سلم عادي؟».

«واضح إنك كتير غلبة! آسف، قصدي أقول واضح إنك حريص جداً. السلم حطّوه مهندسين ألمان، عشان هيـك ما تخاف، يعني أكيد آمن، ومثبت منـي»، أجاـبه المعلم مـروان.

«أنا بس بدّي أتأكّد إني رح أعيش حتّى ألبـس الـبدلة الإنـجليـزـية في عـرسـي».

لم يكن لدى المعلم مروان أية فكرة عما يقوله صبحي، ولكن الخواجا ميخائيل قال وهو يبتسّم: «إن شاء الله خير، يا ابني!». «إذاً، يَلَّا، خلّينا نروح نشوف الوضع».

فقط عندما مشى صبحي بين صفوف أشجار البرتقال المنتظمة الطويلة التي كانت تمتد بلا نهاية، أدرك معنى أن يكون المرء خواجا. كذلك أدرك لماذا كان تجّار البرتقال الكبار، مثل الخواجا ميخائيل، مؤيّدين لاتفاقية الحمضيات، حتّى هو نفسه لا يريد أن يرى هذه الجنّة محترقة أو مدمرة. بدأ يدرك أيضاً لماذا كان الخواجا ميخائيل ضدّ الدعوة إلى الإضراب المفتوح الذي سيتسبب بخسائر كبيرة لتجارة البرتقال. في هذه اللحظة بالذات رُنِّت في أذنيه كلمات والده: «برتقان يafa دهب، دهب صافي!».

البدلة: أن تكون أو لا تكون

مثل جراح بارع، وقبل أن يختفي في عَتمَة البئر، دار صبغي حول نظام الري، وتفقد أجزاءه جميعها: فحص الأنوب الرئيسي، ليتأكد من عدم وجود أي انسداد فيه، ثم وضع ذراعيه القويتين على الدولاب الفولاذي، ودفعه، فدار كما هو متوقع. تفحص كذلك الجبل والفلكة: لا يبدو أن فيما أي خلل. بعد أن اطمأن إلى سلامة هذه الأجزاء، أصبح من الضروري أن يغامر بالدخول إلى أعماق البئر، لفحص الأنابيب الصاعدة والبكرات في القاع.

بيدين وقدميه ثابتتين، نزل صبغي، ابن الخمسة عشر عاماً، درجات السلم المعدني ببطء، حتى تعتاد عيناه على عَتمَة البئر. ورغم تحوله وخفته، إلا أنه أخذ الحيطة، ولم يُسرع. حين أصبح في عمق البئر أشعل مصابحه اليدوي، ليتفحّص المكان، ولدهشهته وحسن حظه، رأى انعكاس صورته وضوء مصابحه اليدوي على سطح الماء في الأسفل. شعر بالارتياح لأن الماء لم يجف، كما افترض الخواجا ميخائيل، وحينها استنتج أن المشكلة ميكانيكية. الآن تمنى صبغي أن تكون المشكلة في الأنابيب الصاعدة فوق مستوى الماء، وليس في الرافع المعمورة تحت الماء في قاع البئر.

بسرعة وخففة أخذ ينزل ويصعد السلم، ليفحص الأنوب الصاعد، ويتأكد من أن المشكلة كانت تكمن فعلاً في غلاف الأنوب. لم يستطع أن يتمالك نفسه، فقهقه وصرخ بنشوة: «آآاه، يا شمس، حضري حالك، هيني جايكي ومعي بدلتني الإنگليزية!».

«شو مالك؟ في إشي؟ صارلك إشي؟»، سأله المعلم مروان، الذي كان ينتظر صبحي عند باب البئر.

«لألا، ما في شي، بس أظنّ إني عرفت وين المشكلة».

«عن جَد! خِيرْنِي شو المشكلة»، علق المعلم مروان دون أن يُخفي دهشته.

«بعدين، بعدين بشرحلك»، أجاب صبحي بثقة المحترف.

وبمجرد أن بدأ بصعود السلم باتجاه ضوء النهار، سيطرت البدلة ولونها على تفكيره: «هل من الأجمل أن تكون رمادية أم زرقاء؟ داكنة أم فاتحة؟ هل أتزوج في الشتاء، لأن البدلة صوف إنگليزي أم في الصيف كما يفعل معظم الناس؟».

وما إن خرج من البئر حتى جاء الخواجا ميخائيل مسرعاً ليسمع الأخبار السعيدة.

«الخبر الحلو إنه المَيْ ما نشفت، البير مليان لأكتر من نصُّه».

«أخبار عظيمة، رَيَّحتُني. قدّيش كنت خايف إنه مشكلة المَيْ والريّ تخسرنا محصول السنة كله».

«لا سمح الله»، قال صبحي، ثم أضاف: «المشكلة في غلاف الأنبوب الرئيسي، مصدّي ومهري. عشان هيك لازم أرجع على الورشة، وأعمل قطع جديدة بدل المصدية، لإتها في حالتها هاي بتخلّي الهوا يدخل للأنبوب، وبتمنع المَيْ ترتفع وتطلع من المواسير».

«معنى هيك إِنْك رح تقدر تصليحها، يا صبحي؟».

«بعون الله، بِقدِّر، يا خواجا».

«رجاء، يا معلم مروان، خد صبحي بسيّارتك لورشة المعلم مصطفى، واستئنَّ معه لحدٍ ما يصلح القطع الضرورية أو يشتري غيرها. خلّيك معه حتى لو أخذ اليوم بطوله».

«حاضر، أكيد، يا خواجا».

ولإدراكه لحجم قلق الخواجا وكلّ منْ حوله من عدم تمكّنهم من رِّي أشجار البرتقال لأكثر من أسبوعين في هذا الوقت الحرج من العام، كان المعلم مروان على استعداد لأن يبقى مع صبحي مهما طال الوقت إلى أن يعود بالأجزاء الجديدة.

وللاستفادة من كُل لحظة، توجّها مُسرعين إلى سيارة المعلم مروان المتواضعة، وانطلقا على طريق الملك فيصل، الذي بنَّته حكومة الانتداب البريطاني لتسهيل حركة النقل بين بَيَارَات البرتقال إلى الشرق من يافا والميناء. سارا على طول طريق القدس، إلى أن وصلا شوارع حيِّ المنشية الضيقَة.

بفخر واعتزاز بقدراته، شرح صبحي لمعلمته تشخيصه للمشكلة، وبِإيمان قاطع بقدرات صبيِّه الميكانيكي، سارع المعلم مصطفى إلى مساعدته لإنجاز عمله على أكمل وجه، وهكذا كانت القطع الجديدة الازمة جاهزة خلال ساعتين.

بالعودة إلى بَيَارَة الخواجا ميخائيل، وإلى عَتمَة البئر، تمكّن صبحي من استبدال الأجزاء الصدئة والمهرئة أجزاء جديدة، بإشراف الخواجا ومساعدة المعلم مروان وعامل آخر. وبعد أن رَكَّب كُل شيء في مكانه، صَعدَ من عَتمَة البئر إلى ضوء النهار في الأعلى، وهو يحسُّ بخفة وكأنما يحلق في السماء السابعة. وما إن أصبح فوق الأرض حتّى انتشر الخبر

السعيد في أنحاء البيارة كلّها، والتّفّ عشرات العمال حول الخواجا ميخائيل وصحي. بدا الجوُ الاحتفالي مثل حفلة تدشين، كان صحي فيه ضيف شرف على وشك أن يقصُّ الشريط الأحمر، وكان على قدر المناسبة، وبطريقة درامية كيّة، مَدَ ذراعه، وشَغَلَ مضخة الماء. وبعد عدّة حشرجات، وبضع اهتزازات قوية، تدفق الماء في الأنابيب. «هيبيبي، مبروك!»، صاح العمال، وصفقوا وهم يهنئون الخواجا ميخائيل وأنفسهم على عودة الماء.

الآن، وبعد الاحتفال بعودة المياه إلى مجاريها، بقي بعض العمال حول الخواجا ميخائيل وصحي، في حين عاد الآخرون إلى أعمالهم، خصوصاً «السقاية»، وهو العمال الذين كانت مهمتهم الرئيسة سقاية أشجار البرتقال، وهو ما لم يفعلوه خلال أسبوعين كاملين. تذكّر صحي خليل، والد شمس، عندما رأى السقاية يركضون في كلّ اتجاه للقيام بعملهم.

عندما خلا المكان من العمال، وانفرد صحي بالخواجا ميخائيل والمعلم مروان، تأمّل أن تكون هذه لحظة تعبير الخواجا ميخائيل عن امتنانه بذكر الشيء الوحيد الذي يشغل باله، ولكن الخواجا اكتفى بالقول: «بالفعل، يا صحي، إنت بتستاهل شهرتك، اليوم أثبتت إنت أسطر ميكانيكي في يافا».

«شكراً، يا خواجا».

«قول للمعلم مصطفى إني رح أمرّ عليه في الورشة بُكرا عشان أدفع الحساب».

«حاضر، يا خواجا، رح أحكيله».

«خد هذا البقشيش إلك، وما تخبّر معلمك عنه»، قال الخواجا وهو

يناوله خمسين قرشاً. ومع أن هذا المبلغ أكثر من يوميّته، إلّا أنه أخذه وهو خائب الأمل. كان يرغب في أن يستفسر عن البدلة الموعودة، ولكنه شعر بالخجل.

«شكراً، يا خواجا»، أجابه صبحي، ثمَّ انحنى، وحمل صندوق العدّة، ومشى إلى جانبه باتجاه البوابة الرئيسة.

«يا معلم مروان، تعال وَصُلْ صبحي بالسيّارة».

«حاضر، يا خواجا»، أجاب المعلم مروان، وأخرج من جيده مفاتيح السيّارة.

«طِيب والبدلة؟»، ظلَّ صبحي يكرر لنفسه، ولكنه تردد في تذكير الخواجا ميخائيل بها.

بقلب مُثقل، مشى بجوار القنوات التي أصبحت الآن ممتلئة بالماء المتتدفق في طريقه لينعش أشجار البرتقال، كما أنعش صاحبها. لوهلة غمرته السعادة عندما سمع الخواجا ميخائيل يقول: «يا إلهي، كيف نسيت؟»، معتقداً أنه تذكر وعده دون أن يضطرَّ صبحي لإحراج نفسه. لكن إحساسه بخيبة الأمل تضاعف عندما أكمل الخواجا قائلاً: «نسيت تماماً إنه عندي اجتماع في غرفة التجارة، عشان هيك رح أوصلك بنفسي، إزا مش للمنشية، على الأقلْ بنزلك قريب، وإنْت بتكمِل الطريق مشي للورشة».

«طِيب، شو بالنسبة إلى البدلة؟»، كان هذا كلَّ ما فكَّر فيه صبحي.

ظلَّ صامتاً معظم الطريق، على أمل أن يتذكَّر الخواجا ميخائيل بدلته، كما تذكَّر اجتماعه في غرفة التجارة. منعه كبراؤه عن السؤال، وعزَّزَ نفسه بنفسه: «صحيح إني ميكانيكي شاطر، بس أكيد مش شحَّاد».

جلس بهدوء في المقعد الأمامي، وعلى الرّغم من خيبة أمله، استمتع بالرحلة في الشوّارع الترابية وسط أكبر البيارات في يافا. كان سعيداً بالتعرّف على أسماء أغنى تجّار البرتقال الذين كان يذكّرهم الخواجا ميخائيل: «هاري بيارَة الإخوة أبو الجبين، وهاري بيارَة عبد الغني النابلسي، أكبر بيارَة في المدينة، مساحتها عشرآلاف دونم». لم يستطع صبحي أن يتخيّل بيارَة أكبر من بيارَة الخواجا ميخائيل. «وهاري البيارتة ملك لعائلة أبو لبن، وهاري لعائلة أحمد المهتمي من قرية سَلْمة». قفز قلب صبحي في صدره عندما سمع اسم قرية شمس على لسان الخواجا ميخائيل. فمجرّد ذِكر اسم سَلْمة عنى أنها ليست قرية نكرة.

«إيش قُلت، يا خواجا؟ سَلْمة؟»، أراد صبحي أن يسمع الاسم مرّة تلو الأخرى.

«صحيح، قرية سَلْمة بعد هاد المفرق».

«بعد المفرق؟ أي مفرق؟»، سأله صبحي مع أنه كان يعرف تماماً أين تقع سَلْمة، قرية معبدته شمس.

«قصدت إنه بيارَات سَلْمة جنب بيارَات يافا. أكثر العمال في بيارَتي من أهل سَلْمة».

أحسّ صبحي بنبض قلبه يتسرّع لذِكر قرية حبيبته، وشعر أنها أقرب مما يتخيّل، ولكنه عاد من جديد ليفكّر بالشيء الوحيد الذي كان يحاول أن ينساه. وعندما وصل إلى مفرق طريق القدس، استدار الخواجا بالسيارة يساراً، بينما أشار بيده في الاتّجاه المعاكس، قائلاً: «إذا رُحت لليمين بتلاقي حالك في سَلْمة». كم تمنّى صبحي لو أنّهما يستديران يميناً، وليس يساراً. هذا هو الطريق الذي تمنّى أن يسلكه،

ولكن، فقط إذا تذَكَّر الخواجا ميخائيل وعده، أو إذا استجتمع هو شجاعته ليذَكُّره به.

شيء ما في نبع أبو نُبُوت ذي القُبَّتين الذي مُرُوا به ذَكْرَه بجدّته فريدة ونظرتُها في التخاطر: «إذا رَكِّزْتْ تفكيرك على إشي أو حدا، فهاد الإشي أو هاد الحدا بالآخر رح يقرأ أفكارك، وييجيك، بس لازم تركّر، تركّر منيح»، وهذا ما فعله صبحي طوال بقية الطريق. لانشغاله ببدلته الموعودة، لم يتتبه إلى أن سيارة الخواجا ميخائيل كانت قد علقت في أزمة مرور بسبب مظاهرة أخرى ضدّ السياسة البريطانية. سمع هتافات المتظاهرين، ومن بعيد استطاع أن يقرأ بعض اليافطات الضخمة التي كانوا يحملونها.

«أوقفوا هجرة اليهود إلى فلسطين العربية الآن».

«لا للتقسيم».

«امنحوهم وطنًا قوميًّا في بريطانيا العظمى، وليس في فلسطين الصغرى».

«لا، وألف لا، للاستيلاء على الأرض العربية».

«لا للصهيونية».

رَغْم كثرة اليافطات المرفوعة، إلَّا أن اليافطة الوحيدة التي لفتت انتباه الخواجا ميخائيل كانت «الإضراب المفتوح واجب وطني».

«الله يكون في عوننا، بتمنّى ما ندخل في دوامة الإضراب المفتوح زي ما صار سنة 36»، تذمّر الخواجا ميخائيل، بينما كان ينتظر أن يشير له الشرطي إلى طريق بديل، فيما كانت مجموعة من الجنود الإنگليز تفرق المتظاهرين بوحشية.

فوجئ صبحي من تعليق الخواجا ميخائيل على التظاهرة، وكذلك على إضراب 1936، خاصة وأنه كان يشارك في مظاهرات أيام الجمعة التي كانت تبدأ من جامع يافا الكبير، وتتجمع في ساحة برج الساعة، التي تُسمى أيضاً ساحة الشهداء. صحيح أنه كان في الثالثة من عمره فقط في أثناء ثورة 1936، ولكنه استمع إلى الكثير من قصص البطولات، من والده وجده، عن الثوار الذين تصدوا لوعد بلفور والسياسات البريطانية المنحازة للميليشيات الصهيونية، والتي درّبتهم، وسمحت لهم بتهريب اليهود والأسلحة إلى فلسطين.

روى له جده على مراراً كيف فجر سلاح الهندسة الملكي البريطاني بيته والعديد من البيوت الأخرى المجاورة: «مش عارف شو الملكي فيهم؟ بتذكر هداك اليوم كأنه مبارح. كان يوم 29 حزيران 1936، ويومها رمت علينا طيارات القوات البريطانية من الجو مناشير بتعطينا مهلة يوم واحد حتى نخلِّي بيوتنا. وقبل ما نعرف شو عم بصير، قامت علينا جهنَّم، ومتل النمل، ألف مؤلفة، وبقول ألف ومئات، من الجنود الإنگлиз ملُّوا الشوارع والحرارات في البلدة القديمة، وواحد ورا الثاني كانت البيوت تنحال مثل الكرتون. بدوا بتفجير البيوت من الشرق، وظلُّوا يفجروا بالдинاميت لحد ما وصلوا البحر. عملوا طريق عريض في وسط المدينة. راحت القصبة، راحت البيوت القديمة، راح الجامع، راحت الدكاكين، راحوا الناس، وراح بيت جدك. وقتها جينا وسكنَا في المنشية».

أخذ جدُّ صبحي نفسيّاً عميقاً، ثم أضاف: «رجعوا الجنود الإنگлиз بعد كم يوم مرّة تانية عشان يهدُّوا كمان منطقة من البلدة القديمة حتى يقدروا يسيطرُوا على مناطق تواجد المقاتلين الفلسطينيين». ومن هداك

الوقت انطفت البلدة القديمة في يافا، بس البَسَس والكلاب والناس الفقرا والمشكليجية ضلوا عايشين هناك، وحماتي فريدة طبعاً، قال الجدُّ ضاحكاً، ثمَّ أكمل: «سميناها مجرزة، لكن الإنگليز سُمُّوها «عملية تجميل» وتحسين للبلدة القديمة. وحتى مهندس البلدية في حينها سمّاها «مدينة رومانية» لإنه صار فيها شارعين مقاطعين، واحد سُمُّوه دكيومانوس مكسيموس، والثاني كاردو مكسيموس، وما تسأل جدّك الغلبان إيش بيطلعوا هدول المانوس والإيموس».

قطع صوت الخواجا ميخائيل حبل أفكار صبحي، وأعاده للحاضر: «صدّقني، يا صبحي، لا الناس ولا الاقتصاد ممكِّن يتحملوا ستّ أشهر تانية من الإضراب زي ما صار في ثورة 1936، اللي انتهت مع بداية الحرب العالمية الثانية. الناس اللي بدعوا لإضراب مفتوح ما عندهم أيّ فكرة شو هاد يعني للأقتصاد الفلسطيني، ولا شو بتعني خسارة محصول السنة من البرقان».

إضراب أو غير إضراب، أرض الميعاد أو غيره، عاد صبحي للهلوسة حول بدلته الإنگليزية الموعودة.

فقط عندما أوقف الخواجا ميخائيل السيارة بجانب مبني البلدية، وصافح صبحي، وشكّره على خدماته، وذكّره بأن يُلْغِي المعلم مصطفى أنه سيمر عليه في الغد لتسوية الحساب، قرر صبحي أن يقول ما يجول في خاطره. فتح باب السيارة ببطء، وأخرج إحدى ساقيه ببطء أيضاً، ثمَّ أخيراً استجمع شجاعته: «وشو بالنسبة إلى البدلة الإنگليزية، يا خواجا؟»، قال ذلك وقد احمر وجهه، وتعرّق جسده من شدَّة الحرّ.

«يا إلهي، طبعاً، البدلة»، قال الخواجا ميخائيل، ثمَّ أضاف: «اعذرني، يا ابني، أرجوك سامحني، نسيت أمر البدلة تماماً! ادخل للسيارة، ادخل».

كان ذلك من المواقف التي يسبق فيها الفعل الكلام. وكما يحدث في السينما في مشهد معكوس، رجعت ساق صبحي إلى السيارة، وأغلق الباب، وانطلقت السيارة مسرعة من جديد.

«خَبْرِنِي، يا ابني، مِنْ الْخِيَاطِ الَّتِي عِنْدَهُ قِيَاسَاتِكَ؟».

«قياساتي!»، احتار صبحي بماذا يجيب، لأنّه لم يرغب بالاعتراف للخواجا بأنّ قياساته لا توجد عند أيّ خياط، لا في يافا، ولا في غيرها، لأنّه لم يملك أبداً، ولم يحلم أبداً، بامتلاك بدلة قبل اليوم.

«ولا خيّاط»، اعترف صبحي بعد أن استجمّع نفسه، آملاً أن هذه الحقيقة قد تنتهي به عند خياط الخواجا ميخائيل، الأمهر والأغنى في حي العجمي أو حي الجبلية.

«شو قصدك بولا خيّاط؟».

أدرك صبحي أنّ الخواجا كان في عجلة من أمره للذهاب إلى اجتماع الغرفة التجارية التي كان يرأسها، لذلك لم يشاً أن يخاطر أكثر، وفجأة تذكّر اسم خياط في حيّهم.

«شو رأيك بالخياط حسن أبو الجبين في شارع المنشية؟».

«ما كنتش أعرف إنه في خيّاط من عائلة أبو الجبين، يا ترى بيقرب للأخوين أبو الجبين؟».

كان زهدي ومحمد أبو الجبين من بين أغنى تجار يافا، وتمّنّ صبحي ألا يكونا من الخصوم أو المنافسين للخواجا ميخائيل. ظلّ صامتاً بينما يرکّز على الطريق، فقد كان يخشى أن يرتكب خطأً وهو يدلّ الخواجا على المكان، ولكن لحسن حظه، كانت المحيطة بيافطتها الحمراء الكبيرة التي كُتب عليها «مخيطة حسن أبو الجبين» أمامهم مباشرة.

يافا أمُّ الغريب

«تفضّلوا، تفضّلوا»، رحّب الخياط حسن بودٌ مبالغ فيه لحظة دخول صبحي والخواجا ميخائيل إلى مخيطته، كان هذا الترحيب بالزوّار الغرباء هو ما أعطى يافا لقبها المستحق «أمُّ الغريب»، ولعلَّ لطف الخياط الرائد يعود إلى الظهور غير المتوقع لرجل غني وأنيق في محلِّه المتواضع.

لا شكَّ أن لهجة حسن اليافاوية المُرجبة قد خففت من التوتر في جسد صبحي وروحه.

«تحت أمرك، سيدى، كيف بقدر أساعدك؟»، سأله الخياط حسن الخواجا ميخائيل.

«بدّي ياك تفصّل لها الشّبّ أحسن بدلَة مقابل خدماته العظيمة».

«بدلَة إنگليزية»، قال صبحي مؤكّداً على الكلمة إنگليزية، ثمَّ أضاف: «قصدِي أقول في عندك قماش إنگليزي؟». كان هذا هو الشيء الوحيد الذي يجعل البدلَة إنگليزية في نظر صبحي.

«عندِي أحسن قماش صوف من مانشستر»، أجاب حسن الخياط، وهو يتساءل في نفسه عن طبيعة العلاقة بين الرجل الغني والعامل الشاب ذي البنية القوية. قطع الخياط تخيلاته وعاد إلى موضوع البدلَة: «تفرّجْ وشوف، أيّ قطعة قماش بتفضّل من بين هدول؟».

«بقدر أشوف هاي القماشة، لو سمحت؟».

«هاي؟».

«لا، لا، القماشة الجوخ اللي جنبها، اللي لونها رمادي غامق مخططة بالأحمر».

«آه، يا جدع، مبيّن عليك ذوقك رفيع!»، ولم يكن واضحًا ما إذا كان الخياط حسن يشير إلى اختيار صبحي للخواجا ميخائيل أو لقطعة القماش الثمينة. شيء ما في كلام الخياط أزعج صبحي، وأشعره بعدم الارتياح، وانتابه شعور بأنه كان يستخف به أو يسخر منه.

باهتمام مبالغ فيه، سحب الخياط عدداً من لفّات أثواب القماش، ووضعها على الطاولة الخشبية، حيث كان يقف الخواجا ميخائيل وصبحي. وبلطف شديد وضع صبحي كفه الخشنة على الصوف الإنگليزي الناعم، وكأنه يتحسّس محبوبته شمس في ليلة زفافهما.

«أعجبتك؟ هاي اللي بدّك ياه؟»، سأل الخواجا ميخائيل مشيراً إلى أنه على عجلة من أمره.

«أيوه، يا خواجا، حبيتها كثير، كتير ناعمة وحلوة، شكرأ».

«طيب، يا سيد أبو الجبين، قدّيش سعر القماشة وتكلفة خياطة البذلة؟».

«ثمان جنيهات، يا سيدتي، لا شك إنّه الشّبّ اللي معك ذوقه مكلف ورفيع».

«صحيح»، ردّ الخواجا وعلى وجهه ابتسامة خفية، «بيستاهل أكيد بعد كلّ اللي عملّي ياهاليوم، مش رح أقدر أوّفيه حقّه مهما عملت».

لم يرغب الخياط حسن في الدخول في تفاصيل «العمل»، ولكن خياله لم يتوقف طوال الوقت.

«طّيب إذاً»، قال الخواجا ميخائيل بمرح، بينما أخرج محفظته، ودفع الجنيهات الثمانية، هذه الجنيهات التي سيتذكّرها صبحي لبقيّة عمره الطويل: كانت هناك أربع أوراق، واحدة حمراء وثلاث خضراء.

استأذن الخواجا ميخائيل قائلاً: «اعذروني، تأخرت على موعدى، لازم أغادر حالاً.

وكانه في حُلم، رافق صبحي الخواجا ميخائيل إلى خارج المخيطه، ومشى معه نحو السيارة، وانتظر إلى أن اختفت الـ «باكارد» السوداء قبل أن يعود مسرعاً. وبمجرد دخوله مرّة أخرى إلى المخيطه، رمى بنفسه على مقعد في زاوية المحل: «يا إلهي، شو كانت شغالة متعبه وطويله، بس أنا طاير عقلني على اللي حصلته مقابل خدماتي».

ظلّ الخياط العاجز عن الكلام واقفاً لا يعرف ماذا عليه أن يفكّر أو يقول. مرّت لحظات طويلة ومحرجة قبل أن يقطع الصمت: «خبرني لما تكون جاهر عشان آخذ قياساتك».

«معلش، ما تأخذني، سيد حسن، بس أعطيني دقايق عبال ما أقط نفسي، وألتمن على حالى».

«خد وقتك، يا ابني، أنا هيني قاعد هون، ما في سبب للعجلة»، أجاب الخياط مبتسمًا، بينما ذهب إلى الخلف، ليجلس وراء ماكينة الخياطة ماركة «سينغر». أخذ يفكّر في العلاقة المشبوهة بين هذا الفتى وذلك الأب الثري الذي ناداه بابني، داعياً الله ألا يتورّط ابنه في مثل هذه العلاقات.

«أنا جاهز»، قال صبحي وهو يقف فارداً طوله بفخر أمام المرأة.

«ما تحرّك، لفّ، اثني دراعك، ارفع إيديك التنتين لفوق، نزلهم تحت، ماشي، خلّصنا. بدلتك تكون جاهزة بعد خمس أيام، يا ابني».

«الأربعاء، الخميس، الجمعة، السبت، الأحد، عظيم، تكون عندك يوم الاثنين الصبح بدري».

«مش بدري كتير، لإنّي بفتحش قبل الساعة عشرة».

«الساعة عشرة؟»، سأل صبحي باستغراب، ثمّ قال: «آسف، يا سيدي، ما كانش قصدي أتدخل في شغلك، تكون عندك الساعة عشرة بالضبط».

«أنا بتأخر في الشغل المسا، لأنّه أكثر زباني بيجهوا بعد ما يخلصوا شغل».

«أنا فاهم، فاهم، بعضنا بيشتغل من الصبح بدري، وبعضنا بيتأخر في الشغل في المسا، لكن، كل واحد فينا بيحب شغله»، أجاب صبحي، وابتسم للخيّاط ابتسامة واسعة.

غادر صبحي مخيط أبو الجبين مُغلقاً الباب بحرص، وهو يعدُّ الأيام بانتظار يوم الاثنين.

مكتبة
t.me/soramnqraa

ثلاث ورقات خضراء وورقة حمراء

تمُوز 1947

جافى النوم عيني صبحي في الليلة التي سبقت موعد استلام البدلة الإنگليزية. لا شك أن أيام الانتظار الخمسة كانت بطيئة ومؤلمة مثل الأيام التي تسبق موسم النبي روبين. كان ذلك هو الوقت الوحيد في السنة الذي يستطيع فيه، ليس فقط الخروج من ضجيج الكراج وعتمة الآبار، ليرى الشمس وشمسه، بل أن يقضى معها شهراً بأكمله.

أكثر ما أقلق صبحي كانت الدعوات المتواصلة لإضراب مفتوح ضد مشروع التقسيم. فبينما كان الحزب العربي ومعظم الاتّحادات (بما فيها اتحاد العمال الذي ينتمي إليه) مع إضراب مفتوح، كان حزب الدفاع المعتدل وحزب النجادة مع إضراب قصير، مدته ثلاثة أيام.

«شو هالغبا!»، قال المعلم مصطفى معتبرضاً، «أنا مش فاهم كيف الإضراب المفتوح وتعطيل مصالحنا بدُده يوقف مشروع التقسيم، أو تدفق اليهود على بلادنا؟!». كان معظم أصحاب المحلات، ليس فقط في المنطقة الصناعية، ولكن، أيضاً في أجزاء أخرى من المدينة، يشاركون المعلم مصطفى هذا الرأي، فهذه الدعوات إلى إضراب مفتوح أيقظت الخوف والذكريات السيئة لثورة 1936. ومع أن صبحي كان يخالف معلمه الرأي، إلا أنه هذه المرة كان يتوقع إلى استلام بدلته قبل أن يبدأ أي إضراب. الآن فقط فهم كيف تحدد مصالح الأشخاص مواقفهم

السياسية. لم يكن يتخيل، هو الذي شارك في مسيرات أيام الجمعة جميعها، أن يتّخذ يوماً موقفاً ضدَ الإضرابات. ومثل الخواجا ميخائيل والمعلم مصطفى، كانت مصلحة صبحي هذه المرّة تتطلّب أن يمسك بدلته في يد، وشمس في اليد الأخرى. خشي من أن التصعيد في الهجمات المتبادلة بين العرب واليهود سيعيق كل إمكانية لرؤية شمس أو اللقاء بها، خصوصاً وأنه سرت شائعات بأن بلدية يافا تفكّر في إلغاء موسم النبي روبين لهذا العام خوفاً من هجمات الصهاينة على تجمعات المدنيين الفلسطينيين، وإن صحَ ذلك، فسيحرّم من المكان الوحيد الذي يمكنه أن يلتقي فيه شمس بحرّية.

لخمسة أيام متتالية، ظلَّ صبحي مهووساً بالجنيهات الثمانية التي دفعها الخواجا ميخائيل. كان يستعيد في ذهنه مشهد الخواجا وهو يُخرج من جيده محفظة جلدية، ويسحب، من دون تردد، ورقة حمراء وثلاث أوراق خضراء. وبذهنه المتوقّد، استعاد شكل الأوراق ولونها، بالوضوح نفسه الذي استعاد فيه لون وملمس قماش بدلته. كُتب على الورقة الحمراء بحروف كبيرة «خمسة جنيهات فلسطينية»، بينما كُتب على الأوراق الخضراء المائلة للصُّفْرَة «جنيه فلسطيني واحد». على رأس كلَّ ورقة نقدية،قرأ بحروف كبيرة Palestine Currency Board «مجلس فلسطين للنقد». مُحملقاً في الأوراق وهي تنتقل من يدي الخواجا إلى يدي الخياط، لاحظ أن ورقة الجنيه الواحد تحمل صورة قبة الصخرة، في حين تحمل ورقة الخمسة جنيهات صورة برج، لم يستطع تمييزه. ولأنه فتن فصيح، خصوصاً في الرياضيات، فقد حاول أن يحفظ الأرقام المكتوبة على ورقات الجنيه ذات اللوئين الأخضر والأصفر: ٦٣٧٧٥٨، ٦٣٧٧٥٩، A877125 المكتوب على ورقة الخمسة جنيهات ذات اللوئين الأحمر والأبيض. ولأنه كان

يتقاضى أجرته يومياً، كان معتاداً على عملة المئة ملليم التي يدفعها له معلمّه، والخمسة أو عشرة قروش التي كان يدفعها ثمناً لقهوة، والشلن أو الشلنين التي كان ينفقها في مقهى التيوس، حيث كان هو وأصحابه يقضون معظم أمسيّاتهم يلعبون الورق ويتجادلون في السياسة. كان يُنفق الشلنات أيضاً على أشياء بدأ يشتريها سراً عن أفراد عائلته، وخاصة والده: السجائر وهدايا شمس التي كان يخبئها في جاروره.

على طول الثلاثة كيلومترات التي تفصل بين بيته والمحيطة، أو بينه وبين بدلته الإنكليزية، ولاؤل مرّة في حياته، أغار صبحي انتباهه إلى ما يرتديه الرجال الآخرون العابرون في الشارع.

القليل فقط من الرجال الأكبر سنّاً ارتدوا البدلات، وهؤلاء لم يتجاوز عددهم الخمسة، بينما لم ير أحداً يرتديها من الشبان في مثل سنّه. كانت ملابس معظم الرجال مثل ملابس والده وجده: القمباز التقليدي المفتوح من الأمام، بعضهم يلبس فوقه «جاكيت» داكن اللون، والآخرون يكتفون به. لاحظ أيضاً الجلابة المصرية التقليدية الطويلة، بحزام على الخصر، التي كان يرتديها العديد من العمال، ولكن، لم يجد أيّ من المارّين في الشارع بأناقة الخواجا ميخائيل، أو ب أناقته هو عندما سيلبس بدلته الإنكليزية خلال ساعات.

تمشّى لعدّة دقائق جيئةً وذهاباً أمام المحل قبل أن يصل الخياط حسن.

«إيش؟ الهيئة إنه في واحد ما نام مبارح!»، قال حسن بتودّد، مما يعني أنه تجاوز قصة التاجر الغني والعامل، أو أنه على الأغلب سمع، كما سمع الكثيرون في يافا، عن قدرات هذا الميكانيكي الشاب الذكي والجدير بالثناء.

«آه، طمنّي، إن شاء الله بدلتي جاهزة؟»، تساءل صبحي بقلق.

«طبعاً جاهزة»، أجا به الخياط حسن، وأضاف: «الموعد موعد، الواحد ما بيصير يتأخّر على زبائنه». وافق صبحي الخياط على مبدأ الالتزام بالوقت وعدم التأخّر على الزبائن، فقد كان دائماً يصل إلى الكراج في الصباح الباكر، أي قبل وصول معلمه أو أيٌ من زبائنه بساعات. وتقديراً لأهمية البدلة، ولإعطائها الاهتمام الذي تستحقه، أراد صبحي أخذ اليوم بأكمله إجازة، ليتسنى له أن يجربها في المحيطة، ويتركها عند الخياط حسن، إذ قيل له إن الخياطين يحتاجون عادة إلى «بروفة» أو اثنتين. أمّا إذا حالفه الحظُّ وكانت جاهزة، فسيأخذها إلى البيت، ويريها لأمّه وجده قبل أن يعلقها في الخزانة.

ولكونه ميكانيكيًا ملتزماً وصاحب ضمير، فقد أبلغ معلمه أنه يحتاج إلى إجازة هذا اليوم، دون أن يخبره بالسبب.

«شاييفك متّحّمّ ومجهفهف اليوم!»، علق حسن وكأنه يذكّره بكم كان متسخاً ومتعرقاً عندما جاء مع الخواجا. ولتلهمه على قياس البدلة، قرر صبحي أن يتغاضى عن الإهانة ويمتنع عن الردّ. لم يشا أن يدخل في نقاش مفصّل، ويخبر حسن أنه، احتفاء ببدلته، استيقظ مبكراً اليوم، وحلق شعره، وأخذ «حمام أبو سبع زوام» في الحمام التركي. وعوضاً عن حلقة عمّه حبيب المجانية، قرر الذهاب إلى بلال، أشطر حلّاق في المنشية، وعلى الرّغم من شهرته لم يتردّد صبحي في إعطاء الحلّاق المعلم تعليمات دقيقة: «بدي ياك تحقللي حلقة على آخر موضة».

عندما دقق الحلّاق في بشاعة قصة شعر صبحي، أجا به بازدراء: «طيب، طيب، تفضل اقعدْ».

وبدل أن تكون حلاقة على الموضة، بدا صبحي بقصة الشّعر القصير مثل جندي بريطاني، وأبعد ما يكون عن صورة العريس التي تمثّلها في هذا اليوم. ومع ذلك، فإن هذه القصّة كانت أفضل بكثير من قصّة عمّه السكير حبيب في المرّة الماضية.

بعد أن حلق شعره، جاء الوقت لكي يهتم ببقية جسده، فانطلق من صالون الحلاق إلى الحمام التركي القريب من بيت جدّته في البلدة القديمة. وبينما اعتاد بعض الرجال الذهاب إلى الحمام العام بشكل منتظم، إلا أن معظمهم، مثل صبحي، اكتفوا بالذهاب في عيد الفطر والأضحى، أي مرّتين فقط في السنة، ولكن الأهم بالنسبة إلى صبحي أن الشباب الذين يكبرونه ببضعة أعوام كانوا يذهبون إلى الحمام استعداداً للليلة زفافهم. «هات لك كمان لفة دعك»، رجا صبحي الرجل نصف العاري، الذي دعكه بكيس أسود خشن الصابون النابلسي.

«ما عندك صابون غار حلبي؟».

«إذا بدك صابون غار حلبي صنف أول في، بس بدك تدفع قرش زيادة».

«ماشي، بدفعلك القرش الزيادة. بدّي رحة الغار، هاد اليوم أهمّ يوم في حياتي».

«إيسبييش، كنك ناوي على خير تصير عريس وأنا مش داري؟! ولا هيئتك ناوي تقابل حبيبتك، مش هيكل؟».

«مش بالضبط، بس يعني تقريباً».

وما إن ذكر الرجل حبيبته، بينما يفرك ظهره بالماء الدافئ وصابون الغار، حتّى سرت رعشة في جسد صبحي، وثارت رغبته.

«تستحيش، بتحصل مع أكتر الرجال وأنا بفركلهم ضهورهم أو الأجزاء الداخلية من أفخادهم. أهم إيشي إنك ما تهجم علي!»، قال الرجل السمين قبل أن يطلق ضحكة تردد صداها في أرجاء غرف الحمام التركي الضبابية.

«ما تقلق، أنا مش واحد من هدولاك»، ردّ صبحي وهو يضحك. «بس أنا واحد منهم»، أجاب الرجل مُطلقاً ضحكة، انطلق صداها عبر الكُوي الزجاجية الزرقاء للباب التي تُدخل الضوء الرومانسي إلى الحمام.

بالعودة إلى المخيطة.

تبعدت عينا صبحي البراقتان الخياط حسن وهو يذهب لإحضار بدنته. أضاء قلبه ووجهه عندما رأى البدلة الرمادية ذات الخطوط الحمراء الرقيقة.

«روعة!»، صرخ صبحي.

«عن جَد اختيارك ممتاز، هاد القماش ناعم وسهل الشغل فيه، متل العجين». .

«متل العجين!». لم يرق لصبحي تشبيه بدنته الإنكليزية الساحرة بالعجين، ولكنه هذه المرة أيضاً امتنع عن التعليق. وباهتمام كبير، فرد حسن البدلة على الطاولة العريضة أمام صبحي. مسح صبحي كفيه الكبيرتين على بنطاله قبل أن يتحسس الجاكيت بلطف عدّة مرات، ثم ابتسم.

«شايِف ما أحلاها!».

«بتجنن!».

«طيب، اترك الجاكيت على الطاولة، وخذ البنطلون، وروح على غرفة القياس هناك، البُسُه، وارجعلي. لازم أشوفه عليك».

تبع صبحي تعليمات الخياط، وبعد وقت قصير، خرج من غرفة القياس، ومشى باتجاه الخياط وهو ينظر إلى الأسفل مُعجبًا ببنطاله الجديد، ومحسساً مؤخرته البارزة بكفيه الكبيرتين.

«قرب عليّ، ولِف».

ومن جديد تبع صبحي تعليمات الخياط.

«عظيم، عظيم. شايِف، لما الواحد يكون نحيف وطويل، بيكون سهل إِنه القياس يربط من أول بروفة».

أسعدت كلمات حسن صبحي، الذي استمر في تحسُّس بنطاله من الخلف.

«طيب، خلّينا هلاً نجرّب الجاكيت»، قال حسن وهو يساعد صبحي في ارتدائه.

«ممتأز. دير حالك، وخلينا نشوّف كيف وضع الأكتاف من ورا».

أدّار صبحي جسمه، بينما كان ينظر إلى المرأة.

«لأ، مش هيـك! دير جسمك كـله مع راسـك، ووقفـه دغـري، بدـي أشـوف كـيف بتـدلـي من ورا».

«بتدلىٌ؟ وين؟»، سأل صبحي بذعر، جعل الخياط يضحك.

«يتدلّى بلغة الخياطين معناها يهدل بدون طعجات».

«مرة بيقولي متل العجين، وهلأ بيقولي يتدلّى، شو هاي التعبير؟».

الآن، وقد أصبحت البدلة شبه جاهزة، تضاءل قلق صبحي، وارتاحت أعصابه، وبدأ يتبادل الحديث مع الخياط.

«الحقيقة إنه البدلة لابستك ليسن، تمام التمام. طيب، هلأ لف، واططلع على».

وكطبيب محترف، تفحّص حسن أجزاء البدلة كلّها، وهو يطلب من صبحي أن يثنى ذراعيه، ويرفع يديه، ثم يجلس، يقف، ينحني إلى الأمام، ويسأله إن كان مرتاحاً. وبعد أن فحص البدلة، وكذلك فحص صبحي، بدأ حسن يدرك سرّ انجذاب الخواجا ميخائيل إليه، ولكن ذهن صبحي كان سارحا في مكان آخر تماماً.

بعد أن اجتاز الفحص، تجمّد أمام المرأة، وذهل من أناقة البدلة، وأذهله أكثركم بدا مختلفاً. وللمرة الأولى لاحظ أنه كان فعلاً صبياً وسيماً، كما كانت أمّه تكرّر باستمرار: «صبحي أحلى واحد في ولادي، ولاد وبنات». اتبه كم كتفاه عريستان، بما يكفي لتضع شمس رأسها، وتفرد خصلات شعرها الطويلة عليهما. رأى في المرأة شمس تقف إلى جواره بفستانها الأبيض، ولكن كلمات الخياط أعادته إلى الواقع: «طيب، يا ابني، بما إنه البدلة ما بدها أيّ تعديل، أسلّحها، وخلّيني أكملها. لازم أخيط الأطراف، وأكويها شوي، وأعلّلقيك ياك على علاقة. ارجع بعد ساعة زمان، بتكون جاهزة».

«بِقُدْرِ أَسْتَنَّا هُونَ؟»، سَأَلْ صَبَحِي.

«بَدَّكْ تَسْتَنَّا هُونَ؟»، أَجَابُ الْخِيَاطُ مُنْدَهِشًا، ثُمَّ أَضَافَ: «طَبِعًا،
بِتِقْدِرِ تَسْتَنَّا هُونَ».

شِعْرٌ صَبَحِي بِعَدَمِ الْأَرْتِيَاحِ وَهُوَ يَمْشِي جَيْئَةً وَذَهَابًا دَاخِلَ الْمُخِيَطَةِ،
فَخَرَجَ يَمْشِي عَلَى الرَّصِيفِ، إِلَى أَنْ أَشَارَ لِهِ حَسْنٌ إِشَارَةً تَدْلُّ عَلَى أَنَّ
الْبَدْلَةَ أَصْبَحَتْ جَاهِرَةً.

«مِبْرُوكُ، أَنَا كَتِيرٌ مِبْسُوطٌ لِإِنِّي فَصَّلْتِكَ بَدْلَتِكَ الْأُولَى. رَحْ أَخْلِيُّ
مَقَاسَاتِكَ عِنْدِي عَشَانِ الْبَدْلَةَ التَّانِيَةَ وَالتَّالِيَةَ، وَعَقبَالِ مَا أَفَصَّلَكَ بَدْلَةَ
عَرْسَكَ بَعْدَ أَكْمَنَ سَنَةً. قَدِّيشَ عَمْرَكَ؟».

«خَمْسَطَعْشُ، وَرَحْ أَصِيرُ سَطْعَشُ قَرِيبٌ».

«لَسَّاتِكَ صَغِيرٌ، عَنَّا وَقْتٌ كَتِيرٌ لَسَّهُ».

لَمْ يَخْطُرْ عَلَى بَالِ صَبَحِيِّ وَالْخِيَاطِ حِينَهَا أَنَّ الْفَدَ الذِي يَنْتَظِرُ
مَدِينَتَهُمَا سِيَجْعَلُ مِنَ الْمُسْتَحِيلِ أَنْ يَلْتَقِيَا مُجَدِّدًا لِخِيَاطَةِ بَدْلَةِ ثَانِيَةِ
أَوْ ثَالِثَةَ، نَاهِيَّكَ عَنْ تَفْصِيلِ بَدْلَةِ زَفَافٍ.

الخواجا صبحي

حمل صبحي بدلته الإنگلizerية الجديدة، وخرج إلى شارع المحطة المزدحم متسائلاً ماذا سيفعل الآن؟ وأين سيذهب؟ إذ لا يمكن لهذا اليوم أن يمضي عادياً مثل أيّ يوم آخر. ومن شدة خوفه من أن تلامس بدلته الأرض، كان يرفع العلاقة الخشبية عالياً، وينقلها من يد إلى يد، وهو يفكّر كيف يقضي هذا اليوم الذي أصبح فيه الحُلم حقيقة.

وما إن اقترب من محطة قطارات يafa حتّى تذكّر أن ركوب القطار من يafa إلى القدس كان أحد أمنياته العديدة التي لم تتحقق بعد. سأل نفسه عمّا إذا كانت هذه هي الطريقة التي سيتحفّي بها بدلته اليوم؟!

آه، لو أن الظروف كانت مختلفة، لو أنه لم يكن يخشى من اعتراض عائلته على زواجه من فتاة قروية، أو لو أن شمس كانت في مثل عمره، لكان تزوجها فوراً، ولكنها لا تزال في الثالثة عشرة من عمرها، أي أن عليه أن يتّنطر ثلاث سنوات أخرى قبل أن يسمح له القانون بالزواج منها. لولا هذه التعقيدات كلّها، لقفَّ إلى باص، يأخذه من وسط يafa إلى سلامة. كم تمنّى لو يستطيع زيارة شمس في بيتها أو مدرستها ليرئها بدللة زفافه.

وهو يعبر شارع المحطة بحذر، خطر له سيناريو آخر: لو أن أحباء يafa الغنية والفقيرة لم تكن منفصلة إلى هذا الحدّ، لكان من الطبيعي أن يذهب إلى حي الجبلية، حيث يسكن الخواجا ميخائيل، ليرئه بدلته الرائعة ذات الثمانية جنيهات، ولكن هذا غير ممكن. ولمّا تيقّن من أنه

لن يستطيع أن يذهب ببدلته إلى شمس أو الخواجا ميخائيل، اختار أن يذهب إلى البيت، هناك سيرتديةها، ويتبخر بها مثل عارض أزياء أمام أمّه خديجة، وجَدُّه لأبيه صحيحة، ثم يعلقها في خزانته، ويدّهـب لإصلاح المزيد من مضخات المياه في الكراج. ولكن العمل كان آخر ما يريد أن يفعله في ذلك اليوم.

في طريقه إلى البيت مرّ بجوار سوق اليهود، أكثر أسواق الخضار والفاكهـة في يافا شعبية وازدحاماً، حيث كان هو وعائلته وجيرانهم يتسوقون. ابتسـم وهو يتذكّر كيف اعتـرض عمّه حبيب بشدة على سبـب تسمـيـته بسوق اليهود، عندما قال له صـبحـي: «الأستاذ حـكانـنا إنـهـ هـادـ السوق الليـ ابنيـ فيـ سـنةـ 1928ـ عـلـىـ الحـدـ بـيـنـ يـافـاـ وـتـلـ أـبـيـبـ، تـسـمـيـهـ هـيـكـ لـإـنـهـ اليـهـودـ بـيـمـلـكـوـاـ كـتـيرـ مـنـ الـمـحـلـاتـ فـيـهـ، أوـ لـإـنـهـ جـنـبـ نـيفـيـهـ تـسـيـدـكـ (الـحـيـ الـيـهـودـيـ شـرقـ الـمـنـشـيـةـ)، وـعـشـانـ هـيـكـ كـتـيرـ مـنـ زـيـانـيـهـ يـهـودـ».

«أـيـ خـلـصـنـاـ!ـ»، صـاحـ عـمـهـ حـبـيبـ، «ـشـوـهـالـمـدـرـسـةـ اللـيـ بـتـرـوحـ عـلـيـهـ؟ـ وـمـينـ الأـسـتـاذـ الـغـبـيـ اللـيـ بـحـكـيـلـكـمـ هـالـحـكـيـ الـفـاضـيـ؟ـ تـعـالـ مـعـيـ مشـانـ أـفـرـجـيـكـ شـوـإـشـيـ الـيـهـودـيـ فـيـهـ:ـ اـحـكـيـ لـأـسـتـاذـكـ الـفـصـيـحـ إـنـهـ اـسـمـهـ سـوقـ الـيـهـودـ،ـ لـإـنـهـ بـيـنـغـلـ نـغـلـ بـالـشـراـمـيـطـ الـيـهـودـيـاتـ،ـ وـمـشـ لـإـنـهـ فـيـ تـجـارـ يـهـودــ.ـ فـهـمـتـ لـيـشـ اـسـمـهـ هـيـكـ؟ـ»ـ.

غمـرـتـ الـحـمـرـةـ وـجـهـ صـبـحـيـ،ـ وـانتـابـهـ الفـضـولـ وـهـوـ يـتـخيـلـ نـفـسـهـ ذـاهـباـ معـ عـمـهـ لـرـؤـيـةـ الـعـاهـرـاتـ فـيـ ذـلـكـ السـوقـ.ـ كـانـ هـذـاـ أـيـضاـ أـحـدـ الـأـسـيـاءـ الـتـيـ أـرـادـ أـنـ يـفـعـلـهـاـ،ـ وـلـكـنـهـ لـمـ يـمـلـكـ الـجـرأـةـ بـعـدـ.

«ـيـاـ رـيـتـ أـبـقـيـ أـرـوـحـ مـعـكـ شـيـ يـوـمـ عـشـانـ أـشـوـفـهـمـ»ـ،ـ قـالـ دـوـنـ أـنـ يـجـرـؤـ عـلـىـ التـلـفـظـ بـكـلـمـةـ شـراـمـيـطــ.

«بَدْك تروح معي عشان تشففهم؟ إنت ما بتروح عشان تشففهم، إنت بتروح عشان تركبهم، وبرضه يركبوك، وين مُحَك، يا صبي؟».

«والله، إذا بروح هناك أبوى ليدبخني!».

«أبوك رح يدبخنا إحنا الجوز إزا باخد ابنه اللي عمره لسه خمس طعشر سنة عشان يدق بالشراميط، يلّا طوّل بالك، بلكي من هون لسنة سنتين بتقُوي قلبك، وبتروح هناك مع صاحب بعمرك. على كل حال، أقولك وبين بتلاقي أحسن شرمومطين في البلد؟ بتروح على الجزء الشرقي من السوق في المنطقة القريبة على نيفيه تسيديك، ورا دكان ياكوف، ويتسأل عن ليَا أو شوشانا. أي وحدة من هدول التنتين بليلة وحدة بتعلّمك إيش معنى الحياة والمتعة. وقتها بس بتفهم، يا صبحي، إيش اللي رايح عليك وعلى غيرك. وكل اللي بقدر أقولك ياه، يا ابن أخي العزيز، إنه المدارس الحقيقية اللي بتخلّيك تفهم الحياة هي الشوارع والكراسات، مش المدارس اللي بتتضيّع عمرك فيها. وإذا بدك تتعلّم كيف تصير رجال وتقدّر تدافع عن بلدك، بدك تتعلّم من الرعنان في الشوارع، والشراميط بالذات همّه اللي بيعلموك كيف تمارس الحرب والسلام مع عدوّك. وهيك رح تكتشف على بيّك إنه النسوان بس همّه اللي بيعطوا الحياة معناها ومتعتها».

على عكس معظم أفراد أسرته، وخصوصاً والده، كان صبحي يحبّ عمّه حبيب، وأحد أسباب ذلك وقوفه إلى جانبه ودفاعه عن خيارة في ترك المدرسة لتحقيق حُلمه في أن يصبح ميكانيكيّاً. كان صبحي يأمل أن يكون عمّه حبيب في صفة هذه المرأة أيضاً، وأن يدافعاً عن خيارة في أن يتبع قلبه، ويتزوج شمس. ورغم أنه كان مخموراً أغلب الأحيان، إلا أن صبحي كان معجباً بروحه الحرّة، وبخفة دمه، وسرعة بديهته وافتتاحه وحبّه للحياة، وبأنه لم يأبه في حياته بأيّ قانون أو تقليد، ولم يتردد يوماً

في أن يقول للآخرين ما يريد في وجوههم، وهو ما كان يزعج الكثيرين من حوله، خصوصاً أخاه الأكبر إسماعيل، والد صحي، الذي كان يقول: «والله ما أنا قادر أفهم كيف بطن وحدة ملاك مثل إمّي قدر يتحمل شيطان متلك تسع شهور بحالها؟! لو إنها عارفة بذلك تطلع هيكل كان طرحت حالها قبل ما تشرف عالدنيا!».

«يقطع لسانك، يا إسماعيل! شو هالحكي اللي بتقوله؟ الام بتحب ولادها قد بعض، مشكلة حبيب إنه بيشرب، وغير هيكل عنده قلب من دهب، دهب صافي»، ترد صحية، جدة صحي، بغضب، فهي، أيضاً، لديها قلب يفيض بمحبة ابنها حبيب.

«الشرب، والتدخين، والشراميط، والتهريب، والمشاكل، والطُوش اللي ما بتخلص، هاد غير البارودة اللي لقيوها الإنگليز تحت تخته، والله بيعلم إيش كمان! آه، وكمان الصحبة وشغل الجلأ جلأ مع أصحابه اليهود والإنگليز، وكمان، وكمان ...». وكما في كل مرّة ينفلت فيها إسماعيل بمثل هذا الكلام، كان حبيب يغادر المكان، بينما تستميت أمّه صحية في الدفاع عنه أو إنتهاء النقاش.

بالعودة إلى سوق اليهود.

بغض النظر عن السبب الحقيقي وراء تسمية سوق اليهود باسمه هذا، إلا أن المرور فيه جعل صحي يفگر بالتواترات المتتصاعدة والمناوشات والقتال بين العرب واليهود في الأشهر الأخيرة، فمنذ أن أعلن الإنگليز عن نيتهم إنهاء الانتداب على فلسطين وسحب قواهم منها خلال العام، صعدت العصابات اليهودية المسلحة، مثل الهاغاناه، وإيتسل ولحي، هجماتها على الأماكن التي يتجمع فيها الفلسطينيون،

كالمقاهمي ودُور السينما، والأحياء العربية المحاذية للمستوطنات اليهودية، مثل سكنة أبو كبير في الشّمال، وسكنة درويش وتلّ الريش في الجنوب، وأيضاً في الأجزاء الشّمالية الشرقيّة من حيّ المنشيّة، حيث تعيش أسرة صبحي.

وهو يمشي في شارع المحطة بالقرب من مركز الشرطة مرّ صبحي بالنادي الإسلامي، حيث يلعب كرة القدم أيام الجمعة، ويتلقّى التدريب على استخدام البنادق. فكُر بالسياسة البريطانيّة غير المتوازنة تجاه الميليشيات اليهودية والعربيّة، والتي أدّت إلى تفُوق الميليشيات الصهيونية بطبيعة الحال، في بينما سمح الإنگليز للمقاتلين الصهاينة بالانضمام إلى قوّات الحلفاء في الحرب العالمية الثانية، وغضّوا النظر عن تهريبهم للسلاح إلى فلسطين، كان الفلسطيني يتلقّى حُكماً بالسجن لعاميْن في حال عُثر بحوزته على رصاصة واحدة، ناهيك عن بندقية أو قبّلة يدوية. لكن، رغم الإحباط، فقد انضمَّ صبحي وأخوه جمال والعديد من أصدقائهم إلى ميليشيا الحِي التي أسسها حزب النِّجادة، ولكنهم لم يحصلوا إلَّا على القليل من التدريب بسبب ندرة السلاح والذخيرة.

لم يفهم صبحي لماذا خطرت في باله هذه المشكلات كلّها، في حين من المفترض أن يكون سعيداً في هذا اليوم! صار يخشى من أن يكون الوضع السياسي المتدهور عائقاً آخر أمام زواجه من شمس. آه، كم يتمنّى أن يتزوج بها الآن فوراً! سعيداً بوصوله إلى البيت، استرخي قليلاً مُبعداً الأفكار كلّها التي تذكّره بصعوبة حصوله على شمس، ونادي فور دخوله بصوت عالٍ: «يُمَا، سُتّي، إنتو في الدار؟». أراد أن يحظى باهتمام أمّه وجَدّته اللتين لا بدّ وأنهما في البيت في هذا الوقت من النهار، ولكن، بدل ذلك أجابه صوت أجشّ: «صبحي، شو جاييك عالدار

بدرى هيك؟ في إشي، يا سيدى؟»، كان هذا جَدّه على، الذى كثيراً ما كان ينام في النهار، ويدهب إلى الصيد في الليل.

«فشن إشي، يا سيدى، بس إجيت أفرجي إِمّي بدلتك الجديدة».

«شو قلت؟ إخخخ إخخخ إخخخخ»، كان الشخير هو كُلّ ما حصل عليه صبحي من جَدّه.

«بشوفك رجعت ومعك بدلتك الجديدة! ما كان بدها أىّ تعديل؟ ما أحلاها يُمّا، جَرّتها، خَلّيني أشوفها عليك»، قالت خديجة، أمّ صبحي، وهي تخرج من المطبخ إلى غرفة المعيشة حاملة أحشاء الخروف التي كانت تحشوها باللحم والأرز لإعداد الكرشات والفوارغ.

«يا سلام، طبختي المفضلة، بدُّه ييجينا ضيوف؟».

«أىّ ضيوف يُمّا؟! إحنا محتفلين ببدلتك الإنگليزية، روح ارمح يُمّا، غيرّ، مش قادرة أستنى تأشوفك بهالبدلة! لو كنت أكبر بأكمّنْ سنة كان دُورتلك على عروس، أصلًا في براسي وحدة إلك».

لم يرغب صبحي بالدخول مع أمّه في نقاش عقيم حول العروس التي تفَكَّر فيها، فانطلق إلى غرفته، وعاد فارداً طوله بفخر بينما كان يتعرّق. الآن فقط أدرك أن بدلته الصوف الإنگليزية لم تكن مناسبة أبداً لصيف يafa الحار والرطب. مع ذلك، ومن أجل خاطر شمس، وكذلك من أجل الجولة الكبرى التي كان يخطط لها حول المدينة، فقد ظلّ مُرتدياً البدلة، في حين جعله تفكيره في شمس يتعرّق أكثر.

«الله يرضى عليك، يُمّا، يا حبيبي، والله شكلك مثل أمير أو عريس، يَلَّا اكبر خلّيني أجوزك، أو عِيز بدلتك لأنوك جمال، هَيُو بدُّه يتجوّز في الصيف الجاي».

«لأ، يمّا ولا يمكن، هاي بدلة عرسى!».

«بتمنّى، يمّا، استنالك أكمّنْ سنة، وعندى إلك أحلى عروس يا فاوّيّة»، عادت أمّه إلى الموضوع نفسه من جديد.

«ليش يا فاوّيّة؟»، كان صبحي يحاول أن يوحّي لامّه أنه قد ينتهي بالزواج من فتاة غير يا فاوّيّة.

«ولأ منْ وين بدها تكون، يا حبيبي؟ من الشام ولا بيروت؟».

«لأ، من مطرح أقرب بكثير».

«والله، يمّا، إنت شبّ حلية وزيّ القمر، وأي بنت بتشفوك من يا فا ولا غير يافا، صغيرة ولا كبيرة، رح تقتل حالها عشان تتجوّزك»، ثم اقترست منه، وقبلته بين عينيه. «طّيب، يلّا حبيبي، شو رأيك تشلح البذلة، وتخبّها، لأنّي براهنك إنه كلّ إخوتكم وولاد عمامكم حتى أبوكم رح يصيروا بدهم يستعيروا هالبذلة الرائعة منك في أيّ مناسبة بتMarco عليهم».

«على جشي، مش رح أغيرها، وكمان مش رح أسلحها، بدّي أضل لابسها لآخر النهار».

«لآخر النهار، يمّا؟»، سألته أمّه وهي تختفي مع الفوارغ في المطبخ، «ما تتأخر، يمّا، ما إنت عارف إنه بصير طخ وانفجارات كتير بالليل، والناس بتقول إنه الإنگليز ممكن يرجعوا يفرضوا منع التجوّل في الليل على يافا».

«عشان خاطرك وعشان خاطر الكرشات رح أروح المسا بدري».

«يا عرص، إنت رح ترجع بدري عشان الكرشات مش عشاني»، صاحت أمّه من المطبخ تمازجه.

كбриاء إنكليزي

شيء ما في البدلة الإنكليزية منح صبحي إحساساً بالثقة واعتداداً بالنفس. هذه المشاعر الجميلة لم تراوده من قبل رغم أنه لم يكن يفتقر أبداً منها. كان يدرك أنه يملك الكثير: فهو بارع في عمله، ذكي، مهذب، لطيف العشر، وذلك كله إضافة إلى كونه شاباً وسيماً.

هل هذا ما يشعر به الأغنياء أمثال الخواجا ميخائيل عندما يرتدون بدلاً لهم الإنكليزية، أنيقين وواثقين من أنفسهم؟ تساؤل صبحي وهو يتذكر كيف أخرج الخواجا ميخائيل محفظته الجلدية اللامعة من جيبه، ودفع الجنيهات الثمانية. «صحيح أنا ما عندي محفظة مليانة جنيهات خضرا وحمرا، بس بهيك بدلة أنا متأكد إنه الناس رح يفترضوا إنه معندي محفظة مليانة مصاري».

شعر صبحي وكأنه رجل إنكليزي، بطوله الفارع وكبرائه، والآن فقط فهم السرّ وراء سلوك الإنكليز، غرورهم واعتدادهم بأنفسهم. تذكر المحاضرة السياسية التي كان يلقيها عمّه حبيب كلّما كان يشمل، الأمر الذي كان يحدث دائماً: «ملعون أبو الإنكليز اللي أعطوا فلسطين للصهاينة، لو أنهم ما استعمروش العالم وعملوا سياسة فرق تسدّ كان العالم ي يكون بألف خير اليوم. خُد مني، الإنكليز ما عندهم قلب، يعني فكرك الناس اللي استعبدوا وباعوا ملايين من الأفارقة للأمريكان بدهمّش بييعونا وبيبعوا أرضنا للشيطان؟ ما هم باعونا وخلّصوا، بس إحنا العرب اللي خُنّا العثمانيين لصالحهم، وشو أخذنا بالمقابل؟ وعد بلفور! وبعدين مين

هُوَ اللورد بلفور اللّي ما حدا بعرف أصله ولا فصله عشان يعطي بلادنا للمهاجرين اليهود اللّي وصلوا مبارح، وليش؟ أنا بقولك الإنگليز بيعتبروا العالم كرخانة كبيرة، بنيكوا عرضنا في النهار، وبنيكوا الشراميط في الليل. أنا بشوفهم في الكراخانات العربية واليهودية طول الوقت».

«بيكفي، سدّ بوْزك، وما في داعي تتفسخر بالزنى اللّي بتزته، إنت أسوأ منهم كلّهم على بعض»، قال إسماعيل الذي لم يكن يفوّت أية فرصة لقول كلمات جارحة لأخيه الأصغر حبيب.

كان آخر ما أراده صبحي في هذا اليوم أن ينشغل بالوضع السياسي المضطرب، أو حتّى أن يتحدّث في السياسة، ولكنّ ما ذكره بذلك كان البدلة وشعوره بالثقة وهو يرتديها. مكتبة سُرْ من قرأ

أخيراً صفا ذهنه. الشيء الوحيد الذي أحبّ أن يفعله اليوم هو أن يستمتع بهيئة الجديدة، وهكذا قرر أن يذهب في رحلة عرض أزياء كبرى في أرجاء المدينة. فكّر في الذهاب إلى أماكن يعرفها، وأماكن أخرى لا يعرفها. استعرض في ذهنه الأماكن الفاخرة والراقية كلّها في شارع الملك جورج وهي النزهة الجديد، أماكن كانت كثيراً ما تشعره بالرهبة، ولم يملك الجرأة أبداً للذهاب إليها. عَدَ هذه الأماكن على أصابعه: مقهى فينيسيا، قاعة فندق إنتركونتيننتال، حيث يأمل أن يصادف أحد المشاهير العرب من المغنى والممثلين والكتّاب والشعراء الذين يأتون إلى الفندق لإجراء مقابلات مع إذاعة الشرق الأدنى، وسيتما الحمراء. فكّر أيضاً بزيارة النادي الأرثوذكسي، الفريق المنافس لنادي «الإسلامي»، حيث لم يكن الأولاد المسلمين الفقراء مثله موضع ترحيب، ولم يُسمح لهم بالدخول إليه. أراد أن يتفرّج على القرنيات على طول شارع إسكندر عوض الشيك، أراد أن يحلم بـ«شمسه» في ثوب الزفاف الأبيض. خطر له أيضاً أن يتمشّ في شوارع حيّ العجمي وهي الجبلية. صحيح أنه

كميكانيكي كان قد سبق له أن ذهب إلى العديد من الفيلات الفخمة، حيث أصلاح أنواع مضخات المياه والمحركات جميعها، ولكن، دائماً يبدئن ملؤثين وبنطال «ساحل»، ومعه صندوق عدته. وأراد أخيراً، إذا سمح له الوقت، أن يختم جولته الكبرى في مكتبة الاستقلال الجديدة الواقعة بجانب مبنى البلدية الجديدة في شارع الملك جورج. كان يحب الكتب كثيراً، إلا أنه لم يملك أبداً المال الكافي لشرائها، ولهذا كثيراً ما كان يقضى ساعات طويلة وهو يقرأ الكتب التي ينتقلاً عنها رفوف المكتبة الإسلامية، أو يستعير بعضها، عندما كان يذهب إليها بعد صلاة الجمعة، أو بعد مظاهرات يوم الجمعة التي كانت تنطلق بالقرب من المكتبة العامة. ومع أنه ترك المدرسة في عمر مبكر، ليصبح ميكانيكيأً، إلا أن الكتب ظلت رفيقة وشقيقه الثالث، بعد شمس والمakinat.

شعر صبحي بأن البدلة الإنكليزية كانت أقرب ما تكون إلى جواز سفر إنكليزي، أتاح له الدخول إلى أماكن محترمة عليه في مدینته، أماكن كان يراها من بعيد ولكنه لم يجرؤ أبداً على الذهاب إليها.

لكي يستمتع بجولته الاستعراضية إلى أقصى حدّ، احتاج صبحي إلى استدانة بضعة جنيهات، يضيفها إلى النصف جنيه الذي أعطاه له الخواجا ميخائيل.

لم يخطر في باله بهذه المهمة سوى المعلم مصطفى وعمه حبيب. كان واثقاً من أن معلمه سيُقرره المبلغ، أولاً لأنّه يحبه، وأيضاً، وهو الأهم، لأنّه كان يقدّر جيداً كفاءته، وبراعته التي حققت له سمعة طيبة وزبائن أثرياء. كان يقول له: «رَحْ أزعّل كتير إزا بتتركتني وبتروح تشتعل عند حدا غيري، أوعى تعملها، يا صبحي». كان المعلم مصطفى يمدحه دائماً في وجهه، ولكنه كان يزيد أجره فقط بقدر ما يسمح به الوضع السياسي المضطرب والوضع الاقتصادي المتراجي في زمن الحرب. كان صبحي على يقين أيضاً

من أن عُمَّه حبيب سيفعل أقصى ما يستطيع ليساعده: «ولو، طبعاً، يا رجل! حتَّى لو معيش مصاري برضورح أداينك ياهم، ولو بتداينهم من الشراميط. قدِيش بدَّك؟»، تردد صدى استجابة عُمَّه حبيب في أذنيه حتَّى قبل أن يذهب إلى الميناء، ليجده في مقهى المدفع، حيث كان يقضي ساعات العصر، قبل أن تسرقه الخمر والنساء من يافا، وتأخذاه إلى تل أبيب، ليقضي فيها معظم الليل. وقد أشاع إسماعيل، والد صبحي، أن أخيه حبيب كان ينفق معظم نقوذه على راشيل اليهودية «العاهرة»، التي استأجر لها شقَّة في عمارة أبو خضرا على طريق يافا تل أبيب. ولكن، برغم هذه الشائعات، لم يكن حبيب يتربَّد في مَدِيد العون لأيٍّ من أفراد أسرته وأصدقائه، بمَنْ فيهم شقيقه إسماعيل.

الأرملة الشابة: أمُّ زهرة

بعد أن أكمل صبحي التخطيط لجولته الاستعراضية الكبرى، بدأ بالسير في الرزاق الضيق الذي يربط حيَّه، المنشية الشَّمالية، بشارع حسن بيك. مدرِكاً لأناقته وحسن مظهره، أخذ يحيي كلَّ شخص يعرفه، وأيضاً كلَّ شخص حدق فيه محاولاً أن يعرف مَنْ هو.

«ولك صبحي، هاد إنت! ياااه، شو هالأناقة؟ شو صاير معك؟ ما تقلَّي إتَّك بدَّك تتجوَّز غيري!»، صرخت أمُّ زهرة بأعلى صوتها وهي تندلى من شرفتها في الطابق الأوَّل. صمتت لبرهة حتَّى تصدق ما تراه عينها من جمال وأناقة، ثمَّ أضافت: «يا ريت لو زهرة مش في المدرسة عشان تشووف قدِيش البدلة لابقتَّك، يخزي العين، وما شاء الله!». كانت تقف على حافة الشرفة المليئة بنباتات مزهرة، مثل نبتة المجنونة أو البوغنفيлиا والخبيزة وإبرة الراعي والورد الجوري الأحمر. ومع أنها توقفت عن شدِّ حبل الغسيل المعلق على عرض

الزقاق، إلا أن جسدها ظلّ منحنياً فوق «الدرازين» المعدني حتى
كادت تفقد توازنها.

«صباح الخير، أم زهرة»، أجابها صبّحي وهو يتعدّل بأسرع ما يستطيع
عن مدخل بيتها، متجلّباً النظر في عيني جارته الأرملة.

لم ينسَ، ولن ينسى طوال حياته، كيف أخذته أم زهرة من يده قبل
بضعة أشهر، ودفعته إلى جدار المطبخ، وضغطت بجسدها الفائز على
جسده، وقبّلتُه قُبلة فرنسيّة، ثمّ لمست أعضاءه. ركض خارجاً من شُقّتها،
ونزل درجات البناء مسرعاً باتجاه الشارع وهو يحاول أن يغطّي انتسابه
بكفّيه وبخفيقه تحت قميصه الفضفاض. لم يغمض له جفن في تلك
الليلة بسبب مزيج من الإحساس بالصدمة والإثارة، وظلّ يمارس العادة
السرّية مرّة تلو الأخرى، إلى أن صاح به أخوه الأكبر جمال الذي يشاركه
غرفته: «اصحى، يا صبّحي، مين هاي اللي عم تحلم فيها؟»، ومع أن
جمال أدرك أن صبّحي لم يكن يحلم، إلا أنه لم يحبّ أن يُحرج أخيه الأصغر.
بعدها، كلّما زارت أم زهرة والدة صبّحي كانت تعبر عن رغبتها في أن
يتزوج صبّحي من ابنتها زهرة، ولكنها لم تكن تعرف أن قلب زهرة وقلب
صبّحي كانا ملتئمين بحبّ أشخاص آخرين. «إن شاء الله خير»، تجيب
أم صبّحي مشفقة على جارتها الأرملة التي أعدّ الإنگليز زوجها في أثناء
ثورة 1936، عندما كانت زهرة لا تزيد عن العام.

هاني

كان من النادر مرور السيّارات في زقاق حيّه الضيق، إلا أنه سمع
واحدة من ورائه، فوقف ملاصقاً للجدار، ليسمح لها بالمرور، مع حرصه
الشديد على لا تَسْخَنْ بدلته. انتظر مرور السيّارة، ولكنها لسبب ما
توقفت، ثمّ سمع صفير هاني اللعوب قبل أن يرى رأسه يطأطأ من نافذتها:

«يا إلهي، هاد إنت، يا صبحي؟ خير إن شاء الله، شو صاير بالدنيا؟ شفتك من بعيد، وسألت حالي شو بيعمل هالشب الحليوة في حارتنا؟ خبّرني شو مناسبة كلّ هالأناقة، ما تقوليش رايح تتجوّز بعْرَ الضهر!».

«لأ، أنا مش رح أتجوّز لا الضهر ولا العصر. أنا رايح عالشغل، بتقدر توصلّنِي؟».

«بدّك تقلّي إنت رايح عالكرياج بهالبدلة، ولأ غيرّت شغلك؟ يلا، خلّصنا، احكي لي شو القصّة. اركب اركب، خلّيني أفهم شو صاير معك».

سار صبحي حول السيارة وهو يعدل جاكيت البدلة قبل أن يجلس في المقعد الأمامي. كان حريصاً على أن يجلس مستقيماً حتى لا «تجعلك».

«بي خسارة؟ فگرت حالي محظوظ اليوم!».

«محظوظ؟»، أجاب صبحي دون أن يفهم قصد هاني.

«شو مالك، يا رجل! خلّصنا عاد، هو أنا لازم أشرحلك كلّ شي؟».

وبعد صمت قصير، بدأ هاني يندب حظه: «أقسم بالله، تمّنيت إنت واحد بيذورله على صيدة وعامل حاله تايه في حارتنا. إنت عارف، كتير من الرجال الأغنيا بيشهوا ولاد متلنا. يا خسارة، كان ممكن تكون نقطّة منيحة».

«نقطة؟ شو قصدك؟».

«خلص، اسكت، يا رجل، بدّيُش أحكي في الموضوع أكثر من هيك، بصراحة أنا مش عارف إنت غبي أو بريء زيادة عن اللزوم! أحسن آخذك

عالكراج عشان تصلح حدايد وتلغمط إيديك بالزيت، هاد كل همك في الدنيا، ما أنا عرفت إلّك مهووس بها القصص من يوم ما فَكُفِّكْت بـسـكـلـيـتـي لـلـلـلـاتـة وـخـمـسـين قـطـعـة».

صحيح أن المحرّكات كانت شَعْف صحي، ولكنها، بالتأكيد، لم تكون شَعْفَهُ الوحيد، على الأقلّ ليس اليوم.

ما إن وصل شارع المحطة ورأى ستوديو تصوير صابونجيـان حتى راودته فكرة جهنـمـيـة، ولأنـهـ كانـ يـعـرـفـ أنهـ لنـ يـرـىـ شـمـسـ قبلـ منـتـصـفـ آـبـ عندـماـ يـدـأـ موـسـمـ النـبـيـ روـبـيـنـ، فـقـدـ فـكـرـ بـبـيـدـيلـ: ليـشـ ماـ أـفـوـتـ عـالـاسـتـودـيـوـ، وأـطـلـبـ منهـ يـاخـدـلـيـ صـورـةـ بـبـدـلـتـيـ الإـنـجـلـيـزـيـةـ، وأـوـدـيـهاـ لـشـمـسـ؟ـ أـمـاـ كـيـفـ معـمـنـ سـيـرـسـلـ الصـورـةـ؟ـ فـهـذـاـ ماـ سـيـفـكـرـ فـيـ لـاحـقـاـ.

«نـزـلـنـيـ عـنـدـ ستـودـيـوـ صـابـونـجيـانـ، بـدـيـ أـتـصـوـرـ».

«هـادـ الحـكـيـ المـزـبـوـطـ، هـادـ كـلـامـ مـعـقـولـ، مشـ إـنـيـ آـخـدـكـ عـالـكرـاجـ بـهـيـكـ بـدـلـةـ».

«شكراً كـتـيرـهـانيـ»، قالـ صـبـحـيـ، ثـمـ تـذـكـرـ كـيـفـ كانـ الجـمـيعـ يـقـولـونـ عنـ هـانـيـ بـبـنـوـتـةـ»ـ منـذـ أـنـ كـانـ طـفـلاـ، وـبـتـرـددـ أـدـخـلـ رـأـسـهـ منـ نـافـذـةـ السـيـارـةـ، وـقـالـ: «إـنـ شـاءـ اللـهـ تـلـاقـيـكـ لـقـطـةـ منـيـحةـ».

«وـإـنـتـ كـمـانـ، يـاـ صـبـحـيـ».

وافترقا وهـمـ يـضـحـكـانـ بـصـوـتـ عـالـ.

فيـ طـرـيقـهـ إـلـىـ الـاسـتـودـيـوـ تـسـأـلـ صـبـحـيـ إـنـ كـانـتـ بـدـلـتـهـ سـتـثـيرـ فيـ شـمـسـ الرـغـبـاتـ نـفـسـهـاـ التـيـ أـثـارـتـهـاـ فـيـ اـمـرـأـةـ أـرـمـلـةـ وـرـجـلـ مـثـلـيـ، ثـمـ أـطـلـقـ تـنـهـيـةـ، وـأـكـملـ طـرـيقـهـ.

ستوديو صابونجييان

بثقة لامتناهية لم يعهدنا في نفسه من قبل، فتح صبحي باب ستوديو التصوير، وحيّا المصور الأرمني رافي صابونجييان الذي ردَّ التحية مخاطباً صبحي بصيغة المؤنث كما يفعل الأرمن جميعهم عندما يتحدثون العربية، مستخدماً ضمير المخاطب أنتِ بدل أنتَ للأولاد والرجال. ابتسم صبحي، ولكنه تذكّر كم شعر بالإهانة عندما خاطبه زيون أرمني بصيغة المؤنث «إنتِ». حينها قال له صبحي: «شاييفني بنت قدّامك؟ ولأّا عمرك شفت بنت بتشتغل ميكانيكي في كراج؟». لاحقاً أصبح هو وهذا الزيون صديقين حميمين، بعد أن شرح له أن اللغة الأرمنية لا تميّز بين المذكر والمؤنث، وتحول الموضوع إلى نكتة بينهما، تذكّراها كلّما التقى. ومنذ ذلك الوقت، بدأ صبحي يخاطب زائنه الأرمن بالضمير «إنتِ» لكسر الجليد، وهذا ما أراد أن يفعله مع المصور صابونجييان، فخاطبه بالضمير «إنتِ»، ولكن المصور انزعج لاعتقاده بأن صبحي كان يسخر منه، فقال مستخدماً «إنتِ»: «لماً إنتِ تحكي أرمني زي ما أنا بحكي عربي، وقتها بتقدري تتمسخري على لهجتي العربية».

«أنا متأسف، سيد صابونجييان، ما كانش قصدي».

«إزاً، خلينا رسمي، وقوليلي إيش بدّك».

«لو تكرّمت بدّي أتصوّر».

حاول صبحي جاهداً أن يكون بالغ التهذيب حتى يلطف الجوّ المتواتر الذي تسبّبت به نكتته غير الموقفة، أو، كما كانت تقول جدّته صبحية: «رفع التكليف بيقلل الهيبة».

«كم لقطة بـّدك؟ وكم نسخة من كلّ وحدة؟ وبـّدك الصور أسود وأبيض ولا ملوّنة؟».

«لقطة وحدة بالأسود والأبيض»، قال صبحي قلقاً من التكلفة، ثمّ غير رأيه: «بتقدير تعملي نسختين ملوّنات من نفس اللقطة؟». نسخة يرسلها إلى شمس، وأخرى يحتفظ بها لنفسه ذكرى لليوم الذي لا ينسى.

«هادا بيكلفك تلاتين قرش».

كانت الثلاثون قرشاً هي يوميّة صبحي، ولكنه وافق دون تردد: «طّيب، اتفقنا».

«في الغرفة الليّ ورا بتلاقي مرأة ومشط، روحي جهزي حالك».

لأن هذه كانت صورته الأولى، وأنه لم يكن يعرف تحضيرات ما قبل التصوير، فقد ظنّ أن رافي يعترض على قصة شعره الجديدة.

«طّيب، رح أروح أزيد شعرٍ وأستعدّ، بس إيمتى بتكون صوري جاهزة؟».

«بكرة بعد الظهر».

انفرجت أساريره عندما رأى نفسه في المرأة الطويلة. حينها فقط أدرك ما الذي أثار مشاعر أمّ زهرة الأرملة والبنوّة هاني.

«شو الخلفيّة الليّ بـّدك ياه؟ في عندك بحر وقصر فرساي

إسطنبول وساعة بيع بن في لندن، مين بدّك فيهم؟». ومع أن صبحي لم ير أياً من هذه الأماكن، إلّا أنه اختار إسطنبول.

«بدّك تصوّري واقفة، ولا قاعدة على كرسي، ولا كنابية؟». «واقف طبعاً»، أجاب دون تردد.

«متل ما بدّك، مع إنه أكثر الناس يفضلوا يتصوّروا قاعدين، خصوصاً العائلات».

«بوعدك آجي قريب، إن شاء الله، مع مرتي وولادي». «إنتِ خطيبة؟».

«يعني بتقدر تتقول هيك».

«شو يعني؟».

بينما كان صبحي يفكّر بإجابة مناسبة، كان رافي قد احتفى تحت قماش الكاميرا الأسود الحاجب للضوء.

«وключи ثابتة، ما تحرّكي، ابتسمي»، تلاحت تعليمات رافي من تحت القماش قبل أن ياغت عيني صبحي بومضيّن متاليّن من ضوء الفلاش الساطع.

الآن وقد ضمن الحصول على صورة لشمس وأخرى لنفسه، خرج صبحي من الاستوديو مبهجاً، وقد غمرته النشوة لطبع وتوثيق صورة بدلته الإنگليزية على الورق. عاودته فكرة الذهاب إلى الخواجا ميخائيل ليشكّره على كرمه، وأيضاً ليرئه كم أصبح مظهّره مختلفاً في بدلته الإنگليزية. ولكن، قبل الظهور على بوابة فيلاً ميخائيل في حي الجبلية، خطر له أن

يمرّ من أمام مقهى الانسراح في شارع المحطة، حيث يلتقي العديد من خواجات يafa وشخصياتها السياسية ومثقفيها، أو ربما من أمام قهوة داود الواقعه في أسفل الشارع في سوق الصلاحي، حيث يلتقي معظم تجّار البرتقال لشرب قهوتهم الصباحية، وأيضاً لعقد صفقاتهم التجارية. ولكنه فكّر بأن من الأفضل أن يتّنطر حتّى يفترض بضعة جنيهات، تمكّن من دفع ثمن الحلويات الشهية وبوظة الفستق الحلي والمستكة العربية التي كان كثيراً ما يشاهدها في المقاهي الفاخرة التي يعتزم أن يذهب إليها بعد الظهر، ولكنه لم يكن يملك ثمنها. كان بحاجة لهذه الجنيهات الإضافية أيضاً لحضور الفيلم المصري الذي خطّط لمشاهدته في سينما الحمراء الشهيرة في شارع الملك جورج، بدلاً من الذهاب إلى سينما نبيل المتواضعة، حيث كان يذهب عادة مع رفاقه.

فكّر صبحي في الأمر طويلاً قبل أن يأخذ قراره بأن يستدين الجنيهات التي يحتاجها في جولته من عمّه حبيب، وليس من المعلم مصطفى، فمن الأفضل أن يكون مديناً لأحد أفراد عائلته، وليس لمعلمته. في الواقع الأمر، لم يكن صبحي متائداً من ردّة فعل المعلم مصطفى على قبوله لهدية ثمينة كهذه من زيون، خاصة وأنه زيون جديد، ومختلف عن باقي الزبائن. آخر ما كان يريد هو تنغيص يومه بإثارة غيرّة لا ضرورة لها لدى معلمته، فهو، بالتأكيد، في غنى عن أن يشعر بالذنب، أو الأسوأ من هذا أن يتلقّى درساً في الأخلاق في هذا اليوم بالذات.

نظر صبحي إلى ساعته قبل أن يتوجّه إلى الميناء، وبالتحديد إلى قهوة البّحارة المعروفة بقهوة المدفع، حيث توقع أن يجد عمّه حبيب. علّت وجهه ابتسامة خفية وهو يتذكّر طريقة والده الساخرة إذا سُئل عن أماكن تواجد أخيه الأصغر: «أخوين اللي بقطعش فرض، برجع من

بارات وملاهي تلّ أبيب مع صلاة الفجر، وبينما من صلاة الفجر لصلاة الظهر، وفي موعد صلاة العصر بتلاقيه في المينا بلعب قمار مع البَحَّارة والصيادين في قهوة المدفع، وعند صلاة المغرب بتلاقيه سكران في قهوة لورانس عطريق تلّ أبيب لحدّ صلاة العشا، وبعدها لحدّ نصاص الليالي بتلاقيه في أحضان وحدة من شراميط شارع شلوش. هاد هو برنامج أوقات أخوي الدّيّن». حسب نظرية والده، ولأن الوقت كان قريباً من صلاة العصر، توقيع صبحي أن يجد عمّه حبيب في قهوة المدفع، أو في مكان ما في المينا.

كان صبحي معجباً بطريقة والده في توقيت نشاطات أخيه الأصغر اليومية. من الواضح أنه لم يكن فقط يعبر عن استيائه من أسلوب حبيب في الحياة، ولكنه أيضاً أراد أن يؤكّد كم كان هو نفسه تقىّاً. ولكنه كان معجباً أكثر بردّ عمّه حبيب اللامبالي على إهانات واتهامات أخيه الأكبر المتكررة: «السلطان عبد الحميد عم بتقلّب في قبره لأنّه شايف وسامع قدّيش لسّاتكم متخلّفين بتوقّتوا أشغالكم وأعمالكم على مواعيد الصلوات الخمسة بدل ما تستعملوا ساعة البرج الضخمة اللي حطلّكم اياها في نُصّ البلد، مش بس حطّ ساعة في يافا، كمان حطّ في القدس وعكاً ونابلس وبيروت ودمشق أبراج ساعات متلها، مسكن هالسلطان، عمل جهده عشان الناس اللي زيك يتحضّروا، بس عالفاوضي». ولكن الشيء الذي تجاهل والد صبحي عامداً أن يذكره هو أن حبيب كثيراً ما كان يذهب إلى المينا ليعمل على القوارب الصغيرة التي تنقل صناديق البرتقال من المينا إلى السفن الكبيرة الراسية على بعد كيلومتر أواثنين في عرض البحر، بسبب طبيعة مياه المينا الصخرية الضحلة. كان حبيب، مثل والده علي، صياداً ماهراً، وكثيراً ما كان يذهب إلى البحر، ليعود محملاً بمختلف أنواع السمك: اللُّفْز والقاروص والبريم

والسلطان إبراهيم والسردين والمشط والمليط، الذي كان يوزّعه على عائلته وأصدقائه في الميناء. وعلى عكس والد صبحي إسماعيل، كان حبيب يحبُّ البحر، ويجد نفسه فيه ومع الصيادين والبحارة أكثر مما كان يحبُّ بَيَارات البرتقال، وكان يشعر بالفخر، مثل الكثيرين من بحارة يافا، لأنَّ اتحاد البحارة وليس اتحاد مصْدري البرتقال هو الذي رعا رحلة أمٌّ كلثوم وحفلاتها، ليس فقط في يافا، بل أيضاً في مُدن أخرى.

في طريقة إلى الميناء كان صبحي يفكّر كم كان والده وعمه شخصيَّين مختلفين. فبينما كان والده جدياً محافظاً دائم التذمر، كان عمُّه حبيب مرحباً وكأنه خال من الهموم، يعيش حياة مليئة بالتناقضات. كان الأخوان مختلفين أيضاً في آرائهم السياسيَّة، فمثل معظم التجار، وخصوصاً تجَّار البرتقال الأغنياء، كان والد صبحي مؤيداً لحزب الدفاع المعتمد «المعارض»، الذي تقوده عائلة النشاشيبي المقدسيَّة المتحالفَة مع الملك عبد الله، ملك الأردن، في حين أيدَّ حبيب وصيادو السمك الآخرون الحزب العربي الفلسطيني (المجلسُون) بقيادة الحاج أمين الحسيني، الذي تبنَّى سياسة تصادمية ضدَّ العصابات الصهيونية والجيش البريطاني، وبالتالي كان مؤيداً لجيشِ الجهاد المقدَّس بقيادة عبد القادر الحسيني، الذراع العسكريَّة للحزب العربي الفلسطيني. كان الخلاف بين حزب الدفاع والحزب العربي الفلسطيني، أو بين العائلتين المقدسيَّتين، آل النشاشيبي وآل الحسيني، مماثلاً لخلافهما بشأن ثورة 1936 والإضراب الكبير الذي استمرَ ستة أشهر. ففي حين دعا حزب الدفاع الذي تقوده عائلة النشاشيبي إلى إنهاء الإضراب، أيدَّ الحاج أمين الحسيني الإضراب المفتوح. وحتى لا ينحاز لأحد الطرفين، اختار صبحي، مثل العديد من الشباب الأعضاء في النادي الرياضي الإسلامي، الانضمام إلى حزب «النجادَة» الذي كان يقوده في يافا محمد

نمر الهوّاري. وتحت غطاء النشاطات الرياضية، بدأ النادي الإسلامي الرياضي، أو حزب «النِّجَادَة»، بتدريب الشبّان مثل صبحي سرّاً على استخدام السلاح لحماية أحياائهم، ولاحقاً مدّيتهم إذا اضطُرَّ الأمر، من اعتداءات العصابات الصهيونية المتّصاعدة، خصوصاً عصابات الهاغاناه ولি�حي.

بينما كان صبحي يمشي متمهلاً في شارع بسترس الشهير، كان يتوقّف، بين الفينة والأخرى، أمام إحدى فترنادات ملابس النساء الأنيقة، ويفكّر بشمسه. ومع أنه لم يكن يملك ما يشتري به أيّاً من الفساتين الفاخرة التي رأها، ولكن هذا لم يمنع مخيّلته الخصبة من انتقاء أجمل ما رأى لجهاز عروسه. ومن جديد تاه في شوارع يافا، وتاه فكره في شمس وتفاصيل يوم الزفاف.

مقهى التيوس

بعد طول تفكير، ارتأى صبحي أنه من الأفضل أن يختبر ردود الفعل على بدلته بين أصدقائه وعارفه في مقهى «التيوس»، مقهى الفقراء الذي يملكه التّوئم عيسى وموسى، وذلك قبل أن يذهب لاستدانا بعض الجنيهات من عمّه حبيب، وقبل أن يغامر بالذهاب إلى المقاهي الراقية وسينما الحمراء.

كان الخلط بين الأخوين التّوئم عيسى وموسى أحد مصادر التسللية لزيائن المقهى، فكلّما تأخر عيسى في تلبية طلب أحد الزبائن بفنجان من القهوة أو أرجيلة، كان يتسم ويقول: «أكيد إنت طلبتُه من أخي ومش منِّي». ورغم أنهما توئم متطابقان، إلا أن الفارق الوحيد بينهما كانت له تداعيات كبيرة. فأحدهما، عيسى أو موسى، كان أحول العينين، وكلّما صبَّ فنجاناً من القهوة أو كأساً من الشاي، وهو ما كان يحدث مئات المرات في اليوم، كان زبائن يصرخون ويقفزون إلى الخلف خشية أن تنسكب القهوة أو الشاي الساخن عليهم.

لم يبدُ أن أحداً يعرف، أو كان يهمُّه أن يعرف، سبب تسميته بمقهى التيوس، ومنْ هم، يا ترى، هؤلاء التيوس؟ أهم صاحبا المقهى التّوئم عيسى وموسى أم زبائن المقهى الفقراء المعترّون؟! ولكن، في الأحوال كلّها، كان الاسم سبباً آخر لتسللية المالكين والزيائن على حدّ سواء. كان مقهى التيوس المكان المفضّل الذي يلتقي فيه صبحي بشّلته بعد

العمل مباشرةً أو في ساعات المساء المتأخرة، حيث يقضون وقتهم يلعبون الورق أو طاولة الزهر وسط دخان الأراجيل الذي يملأ المكان، ويحجب الرؤية. ولكونه من أرخص المقاهي وأكثرها تواضعاً، كان مقهى «التيوس» ملتقى العمال المصريين الذين كان معظمهم من العريش، والعمال السوريين «الحوارنة»، إضافة إلى العمال الفلسطينيين القادمين من غرّة والقرى المجاورة.

وكالبلدات القديمة المقسّمة إلى حارات عِرقِيَّة أو دينية (كحارة النصارى وحارة اليهود وحارة الأرمن)، كان المقهى مقسماً إلى أربع مجموعات عِرقِيَّة، تتميّز كُل منها بلهجتها الخاصة وملابسها التقليدية المختلفة عن ملابس صبحي وأبناء يافا الآخرين.

من مسافة بعيدة، وقبل أن يقترب صبحي من الرصيف حيث كان يجلس عمال المياومة على كراسٍ القهوة القشّ، يدخلنون الأرجيلة، سمع صوت أمّ كلثوم يصدح من غرامافون نحاسي، وُضع على طاولة خشبية بقرب المدخل، وبجانبه عدد كبير من الأسطوانات المغبّرة لمعنىِّن مصرىِّن آخرين، مثل سيد درويش، ومحمد عبد الوهاب، وليلي مراد، وأسمهان، والمغنية اللبنانيّة صباح. ولأنَّ معظم الأسطوانات كانت مشروخة، كان يكفي تشغيل أسطوانة واحدة فقط، لتظلّ تتكرّر طوال النهار.

ولأنَّ العمال المصريين كانوا أكثر عدداً من «الحوارنة» و«الغرازوة» وأبناء القرى الفلسطينية، فقد طفت الأصوات المصرية والوجود المصري، ليس فقط على مقهى «التيوس»، ولكن، أيضاً على أحياه يافا الفقيرة. كان هذا هو الوضع منذ أن احتلَّ إبراهيم باشا المصري فلسطين سنة 1831. ومع أنه هُزم لاحقاً في سنة 1840، وفرَّ عائداً إلى مصر، إلا

أن العديد من عساكره اختاروا البقاء في فلسطين، وبنوا لأنفسهم مناطق سكنية خارج أسوار يافا، من بينها أحياء الرشيدية والمنشية وسكنة أبو كبير إلى الشمال، وأحياء أصغر مثل سكنة درويش إلى الشرق، وجميعها تحمل أسماء القرى المصرية التي جاء منها هؤلاء العمال. ومع أن معظم سكان هذه الأحياء كانوا عمال مياومة في الصناعات المتعلقة بتسويق الحمضيات وتصديرها، إلا أن بعضهم كان يعمل في قطاعي الإنشاءات والخدمات.

«تفضل، تفضل، شرف، يا خواجا»، قال أحد التوأم مرحباً بصحي، ظناً منه أنه زبون غني جديد.

«ومين إنت؟ موسى ولا عيسى؟»، سأله صحي وهو يمازحه، كما كان يفعل كلما وصل إلى المقهى.

نكتة صحي جعلت أحد التوأم يحدّق في وجهه، ويقهقه بصوت عالٍ، ويصبح: «يا ملعون، أبو ديك! هادا إنت؟ شو هالأناقة، يا رجل؟ والله العظيم ما عرفتكْ». .

«ولا أنا عرفتك، إنت مين موسى ولا عيسى؟»، كرر صحي السؤال ضاحكاً.

«والله العظيم فكّرتك خواجا عن حقّ وحقيقة، خواجا مضيع طريقة، وجاي على قهوتنا بالغلط بدل ما يروح على قهوة الانشراح». .

ملاحظة موسى رسمت ابتسامة على وجه صحي، وطمأنته إلى أنه يمكن أن يعتقد الآخرون أنه خواجا أباً عن جدّ، فقد كان قلقاً من أن يبدو للمثقفين والتجار الأغنياء الذين يرتادون مقهى الانشراح كزبون فقير، أو كفلاح يأتي المدينة لأول مرّة.

«وأنا، صدق أو لا تصدق، يا موسى، رايج هناك بعد شوي»، وجّه
كلامه إلى المالك، ولكنه حرص على أن يسمعه زبائن القهوة جمِيعهم
الذين كانوا يتبعون الحوار باهتمام بالغ.

«أول إشي أنا عيسى مش موسى، وتاني إشي، بس فهمني ليش
الناس تيوس بيدفعوا أربع قروش حق فنجان قهوة لما بقدروا يدفعوا
قرش واحد في قهوتي؟».

«بس قهوة التيوس اسم قهوتك، مش اسم قهوة الانشراح»، قال
صحي ضاحكاً.

«سمونا قهوة التيوس من ورا الزباين أمثالك، يا صحي. وبالمناسبة،
أنا موسى مش عيسى»، قال أحد التّؤمَّم قبل أن تصحّ ضحكته في
أرجاء القهوة، وقبل أن يضيف: «لسّاتك بتحبّ القهوة حلوة زي العسل
ولا غيرّت زوقك مثل ما غيرّت شكلّك؟».

«صحيح إنه صار عندي بدلة إنگليزية، بس لسه ما صار عندي زوق
اللوردات الإنگليز. بس كمان الخواجات الحقيقييّن بيشربوا قهوتهم مرّة».

«أربع قروش على فنجان قهوة بدون سكر؟ والله كُفر!»، علق موسى
أو عيسى، ثمّ اختفى في المطبخ، ليحضر فنجان القهوة الحلوة «للخواجا
صحي».

ومع أن موسى أو عيسى لم يغب إلّا قليلاً قبل أن يعود وفي يده
صينية نحاسية مستديرة، عليها إبريق نحاسي، وكأس من الماء وفنجان
من البورسلان الأبيض، إلّا أنه اضطُرَّ أن يشقّ طريقه بين جمهور كبير
من العمال الذين تجمّعوا حول صحي، ليعبّروا عن إعجابهم ببدلته
الإنگليزية، ليس فقط بكلمات الإطراء، بل أيضاً باللمس. ولخوفه من

أن تترك أيديهم الخشنة والقدرة بقعاً عليها، قرّأ أن يُسلّيهم، فقام وبدأ يتمايل يميناً ويساراً بضع خطوات، مثل عارض أزياء محترف، ثمَّ استدار بحركة سريعة مبالغ فيها نالت إعجاب الجمهور: «يا عين، يا عين! واواه، يا عين يا ليل!»، صاح الحاضرون بانبهار ودهشة.

ورغم أنه اكتسب ثقة بمظهره الجديد في مقهى «التيوس»، إلا أنه ما يزال متخفِّفاً من أن يedo دخيلاً في مقهى الانشراح الذي كان على وشك أن يذهب إليه بحثاً عن الخواجا ميخائيل. فكُّر بالمرور أيضاً من أمام مقهى داود، المعروف بمقهى تجّار البرتقال، الواقع أسفل شارع الصلاحي، على أمل أن يلتقي الخواجا ميخائيل، أو إذا لزم الأمر، أن يصعد شارع إسكندر عوض باتجاه مقهى احمد في شارع العجمي أمام المستشفى الحكومي.

إن مثل مقهى التيوس ومقهى الانشراح شيئاً، فقد مثلاً الطرفين النقيضين في المنظومة الاجتماعية، وعكسا الفروقات الاقتصادية والاجتماعية الحادة في المجتمع اليافاوي.

مقهى المثقفين

ما إن داست قدماً صبحي مقهى الانشراح، المكان الذي يتجمع فيه مثقفو يافا وتجارها الأغنياء وسياسيوها، بمن فيهم رئيس البلدية وأعضاء مجلسها البلدي، حتى انتابه شعور عارم بالرهبة.

كان صبحي متلهفاً للقاء بعض الصحفيين الذين يكتبون للصحف العديدة التي تنشر في يافا، وخصوصاً صحيفتي فلسطين والدفاع اللذين كان يقرؤهما يومياً. كما كان يرغب في التعرف إلى أو، الأصح، رؤية بعض شخصيات يافا السياسية، وخصوصاً يوسف هيكل، رئيس بلدية يافا، وأن يسمع توقعات هؤلاء المثقفين والسياسيين حول مستقبل مدinetهم، وبالتالي مستقبله مع شمس.

الآن وقد أعلنت الحكومة البريطانية نيتها لإنهاء الانتداب على فلسطين خلال بضعة أشهر، فقد خشي صبحي، مثله مثل العديد، أن يترك أهل يافا، ليخوضوا معركتهم وحيدين ضد العصابات الصهيونية في تل أبيب والمستوطنات اليهودية المحيطة، والمجهزة بأنواع العتاد كلّه، ولكنه، مثل آخرين أيضاً، كان ضدّ مشروع التقسيم المقدم من الإنگлиз إلى الأمم المتحدة، لأن هذا المشروع يقترح منح أكثر من نصف مساحة فلسطين التاريخية إلى المهاجرين اليهود الذين طالما حاول والده وجده أن يُوقفا تدفقهم عبر ميناء يافا، ولكن، دون جدو. ومع أن يافا، أغنى وأكبر المدن الفلسطينية، بـتعداد سكّان يصل إلى 100

ألف، كانت في مشروع التقسيم جزءاً من الدولة العربية، إلا أن أهلها، مع ذلك، كانوا يخشون على مستقبلهم. وقد اختلفت الآراء حول كيفية حماية يافا من الاعتداءات والهجمات الصهيونية المتصاعدة، ففي حين رأى بعضهم أن القوّات الصهيونية ستركّز هجماتها على البلدات والقرى الفلسطينية الواقعة داخل الدولة اليهودية المقترحة، رأى آخرون أنه لا تجوز الثقة بنوايا الحركة الصهيونية التوسُّعية. وكما كان يكرر علي جَدْ صبحي: «ما تأمنوش أبداً للصهاينة، لأنهم رح ياخدوا اللي مخصوص إلهم، ويلاحقونا عاللي إلنا».

وهو يتذكّر كلمات جَدْه، وجَدْ صبحي نفسه وجهاً لوجه مع أحد نُدُل مقهى الانشراح. فبينما كان مقهى «التيوس» ملكاً لتوءم، كانا يخدمان الزبائن بنفسِيهما، كان لدى مقهى الانشراح عدد كبير من النُدُل، يلبسون زَيَاً موحّداً: قميصاً أبيض، ناصع البياض، وبنطالاً أسود مَكْوِيَاً بإتقان. وما إن جلس إلى واحدة من الطاولات المستديرة المصنوعة من رخام كارارا الإيطالي الأبيض، حتى ظهر إلى جانبه نادل طويل وأنيق وفي يده قائمة الطعام. استغرب صبحي عندما أعطاه النادل كُتُبِياً مغلقاً بجلد بنيٍّ، وذهل عندما فتحه من كم خيارات المشروبات والمأكولات، والأهم من هذا وذاك الأسعار الجنوبيّة. تذكّر ما قاله موسى أو عيسى: «بس الهُبُل بيدفعوا أربع قروش حق فنجان قهوة بدون سُكّر»، ولكنه اكتشف أن الثمن، في الواقع، هو ضعف ذلك. وجد نفسه مضطراً إلى إنفاق ثمانية قروش على الأقل في انتظار ظهور الخواجا ميخائيل، هذا إن ظهر.

الآن، وقد أصبح واحداً من لابسي البدلات العديدين في المقهى، انشدَّ صبحي باهتمام إلى النقاشات الحامية من حوله:

«على رئيس بلدية يافا أن يلتقي رئيس بلدية تل أبيب، ويوقع معه اتفاقية عدم الاعتداء».

«إن تصعيد هجماتنا على المستوطنات والأحياء اليهودية سيكون غلطة كبرى، صدقوني، نحن لن نستطيع مواجهة تفوقهم العسكري».»

«لم يكتف الإنكليز بمساعدتهم على تهريب أحدث الأسلحة، ولكنهم، أيضاً، سمحوا لهم بالانضمام إلى قوّات الحلفاء».»

«الضغط العسكري اليهودي يتتصاعد كلّ يوم، وسيهاجمون يا فا قبل انسحاب القوّات البريطانية، تذكّروا كلامي هذا جيداً».»

«ليس هذا فقط، ولكنهم سيفجّرون يا فا على رؤوسنا، ويطردوننا جميعاً منها».»

«كُفُوا عن هذا الكلام، فهذه الشائعات وأمثالها هي التي تُحيط معنويات أهالي يا فا، أنا ألتقي كلّ يوم بأشخاص، يريدون أن يغادروا المدينة خوفاً من هذه الشائعات».»

«الخوف من ماذا؟ صدقوني، اليهود جبناء، ولا يملكون أيّ فرصة لهزيمة يا فا».»

«ومع ذلك، يجب أن تكون مستعدّين للدفاع عن أنفسنا. يجب أن نشتري مزيداً من السلاح، وعلينا أيضاً أن نطلب من الدول العربية إرسال جيوشها قبل فوات الأوان».»

«سواء أحببنا أم لا، فإنه لا يوجد أمامنا مخرج إلّا الدخول في إضراب مفتوح ضدّ مشروع التقسيم».»

«هو هو هو علينا، رجعنا!»، فكّر صبحي، وهو الذي أمضى سنوات عمره يستمع إلى الجدل الدائم بين والده الذي كان ضدّ الإضراب المفتوح، وعمّه حبيب الذي كان مؤيداً له. فالرجلان لم يختلفا، فقط، حول التاريخ، وحول فوائد ومساوئ إضراب سنة 1936، ولكن، أيضاً

حول الدعوة الحالية للإضراب، الذي دعا إليه، أيضاً، المفتى الحاج أمين الحسيني وحزبه العربي الفلسطيني.

«إحنا عم نضرب ضدّ مين؟ ورح ننصرّ مين؟ مين اللي اقتصاده بده يتضرّر، هُمّه ولا إحنا؟ اقتصادنا إحنا اللي عم بيعاني، واقتصاد الصهاينة عم ينتعش. أي دخيل الله، شو اللي حصلناه من الإضراب غير تدمير الواردات وال الصادرات من مينا يافا؟ ما بتندّركوا قرارنا الغبي بمنع اليهود من استخدام مينا يافا، اللي خلّ الإنكليز يوافقوا إنه يبنّى مينا يهودي في تل أبيب؟ وكانت النتيجة إنهم أخذوا كلّ الشغل من بين إيدينا. إن شاء الله كنتوا مفكّرين إنه التجار اليهود بدهم يستنّوا تلت سنين لحدّ ما يخلص إضرابكم؟ طبعاً هُمّه بنوا مينا إلهم، وسرقوا رزقنا، عيني عينك».

«إيش بدّك يانا نعمل؟ نضلنا ساكتين نتفرّج على المهاجرين اليهود وهُمّه بينزلوا في المينا تاعنا وبيستوطنوا أرضنا؟ إحنا ما عنّا أيّ خيار غير إنا نواجههم».»

«بنواجههم، بس بطريقة ذكية، مش بطريقة بتئذينا».

«إنت بس احكيلي كيف، بنقول إضراب مفتوح بتقولوا لا، بنقول مقاوم بالسلاح بتقولوا لا، بنقول نهاجمهم بتقولوا لا، كيف بالله عليك بدننا نقدر نمنعهم من إنهم يوخدوا بلدنا؟».

«كلّ اللي بقدر أقولك إيه إنه دعوة الحاج أمين الحسيني للإضراب المفتوح تسبّبت في تدمير اقتصادنا، وهلّا رح تدمّره مرّة تانية. الإضراب كان غلط زمان، ولساته غلط هلا، إحنا مش لازم نصعد مع اليهود، بالعكس، لازم نسمع كلام الأستاذ يوسف هيكل وكلام الأستاذ محمد نمر الهواري، ونلتقي مع رئيس بلدية تل أبيب، ونوقع اتفاقية عدم الاعتداء».

«حتّى لو وقّعنا الْاتفاقية الْزفت، وحتّى لو كانت يافا جزء من الدولة العربية، صدّقني اليهود مش رح يتركونا في حالنا. ومش سرّ إنه منا حيم بيعن، زعيم عصابات الهاغاناه، كان واضح لِمَا قال إنه بدهم يتخلّصوا من المناطق العربية. إحنا في وسط بحر من اليهود، إذا ما كنتش ملاحظ. صحيح اللي بتقوله بس هُمَّه اللي أجوا واستوطنو حوالينا، مش إحنا اللي إجينا وقعدنا في وسطهم، ما قدّامنا غير إنّه نكون مستعدّين عشان نقاتلهم».

«نقاتلهم بإيش؟ بإيدينا الفاضية؟».

«عشان هيك لازم نشتري سلاح».

«نشتري سلاح من وين؟ اسمحلي، بس إنت بتحكي كلام مش منطقي».

بينما كان صبحي يستمع إلى المناقشات الحادّة ووجهات النظر المختلفة، اتبه إلى أن الآراء المتضاربة كانت تأتي من الجانبيْن المتقابليْن في المقهى. وبينما كان مقهاه المُعتاد مقسّماً إلى أربع مجموعات عِرقِيَّة مختلفة، كان مقهى الانشراح مقسّماً بحسب الأحزاب، فأولئك الذين يؤيّدون مفتى القدس الحاج أمين الحسيني وحزبه العربي الفلسطيني كانوا يجلسون إلى يمينه، بينما يجلس مؤيّدو رئيس البلدية هيكل وحزب الدفاع، حزب آل النشاشيبي المعارض، وحزب النجادة بقيادة محمد نمر الهواري، إلى يساره.

«تفضّل قهوتك»، قال له النادل وهو يضع أمامه فنجان قهوة من البورسلان الأبيض بحافة مذهبة، وقطعتيْن من البسكويت على طبق مماثل، وفاتورة بثمانية قروش.

«من فضلك، سيدى، بتعرف الخواجا ميخائيل؟ ممكن يكون واحد من زيانكم؟ بتعرف وين ممكن ألاقيه؟».

«ولو، طبعاً، مين ما بعرف الخواجا ميخائيل؟ ممكن تلقيه في مقهى داود في سوق الصلاحى مع تجّار البرقان الكبار اللي متله. بتعرف وين بالضبط، مش هيكل؟».

«طبعاً بعرف، مع إني عمرى ما رحت هناك، بس رح أندل عليه أكيد».

«أنا أول مرّة بشوفك هون، يا أستاذ، إنت جاي زيارة على يافا؟».

شعر صبحي بالإطراء لمناداته بالأستاذ، فأجاب بابتسامة: «صحيح، هاي أول مرّة باجي هون»، ثم وضع قروشه الثمانية العزيزة على الطاولة الرخام، وغادر المكان قائلاً لنفسه: «هاد أكيد رح يكون مقهاي إذا عمرى صرت غنى، مش بس بالمنظر، لكن، غنى عن حقّ وحقيقة. إن شاء الله قريب».

بعد أن ترك خلفه القروش الثمانية، فگر صبحي بضرورة المرور بمقهى عمه في الميناء، قبل المغامرة بالذهب إلى مزيد من الأماكن الفاخرة، مثل مقهى داود، بحثاً عن الخواجا ميخائيل. تسأله بينه وبين نفسه عن مدى غنى هؤلاء الناس الذين يستطيعون قضاء ساعات وهم يأكلون ويشربون في مثل هذه الأماكن المُكلفة.

على عكس ما اعتقد صبحي، فعلى الرّغم من ازدهار زراعة البرقان وتجارته في يافا أواخر القرن التاسع عشر، فإن يافا لم تمتلك أبداً أرستقراطية إقطاعية، بسبب الحملات العسكرية والغزوات المتكررة، مثل غزوات نابليون وإبراهيم باشا ونزوح السّكّان عنها، فالعديد من عائلاتها

الثريّة جاءت من مُدُن مثل بيروت ودمشق وحلب ونابلس والقدس. كانت أكبر بيتارة برتقال في يافا، بمساحة ألف دونم، ملكاً للحاج عبد الغني النابلسي، الذي جاء من نابلس، كما يدلّ على ذلك اسمه، كذلك جاءت عائلات غنية، مثل عائلة بُسترس والعرقتنجي والجبجي من بيروت. كانت في يافا، أيضاً، جاليات أرمنية وإيطالية ويونانية صغيرة، سكن معظمها في حي العجمي والجليلية، إضافة إلى سكّان يهود محلّيّنقطوا في البلدة القديمة والأجزاء الشّمالية من المنشية.

ما إن وصل صبحي إلى ساحة برج الساعة حتّى لاحظ أنه تعود على ارتداء البدلة، فقد منحه القبول الذي حظي به في مقهى الانشراح الثقة التي احتاجها لمواصلة جولته الكبرى في المدينة.

من عالم الصبا إلى عالم الرجولة

ما إن وقعت عيناً حبيب على الشابِ الوسيم بالبدلة الأنيقة حتى سقطت أوراق اللعب من بين يديه وتبعثرت على الطاولة الخشبية أمامه. انتفض عن كرسيه واقفاً، وأطلق تصفيقة طويلة حين أدرك أن الشابَ كان ابن أخيه.

«يا إلهي! ولك شو هاد، يا صبحي! كنّك ناوي تتجوز من ورا شهرنا؟».

حدّق البّحارة والصيّادون في صبحي أولاً، ثمَّ أخذوا يُنَقْلُون نظراتهم بينه وبين عمه.

«برضاك ومساعدتك، يا عمي، ممكن أتجوز عن قريب».

«هَلَّا عن جد شو الحكاية، يا صبحي؟ اقعد جنبي هون، خليني أفهم شو صاير»، قال حبيب وهو يسحب كرسيًّا لصبحي، بينما ظلّ اللاعبون الثلاثة الآخرون يراقبون المشهد. «ارتاح، خليني أطلبلك فنجان قهوة. معلم عطا، جيب للخواجا صبحي أحلى فنجان قهوة عندك».

أشرق وجه صبحي بابتسمة واسعة وقد ملأته الغبطة لمخاطبته مرّة بخواجا ومرّة بأستاذ خلال جولته هذا النهار. اقترب بكرسيه من عمه حبيب، وهمس قائلاً: «رح أحكي لك كل إشي عن البدلة، بس نروح عالدار. بس قبل، بدّي تدايني شوية مصاري...»، وقبل أن ينهي كلامه

ردّ عليه حبيب: «طبعاً، طبعاً من عيوني، بس قولّي قدّيش بدّك؟»، ثمَّ وقف وأخرج من جيبه بعض الأوراق النقدية الخضراء، وبعض القطع المعدنية.

«جنيهين أو ثلاثة، إذا ممكن»، أجاب صبحي متربّداً.

«خُد هاي أربعة، بس قبل لازم تقولّي عشو ناوي».

«زي ما إنت شايف، عم بحفل بيذلي الإنگليزية الجديدة، وبدّي أعمل جولة كبيرة عشان أستمتع بالمدينة، وأعمل كلّ الأشياء اللي ما عملتهاش في حياتي لحدّ هلّاً: بدّي أروح على مقهى فينيسيا وأوتيل الإنتركتينتال، وأحضر فيلم في سينما الحمرا».

«وبسمّي هاي متعة؟ تعال معي على شارع شلووش أو على طريق يافا تلّ أبيب عشان أفرجيك شو معنى المتعة الحقيقة».

أطلق أحد الصيادين ضحكة عالية، وقال: «ليش توخده على تلّ أبيب، خُده عند نجمة في البلدة القديمة».

«اليهود أشطر منا في كلّ إشي، حتّى في الشرمطة»، أجاب حبيب وهو يقهقه بصوت عالٍ.

احمرّ وجه صبحي خجلاً وهو يستمع إلى الحوار الدائر بين عمه والبّحارة والصيادين وهم يتفاخرون بمعامراتهم.

«خُده عند أبو شلهوب، عنده أحسن شراميط في البلد، وكمان أحسن أسعار».

«والله جرّتهم كلّهم، بس ما لقيت وحدة مثل شوشانا. شرمطات

أبو شلهوب بيكونوا مستعجلات، وبس بدهم يخلصوا، ما بيضيّعوا وقتهم باللعبة، تِكْ تُكْ، تِكْ تُكْ وخَلَّصنا».

«هاد إنت، يا حبيب، اللي تِكْ تُكْ وخلص، مش النسوان المسخّمات».

«أي خَلَّصنا، يا رجل، إنت عارف شو بقصد، هُمَّه بيكونوا مستعجلات عشان يلحقوا الزيون اللي بعده، وبتحس حالك إنك واقف عالدور في خط إنتاج. شوشانا بتعطي الإشي حقّه، وبتعطيك كلّ شي بتحاجه عشان تنبسط».

«اللي بيحكيه حبيب صحيح، بنات أبو شلهوب بيكونوا كأنهم بيأدُوا واجب أو عليهم وظيفة بدهم يخلصوها، وما بيعطوك وقت عشان تنبسط».

«يا رجل، خُد منّي، كل الخطايا والشرور أجيتننا من الإنگлиз واليهود، بما فيها الشراميط».

«إنت أكيد بتمزح، واضح إنك ما بتعرف تاريخ تاربخك ولا تاريخ مدينتك، الدعاارة طول عمرها موجودة هون من أول الدنيا، قبل ما يجوا اليهود حتى قبل ما يجوا الفلسطينيين على هاي البلاد».

«مملكة الدعاارة كانت أول مملكة في فلسطين».

«قصدك إمبراطوريّة الدعاارة».

«أيوه، إمبراطوريّة الدعاارة سبقت الإمبراطوريّة الرومانية».

«اسأل أبوك ورح يقولك إنه أول بيوت دعاارة مرخصة كانت في البلدة

القديمة في يافا، وبعدها في حي المنشية. بس في زمن الانتداب البريطاني انتقلوا للشمال، لطريق يافا تل أبيب، ولحي نيفيه شالوم والأحياء اليهودية الثانية».

«بتعرف، اسمع، يا ابني، أنا أكبر واحد في كل هدول اللي قاعدين، وأنا اللي بعرف، أرخص شرمومطات في البلد همه «عرابيس الليل»، اسأل جدك على وهوه اللي بيقولك. إنت بس امشي في الزواريب الضيقة في البلدة القديمة في الليل، ورح يطلعوك من كل زاوية، وإنت بتتنقّي بيلاش».

«بيلاش! بلا حكي فاضي، عروس الليل رح تعطيه سفلس»، صاح حبيب بأعلى صوته.

«عروس الليل؟ شو بتطلع هاي عروس الليل، يا عم؟»، تسائل صبحي وقد اختلط عليه الأمر تماماً.

«عروس الليل كانت تطلع في الزواريب الضيقة في البلدة القديمة في يافا، وهي، أو بالأصح همه، بنات حلوات لابسين أيض، بيطلعوا في آخر الليل، يمسكوا الزلام من إيديهم وبيغازلواهم، ويحاولوا يغروهم بالزواج، لكن إذا الرجال ما استجاب لغرائهم، بيبنوا حيطان من حجر حتى يمنعوه يهرب، وبعدين بيخطفوه، وبيخللوه عندهم ساعات قبل ما يفلتوه، ولما يوصلوا الرجال على بيوتهم متأخرين كان دايماً في عندهم عرّر مقنع، لأنّه حتى نسوانهم كانوا بيعرفوا عن عرابيس الليل وقلة أدبهم».

«شو هاد، يا عم، إنت دايماً بتحكي عالمشكوف هيكل مع صحابك؟».

«أيوه، حبيبي، إحنا صيادين وبحارة، مش تجار برقان ولا راهبات. وإنك كمان رح تتعلّم إنّه اللعب مع الشراميط هوّي أحسن إشي في

الحياة في يافا وتلّ أبيب. بس إنت استنّى لِمَّا تشوّف شوشانا، رح
تعلّمك كلّ إشي بتحتاج تعرفه عن الجنس وأكتر».

«والله صحيح، و«الأكتر» اللي بحكي عنه عمّك حبيب هوّي أحسن
حشيش في البلد»، قال أحد اللاعبين الثلاثة على الطاولة ضاحكاً، وهو
يدخّن سيجارة حشيش.

«عن جَد؟»، سأل صبحي، وهو يستمع، فاتحاً فمه، إلى كلّ ما كان
يقوله البَحَارة والصيَّادون حول الموضوع.

مُدرِّكاً كم كان ابن أخيه بريئاً وجاهلاً بحقائق الحياة، وضع حبيب
يده حول كتفي صبحي قائلاً: «تعال، يا ابن أخوي، خلّينا نروح نتمشّى
في المينا، ونحكى عن أمور الحياة والدنيا بيناً بدون ما حدا يسمع».

تساءل صبحي: «شو ضل يحكى عمّي حبيب بعد اللي قاله هوّي
والبَحَارة والصيَّادين؟»، ولكن اقتراح عمه أسعده، لأنّه وجد فيه فرصة
ليخبره عن شمس، وعن أمله في أن يساعدّه في إقناع والده وإخوته
الأكبر بالقبول بزواجه منها. وبعد كلّ الذي سمعه عن حياة الليل في
المدينة، أراد أن يسأل عمه ماذا يعني بالذهب إلى كرخانة للتنفيذ
عن نفسه بينما هو يحبُّ شمس.

«يا ابن أخوي، ربّنا خلق الكراخانات مش بس عشان تنفس عن
حالك، لأنّه هاد بتقدر تعمله لحالك، لكنْ، عشان تعلّم كيف تستمتع
بالجنس بدون مسؤوليات، وبدون ارتباط عاطفي، بدون حمل وولاد
ووجع راس، بس جنس، لا حبّ ولا كلام فاضي. مش الموضوع إنّك
تنام مع مرّة كم مرّة وتخلّص في خمس دقايق، الأهمّ إنّك تاخذ وقتك
وتلاعها وتستمتع، وتحسّ بالحرّية لما تجرب كلّ الوضعيّات. ما تستغرب
أبداً إذا شوشانا ركبت فوقك مش إنت اللي ركبت فوقها. وأكيد رح

تعيدوا الكرّة مرات ومرات، إنت بتركبها مرّة، وهي بتركبك مرّة، وهيك.
إنت بتلاعها وهي بتلاعبك، بس عشان تعمل كلّ هاد، بدّك تشريلك
كاس أو كاسين بيرة عشان تسترخي وتخلّص من خجلك».

«طّيب، وشمس؟».

«مين شمس؟! وشو مالها؟!».

«شمس بنت حلوة من سلامة، وهي حبّ حياتي».

«طّيب، شوشانا رح تعلمك كيف تستمتع بالجنس، وكمان كيف
تبسط مرتك أو شمسك في المستقبل».

«عن جد؟»، قال صبحي وهو يتساءل إن كانت شوشانا ستتعلّم
فعلاً كلّ ما يحتاج أن يعرفه ليُسعد شمس.

«صدقني، يا ابن أخي، شوشانا رح تعلمك كيف تبسيط هالبنت
الفلاحة. وزى ما انت عارف بنات القرى خجولات، وانت لازم تتعلم
كيف تخليهم يتخلّوا عن برودهم».

لم يفهم صبحي ماذا يعني البرود، ولكنه قرر أن يكتفي بهذا القدر
بعد أن أخذ اليوم جرعة كافية عن الحياة والجنس.

«بس سؤال آخر، يا عمّي».

«أسأل، هات أشوف».

ظلّ صبحي صامتاً لإحساسه بالحرج من هذا الحديث كله، وتردد
في مشاركة عمّه أفكاره.

«يَلَّا، قول».

«ليش بيسموا الصيادين والبحارة أشاوس، مع إنه كلّ اللي بيعملوه
إنهم يروحوا عند الشراميط أو يحكوا عنهم؟».

«صدقني، يا ابن أخي، إنك تروح عند شرمودة وتنام معها بدُّه
شجاعة أكثر من إنك تواجه يهودي مسلح أو جندي بريطاني. شوف
قدّيش إنت مرعوب من فكرة إنك تروح على كرخانة. وعكل حال،
المفتى الحاج أمين الحسيني هوّه اللي سمّي صيادين يافا أشاوس،
مش إحنا. إحنا أبطال، لأنّه إحنا اللي اكتشفنا إنه كتير من السفن اللي
جابت المهاجرين اليهود عشان يستوطنوا في أرضنا كانت تهرب سلاح
للعصابات الصهيونية، وكمان لأنّه كلّ انتفاضات يافا بتبدا من هاد
المينا، وبعدين بتنتقل لكلّ فلسطين، ومن هادا المينا بالذات بتبدا
كلّ المسيرات والمظاهرات ضدّ الإنگлиз والصهاينة».

ومع أن حبيب كان رجلاً محبًا لمنع الحياة، إلا أن صبحي لم يستغرب
أنه كان واحداً من أولئك الأشاوس.

«طيب، يا صبحي، أنا عندي لعبة شدّة، لازم أخلّصها. روح استمتع
بالمدينة على طريقتك لساعة أو ساعتين، وبعدين لاقيني في قهوة
لورانس على طريق يافا تل أبيب. أنا وياك لازم نشريلنا كاس أو كاسين
بيرة قبل ما آخذك عند شوشانا اللي رح تعلمك شو معنى المتعة».

طاركاً البحر والمينا خلفه، أدرك صبحي، ولأول مرّة في حياته، كم
تختلف ثقافة البحر عن ثقافة الأرض والزراعة، وفهم أخيراً أنه إذا أراد أن
يصبح أحد الأشاوس، فعليه أن يذهب ويواجه شوشانا.

استعرض في ذهنه كلّ ما سمعه وتعلّمه في ذلك اليوم، وانتابه
شعور بأن بدلته الإنگлизية هي التي كانت تنقله من عالم الصبا إلى
عالم الرجولة.

في الكرخانة

ترنّح صبحي، وارتعدت قدماه، وخفق قلبه وهو يصعد خلف عمه حبيب درجات السُّلْمَ المؤدي إلى كرخانة شوشانا. كان شعوره بالقلق والإثارة شبّهها بشعوره في يومه الأول في المدرسة قبل نحو عشرة أعوام. تذكّر بوضوح اليوم الذي أخذه فيه والده من يده، وسلمه للأنسية أميرة، التي سيظلّ يحبّها حتّى آخر يوم في حياته. شعر بصوت دقات عمه حبيب على الباب وكأنما تقع في صدره.

بعد لحظات، فتحت الباب امرأة ضخمة تشبه الغجريات. كل شيء في تقاطيع هذه المرأة كان مُبالغًا فيه: حجمها، فخذاها، وركاها، شعرها الأسود المرفوع على شكل شنيون، عينها الواسعتان اللتان زادتهما خطوط الكحل الكثيفة اتساعاً، وشفتها الشهوانيتان المرسومتان بأحمر الشفاه. رحّبت بحبيب بصوت عميق، وكأنه ابن عمٍ مفقود.

«أخلاً وسخلاً خببي خبيب، تفضل ادخل، تفضل»، قالت مرحة، وفتحت الباب على اتساعه.

لم يستطع صبحي أن يمنع نفسه من الابتسام وهو يسمع «القهرمانة» صاحبة الكرخانة وهي تنطق الحاء خاءً، على طريقة اليهود الأسكنذريين عندما يتحدّثون العربية. أمعن النظر في المرأة الضخمة، وشعر بالقلق ظناً منها أنها شوشانا، ولكن، لدهشته، رأى خلفها خمس نساء شابات،

لفت انتباهه من بينهن شابة شقراء، أدارت كرسيّها الخشبي باتجاههما، وقد جلست فاتحة ساقيهما، وواضعة ذراعيهما على ظهر الكرسي.

«ليا، هذا صبحي ابن أخوي، هاي أول مرّة بيجي على كرخانة، خبri شوشانا تدير بالها عليه، بس بشويش».

«وإنت خبيب؟».

«أنا باجي الليلة متأخر، بدّي ابن أخوي ياخد راحته بدوني».

«أول مرّة، ها؟ أنا بقدّر أدير بالي عليه»، قالت الشابة التي لاحظت أن عيني صبحي وقعتا عليها بمجرّد دخوله.

«خلّيكي في خالك، يا روشنيل»، أجابتها ليَا القهرمانة.

«تفضّل، ارتاح، يا ولد، شوشانا راخ تيجيلك بعد شوي».

ومثل تلميذ مطيع جلس صبحي على كرسي، وانتظر لما بدت له أطول لحظات حياته وأكثرها إرباكاً.

«هيها إجت»، قالت القهرمانة عندما ظهرت امرأة سمراء نحيلة طويلة القامة، تردي فستانًا بنفسجيًا مكشوف الصدر أبرز ثدييها العارمين.

«شوشانا، هاد الشبّ الخلو ابن أخو خبيب، وخبيب بدّه منك تعلمي».

«بسّيطة، تعال معّي»، قالت شوشانا وهي تمدد يدها لصبحي، الذي لم يأخذها خجلًا، ولكنه تبعها عبر الممر الضيق.

أدخلته شوشانا إلى غرفتها، وأغلقت الباب: «أول مرة تبكي على كرخانة؟».

«صحيح».

«فهم من هيك إنك ما عرفت نسوان قبل هيك؟».

«صحيح»، أجاب صبحي شوشانا التي كانت تسأله عن عذرته، مع أنه لم يكن يعرف أن مفهوم العذرية ينطبق على الذكور أيضاً.

«خايف؟»، سأله وهي تهمس في أذنه.

«شوي».

«قُرّب عندي، واحكيلي من إيش خايف»، قالت وهي تقف إلى جانب سريرها الضخم بعد أن خلعت ثوبها البنفسجي.

«ما بعرف».

«شو حاسس؟»، سأله شوشانا وهي تتحسس أعضاءه، وتفركها برقّة، بينما أخذت تضغط ثدييها بلطف على صدره. كانت يدها ما تزال تداعبه عندما اقتربت وطبعت قبلة فوق شفتيه.

«شايـف! ما في إشي يخلـيك تخاف أو تستحي. تعال، امسـك صدري، واعصره بين إيدـيك»، وأخرجت ثدييها من حمـالة الصدر، ووضـعت يديـه عليهـما: «إحساس حلو، صح؟».

مع الوقت بدأ صبحي يتـهـيج، وصار قضـيبـه صلـباً جـداً تحت بنطالـه.

«خلـينا نطيـرـ هـالـعـصـفـورـ الحـلوـ منـ القـفـصـ قـبـلـ ماـ يـكـسـرـهـ»، قـالـتـ شـوشـاناـ مـماـزـحةـ وهـيـ تنـزـلـ إـلـىـ الأـسـفـلـ عـلـىـ رـكـبـيـهـ.

«بدها تسلّحني بنطلوني؟»، تسأله صبحي، ثمَّ مدَّ يده، وأنزل سحابه.

«يلًا حبيبي، اسلحْ.»

رَغْمَ أَنَّهُ كَانَ مَسْتَشَارًا بِالْكَامِلِ، إِلَّا أَنَّهُ لَمْ يَرْغَبْ فِي رَمِيِّ بِنْطَالِهِ عَلَى الْأَرْضِ حَرْصًا عَلَى بِدْلَتِهِ الْجَدِيدَةِ.

«يلًا، اسلحْ بِنْطَلُونِكَ وَأَوَاعِيكَ الدَّاخِلِيَّةِ»، فَخَلَعَهَا عَلَى الْفُورِ.

«اسْتَرْخِي، خُدْ وَقْتَكَ، اسْتَمْتَعْ وَامْسِكْ حَالَكَ مَا تَقْذِفْ بِسُرْعَةِ. كُلْ مَا طَوَّلَتْ أَكْتَرَ، رَحْ تَسْتَمْتَعْ أَكْتَرَ، النِّسَوَانِ يَحْبُّوْنَ الرَّجَالَ الَّتِي يَمْسِكُوْنَ حَالَهُمْ، فَاهْمَ؟».

كَانَتْ شُوشَانَا تَعْطِي صَبَحِي التَّعْلِيمَاتِ، ثُمَّ أَمْسَكَتْ عَضْوَهُ، وَوَضَعَتْهُ فِي فَمِهَا.

ضَائِعًا فِي شَهْوَتِهِ، ظَلَّ صَبَحِي يَتَأَوَّهُ وَيَتَأَوَّهُ، إِلَى أَنْ وَصَلَ إِلَى النَّشَوَةِ.

وَقَفَتْ شُوشَانَا، ثُمَّ اسْتَلَقَتْ عَلَى ظَهَرِهَا فِي السَّرِيرِ.

«اسلحْ كُلْ شَيْ، وَتَعَالَ تَمَدَّدْ جَنْبَ شُوشَانَا».

خَلَعَ صَبَحِي جَاكِيَّتْ بِدْلَتِهِ، وَرَمَاهُ عَلَى الْأَرْضِ كِيفَمَا اتَّفَقَ، وَتَبَعَ تَعْلِيمَاتِ شُوشَانَا حَرْفِيًّا.

«قَرَبُ أَكْتَرُ»، وَأَعْطَهُ قَبْلَةَ فَرْنَسِيَّةَ، خَطَفَتْ أَنْفَاسَهِ، وَلَكِنَّهَا أَثَارَتْهُ مِنْ جَدِيدٍ. كَانَ آخِرُ مَا يَذَكُرُهُ شُوشَانَا وَهِيَ تَرْكِبُ فَوْقَهِ.

«إِذَا بَدَّكَ مَرَّةَ تَالَّةَ، بِتِقْدِيرِ تِيجِي إِنْتَ فَوْقِي»، فَفَعَلَ عَلَى الْفُورِ.

بعد الجولة الثالثة، فهم صبحي كيف يمكن للمرء أن يشعر بأنه «سبع من الجنس» لدرجة أنه لم يعد يطلب المزيد.

«لماً تيجي عندي المرة الجاية، رح نلعب ألعاب غير هاي». .

كان صبحي قلقاً جدّاً من ثمن هذه المتعة العظيمة، ولكنه وصل إلى محفظته، وسأل: «قدّيش؟».

«عمّك دفع عنك. بتمنّى إنك استمتعت بخدماتنا، وما تنسى ترجع قريب». .

«أكيد رح أرجع»، أجاب صبحي وهو يحاول أن يفهم الكلمة «خدماتنا».

موسم النبي روبين

آب - أيلول 1947

لم يتم صباحي تلك الليلة. كأسطوانة مشروخة ظلّ يتردد في ذهنه صدى مقولة نساء يافا: «يا بربِّي، يا بتطّقني!». ومع أنها التهديد الأكثر شيوعاً الذي طالما سمعه، مثل غيره من أطفال يافا، في حوالي ذلك الوقت من العام، إلا أنها المرة الأولى التي يدرك فيها حقيقة شعور والدته وهي تهدّد والده بالطلاق مازحة، أو ربما جادة.

كان كلُّ ما يحلم به صباحي هو أن يمضي مع شمس شهراً كاملاً، ولهذا بدت تلك التهديدات وكأنها تحدث بلسانه: «هَلَا فهمت ليش ممكِن مرّة تهدّد جوزها بالطلاق إذا ما أخذهاش على موسم النبي روبين. والله أنا مستعدّ أقتل عشان أكون مع شمس طول شهر بحاله»، كان يتمتم لنفسه وهو يقفز من السرير استعداداً لاحتفالات رياض أو بيارق موسم النبي روبين، الافتتاح الرسمي للموسم. كانت احتفالات البيارق تقام على ثلاثة أيام متالية: يوم الاثنين في اللّد، والثلاثاء في الرملة، والأربعاء في يافا. منذ كان طفلاً، كان يذهب مع الصغار الآخرين في حيّه مرتدياً أفضل ملابسه إلى الجامع الكبير الواقع قرب ساحة برج الساعة (المُسماة أيضاً ساحة الشهداء) لحضور مراسم رفع بيرق يافا. داخل المسجد وحوله كان يتجمّع كبار المسؤولين في المدينة: مسؤولو الأوقاف الإسلامية، محافظ يافا وأعضاء المجلس البلدي

جميعهم، زعماء الأحزاب السياسية، التجار، زعماء الاتحادات، تتبعهم الشخصيات الدينية: الشيوخ والدراويس والصوفيون من مختلف الطرق، كبار المسؤولين والموظفين الحكوميين، يتبعهم جميعاً نصف سكان يافا، وبالطبع صبحي وشلّته.

في يوم الافتتاح يخرج سكان يافا من الجامع باتجاه ميناء المدينة وهم يحملون بيرق النبي روبين الأصفر، بينما يركض صبحي والصبية الآخرون من بوابة الجامع، ليشاهدوا كيف كان صيادو السمك والبخار، ومن بينهم علي جَدُّ صبحي وعمُّه حبيب، يستعرضون قوتهم السياسية بحمل بيارقهم الخاصة، والمشاركة بأعداد كبيرة.

كان صبحي ينضمُ إلى الصبية الآخرين المنتشرين على جوانب الشوارع الضيقَة، يتسلَّقون الأشجار أو الجدران العالية لمشاهدة الموكب الرسمي وهو يجوب الأزقة والأسواق في البلدة القديمة بمرافقة الفرق الموسيقية واستعراضات الخيالة. ومن وسط البلدة القديمة كان الموكب يصعد طريق العجمي، ثم يلتَّفُ من جديد عائداً إلى الجامع الكبير.

وما إن يُعلن عن بدء الاحتفال رسميًّا في يوم الجمعة عندما يصير البدر مكتملاً، كما جرت العادة، حتَّى تبدو المدينة وكأنها أُصيَّت بجنون ضربة قمر، وقد استعدَّ أهلها للابتعاد عن حرَّ المدينة الخانق تاركين وراءهم العمل الشاق في موسم البرتقال، والذهاب للاستمتاع بأربعة أسابيع من العطلة على شاطئ البحر. وفي لمح البصر تُنشأ مدينة من الخيام في موقع النبي روبين، القائم على بُعد أربعة عشر كيلومتراً إلى الجنوب من يافا، بين شاطئ البحر المتوسط ونهر روبين، وهذا كلُّه تحضيراً للاحتفاء بالنبي الذي يرقد في مقامه المُقَبَّب.

«لكن، مين روبين؟»، سأل صبحي جَدَّه على ذات مرّة.

«يقطع لسانك؛ يا ولد! هادانبي، واسمه النبي روبين، مش روبين حاف». .

«متأسف، يا سيدى، لكن، برضو مين هُوَّه النبي روبين؟».

«النبي روبين هُوَّه ابن يعقوب».

«يعنى هُوَّه يهودي؟».

«لأ، هُوَّه مش يهودي، مسلم».

«كيف ممكن ابن يعقوب أبو الإسرائيليين يكون مسلم؟»، سأل صبحي وقد اختلط عليه الأمر، محاولاً أن يجد تفسيراً منطقياً.

«يا ابني، إنت ما بتعرف إنّه المسلمين بيآمنوا بكل الأنبياء اللي أجوا قبلهم، حتّى لو كانوا يهود أو مسيحيّين! موسى، عيسى، إسحق، إسماعيل، كلّهم. في مقامات كثيرة مقدّسة عند التلات ديانات أو ديانتين عالاقلّ، مثل الحرم الإبراهيمي في الخليل، وقبّة راحيل في بيت لحم، ومقام الخضر في قرية الخضر، وغيرهم كتير، وكمان قبر يوسف جنب نابلس».

«بس أنا عمري ما شفت يهودي في موسم النبي روبين!».

«هاد مش صحيح، على أيّامي لما كانوا العرب واليهود عايشين سلام مع بعض قبل ما يجوا الإنگليز الأشرار على فلسطين، وقبل بكثير ما يجوا الصهاينة، وقبل الشواشر اللي بدت بين العرب واليهود، كانوا كتير يهود يجوا عالنبي روبين، لكن، بطلوا من بعد ثورة 1936، ويا خوفي إذا ضلّت الشواشر تزيد إنّه ما نقدر نحتفل بالموسم إحنا كمان».

«أَدِيشْ بِتَمَنَّى، يَا سِيدِي، لَوْ إِنِّي عَشْتُ عَلَى أَيَّامِكَ»، أَجَابَ صَبَحِي، رَغْمَ أَنْ قَلْبَهْ كَادَ يَتَوَقَّفُ لِمَجْرِي التَّفْكِيرِ بِأَنَّهُ فِي يَوْمٍ قَرِيبٍ قَدْ يُحرَمُ هُوَ وَشَمْسُ مِنْ قَضَاءِ الْعُطْلَةِ الصِّيفِيَّةِ قَرِيبَيْنِ مِنْ بَعْضِهِمَا بَعْضًا، إِنْ لَمْ يَسْتَطِيعَا أَنْ يَكُونَا مَعًا تَمَامًا.

تابعَ صَبَحِي تَسْأُلَاتَهْ قَائِلًا: «صَحِيحٌ، يَا سِيدِي، إِنَّهُ قَصْدِي النَّبِيِّ رُوبِينَ، اندُفِنَ فِي تَلَاثَ أَماَكِنَ مُخْتَلِفَةً؟ كَيْفَ بِتَصْيِيرِ؟».

«طَبِعًا، فِي إِلَهٍ قَبْرٍ فِي جَبَلِ الْمَقْطَمِ فِي الْقَاهِرَةِ، وَوَاحِدٌ ثَانِي فِي كَابُولٍ، وَتَالِتُ فِي...».

«كَابُولٌ أَفْغَانِسْتَانُ؟».

«لَا، كَابُولٌ مَشْ فِي أَفْغَانِسْتَانُ، فِي كَابُولٍ هُوَنَ فِي الْجَلِيلِ. بَسْ طَبِعًا الْقَبْرُ الْحَقِيقِيُّ هُوَيِّ الْمُوْجُودُ فِي يَافَا، عَشَانَ هِيكَ الْحَجَّ الْحَقِيقِيُّ يَكُونُ هُوَنَ، بَسْ زَيْ مَا إِنْتَ شَايِفِي، يَا سِيدِي، الْحَجَّ تَحُوَّلُ لِمَهْرَجَانٍ ثَقَافِيٍّ، فَقْشٌ وَرَقْصٌ وَعُنَانٌ وَهِيَصَّةٌ، وَبِطْلٌ فِي حَجَّ، وَلَا مَا يَحْرُتُونَ فِي آخِرِ سَنِينِ».

لَمْ يَعْرِفْ صَبَحِي مَوْسِمَ النَّبِيِّ رُوبِينَ إِلَّا بَعْدَهُ أَكْبَرَ مَهْرَجَانَ ثَقَافِيَ فِي الْمَنْطَقَةِ، لَهُذَا أَدْهَشَهُ أَنْ يَسْمَّيْ جَدُّهُ هَذَا الْمَوْسِمَ بِالْحَجَّ، وَبِابْسَامَةِ وَاسِعَةٍ تَذَكَّرُ تَعلِيقُ وَالدَّهِ عِنْدَهُ أَعْطَى رِجَالَ الْأَمْنِ تَعْلِيمَاتٍ صَارِمَةً لِلْمَقاَهِي جَمِيعِهَا فِي مَدِينَةِ الْخِيَامِ: «مَمْنُوعُ الْقَمَارِ، مَمْنُوعُ الشَّرِبِ، وَمَمْنُوعُ الْمَخَدِّراتِ»، قَائِلًا: «وَاللَّهُ، لَوْ وَدُوا حَبِيبُ عَلَى الْحَجَّ فِي مَكَّةَ إِلَّا يَنْدِلُ عَلَى أَماَكِنَ الْفَحْشَ».

عِنْدَهَا رَدَّ حَبِيبُ ضَاحِكًا: «بَسْ مَا قَالُوا مَمْنُوعُ الدِّعَارَةِ، مَشْ هِيكَ؟».

مدينة الخيام

مكتبة

t.me/soramnqraa

مثل أهل مدينته، استيقظ صبحي مبكراً في ذلك الصباح، وبهمة واندفاع، فرّ من سريره للمشاركة في المهمة الكبرى التي تنتظرونهم جميعاً، إلا وهي نقل يافا بأسرها إلى موقع النبي روبين، فأقامة مدينة خيام مؤقتة لإيواء ما يقارب أربعين أو خمسين ألفاً تتطلب جهود الجميع وتعاونهم، ليس فقط أهالي يافا ومؤسساتها، وإنما أيضاً أهالي مدينتي اللد والرملة ومؤسساتها.

ورغم أن بناء المدينة كان من مسؤولية الأوقاف الإسلامية، التي تملك الموقع وتديره، إلا أن المهمة كانت تتطلب مشاركة قيادات المدن الثلاث والجمعيات الأهلية والنادي الرياضي والمؤسسات الثقافية وغرف التجارة، واتحاد البحارة والصيادين المتنفذ، الذي كان يدير، بالتعاون مع الأوقاف، مطبخاً خيريّاً، يوفر وجبات ساخنة لعشرات الآلاف من المشاركيـن لمدة عشرين يوماً. كانت مدينة الخيام تقسم إلى تجمّعات أو شبه حارات على أساس هرميٍّ: الموقع الأفضل كان مختصاً بالطبع لأهل يافا، الذين كانت لديهم أيضاً أكبر الخيام وأجملها، يليه موقع مخصص لأهالي الرملة، ثمَ اللد، ثمَ المجدل والقرى.

في وسط مدينة الخيام تُقام خمسة شوارع تجارية متوازية، تضمُ العديد من المتاجر والمقهىـيـ، تجمع سكّان الأحياء المختلفة، كما تجمعهم الفعاليـات الثقافية العديدة التي تقام غالباً في الهواء الطلق

على مدى الشهر بأكمله، والأكثر شعبية من بينها هي سينما الهواء الطلق، والمسارح، والحفلات الموسيقية، ومسارح الدُّمن، وسباق الخيول، وحفلات الزفاف، وحفلات الطُّهور، إضافة إلى حلقات الذِّكر التي يقيمها الصوفيون والدراويش.

لم يصدق صبحي أذئنه عندما قال له والده: «لا أنا ولا خليل عنا وقت عشان نعمل الترتيبات لموسم السنة، لأنَّه لسَه في شغل كتير لازم نخلصُه في البيَارة، عشان هيك روح شوف محمد بن خليل، واوصلوا عند أبو الرِّفِيل اللي بيأجِر الجمال، وجيبيوا خيمتين حجمهم متوسط وأربع جمال، تنين إلنا، وتنين لدار خليل».

الذِّكر المفاجئ لعائلة خليل، والأهمُّ من ذلك النبرة العادية التي تحدَّث بها والده، رفع آمال صبحي في أن العائلتين قد تصبحان يوماً ما «نساب»، لكنه أراد أن يتأكَّد مما سمعه، فسأل: «أيَّ محمد، يابا؟». «شو قصتك، يا ولد؟ قلتلك محمد بن خليل».

«آه، فهمت، بس طُول بالك علىَّ، يابا، ولا في أكثر من اسم محمد حوالينا»، ثمَّ أضاف: «أروح أجبيه من دارهم في سَلَمة؟». ومع أنه يعرف أنه سيقضي شهراً كاملاً بالقرب من شمس، إلَّا أنه كان يبحث عن أيِّ عذر ليذهب إلى سَلَمة، ويريها بدلته الإنگليزية.

«فش داعي تروح ع سَلَمة، بتلتقي معه في خان أبو الرِّفِيل، بيجوز إنه صار واصل هناك».

سرح صبحي متخيلاً شمس وهي تركب الجمل مع بقية نساء عائلتها وفتياتها وأطفالها، فسأل: «أستأجر جمال مزينة، ولا بدون زينة، يابا؟».

«إنت انجنيت؟ إنت بتعرف قدّيش الجمال المزينة بتكلّف؟ ولا ييش؟
إحنا مش حاملين معنا عروس ولا ولد مطهّر عالنبي روبين».

تمنّى صبحي أن يجرؤ على الإفصاح لوالده: «أيوه، يابا، إحنا رح
تحمل معنا عروسة المستقبل»، ولكنه ظلّ صامتاً.

«يعني برأيك إنه حماتي الكركوبه ولا إمّك بستاهلو إنه ندفع أجرة
جمال مزّين»، قال ضاحكاً، «إحنا عم نحمل معنا أغراض البيت ونسوان
عجايز وصغار دارنا ودار خليل».

«إذا بتجوّز السنة الجاي، يابا، بتستأجر لعروستي جمال مزّين؟»،
سؤال وهو يجسّ نبض والده.

«طبعاً، يا ابنيّي، يا حبيبي، جمل عرسك رح يكون مزّين من راسه
لدبّه، بس بدّك تستنّى عالدور، قبل ما نجوّز كبدنا نجوّز أخوك جمال،
وبعددين بيجي دورك».

لم يعجبه ردّ والده كثيراً، فحاول من جديد: «خيّمتنا وخيمة دار خليل
رح يكونوا جنب بعض، يابا؟».

«بَطْلُ أَسْئِلَةِ سُخِيفَةٍ، يَا صَبْحِي، خِيَامٌ يَا فَا رَحْ تَكُونُ عَلَى تَلَّةِ قَرِيبَةٍ
مِنَ الْبَحْرِ، أَمَّا خِيَامٌ سَلَمِيَّةٌ وَالقَرَى التَّانِيَةُ رَحْ تَكُونُ بَعِيدَةٌ عَنِ الْبَحْرِ،
وَقَرِيبَةٌ عَلَى نَهْرِ روبين».

«يعني قريب من المخاصمة، مطرح ما بنسبح؟».

«بالضبط، وهلّا خلّصني من أسئلتكم، وروح شوف محمّد».

لم يرغب صبحي في إطالة الحديث مع أبيه، فانطلق كالبرق إلى

خان أبو الرُّلْف لتأجير الجِمال، وكان كُلُّ ما يفَكِّر فيه هو بناء صداقَة استراتيَجية مع شقيق شمس الذي يصغرها بعام واحد. وما إن التقى الفتَيَان أمام الخان حتَّى أخذَا يتَبادلان الحديث وسط الجموع، ليكتشف صبحي هَوْس مُحَمَّد بالطَّيَارات الورقية والقوس والنشَاب. كان هذا مدخلًا مهمًّا، ولم يتردَّد صبحي كثيراً قبل أن يعطي لِمُحَمَّد وعداً: «أَوْلَ ما نوصل عالنبي روبيين رح أعمَلَك أَكْبَر وأَحْلَى طَيَارة ورق، وكمان رح أعلمك كيف تعمل أحسن قوس ونشَاب».

«عن جَد؟».

عندما رأى صبحي السعادة في عيني مُحَمَّد اللامعتَين ووجهه المضيء، تأكَّد من أنه وجد لنفسه حليفاً. وحين جاء دورهما في الخان، أعطى كُلُّ منها اسم عائلته وعنوانها، ودفع أجر خيمة متواصِفة الحجم وجَملَيْن.

استكمالاً لخطَّته في بناء صداقَة مع شقيق شمس، قال صبحي: «تعال، خلَّينا نشتري ورق ملوَّن وعيдан خيزران وخيطان للطَّيَارات، وكمان عُصي للقوس والنشَاب، عشان ناخدهم معنا، ونعملهم في النبي روبيين».

«بس أنا ما بقي معي مصارِي».

قاطعه صبحي قبل أن يكمل جملته: «ما تقلق عشان المصاري، هاي هديتي إلك».

وبعد شراء كُلُّ ما يلزم للطَّيَارة والقوس والنشَاب لِمُحَمَّد قال صبحي: «تعال، خلَّيني أعزِّمك على حلويات، بتفضل الكنافة ولا المطبق»، وقبل أن يتمكَّن مُحَمَّد من الإجابة قال له: «ليش ما أشتري لك التنتين؟»، وهو يفَكِّر بالمثل: «طعمي التُّم، بتستحي العين».

صباح الجمعة:

احتفالات الكسوة من يافا إلى النبي روبين

مدينة هائجة مائجة

مثلآف من الرجال والصبية، ساعد صبحي أمّه وجَدَّه وشقيقته في تحميم الجمال الواقفة أمام البيت بالبُسط والفرشات والمخدّات والأغطية وأدوات المطبخ والملابس، وكلّ ما يحتاجونه خلال شهر عطلتهم في النبي روبين.

استغلّ صبحي حالة الفوضى في البيت، وتسلى إلى غرفته، وأخرج بدلته الإنگليزية من الخزانة، ووضعها بحرص في الحقيبة التي كان قد اشتراها خصيصاً لهذا الغرض في اليوم السابق.

وبسبب الكثبان الرملية التي تُقام فوقها مدينة الخيام، وحرارة آب اللّهاب ورطوبته العالية، فقد ارتدى معظم الرجال ملابس خفيفة، مثل الجلاييّات القطنية، وقلّما كان يُرى شابٌ في عمر صبحي مرتدياً بذلة، لذا سيكون من اللافت للنظر ومن المضحك أن يتحوّل مرتدياً بذله الإنگليزية في حرّ موسم النبي روبين. ولكنه لم يتردد ولو للحظة واحدة، إذ كان موقناً أنه سيحظى بفرصة ارتدائها في واحدة من الفعاليات الثقافية العديدة التي كانت تقام كلّ ليلة، كان على ثقة تامة بأنه سيجد الوقت المناسب ليُرثاها لشمس. بعد أن اطمأنَّ على بدلته في الحقيبة، ركض إلى الشارع، ليساعد نساء العائلة في الركوب على الجمال التي ستتحملهنَّ من يافا إلى النبي روبين، وناول والدته وشقيقته الشمامس

البيضاء لتحميهم من شمس آب الحارقة. أمّا الرجال، فبعد أن ينتهوا من تأمين النساء فوق ظهور الجمال التي يقودها شبان يرسلهم أبو الرُّفَّاف، فقد كانوا عادة يذهبون بوسائل مختلفة، فالشبان مثل صبحي ومحمد يذهبون سيراً على الأقدام، بينما يمتهن الرجال الخيول أو الحمير، أو يستخدمون أحد الباصات العديدة التي كانت تتنقل بين يافا والنبي روبين، وهو الخط الذي أنشأته في العام 1937 شركة باسمة للباسات لتسهيل حركة رجال الأعمال بين يافا والنبي روبين.

كان صبحي ومحمد شقيق شمس من بين عشرات الآلاف الذين كانوا يشاركون وهم في طريقهم إلى النبي روبين باحتفال الكسوة، وهو احتفال ديني لكسوة الضرير في المقام المقدس بقماش أخضر من المحمل مطرّز بخيوط من الذهب. كانت المُدُن الثلاث، يافا واللّد والرملة، تتناوب على تأمين الكسوة كلّ عام. ولنيل بركة النبي روبين، انضمّ صبحي ومحمد إلى النساء والأطفال الذين يمرون من تحت الكسوة التي يرفعها من الأطراف ثمانية رجال أقوياء. وكم تمّنى صبحي حينها لو كانت شمس بدل أخيها معه لحظة تواجده أسفل الكسوة.

عند الضُّحى كان نحو أربعين ألف شخص قد تجمّعوا حول الجامع الكبير ومقام النبي روبين المجاور له. منهكين تعباً بعد مسيرة أربعة عشر كيلو متراً، تهاوى الولدان تحت شجرة كينا، وأخذوا يشاهدان مراسم افتتاح الموسم.

حمل المسؤولون الحكوميون ورجال الدين وأعضاء المجالس البلدية رياضتهم، وعرفت فرق الكشافة الموسيقى، وردد الدراويش وأعضاء الطُّرُق الصوفية أذكارهم إعلاناً عن الافتتاح الرسمي للموسم. وفي حين وقف الرجال صفوفاً حول المسجد الكبير، ليؤدُّوا صلاة الجمعة، تجمّعت

النساء والفتيات حول المقام للصلوة، وهنَّ يتوكَّلن بالدعاء، ويسألن النبي أن يقضى حواجهنَّ، فواحدة تطلب أن تحمل، وأخرى أن تُرْزَق بولد، وثالثة أن يُشفى لها عزيز. وما إن انتهت الاحتفال الديني حتَّى التحق صبحي ومحمد بالآلاف الذين تجمَّعوا أمام المطبخ الخيري الذي تديره الأوقاف، ليحصلوا على وجبتهم المجانية الأولى، كما سيحدث طوال الأيام العشرين القادمة. وبعد أن شبعا، حان الوقت لكلٌّ منهمما أن يذهب في طريقه متوجهًا إلى خيمة عائلته في المكان المخصص لها.

قبل أن يفترقا سأله ممدوح متهفًّا لصناعة طياراته الورقية في أقرب وقت: «إيمتنى رح نلتقي؟».

أجاب صبحي سعيدًا بنجاح خطته: «خلَّينا نرتاح اليوم. ليش ما تيجي لخيمننا، خلَّينا نقول بُكرا الساعة خمسة العصر».

«وين خيمتكم؟ بعرفش كيف أوصلها».

«اسأل أبوك وهوَّي بيقولك».

«طِيب، بخاطرك».

«مع السلامة».

بعد قيلولة طويلة بدأت الشوارع الخالية والمتجار والمقاهي تمتلئ بالزبائن، وانطلق معظم الرجال، مرتدين ملابسهم الخفيفة أو جلَّبياتهم، ليلعبوا الورق أو يدخنوا الأرجيلة في العشرات من المقاهي، بينما تدفَّقت النساء إلى أسواق الخضار والفاكهة، أو إلى سوق النساء الذي لم يكن مسموحًا للرجال بدخوله، حيث يجدن أنواع الملابس والمجوهرات المزينة ومواد التجميل كلَّها. أمَّا الأطفال، فكانت وجهة معظمهم الرئيسة هي متاجر الحلوي.

لأن الاحتفال بدأ في ليلة مكتملة القمر، فقد قضى آلاف من الناس
ليلتهم الأولى على الشاطئ أو على ضفاف نهر روبين، حيث أحضروا
طعامهم، وقاموا بالطبخ أو الشواء، وعزفوا الموسيقى، وغنوا، في حين
كان الأطفال يتراکضون حولهم محاولين العثور على أصدقاء قدامى أو
جُدد. في ذلك المساء بحث صبحي عن شمسه دون جدوى، ولكن،
لأنه كان يعرف أنه سيلتقي بأخيها في اليوم التالي، فقد نام بعمق في
تلك الليلة.

سهر الناس في مدينة الخيام إلى ما بعد منتصف الليل، لذلك لم
تدب الحياة في المخيم إلا في وقت متأخر من صباح اليوم التالي. كانوا
يجلسون أمام خيامهم، يشرون قهوة الصباحية مع أفراد عائلاتهم أو
أقربائهم. بعدها ذهب الرجال والأولاد لشراء طعام الإفطار: الحُمُص
والفول والفلافل، وحلوى التمرية الشهيرة، أما النساء، فكنَّ في حركة
دائمة من وإلى خيامهن لتأمين حاجات الصغار وكبار السن. عند الظهر
بدأ الأطفال يتجوَّلون في الشوارع الضيقَة بحثاً عن صندوق العجب أو
كركوز أو صندوق الموسيقى، في حين كان الأولاد الأكبر سنًا والفتيان
من عمر صبحي في طريقهم إلى نهر روبين، المكان الوحيد المسموح
لهم بالسباحة فيه، لأن البحر المتوسط كان يُعدُّ خطراً. وعلى صفتَيِّ
نهر روبين كانت العائلات تتنَّرَ تحت أشجار الكينا الضخمة. ولأولئك
الذين لم يحتاجوا أو لم يرغبو في قيلولة بعد الظهر، وفَرَ المهرجان
العديد من الخيارات، مثل ركوب الخيل والملاكمَة وكرة القدم وصيد
العصافير واللعب بالطيارات الورقية على الشواطئ المفتوحة. كانت
الأُمسِيات هي الوقت الأفضل في المهرجان، فيحلول المساء، كانت
تُشاهد عائلات بأكملها تتمشَّ في الأزقة، لتكتشف ماذا جهزَت لجنة
المهرجان من فعاليات لهذا الموسم. كان موسم النبي روبين قد أصبح
واحداً من أكبر وأشهر المهرجانات الثقافية، ليس فقط في فلسطين،

ولكن، أيضاً في الدول العربية المجاورة، ووفر لرواده خيارات عديدة، من بينها مشاهدة آخر الأفلام المصرية في سينما الهواء الطلق، أو مشاهدة أحد المسرحيات اللبنانيّة والسوّرية، أو الاستماع إلى فرقة موسيقية حلبيّة، أو المشاركة في احتفالات زفاف حقيقية أو مزيفة. كان الصغار مفتونين بشكل خاص بحفلات الزفاف المزيفة، حيث يرتدي الرجال ملابس النساء، ويرقصون الرقص الشرقي. واختارت العديد من العائلات الانضمام إلى حلقات الصوفيين والدراوיש الذين يرددون الأذكار، ويرقصون رقصاتهم الدينية، مثل المولوية، حتى وقت متأخر من الليل، أو إلى أن يسقط الراقصون على الكثبان الرملية الناعمة ويناموا حتّى اليوم التالي. ولكن الكثريين، مثل حبيب، اختاروا الذهاب إلى المقاهي، ليلعبوا القمار، ويشربوا، ويدخنوا الحشيش، والبعض اختاروا بساطة أن يُرْفَهُوا عن عائلاتهم بالشواء أمام خيامهم أو على الشاطئ أو على ضفّتي النهر. كان موسم النبي روين أيضًا مكان عقد الصفقات التجارية وعروض الزواج، والمكان الذي تُولَّد فيه وتتمُّو قصص الحُبّ، مثل قصة صبحي وشمس.

لكي يتخطّي الصعاب الناتجة عن الفصل بين تجمّعات مدينة الخيام بحسب المدينة أو القرية، وبعض النشاطات القائمة على الفصل بين الرجال والنساء، كان على صبحي أن يكون ميكافيلاً، وأن يخطّط بحرص شديد ودهاء لرؤيه شمس، أو، إن كان محظوظاً، فلقاء بها، دون أن يثير شكوك أو اعتراضات أيٍّ من أفراد عائلتهما. ولأنه وشمس كانوا في سن الخامسة عشرة والثالثة عشرة، أي بين الطفولة والبلوغ، فقد تمتّعا بميرة الدخول إلى مناطق الرجال والنساء على حد سواء. كان الأولاد والبنات الصغار كثيراً ما يشاهدون وهم يركضون بحرّية، ويدخلون ويخرجون من المقاهي والشوارع وسوق النساء. ولأنه تمكّن من كسب صدقة محمد، فقد كانت لدى صبحي الذريعة الكافية، ليكون قريباً من شمس.

سماء مزركشة بطائرات الحُبِّ الورقيةَ

ليس واضحًا أيّهما كان أكثر حماسة لموعد صنع الطائرة الورقيةَ، صبحي أم محمد. كما اتفقا في الليلة الماضية، أخذ محمد المواد التي اشتراها له صبحي في اليوم السابق، وذهب للقاءه في خيمة أسرته، وفي طريقه عبر الكثبان الرملية، أذله الفارق بين منطقة التخييم المخصصة لأهل يافا وتلك المخصصة لأهل سلامة: «يا إلهي، خيامهم قصور، كل خيمة منصوبة في وسط أرض واسعة، إليها حيطان»، هكذا عبر محمد عن دهشته لوالدته عائشة تلك الليلة.

«أكيد مش قصدك حيطان، قصدك قواطع من سعف النخل أو القماش، مش هيڭ؟».

«صحيح، يمّا، هاد قصدي».

«معلش، يا ابنّي، الناس مقامات، هُمّه من يافا، وإحنا من سلامة، هُمّه ولاد مدينة، وإحنا فلّاحين».

«معناته واضح إنهم أحسن مّا».

«لا، يا محمد، يا حبيبي، فِشْ حدا أحسن مّنك، يا ابنّي، خليك دايماً متذگر هاد الحكي»، ثم أقتربت منه، وعانته.

كان صبحي يقف على باب خيمة عائلته عندما أطلَّ محمد وهو يتعرّ حاملاً الأغراض.

«ما أكتر هالأغراض، يا محمد، شو رأيك أعلمكاليوم كيف تعمل طيارة، وترك مواد القوس والنِّشَاب لبُكرا أو ليوم تاني». «ماشي، آه، أحسن».

سعيداً بالخلص من الْحِمْل الثقيل، ناول محمد صبحي حزمة من العِصِّي وسكيناً وگُرَيْن من الخيطان.

«أنا راح أحمل ورق الطيارة، لأنّه بتترّع بسرعة»، قال صبحي وهو يأخذ الورق الملون من محمد.

«ماشي»، أجاب محمد وهو يمشي متقاوزاً على الممر الرملي الذي يقود إلى الشاطئ.

«تطلّع على هالطيارات، واحكيلي أي وحدة حبيت أكتر»، قال صبحي وهو يشير إلى الطيارات الست التي كان يطيرها عالياً في السماء بضعة أولاد كانوا قد سبقوهما إلى الشاطئ.

«أكتر إشي عجبتني هديك اللي لونها أحمر وبرتقاني وشكلها مضلع»، أجاب محمد وهو يشير بإعجاب إلى الطيارة التي كانت تحلق عالياً، «وكمان عجبتني الخضرا اللي إلها ديل طويل».

«رح أعملك طيارة ديلها طويل كتير، ورح نسمّيها محمد القرد».

«كتير منيح»، قال محمد وضحك، فقال صبحي: «طيب، خلينا أول نعمل هيكل الطيارة».

عندما وصلا إلى الشاطئ، فرش صبحي بطانية، ليجلس ويعمل فوقها.

«هات ناولني أحسن عصايتين خيزران معك، لازم وحدة منهم تكون أطول من الثانية بخمس طعش لعشرين سنتمتر».

ومع أنه لم يكن يعرف كم يبلغ طول الـ 15 سنتيمتراً، إلا أنه أخذ يفحص العصيّ، وناولها لصبغي، الذي استخدم سكيناً حادةً لحفر تجويف في كل طرف من أطراف العصيّ، وتجويفين آخرين في مكان تقاطعهما.

«هاي الفتحات بتخلّي الخيط يمسك منيحة»، شرح صبغي وهو يربط العصايتين على شكل صليب، ثم شدَّ الخيط داخل التجاويف على أطرافهما.

«شاييف، صار عنّا الشكل المضلّع اللي حبيته، خلينا هلاً نفرد الورق الملون عالي بطانية ونقصُه ونلزقه على العصيّ». فرَّدَ صبغي الورق الأحمر على البطانية، ووضع هيكل الطيارة فوقه، ثم قال: «اللي بدنَا نعمله هلاً إنه نقصَ الورق أكبر بتنين سانتي من هيكل الطيارة، وبعددين بنطوي الورق هييك حوالين العصي، تعال، اضغطْ عليها شوي عبال ما ينشف الصمع».

نَفَذَ محمدَ كلامَ صبغي حرفياً.

«وهلاً صار الوقت إنه نعملَك ديل القرد، شو بدّك لونه يكون؟».

«برتقاني»، أجاب محمدَ غير مصدقٍ أنه سيحصل على طيارة مضلعة حمراء بذيل طويل.

«شو رأيك نعمل ديل بكلّ الألوان؟ ليش ما نحطْ لون أخضر وأزرق وأحمر مع البرتقاني».

«بنقدر؟ آه، طبعاً، يا ريت»، وافق محمد، ثم جلس إلى جانب صبحي، ليتعلم كيف يصنع ذيلاً للطيارة.

«هلاً خُد المقص وَقْصِّص الورق لشرايج صغيرة، ولرّقهم على هدول الخيطان القصار».

أخذ محمد المقص، وجلس على ركبتيه، وأخذ يقص الورق من الألوان كلها كما طلب منه صبحي. في هذه الاثناء، ربط صبحي قطع الخيوط القصيرة بالذيل الطويل، وأعطاه لمحمد: «على كل شعبة من الذيل بذك تلرق لون ورق مختلف عن الثاني، وبس تخلص، بنقدر نلرق الذيل على الطيارة، وهيك بتكون أمورك تمام، وأنا بهالوقت رح أربط الخيط على عصاية قصيرة حتّى يكون سهل عليك تحكم بالطيارة، لإنه أكيد ما بذك خيط طيارتكم يتشرىك في بعضه، ويخلّيها تنزل على راسها».

ما إن انتهى صبحي ومحمد من عملهما حتّى كان عشرات الأولاد قد تحلّقوا حولهما، بعضهم وقف حول البطانية، بينما تجرّأ آخرون على الجلوس إلى جانب صبحي، وأخذوا جميعاً يتكلّمون في وقت واحد:

«بنقدر تعملّي وحدة؟».

«وأنا كمان، قدّيش بذك عليها؟».

«خُد، بدفعلك هلاً»، قال صبي الجنجي وهو يُخرج من جيده بحماس بضعة قروش، ويقدمها إلى صبحي، «خُد هدول، واعملّي طيارة مضلّعة بدب طويل».

«اصبروا، اصبروا، خلّوني أؤلّ أكمل هاي الطيارة، بعدين بعلّمكم كلّكم كيف تعمّلوا طيارات لحالكم».

«عن جَدِّ، بَدَّكْ تعلّمَنا كيف نعمل طيّارات؟».

«بتقدر تصلّحلي طيّاري؟ الهوا مَرْعُلِي ياهَا»، قال صبي آخر.
«أنا طيّاري انكسرت عصايتها».

«هيبّي، هيبّي، ابعدوا شوي، يا ولاد، رح تدعسوا على طيّارة محمد الجديدة. مش رح أعمل طيّارة إلّا للّي بيوقفوا بعيد عن البطّانية، سامعين؟ ارجعوا لورا، ولا فِش طيّارات».

ولدهشة صبحي استمعوا لتعليماته فوراً، وتدحرجو عن البطّانية، ووقفوا حولها مثل جنود مُدرّبين.

«اسمعوني منيح، ما تصيبوا ولا إشي، والحقوني، لأنّي أول بُدّي أفرجي محمد كيف يطير طيّارة ديل القرد تبعته، وبعدين بعلّمكم». انطلق صبحي يتبعه جيش من الصّيبة المتحمّسين.

«خُدِّ، يا محمد، امسك الطيّارة، واركض فيها بعكس الريح، لما تبلّش تطير، اركض معها، ومدّلها خيط زيادة، بس دائماً خلّي الخيط مشدود، وما تعطيهوش أكثر من اللازم. حظّك منيح، لأنّه في نسمة حلوة اليوم. يالا، يا محمد، ورجيني شطارتك».

ركض محمد متّبعاً تعليمات صبحي وهو يمسك بطائرته وذيلها الطويل يتلوّي خلفها، وفي لحظات كانت الطائرة المزركشة زاهية الألوان تحلق عالياً في السماء، وكذلك كان قلب محمد.

«اللّي بُدّه يتعلّم كيف يعمل طيّارة يلحقني، أنا ما ببيع طيّارات، بس رح أعلّمكم كيف تعملوها لحالكم».

وسط جمهور كبير من الأطفال صنع صبحي طائرة ثانية وثالثة ورابعة، وحين رفع رأسه ليعطي الطائرة الرابعة لأحد الأولاد، وقعت عيناه على وجه شمس بينهم. كاد قلبه أن يتوقف، وكان على وشك الإغماء وقد تعلق بصره بالبقع البرتقالية في فستانها الأبيض. وما إن استطاع السيطرة على مشاعره، حتى أخذ نفساً عميقاً، وحدق في عينيها العسليتين، وابتسم، فابتسمت لها. لم يعرف ماذا يفعل بعد ذلك، فأخذ يصبح بأعلى صوته: «يَلَّا، يا أولاد، خَلَّصْنَا الْيَوْمَ، زِيْ مَا إِنْتُو شَايفِينَ مَا ضَلَّشْ عَنِّي أَغْرَاضَ أَعْمَلَ فِيهَا طَيَّارَاتٍ، وَاللَّيْ بَدَّهُ مِنْكُمْ يَتَعَلَّمُ كَيْفَ يَعْمَلُ طَيَّارَةً يَطْلَبُ مِنْ أَبُوهُ خَمْسَ قَرْوَشَ، وَيَلَّاقِينِي فِي مَكْتَبَةِ أَبُو هَانِي، رَحْ أَكُونُ هَنَاكَ بَعْدَ الْغَدَاءِ، خَلَّيْنَا نَقْوِلُ السَّاعَةَ تَلَاثَةً».

لاحظ محمد من بعيد مغازلة صبحي لشقيقته، فجاء راكضاً وقال معتراضاً ببراءة، أو ربما بخبيث، وهو يعطي طيارة مزيداً من الخط لترتفع أكثر: «فَكَرْتُكَ بَدَّكَ تَعْلَمْنِي كَيْفَ أَعْمَلُ الْقَوْسَ وَالنَّشَابَ بُكْرَا».

«أَنَا الْيَوْمُ عَلَّمْتُكَ كَيْفَ تَعْمَلُ طَيَّارَةً، بَسْ بُكْرَا بَدَّكَ تَعْمَلُ طَيَّارَةً لِحَالِكَ».

«ماشي الحال»، قال محمد وهو يضحك، ثم ركب خلف طيارة من جديد.

وما إن تفرق الأولاد من حولهما حتى حظى العاشقان الصغيران بفرصتهما الأولى في هذا الموسم لتبادل الابتسamas وبعض كلمات الإعجاب والغرل.

«شَكَرَا عَلَى الصُّورَةِ اللَّيْ بَعْتَلَّيْ يَا هَا، كَتِيرَ الْبَدَلَةِ حَلْوَةُ عَلَيْكَ. إِيمَتِي بَدَّيْ أَشْوَفَهَا؟».

«مبينٌ عليك حابة تشوفي البدلة أكثر مما حابة تشويفيني».

لم تعرف شمس بماذا تردّ، فصمتت وتورّد خدّها.

ولكي يبَدِّد الحرج الذي سبَّبته ملاحظته العاشرة، أضاف صبحي:
«أكيد رح تشويفيها، أنا جبتها معى عشانك، ومستنى فرصة ألبسها.
تطلّعِي حواليكِ، ما فِيش حدا لابس بدلة في هالحرّ».

«بس أنا بدّي أشوفك فيها»، وهذه المرة اختارت شمس كلماتها
بحرص.

«ما تقلي، رح ألاقي طريقة. بتمنّى تكوني عرفت إنني عملت مهرجان
الطيارات هاد كله بس عشان خاطرك».

«عشاني أنا؟»، احمررت من جديد، وأضافت: «عن جد؟ شكرًا».
«كيف كان ممكن أشوفك على راحتى، لو لا معرض الطيارات اللي
عملته؟»، ابتسم صبحي، ثمْ غمز لها بعينه.

وخشية إثارة شكوك العائلة، وما قد ينتج عن ذلك من قيود على
تحركات شمس في الأسابيع المتبقية من الموسم، حاول صبحي وشمس
عدم لفت الأنظار إلى إعجابهما المتبادل والحبُّ الحارق الذي يعتمل
في قلب صبحي. شيء ما في شعر تلك الفتاة المتموج، وعيّنها
الحزينتين، وابتسماتها البريئة، كاد يفقد صبحي صوابه. لم يتغيّر فيها
شيء منذ رآها آخر مرّة، وفي كلّ مرّة اقترب منها، أو حتّى حدّق فيها
من بعيد، كان قلبه يذوب في صدره.

في الأيام التالية أقام صبحي ورشات لصنع الطيارات الورقية مع
عشرات من الأطفال بينما شمس في الجوار. وتعبيرًا عن حبّه لها سرعان

ما ملأ السماء بطيارات من الأشكال والأحجام والألوان كلها، بعضها بأشكال هندسية: مثلثات ومرئيات ومظلعات، وأخرى على شكل حيوانات ونباتات: طيور وحلزونات وأخطبوطات وقناديل بحر وأزهار. ولكن الطيات التي أحبها الأطفال أكثر من غيرها كانت تلك التي رسم عليها وجوهاً (يفترض أنها وجوههم، ولكنها أيضاً وجه شمس) بتعابيرات مضحكه: وجهها مبتسمًا، وجهاً بعين تغمز، وجهاً بأنف طويل مثل وجه بينوكيو، ووجهها بخصلات شعر ذهبية. في كل يوم كانت تظهر أشكال جديدة، وألوان جديدة، وتقنيات جديدة، وفي كل يوم كان يظهر عرض مدهش جديد، وظاهرة من الألوان كانت تعطي السماء. ومع الوقت أصبح عرض صبحي للطيات الورقية متعددة بصرية للمشاهدين، ومن بين هؤلاء كان أبناء عائلته، الإخوة والأخوات الأكبر، وكذلك شمس وشقيقاتها الأصغر. وفي حين كان المشاهدون مذهولين إعجاباً بالسماء الملونة بطيارات صبحي، كان هو مذهولاً بحبه لشمس، ولكن، ربما كانت شمس أصغر وأكثر براءة من أن تفهم رغبة صبحي الحارقة فيها، وعشقه لها.

حُبٌّ حِيَاٰتِي

الآن وقد شعر صبحي بأن رباط الطيارة الورقية بينه وبين محمد قد صار وثيقاً، حاول أن يجرّب حظه، ليحقق المزيد.

«احكيلي، يا محمد، بتحب إسماعيل ياسين وفريد الأطرش؟». مع أنه كان يعرف جيداً أن الأطفال جميعهم من عمر محمد كانوا يعشقون الكوميديان المصري إسماعيل ياسين، وليس بالضرورة المطرب السوري فريد الأطرش، لكنه، ولدهشته، اتضحت أن محمد من معجبي المغني: «أنا بعشق فريد الأطرش، وحافظ كل أغانيه عن غيب».

«والله؟ عن جد؟ مش رح أصدقك إلا إذا سمعتك بتغنى وحدة من أغانيه».

لم يكن محمد بحاجة للإقناع حتى يبدأ بالغناء. وقف وشد قامته مقلداً فريد الأطرش، ويبدأ يغنى إحدى أغانيه الشهيرة «يا ويلي، من حبه، يا ويلي، يا عذابي في نهاري وليلي»، وما إن أنهاها حتى بدأ دون أن يطلب منه أغنية «يا بو ضحكة جنان». وبينما كان صبحي يتعجب من اختيارات محمد الجريئة للأغاني، بدأ محمد يستعد للبدء بأغنية ثالثة، ففاطعه صبحي قائلاً: «طيب طيب، يا محمد، صدقتك»، وحتى لا يؤذي مشاعره أضاف: «شو هالصوت الحلو؟». كان صوت محمد جميلاً بالفعل.

«شو رأيك تجيب أخوك الكبير وتبجي عشان نشوف فيلم إسماعيل

ياسين في السينما المفتوحة الليلة؟»، اقترح صبحي ذلك مع أنه يعرف جيداً أنه ليس لمحمد أخ أكبر أو أصغر.

«ما عنديش أخ أكبر منّي، بس عندي أخت أكبر».

«قدّيش عمر أختك؟ أنا بسألك بس لأنّه المهرجان بسمحوش للأولاد الليّ بعمرك إنهم يدخلوا على السينما لحالهم».

«بس إنت شفت أخي، عمرها تلاتطعشر سنة».

«طيب، ليش ما تجيب أختك الكبيرة وتبجي على مدخل السينما، ومن جديد، كان صبحي يحاول خداع محمد، وخشي أن يقول له: «بس إنت كبير، وبقدر أفوتك معك»، ولكنه لم يفعل.

«وشو اسم أختك؟».

«شمس، أخي الليّ حكيت معها».

تجاهل صبحي تعليق محمد، وتتابع: «شمس؟ اسم حلو كتير. طيب بشوفك إنت وأختك شمس الليلة الساعة تمانية».

«ماشي الحال، رح أحكي لشمس، ويمكن كمان أجيب خواتي الصغار، بس بذك توعدني إنت تعملي أكبر طيارة بالدنيا، وتعلّمني كيف أعمل القوس والنشّاب».

«طبعاً، الليّ بدك ايه، إنت بس اطلب»، قال صبحي وقد بوغت بأن محمد كان في الواقع يعقد صفقة معه.

متربقاً بلهفة رؤية شمس في السينما المفتوحة تلك الليلة، فكر صبحي بارتداء بدنته، ولكن، على الرّغم من وجود العديد من الفعاليات

الثقافية في مهرجان موسم النبي روبين، إلا أنه بسبب حرارة آب ورطوبته، وأيضاً بسبب الكثبان الرملية، لم يكن أحد يرتدي بدلة، خصوصاً ممن هم في عمره أو طبقته، فمعظم الرجال من بيئته كانوا يرتدون القمباز المصنوع من القطن، لذلك، وحتى لا يكون محظوظاً سخرية، تخلى عن فكرة ارتداء البدلة في ذلك المساء، ولكنه، بالتأكيد، لم يتخل عن التفكير بخطوة أخرى. ومع أنه لن يتمكن من ارتدائها في هذه المناسبة، إلا أنه أراد أن يبدو أنيقاً في موعده الرسمي الأول مع شمس، لذلك قرر أن يرتدي ثانية أفضل زعيماً يمتلكه.

بينما ذهب والد صبحي وإخوته إلى المقهى للعب الورق وتدخين الأرجيلة، انضم عمه حبيب إلى لاعبي القمار ورفاق الشرب، في حين قضت أمّه وأخواته الأُمسيات بحضور إحدى الفعاليات الثقافية، أو في سوق النساء الذي يظل مفتوحاً حتى منتصف الليل. قبل الذهاب إلى موعده في السينما، أسرع صبحي إلى الخيمة الخالية، وارتدى أفضل بنطال عنده مع قميصه الأزرق الفاتح الجديد، ولعدم وجود مرآة دار حول نفسه مرّتين، ودعا أن تحب شمس مظهره هذا. وقبل الخروج من الخيمة، أخذ زجاجة كولونيا عمه حبيب، وسكب نصفها على ذراعيه، ومسح وجهه ورقبته، ثم طار عابراً المسافة التي تفصل مخيّم أهل يافا عن السينما المفتوحة في وسط مدينة الخيام، بينما الرمل يغبر حذاءه اللامع وبنطاله الأنثيق. وحين لمح شمس بفستانها الأبيض والبرتقالي تنهّد، وأحسّ بقلبه يذوب في صدره. كانت شمس بصحبة أخيها محمد وأختيها الأصغر نظيرة ونوال. ارتجفت يده عندما مدّها ليصافحها، أبقى على راحتها في يده طويلاً، ثم ضغط عليها. احمررت وجنتها، وسحبت يدها بعيداً.

«ما أحلى هالفستان، يا شمس!».

«عن جَد؟»، تظاهرت بالدهشة، ثُمَّ وضعت يدها على الجزء الأسفل من فستانها، وقالت: «مبسوطة إِنْه عجبك».

الآن وقد تحققَ حُلمه أخيراً في أن يكون مع شمس، كان صبحي مصمّماً على أَلَا يُضيّع فرصة الجلوس إلى جانبها طوال مَدَّة عرض الفيلم. ومع أن هذه سينما مفتوحة، نصفها مغطى بخيمة ونصفها الآخر مكشوف للسماء المفتوحة، أي أنها ليست معتمة مثل دُور السينما في يافا، إِلَّا أنه اتَّخذ قراره في أنه لن يُفوّت الفرصة للتعبير عن حُبّه الجارف لها، ورغبتة فيها.

اختار صبحي بخطيط استراتيجي مُحكَم خمسة مقاعد متباورة، ودعا شمس وإخواتها للجلوس: «يَلَّا، تعالوا، فوتوا»، وأجلس محمد ونظيره ونوال إلى يساره حتَّى يضمن أن تكون شمس وحدها إلى يمينه، أملاً أن أيَّاً منهم لن ينتبه لما تنوي يده اليمنى فعله. وبالفعل، وبفضل الأداء المضحك للكوميديان المصري إسماعيل ياسين وغناء فريد الأطرش ورقص سامية جمال، كانوا جميعاً مستغرقين تماماً في فيلم «حُبٌّ حياتي».

سحب صبحي كرسيَّه القشَّ الغاطس في الأرض الرملية، بقدْر ما استطاع إلى جانب كرسيِّ شمس، وكُلُّما مرَّ مشهد ليلي أو معتم في الفيلم، كان يلامس فخذها بفخذه. وحين اطمأنَّ إلى رضاها، وضع يده على يدها، واطمأنَّ أكثر حين لم تبعد يدها أو جسدها عنه. في منتصف الفيلم تشجَّع، فوضع يده على ذراعها، ثُمَّ جعلها تنزلق لتلمس ثديَّها الصغيرَيْن الصلبيَّين، ولكنها انكمشت على نفسها مبتعدة عنه. جلس

بلا حركة لبعض الوقت، ثمَّ أخذ يدها في يده مَرَّةً أخرى، وهذه المَرَّة تركتها له، وجلست ساكنة. ظلَّا على هذه الحال إلى أن انتهى العرض.

«تصبحي على خير».

«تصبح على خير».

كان هذا كُلُّ ما قالاه عندما التقى أعينهما، وغمرت وجه شمس الهدى بابتسامة خفية مطمئنة، ثمَّ قطع محمَّد الصمت المريح، وسأل:

«بِدْك تعمَلَنَا كمان طَيَّارات بُكرا؟».

«طبعاً بِدِّي أعمل، أَوَّل رح أعمل طَيَّارات للأولاد، وبعدين أعمل بيوت لعب للبنات».

«عن جَد؟ بِدْك تعمَلَنَا بيت لعب؟»، سألت نوال ذات السبع سنوات بحماسة.

«إذا، بتلاقوني في مكتبة أبو مروان عشان نشتري الأغراض الضرورية، وبعدين بنروح على الشطُّ عشان أعملُك أحلى بيت لعب»، هذه المَرَّة وجهَ صبحي الكلام لنوال، «وكمان ممكِن أعمل إلنا بيت لعب كبير»، قال صبحي مغازلاً شمس، ومَرَّةً أخرى أحمرَ وجهها، وابتسمت له بابتسامة رقيقة.

ومثل مهرجان الطَّيَّارات الورقية، تحولَ معرض بيوت اللُّعب إلى جنة للفتيات الصغيرات. وهكذا، فإن مهارات صبحي الميكانيكية التي أكسبَتُه البدلة الإنگليزية الشهيرة، أكسبَتُه أيضاً شعبية واسعة، وجعلته محظوظاً إعجاب الأطفال من أولاد وبنات في مدينة الخيام. لقد أصبح عرض الطَّيَّارات، وكذلك معرض بيوت اللُّعب، أحد أكثر الفعاليات ارتياضاً في موسم النبي روبين ذلك العام.

وداعاً شمس، وداعاً موسم النبي روبين

بعد أن ابتكر صبحي أنواع الحيل كلّها، ووضع أنواع الخطط كلّها حتّى يكون مع شمس أو بقربها طوال شهر المهرجان، حان الوقت ليحيك خطّة لمشاهد ختامي، يجمعه بها، ليحمله معه كذكري، تعينه على فراقها حتّى يتلقّيا من جديد. استحوذت عليه الفكرة، فظلّ يتقلب في فراشه طوال الليل وهو يستحضر مشاهد الحبّ التي رآها في حياته جميعها: مشاهد من الأفلام التي شاهدها في سينما نبيل، ومشهد الحبّ، أو على الأصحّ الشهوة، الذي استدرجته إليه جارته الأرملة أمّ زهرة، وأخيراً، ولكن، بالتأكيد، ليس آخرًا، مشاهد الجنس التي عاشها مع شوشانا.

ومع أنه كان قد وعد نفسه بـ«الآن يفكّر في شوشانا عندما يكون مع شمس، ولا يفكّر في شمس عندما يكون مع شوشانا، إلّا أنّ الأحساس والمشاعر والإثارة التي منحتها له قبلة شوشانا الفرنسيّة ظلّت في ذاكرته عصيّة على النسيان، وكان يعرف أن القُبلة هي الأمر الوحيد الممكن والمقبول بينه وبين شمس، ولكن، هذه المرة سيكون هو المبادر والممسك بزمام الأمور، والذي سيُلعب دور الواثق الذي لعبته شوشانا، مع شمس البريّة وعديمة التجربة. بعد أن قضى الليلة بطولها وهو يفكّر في قُبلته الأولى لشمس، شعر بالثقة، ليدعوها في اليوم التالي: «شو رأيك تيجي اليوم المسا على خيمتنا بعد ما الكلّ يطلع، عشان أفرجيك بدلّة عرسنا».

«بدلّة عرسنا؟»، شهقت شمس، وضحكـت، ثمّ قالت: «بس أنا خايفـة حدا يشوفـنا لحالـنا في خـيمـتكـم، والله أبوـي إذا عـرفـ ليـدـبحـنيـ!».

«ما حـدا راحـ يـشـوفـكـ، بـسـ الأـهـمـ إـنـهـ ماـ حـداـ بـسـتـجـريـ يـمـدـ إـيـدـهـ عـلـيـكـ وأـنـاـ مـوـجـودـ حتـّـىـ لوـكـانـ أـبـوكـ».

هذا التصريح الجريء حيّر شمس، وجعلها تقول: «إنتو يا فاوّيَة ما بتعرفوا إيش ممكِن أب فلاّح يعمل إذا بيمسك بنته لحالها مع ولد في خيمة أو في بيت. إحنا فلاّحين مش يفاؤيَة».

في مساء ذلك اليوم، قفز قلب صبحي في صدره عندما لمح شمس من بعيد قادمة نحو خيمة عائلته. شدَّ قامته، وزرَّ جاكيت بدلته، وعدَّل بنطاله، ثمَّ وقف أمام مدخل الخيمة كما وقفت شوشانا أمام باب غرفتها. ولحسن الحظُّ، كان الممرُّ أمام الخيمة خاليًا إلَّا من صبيَّين كانوا يطاردان الكرة.

دخل إلى الخيمة بعد أن تأكَّد من أن شمس قد رأَته، فعلى الرَّغم من تصريحه الرجولي ذلك الصباح، كان آخر ما يريده هو أن يتسبَّب لها بالمشكلات.

خفق القلبان بشدَّة عندما وقف العاشقان وجهاً لوجه.
«شو رأيك في بدلة عرسنا؟».

«إنت وبدلتك أحلَى إشي في العالم!»، أجبت شمس.

«عن قريب رح يكون معِي مصارِي عشان أشتريلك فستان عرس أبيض».

«أبيض؟ ليش أبيض؟ إحنا في سلَّمة عنَّا ثوب الملَّون وكثير حلو».

لم يشا صبحي أن يُضيِّع الوقت في مناقشة الفرق بين أثواب الزفاف في يافا وسلَّمة، فلم يعلُّق، لأنَّ الوقت قد حان ليتصرَّف بدل إضاعة اللحظات الثمينة في كلام غير مُجدٍ.

قَرَبَ وجهه من وجهها، وراح ينظر في عينيها، إلى أن ظهرت تلك الابتسامة الخفية على وجهها الجميل، ثم أزاح شعرها الأشقر المتموج إلى الخلف، وضغط جسده على جسدها، وقبلها على فمها. وعندما شعر بجسدها يستجيب له، وبشيئها الصغيرتين يلامسان صدره، تشجعَ شعر بجسدها ضمَّها بقوَّة أكبر، وأعطتها واحدة من قُبلات شوشانا الفرنسيَّة، وظلَّ مستغرقاً في القُبْلَة حتَّى انقطعت أنفاسهما. احمرَ الاثنان خجلًا، أمَّا هي، فأخذت نفَسًا عميقًا، وتنهَّت، ثم همسَت: «خلَّينا نطلع من هون قبل ما حدا يشوفنا». انتزعَت جسدها من بين ذراعَيْه، وابتسمت له ابتسامة، ستأسِر خياله حتَّى آخر أيامه، ثم قالَت: «بخاطرك». وبقلب مُثقل وجسد مُستثار، ودعَ صبحي حبيبته التي ركضت مسرعة خارج الخيمة، وابتعدت عن ناظريْه.

ظلَّ واقفًا في الممرِّ يراقب شمس وهي تغيب في عَتمَة الغَسَقِ.

«كلُّ الأشياء الحلوة بيجي وقت ويتخلص، إلَّا حُبِّي لشمس. أنا مش عارف بعد ما تعودت إني أكون معك كلَّ يوم، كيف بدُّي أقدر أعيش سنة كاملة قبل ما أقدر أشوفك مرَّة تانية»، كان صبحي يتمتم لنفسه. تحت سطوة مشاعره المتاجحة فكرَ في أن يصرُّ بحبِّه لوالدته، ولكنها كانت، مثل بقية النساء، مشغولة بجمع مقتنيات العائلة من الخيمة، وتحمِيلها على الجملَيْن اللذَّيْن سيحملانهم عائدين إلى يافا. راودَهُ أيضًا الرغبة في أن يفصح عن حُبِّه لوالدته حين كان يساعدُه مع إخوته في فكُّ الخيمة وطيِّها، ولكن، لخوفه من أن يفقد السعادة التي كانت تغمر قلبه بسماع كلام لا يعجبه، اختار أن يحتفظ بالأمر لنفسه.

عندما انتهت تفكيك كُلُّ شيء، أجال صبحي نظره في المكان وتساءل: كيف تختفي مدينة الخيام التي شهدت حُبَّهما هكذا ببساطة؟

في أقلّ من ثمانٍ وأربعين ساعة، عاد الموقع إلى حالته الأولى: مجرد كثبان رملية، يقوم في وسطها المقام والجامع. بدا مقام النبي روبين فارغاً ومهجوراً تماماً مثل صبحي.

الفصل الثاني

العودة إلى يافا

الله يكفينا شرّ الضحك

(أيلول - تشرين الثاني 1947)

مرّ شهراً قبل أن تعود يافا وسُكّانها إلى روتينهم اليومي. تساءل صبحي لماذا كان يشعر بالكآبة في حين يجب أن يكون سعيداً بعد أن قضى شهراً كاملاً مع شمس وبقرها. افتقدها أكثر من أيّ وقت مضى. سأل نفسه وهو يتنهّد: أين ومتى وكيف سأراها مرّة أخرى؟

لم تكد المدينة تبدأ في استعادة إيقاع حياتها ونشاطها الاقتصادي والثقافي، حتّى صعقتها الشائعة، التي أصبحت الآن حقيقة: الحكومة البريطانية أعلنت رسمياً عن نيتها في إنهاء انتدابها على فلسطين، وسحب قوّاتها بحلول منتصف ليلة 14 أيّار 1948، وبذا واضحأ أنها لا تنوّي فرض مشروع التقسيم الذي سيتم التصويت عليه في الجمعية العامّة للأمم المتّحدة مساء 29 تشرين الثاني 1947.

كان أمّام الفلسطينيين واليهود شهراً فقط، ليصوغوا استراتيجيتهم، ولاظهرّوا قوّتهم، ويعرضوا عضلاتهم (في حالة الفلسطينيين، إن كانت لديهم أيّة قوّة أو عضلات). وبينما كانت الأحزاب السياسيّة تتجاذل حول فوائد ومساويّ إنتهاء الانتداب، كانت مشاعر القلق والخوف والارتباك تسيطر على المدينة، وكان الفلسطينيون، الذين يدركون التفوق العسكري للميليشيات اليهودية، يشعرون بالقلق على مستقبل مدينتهم، وقد ملأ الخوف والتّرقب قلوبهم، ومن بينهم صبحي، الذي استعاد كلمات جَدّه على قبل بضعة أشهر: «يا خوفي، إذا استمرّت

الشواشر زي ما هو صاير هلّا إله ما نقدر عمرنا نحتفل بموسم النبي روبين».

«يا ربّ! معقول يكون الكلام صحيح؟ وين وإيمتى رح أشوف شمس كمان مرّة؟»، كان يشعر برجفة خوف في جسده كله.

أحسّ صبحي بالتوّر في الأجواء وهو يسير في شارع المحطة في طريقه إلى العمل. كان المارة والتجار يتبادلون الحديث بخوف وقلق عن انسحاب القوّات البريطانية: «هذا سيخلق فراغاً سياسياً وعسكرياً لن تملأه إلّا القوّات الصهيونية. الإنگليز الأوغاد سينسحبون ويتركوننا تحت رحمة الميليشيات اليهودية المدرّبة تدريباً عالياً والمجهّزة بالسلاح»، كان صبحي يسمع مثل هذا الكلام طوال الوقت وهو يسير باتجاه الكراج.

عندما وصل إلى مكان عمله، وجد أن الحديث تحول إلى الاقتصاد: «ملعون أبو هالشغالة، مين اللي بدُّه يدفع رواتب الآلاف من موظفين الحكومة والبوليس والمعلمين؟ مش قادر أصدق إنه بدهم يلمّوا أغراضهم ويرحلوا بها بساطة».

كان صبحي يستمع إلى الحوار بين المعلم مصطفى وضابط البوليس الفلسطيني الذي أتى لإصلاح مولد كهربائي. والأمر الذي حير صبحي أكثر كان مشاعر الحب والكراهية المختلطة التي يحملها الفلسطينيون لمحطّلיהם الإنگليز.

«طول عمرنا كنّا بنشكّي من تحيز الإنگليز ضدّنا، وهلّا لما صاروا بدهم يطلعوا صرنا نلطم مثل الأيتام، شو اللي صايرلنا؟»، هكذا قال صبحي لمعلّمه بعد أن ذهب ضابط البوليس.

«لأ، الموضوع مش هيكل، يلعن أبو الإنگليز. المشكلة الحقيقة إنهم

من لِمَّا أُجوا على فلسطين سنة 1917 سمحوا لليهود يهاجروا ع بلادنا، وكمان سمحولهم يهربوا سلاح ويحصلوا على أحسن تدريب عسكري. وهلأ بدهم يتركونا تحت رحمة اليهود السَّفَلَة. حُدْ مُنِّي، يا ابني، إحنا ما عنَّاش أيّ فرصة نقدر نواجههم». كانت هذه هي المرة الأولى التي يسمع فيها صبحي معلّمه يشتم ويلعن ويتحدى بهذا الانفعال كلّه. أخذ المعلم مصطفى نَفَسًا عميقًا، ثمَّ أضاف: «طَيِّب، أظنَّ إِنَّهُ صار الوقت إني آخذ مرتي وولادي على بيروت».

«تُوخدِّهم على بيروت؟! ليش؟! وعشان إيش؟!».

شعر المعلم مصطفى كم أرعبت كلماته صبحي، فتراجع قائلاً: «لا، ما تقلق، إذا أخذت عيلتي على بيروت، أكيد أكيد رح أرجع على طول».

ومن بين الأحاديث كلّها عن الخوف والقلق التي سمعها صبحي في الأيام الأخيرة، كانت كلمات المعلم مصطفى هي أكثر ما أرعبه. شعر بأن ما سيحدث لعشرات الآلاف من الموظفين الحكوميين ورجال البوليس والمعلّمين بذهاب الاتداب سيحدث له إذا ذهب المعلم مصطفى: سيبقى بلا عمل، ولن يتمكّن من أن يعيش نفسه أو يتزوج شمس. ترك كلام المعلم مصطفى فيه حرّتاً وإحساساً بالكلبة، فحاول أن يشغل نفسه، فوضع سلك محرك مكسور في الكهرباء، وفي الحال استغرق في عمله.

الشائعات تطفو في الأرجاء

كالنار في الهشيم انتشر الخوف والقلق والارتباك في يافا وأنحاء

فلسطين كلّها، وصار عدم اليقين الذي يلُفُّ مستقبل المدينة مصدر قلق للجميع. وبما أن يافا كانت جزءاً من الدولة العربية المقترحة حسب ما ينصُّ عليه مشروع التقسيم، فقد جادل بعضهم بأنه ليس هناك ما يدعو إلى الخوف، في حين جادل بعضهم الآخر بأن الصهاينة لن يكتفوا بحصَّتهم، وأنهم سيلحقوننا على ما هو بين أيدينا بعد تثبيت دولتهم اليهودية على الأرض. وبينما دعت الأقلية إلى قبول مخطط التقسيم، وقف غالبية الفلسطينيين في وجهه متصدِّين له، وكذلك فعلت بعض الأحزاب اليهودية، مثل لحي وأرغون.

دعا بعضهم إلى التصعيد ضدَّ العدوّ، في حين دعا آخرون إلى الالتزام باتفاقية عدم الاعتداء.

دعا بعضهم أيضاً إلى إضراب لمدة ثلاثة أيام، بينما دعا آخرون إلى إضراب مفتوح.

بعضهم طالب بالمزيد من الأسلحة، في حين حذَّر آخرون من ذلك.

وبغضِّ النظر عمَّا فكَّر به الفلسطينيون أو ما لم يفكُّروا به، فقد صوَّتت الجمعية العامة للأمم المتحدة مساء 29 تشرين الثاني 1947 على القرار 181، الذي يدعو إلى تقسيم فلسطين الانتدابية إلى دولتين: دولة عربية وأخرى يهودية. حدَّد القرار حدود كُلٌّ من الدولتين، وكما هو متوقَّع، كانت يافا جزءاً من الدولة العربية. نصَّ القرار أيضاً على أن تُعامل القدس معاملة خاصة، بعدها «كياناً مستقلاً» تحت وصاية دولية دائمة.

صوَّت 33 دولة مع القرار، في حين صوَّت 13 دولة ضده، وامتنعت 10 دول عن التصويت، بما فيهم بريطانيا.

كان صحي في البيت يستمع إلى الراديو مع أفراد العائلة والأصدقاء والجيران عندما سمعوا صوت إطلاق نار مباشرة بعد الإعلان عن قيام دولة يهودية في فلسطين، ولم يتمكّن أحد من أن يعرف ما إذا كانت العبارات النارية هي رصاصات احتجاج من القلب النازف للبلدة القديمة في يافا أم أنها رصاصات احتفال قادمة من القلب الفتى لتل أبيب.

وفي الوقت الذي كانت فيه الأمة حديثة الولادة تهتف وترقص في شوارع «المدينة البيضاء»، كان قلب أمّة عريقة ينزف حزناً، فيما فاضت عيونها بالدموع، وفيما كان أبناءها يخشون من أن الأسوأ لم يأتي بعد.

لم ينم أحد ليلة التاسع والعشرين من تشرين الثاني، بعضهم من فرط الحزن، وبعضهم الآخر من فرط السعادة. تفشي الخوف في قلوب الناس مع حلول اليوم التالي: هجوم يليه هجوم آخر، السيارات والباصات على جانبي الطريق تتعرّض لهجمات متكرّرة، وفي وقت قياسي، أدّت الاعتداءات إلى تصعيد غير مسبوق. سحبّت دوّامة من العنف يافا وتل أبيب إلى عمقها، وصارت الأحياء العربية واليهودية المجاورة مناطق للاحتكاك والصدامات. وفي حين دعا زعيم حزب النجادة، محمد نمر الهواري، إلى إخلاء ضواحي المدينة من سُكّانها، دعا الحاج أمين الحسيني، زعيم الحزب العربي، السُّكَّان إلى الصمود في منازلهم. وقعت أحداث عنف في سوق الكرمل: أضرمت النار في المحلات العربية واليهودية في السوق على حد سواء، مُجبرة أصحاب المحلات والباعة المتجولين على الهرب، كما هربت بعض العائلات اليهودية المقيمة في يافا. وفي وقت قصير، تباطأت أشكال التعاون بين العرب واليهود كلّها، إلى أن توقفت بالكامل، حتّى وصل الأمر إلى وقف

الأعمال المشتركة بين الطرفين في قطاع الإنشاءات وتصدير البرقال.

كانت أصوات إطلاق النار والانفجارات تُسمع طوال الليل، إلا أن فطرة الحياة وطينة أهل يافا المحبين لها جعلتهم قادرين على الاستمرار في حياتهم اليومية كما لو أن شيئاً لم يكن، ومنهم كان صحي وأفراد عائلته. بقي الحال على ما هو عليه حتى جاء اليوم الذي تعرضت فيه ثلاثة مقاولات مكتظة لهجمات في ضوء النهار، كان ذلك في الثاني عشر من كانون الأول، عندما أضرم أربعة يهود يمنيين النار في مقهى سامبو، وقد شوهد أحدهم يهرب وفي يده راديو المقهى، وفي الثلاثاء من كانون الأول توقفت شاحنة أمام باب سينما الحمراء في وسط شارع الملك جورج، وألقى أحدهم منها برمي متفجرات، ولاذ بالفرار. تدحرج البرميل خلال ثوانٍ لبضعة أمتار أسفل الطريق، لينفجر بجوار مقهى فينيسيا، متسبباً في مقتل 27 من رواد المقهى. تنهَّد صحي بعد أن سمع عن الانفجار، متذكراً مروه بهذا المقهى في أثناء جولته الكبرى في المدينة، قبل أن يغيِّر عَمَّه حبيب مسار رحلته، ليصل به إلى الكوخانة، حيث شوشانا. ذهبَت تلك الأيام بلا عودة!

في ذلك اليوم أيضاً، الثلاثاء من كانون الأول، اقترب الموت من بيت صحي: ضرب الخوف قلوب الأشواوس الشجعان التي لا تعرف الخوف، بحارة وصيادي المدفع في ميناء يافا. «قارب صغير جاي من تل أبيب قرَّب من مقهى المدفع وبليس يضرب علينا رصاص، ردِّينا عليهم برصاص، هربوا، وكل الناس اللي كانت عالمينا في هداك الوقت كمان هربت»، قال حبيب وهو يرتجف.

مع مثل هذه الهجمات التي استهدفت المدنيين، ساد الخوف الحياة العامة في يافا، ودعا القادة السياسيون الناس إلى عدم التجمع

في المقاهي أو الساحات العامة، حتى بدأت شوارع يافا المكتظة تفرغ من الناس في وقت مبكر من المساء. ومن أجل منع الاعتداءات بين الطرفين، وللسسيطرة على حوادث النهب والسطو المتزايدة في أنحاء المدينة كلها، فرضت القوات البريطانية حظر التجول ليلاً، وتحديداً في أطراف المدينة.

ذهبت أمسيات يافا الجميلة وليلاتها إلى غير رجعة.

ولّت حياة الليل ومغامرات حبيب وأصحاب الكيف أمثاله في محلّات تل أبيب ومقاهيها وباراتها إلى الأبد.

برتقال الموت

(الأحد، 4 كانون الثاني 1948)

الأحد، الرابع من كانون الثاني سنة 1948، كان يوماً مُشمساً وَمُنعشَاً.

لا شيء في سكينة ذلك اليوم وهدوء البحر الأبيض المتوسط، أو في المشهد اليومي لشاحنة تحمل أكوااماً من البرتقال في مدينة البرتقال كان يبعث على آية شكوك.

كعادته، أفاق صبحي في الخامسة فجراً، وبعินين ناعستَين خرج إلى الشرفة، وجلس على كرسيٍّ، وأخذ يحْدُق في البحر بانتظار كأس من حليب الماعز، وفنجان من القهوة التركية الحلوة من يدي أمّه خديجة. وبمجرد أن انتهى من شرب قهوته، لبس «أوفرهول» العمل، وخرج من البيت، يمشي في طريق المنشية متوجهاً إلى الكراج، وما إن دخل حتى وقف كعادته متأنلاً صورة العروس، بفستانها الأبيض، المعلقة على الجدار فوق صندوق عدّته. فَكَرَّ في محبوبته شمس، ابتسם، ثمَّ شرع في العمل.

كان منحنياً فوق أحد المحرّكات عندما هرّ الكراج انفجاران متتاليان، أفقداه توازنه: «يا ساتر، يا ساتر، يا رب، إيش اللي عم بصير؟»، صاح بأعلى صوته، ولفَّ ذراعيه حول رأسه بحركة تلقاءٍ وهو يسقط على الأرض، ولكنه سرعان ما وقف على قدميه، ليجد المعلم مصطفى واثنين من زائنهما مختبئين تحت إحدى الطاولات. مرتعداً من الخوف، أخذ يدور في حلقات معتقداً أن شيئاً ما قد ضرب الكراج من الخلف، وفي

حالة من الذعر والخيبة، خرج إلى الشارع الرئيس، ليرى المكان، وكأنما تحول إلى مستشفى للمجانين.

الذعر سيد اللحظة

بينما شوهد بعضهم يركضون باتجاه مركز المدينة، حيث ضربت الانفجارات، شوهد آخرون يهربون بعيداً عن المكان.

ترك بعضهم سياراتهم مذعورين، بينما تجمد آخرون في سياراتهم، لا يعرفون ماذا يفعلون أو إلى أين يذهبون.

أما العالقون في زحام السيارات، فكانوا يخشون الأسوأ.

لجا بعض المارة إلى داخل البناءيات، بينما هرب آخرون خارج البناءيات ذاتها.

دارت الأمهات وأطفالهن حول أنفسهن في ذعر مطبق، بينما تجمد آخرون عاجزين عن الحركة.

وبينما هرب بعضهم شمالاً، اتجه بعضهم الآخر جنوباً.

منهم من ركض باتجاه البحر، ومنهم من فر بعيداً عنه.

فوضى هنا، فوضى هناك، وفوضى في كل مكان.

وبينما غطت السماء سحب من غبار المبني المدمّرة، فقدت الشائعات المحبطة الجموع الحائرة صوابها:

«اليهود فجرّوا الجامع الكبير».

«لأ، فجّروا برج الساعة».

«فخّروا السرايا العثمانية بمَنْ فيها».

«في شاحنة مليانة برتقان فجّرت مبني البلدية، وسوَّته بالأرض».

«كلّ أعضاء اللجنة الوطنية العربية تفجّروا، وما ضل منهم ولا واحد».

«كلّ البنوك تفجّرت، بنك باركليز الإنگليزي، والبنك العثماني العربي».

«ولك المصاري عم بتطير في كلّ مكان، خلّينا نروح نلمّلنا شوي».

«شو إنت انجنيت، أوعى تروح هناك، إنت لسه ما فهمت طريقتهم؟
بيصير أول انفجار، وبتتجمّع الناس، فيبيصير انفجار تاني أقوى من الأول».

«هُمْهُ أصلًا بدhem يانا كلّنا أموات، مش بيقولوا «العربي المنيني
هوّي العربي الميّت»؟».

وعلى الرّغم من الشائعات التي انتشرت كالنار في الهشيم في أرجاء المدينة، إلا أن أحداً لم يكن قد سمع حتى الآن الأباء الموجعة: أكثر ضحايا الانفجارات المدمرة كانوا من الأطفال، أطفال أيتام كانوا يتناولون غدائهم في التكية (المطبخ الخيري) التي تديرها دائرة الشؤون الاجتماعية، الواقعة في الطابق الثاني من مبني السرايا.

ومثل الكثرين غيره من مدنييْن وأفراد من الشرطة الفلسطينية والجيش البريطاني، ركض صبحي باتّجاه موقع الحدث، ليجد أمامه كومة من الركام مليئة بالجثث والأشلاء، ومن تحت الردم، كانت تُسمع صيحات عالية وخافتة. كان المبني ذو الطوابق الثلاثة قد انهار، باستثناء

الأعمدة الرومانية الأربع في الواجهة الأمامية، آخذًا معه أجساد أولاد وبنات أبرياء وأرواحهم، كانوا في انتظار وجبة ساخنة.

أخذ صبحي يبكي بأعلى صوته وهو يسمع صرخات الأطفال العالقين وأنينهم تحت الرّدم. كان اتشال الموتى والمصابين كابوساً، سيحرمه من النوم لسنوات طويلة قادمة.

ما إن عرف الناس أن مبني السرايا كان هدف الهجوم الإرهابي حتى بدأت التكهنات حول عدد الضحايا ومن كان وراء الهجوم:

«أكثر الضحايا كانوا أطفال ماتوا عشان صحن شورية، يمكن ما كمّلوه».

«نحو عشرين طفل ماتوا».

«لو ما كان يوم أحد، كان عدد الضحايا صارتلات أضعاف».

«براهنكم عالٍّ بدمكم ياه إنه اللي عملوها هُمَّه قوَات الإنگلِيز».

«لأ، بس العرب المتعاونين والمخبرين هُمَّه اللي بقدروا يزرعوا متفجرات جوَا مبني السرايا».

«مش صحيح، ما عملها غير عصابات اليهود السُّريّة».

«شو الإشي السُّريّ فيهم إذا كانوا بينقذوا هجماتهم في عَرَّالنهار؟».

وحده التاريخ سيكشف بعد أعوام أن الرجلين اللذين قادا شاحنة البرتقال المفخخة المُحمَّلة بنصف طنٍّ من المتفجرات من قلب تل أبيب إلى قلب يافا كانوا عضوين في عصابة ليحيى اليهودية. لم يكتشف صبحي إلَّا في اليوم التالي أن جاره وصديقه المثلي هاني (الذي كان

قد أوصله في سيّارته إلى ستوديو التصوير) كان من بين الضحايا، إذ كان يمُرُّ من أمام مبني السرايا لحظة الانفجار.

أقيمت الجنازة في السادس من كانون الثاني. بصمت وعينيْن غارقتين بالدموع، مشى صبحي مع آلاف المشيعين من مستشفى المدينة إلى مقبرتي المسيحييْن والمسلمين. «مسكين هاني، شو هالحظ؟ قدّيش كان لطيف ومسالم!»، ظلَّ صبحي يكرر قوله وهو يساعد والد هاني في موارة أشلاء جسد ابنه التراب.

في ذلك المساء، وبعيئيْن مُحرقَيْن من البكاء وصداع لا يُحتمل، جلس صبحي على كرسيٍّ منخفض إلى جانب جَدِّه علي، وسألَه: «بس، فسّري، يا سيدِي، ليش ميليشيات اليهود بيفجروا مطبخ خيري للأيتام مع إنهم بيعرفوا إِنَّه اللجنَّة الوطَّنية العربية انتقلت من مبني السرايا قبل أشهر؟».

«الخوف، يا ابنِي، الخوف، بدهم يزرعوا الخوف في قلوبنا وعقولنا، هاد اللي بدهم ياه، وهاد اللي نجحوا في إنهم يعملوه»، قال علي، ثمَّ سحب نَقَسًا طويلاً من سيجارته، وراح ينفث دوائر فوق دوائر من الدخان. في تلك اللحظة ضرب الخوف فعلاً قلب صبحي وهو يفكِّر في شمس ويسأله متى وأين سيراهَا بعد اليوم.

سرقة قطار

(أواخر آذار 1948)

بينما هو في طريقه إلى عمله، سمع صبحي الخبر المُقلق والمثير في آن واحد عن سرقة أحد القطارات. ولأن معظم أصحاب الدكاكين والمقاهي على جانبي شارع المنشية كانوا قد أداروا أحجزة الراديو على محطة الشرق الأدنى، التي تبُثُّ من وسط يافا، كان من السهل عليه أن يتبع تفاصيل الخبر دون الحاجة إلى التوقف أو حتى الإبطاء، كما كان من السهل أن يتبع التعلقيات والتحليلات السياسية لأصحاب الدكاكين والزيائين والمارة على السواء.

«في طريقه من معسكر صرفند إلى حيفا، تعرض قطار، يحمل ذخائر بريطانية، للنهب بينما كان يعبر محطة الخضيرة. صعد عدد من الرجال المسلحين إلى القطار، واعتقلوا حراسه، وأجبروه على التوقف، حيث أنزلوا حمولته كلها من الذخائر والأسلحة، وفرروا هاربين. تقوم قوات الجيش бритاني والشرطة بالتحقيق في الحادثة، من أجل معرفة الجناة».

وهو يستمع إلى الخبر، اعتقاد صبحي للوهلة الأولى بأنه إعلان لفيلم الويسترن «سرقة القطار الكبير»، من بطولة بوب ستيل وكيلر كارلتون، الذي أُنتج سنة 1941، والذي حضره مع أصدقائه في سينما نبيل قبل عامَيْن.

«تحقيقات؟ لإيش التحقيقات؟ على مين عم يضحكوا؟ كلها

مسرحية، المؤامرة واضحة وضوح الشمس، هاد اتفاق بين الجيش البريطاني وميليشيات الصهاينة. وبما إنّه الحكومة البريطانية أعلنت نيتها عن إنهاء الانتداب على فلسطين وسحب قوّاتها في 14 أيار 1948، رح يضلّوا يعملوا ألاعيب علينا. واضح إنه الإنكليز بدهم يعطوا كلّ أسلحتهم وذخيرتهم للصهاينة، بدهم يتأكدّوا إنه اليهود يضلّوا أقوى منّا حتّى يسيطرّوا علينا، ويتمّوا يضرّبونا شلاليط بنفس طريقة الإنكليز اللي عَوْدونا عليها من يوم ما وصلوا على هالبلاد»، علّق أحد التجار، بينما خالفه آخر:

«بس رُوق علينا شوي، وما تسرّع في الحكم هيـك، ممكن جدّاً إنه تكون الفتـوة العربية هي اللي سرقت التـرين»، في إشارة إلى الجنـاح العسكري للحزب العربي الفلسطيني بقيادة الحاج أمين الحـسيني.

«وليش الفتـوة ومش النـجـادة؟».

منذ تصاعدت المواجهة بين العرب واليهود بعد إعلان قرار التقسيم في 29 تشرين الثاني 1947، انضمّ صبحي، مثل العديد من الشباب، إلى حرس الحـيـ اللـيلي الذي درـّبه حـزـبـ النـجـادةـ بـقيـادـةـ محمدـ نـمرـ الـهـوارـيـ.

«مين ما كان يكون، بـسـ المـهمـ تكونـ المـيلـيشـياتـ العـرـبـيةـ هيـ الليـ سـرـقـتـ ذـخـيرـةـ التـرينـ وـمشـ الصـهاـيـنـةـ، لـإـنـهـ إـحـناـ فـيـ أـمـسـ الـحـاجـةـ لـهـايـ الأـسـلـحـةـ، عـشـانـ نـدـافـعـ عـنـ حـالـنـاـ. أـكـيدـ هـمـهـ مشـ نـاقـصـهـمـ سـلاحـ أـكـترـ مـنـ الليـ عـنـهـمـ، سـفـنـ بـحـالـهـاـ هـرـتـلـهـمـ سـلاحـ عـلـىـ مـدـىـ سـنـينـ، وـالـإنـكـليـزـ غـاضـبـينـ النـظـرـ عـنـ الـمـوـضـوـعـ».

«وفي إشاعة قوية بتقول إنه الفتـوةـ العـرـبـيةـ وـالـجـهـادـ المـقـدـسـ هوـهـ الليـ

سرق الترين»، إشارة إلى الجناح العسكري للحزب العربي الفلسطيني بقيادة عبد القادر الحسيني.

«أي إشاعات، يا رجل؟ لسَه هَلَّ سمعنا الخبر على الراديو! إنت اللي اخترعت هالإشاعة. غريب كيف الإشاعات بتتفبرك و بتنتشر حتى قبل ما الإشي يصير. والله إحنا شعب بيحب يألف صحيح»، هكذا سجل صاحب مقهى الانشراح اعتراضه وهو يجهّز قهوته لاستقبال أول الزائين.

«شو هالحكى الفاضي؟ ولا حدا من الميليشيات العربية، لا الفتّوّة ولا النجّادة ولا الجهاد، بيقدروا يسرقوا ترين محمّل بذخيرة بريطانية، خلصونا، كلّ اللي بيقدروا عليه العرب هوه إنهم يقاتلوا بعض، هاد بس اللي إحنا شاطرین فيه»، قال الحلاق العفيف الساخر وهو يعلّق مناقشه على المنشر فوق الرصيف، لتجفّ.

كان صبحي يعرف، مثل غيره، كم كانت الأسلحة قليلة في أيدي الميليشيات العربية، وكم كانت عقوبات البريطانييّن ثقيلة على من يُعثّر معه على رصاصة، ناهيك عن بندقية.

«يا شباب، دِيروا بالكم، وما تفشنخروا، إذا الواحد منكم انمسك ومعه رصاصة وحده ببروح فيها سجن سنتين، وإذا انمسك معه بارودة بياخد مؤبد»، تذكّر صبحي هذه الكلمات التي قالها أبو جمال، مدربُ الحيّ، في أول يوم انضمَّ فيه صبحي إلى الحرس الليلي لحيّ المنشية. وبقدْر ما تمنّى أن يكون النجّادة هم من سرقوا القطار، إلّا أنه كان يعرف جيّداً أنهم لم يمتلكوا لا التدريب العسكري ولا المهارة اللازمين لمثل هذه العملية.

«كلّ اللي بقدر أقوله إنه لازم تحضروا حالكم لكمانكم كم يوم منع

تجوُّل وعمليات تفتيش بيوت واعتقالات. مثل العادة، اليهود بياخدوا السلاح، وإننا بناخذ العقوبة. هاي هي سياسة الإنگليز طول الخمسة وتلاتين سنة الماضية، ومتش رح تتغير في آخر أسبوعين من حكمهم».

«إذا طلعت الهاغاناه، أو الأسوأ من هيك الأرغون أو إيتسل هُمَّه اللي سرقوا الترين وسرقوا السلاح، اقرا على يافا السلام».

«مشان الله بطلوا هالشوم، وما تكونوا انهزامييْن، قرار التقسيم واضح، يافا جزء من الدولة العربية، وعشان هيك مش رح يهاجموا يافا أو يحتلوها. طلّعوا الموضوع من روسمك». مكتبة سُرَّ من قرأ

«هادا كلام فاضي، يا جماعة، الهاغاناه بدهم يحتلوا المنشية»، قال أبو سامي، صاحب المخبز الأفضل في المدينة. كان صبحي كلما مرّ من أمامه، وشمَّ رائحة خبزه الطازج ومعجناته تذكّر خبز الطابون الشهي الذي يحلم أن تخبره له شمس قريباً في بيتهما.

«صدقوني، هدول الصهاينة غدّارين، مش بس بدهم يحتلوا حي المنشية، بدهم المدينة بحالها، لأنّه يافا شوكة في حلتهم، ومتش رح يسمحولها تضل واقفة علِّ رجلِيَّها».

لم يعرف صبحي وبقيَّة أعضاء الحرس الليلي في المنشية في حينه أن بطلي فيلم الكاوبوi الحقيقَييْن في محطة الخضيرة لم يكونوا لا بوب ستيل ولا كلير كارلتون، ولكن، مناحيم بيغين، قائد عصابة الأرغون اليهودية، ويوسف نخميص، الخبر العسكري من القدس، فقد كانت عملية السرقة ضربة، زُوَّدت ميليشيا أرغون بنحو 20 ألف قذيفة مورتر، ستسقط بعد بضعة أسابيع في قلب يافا، وتقرّر مصيرها ومصير القرى من حولها جميعها.

استعراض الرعب في القدس

(8 نيسان 1948)

يقال إن الأخبار السيئة لا تأتي فرادى، وإنما ثلاثة، ولكنها لصحي ومدينته يافا جاءت أربعة في ضربة واحدة، ففي الثامن من نيسان استيقظت فلسطين ومعها العالم العربي على الخبر المُفجع: عبد القادر الحسيني، قائد الجهاد المقدس، الذراع العسكرية للحزب العربي الفلسطيني، استُشهد في معركة القسطل قرب القدس. بعد سنوات من ذلك اليوم سيكشف التاريخ أن القائد المحبوب عبد القادر الحسيني، ابن محافظ القدس، كان قد أُصيب في المعركة، وعندما استجدى من عدوه شربة ماء، تلقى رصاصة في رأسه عوضاً عنها.

وفي صبيحة التاسع من نيسان، وغير بعيد عن قرية القسطل، هاجمت قوّات أرغون ولتحي والهاغاناه قرية دير ياسين، وبدم بارد قنصت 250 مدنياً فلسطينياً بينما هم يفرّون للنجاة بحيواتهم، أمّا الذين نجوا من بشاعة المجازرة، فقد حُملوا في شاحنات، وُعرضوا في موكبٍ جاب شوارع الأحياء العربية في القدس.

حقّ الاستعراض المرعب غايتها، متسبباً في موجات من الفزع عبر فلسطين بأكملها، وما إن انتشرت تفاصيل البشاعات التي تعرض لها المدنيون حتى سرى الخوف بين الناس، وأخلي المدنيون، خصوصاً النساء والأطفال، بعيداً عن مناطق القتال. أمّا في يافا، فقد كان الهروب كلّ ما تحدّث الناس عنه في الأسبوع التالي:

«شو رأيك آخد إِمْك وخواتك بالسيّارة على بيروت عند قرايننا؟».

«أعتقد أحسن شي أبعث مرتي والأولاد عالشام، يقعدو لهم شهر أو تنين عند عمتي عبال ما الأمور تهدا». .

«ليش ما نروح عالإسكندرية، بـكير في إجازة هالسنة عبال ما الأمور تحسّن».

«يمكن لازم نستأجرلنا بيت في رام الله أو نابلس ونتنقل لآخر الصيف».

كان هذا حديث المدينة، خصوصاً في المناطق المحاذية لتل أبيب في الشّمال وبيت يام في الجنوب، وكذلك في القرى القريبة من يافا، مثل سلّمة، مما جعل صبحي يدخل في حالة من التوتّ والخوف الشديدّين. ومثل العائلات كُلُّها في يافا، كانت عائلة صبحي تجادل وتتناقش حول ما يجب أن تفعل وأين تذهب:

«ليش ما تُوخدِي أبوّي وإِمّي والبنات وأمير وتروحوا تقعدوا عن قرايننا في نابلس أكم أسبوع»، قال إسماعيل والد صبحي لزوجته خديجة.

«إيش؟ أبوك وإِمّك؟ والأولاد؟! أنا شخصياً مش متزحزحة من بيتي، إحنا يا بنعيش سوا، يا بنموت سوا».

«بس مرّة في حياتك اسمعي كلامي، يا خديجة، هاي مش بس قصّة حياة وموت، هاي قصّة شرف وعرض، ما إنت شفتني كيف الحقيرين اغتصبوا النساء والبنات في دير ياسين».

وما إن نُطقت الكلمة المحرّمة حتّى ساد الخوف، وساد معه الصمت.

مع ذلك، فقد تمسّكت والدة صبحي برأيها، ولكن، ليس طويلاً،

إطلاق النار المتبادل وتالي الانفجارات والأعمال الإجرامية ضدّ المدنيين، بمَنْ فيهم النساء والفتيات، ذلك كُلُّه جعلها تشکُّ في صحة موقفها.

سألها إسماعيل: «إنت سمعتِ شو صار في سلامة اليوم الصبح؟ مجموعة من المستوطنين اليهود حاولوا يخطفوا صبيّة بتشتغل في الأرض».

«إيش؟»، صرخ صبحي وهو يقفز من كرسيه، ويقترب من والده.

«شو صارلك، يا ابني؟»، سأله والده، ثم أضاف: «الحمد لله، إنها قعدت تصرّخ وتضرب وتدافع عن حالها لحدّ ما سمعها أبوها وإخواتها وأجوا يركضوا، وخلّصوها من بين إيديهم».

هذا صبحي قليلاً، ثمّ اطمئنَّ عندما تذكّر أنّ لشمس أخي واحداً فقط، وهو يصغرها ستّاً.

اجتاحت يافا أمثال هذه القصص، وجافي النوم العيون، أمّا خديجة والدة صبحي، فقد استسلمت بعد مقاومة دامت أياماً قليلة: «شي مرعب، ما بقي حدا في المنشية، أكثر الجيران طلعوا، ويمكن إجا الوقت إنه نروح كلّنا على نابلس أو عمان أو نروح نسكن في البيارة».

«شو قصدك كلّنا؟ أنا مش رايح ولا مكان، ولا أخوي جمال. مش رح نترك دارنا للحرمية. إحنا التنين رح نضل مع عمّي حبيب وحرس الحيّ، لازم نحمي دارنا وندافع عن الحيّ مع الشباب»، بالطبع لم يُفصّح صبحي لوالدته عن أن فرصة لقاء شمس أو حتّى رؤيتها عن بُعد، أو على الأقلّ معرفة مكانها والاطمئنان عليها، ستكون أكبر بكثير إذا بقي صامداً في يافا، بدل أن يهرب إلى نابلس أو عمان.

«حبيبي، يمّا، يا صبحي، إنتو كلّكم صغّار، وما بتقدروا تضلّوا
حالكم، ولا سمح الله تضطّروا تحاربوا هالوحوش الصهاينة. ولا واحد
فيكم بعرف يحمل سلاح أو يستعمل بارودة. الله يحمّيكم، يمّا»، قالت
خدّيجة، واقتربت من صبحي، واحتضنته بقوّة وهي تبكي.

«يمّا، أنا مش رح أترك الدار، إنت بدّك يانا نترك دارنا للحرميّة؟».

«ماشي ماشي يمّا، خلص، خلّيك إنت وجمال في البيت مع عُمّك
حبيب، بس بتوعدنـي إنه ما تحملوا بواريد، ولا تحاربوا، وبهالوقت أنا
أبوك لازم نلاقي سيّارة عشان آخذ حمّاي وحماتي وخواتك عند قرايبـنا
في نابلـس. وإنـتـ يا إسماعـيلـ، ليـشـ ما تاـخـدـ أمـيرـ يـوـنسـكـ ويـسـاعدـكـ
فيـ البـيـارـةـ؟ـ لـازـمـ حـداـ يـضـلـ فـيهـ وـيـدـيرـ بـالـهـ عـلـيـهــ.ـ شـوـ هـالـحـالـةـ،ـ ياـ اللـهـ؟ـ
الـلـهـ يـلـعـنـ الإـنـجـلـيـزـ وـالـيـهـودـ وـالـعـرـبـ السـفـلـةـ اللـيـ بـتـآمـرـواـ عـلـيـنـاـ،ـ ثـمـ دـخـلـتـ
فـيـ حـالـةـ مـنـ الـهـسـتـيرـياــ.

«طولي بالـكـ،ـ يـمـاـ،ـ أناـ عـمـريـ ماـ سـمعـتـكـ بـتـسـبـيـ هـيـكـ»ـ.ـ أـدرـكـ
صـبـحـيـ كـمـ كـانـتـ وـالـدـتـهـ مـضـطـرـيـةـ،ـ فـاقـرـبـ مـنـهـاـ،ـ وـعـانـقـهـاـ مـرـّـةـ أـخـرـيــ.
شـعـرـتـ خـدـيـجـةـ بـأـنـهـ تـنـوـءـ تـحـتـ ثـقـلـ كـلـ مـاـ يـحـدـثـ،ـ فـأـخـذـتـ فـيـ الـبـكـاءــ.
مـجـدـدـاـ،ـ وـلـكـنـ،ـ بـصـوـتـ مـرـتفـعـ هـذـهـ المـرـّـةــ.

معـ أـنـ العـائـلـةـ تـنـاقـشـتـ طـوـيـلـاـ بـشـأنـ مـنـ يـذـهـبـ وـمـنـ يـقـيـ،ـ وـظـلـلتـ
الـخـطـطـ تـبـدـلـ مـرـّـةـ تـلـوـ أـخـرـيـ،ـ إـلـاـ أـحـدـاـ لمـ يـغـادـرـ الـبـيـتـ فـيـ ذـلـكـ الـيـوـمــ.

كـلـمـاـ اـقـرـبـ مـنـ تـصـفـ لـيـلـةـ 14ـ آيـارـ 1948ـ،ـ الـلـيـلـةـ الـأـخـيـرـةـ لـلـانتـدـابـ
الـبـرـيطـانـيـ،ـ أـصـبـحـتـ هـجـمـاتـ الـيـهـودـ عـلـىـ الـبـلـدـاتـ وـالـقـرـىـ الـعـرـبـيـةـ أـكـثـرـ
وـحـشـيـةـ،ـ وـخـصـوصـاـ عـلـىـ الـمـنـاطـقـ الـمـنـصـوصـ عـلـيـهـاـ كـجـزـءـ مـنـ الـدـوـلـةـ
الـيـهـودـيـةــ.ـ وـمـعـ أـنـ قـرـارـ التـقـسـيمـ نـصـّـ عـلـىـ أـنـ يـافـاـ،ـ كـبـرـىـ الـمـدـنـ الـعـرـبـيـةــ،ـ

هي جزء من الدولة العربية، إلا أن مناحيم بيفين، زعيم أرغون، كان له رأي آخر: كانت خطّته الاستيلاء على أكبر قدر ممكن من الأراضي قبل الخامس عشر من أيار، وبكلمات أخرى، قبل أن تتمكن الجيوش العربية من الدخول إلى فلسطين. وبما أن أيّاً من الجيوش المصرية والعراقية والسورية والأردنية لن تستطيع الدخول قبل انتهاء الانتداب رسميًا، أو قبل أن تنسحب القوات البريطانية بالكامل، فقد قررت الميليشيات اليهودية أنه كان من الأسهل استراتيجياً وتكنيكيًا احتلال يافا، أو على الأقلّ الأجزاء الشّمالية منها، وخصوصاً حيّ المنشية، قبل وصول الجيوش العربية، وخاصة الجيش المصري. وهكذا فُتحت أبواب الجحيم.

مكتب

t.me/soramnqraa

جحيم في نيسان
الأحد، 25 نيسان

الاثنين، 26 نيسان

الثلاثاء، 27 نيسان

ثلاثة أيام متالية من الجحيم.

تلقت المنشية حصة الأسد من القصف المدفعي الثقيل الذي من تل أبيب، لأن الهدف المعلن من القصف كان فصل الحي، عنق زجاجة يافا، عن بقية المدينة.

في الصباح الباكر من يوم الأحد، الخامس والعشرين من نيسان، ظهرت الذخيرة التي كانت قد سُرقت من القطار في سماء يافا. على

مدى ثلاثة أيام متتالية، ضربت نحو عشرين ألف قذيفة قلب المدينة بشكل عشوائي. وعلى خلاف فصول ربيع سابقة، عندما كانت أسراب من طيور الرُّزْرُوزُ المهاجرة تشكّل غيوماً سوداء في سماء يافا، ففي هذا الربيع، الربيع الأخير لأهالي يافا، حلقت أسراب من القذائف مشكلة غيوماً سوداء فوقها. نشر القصف العشوائي الخوف والرعب والموت بين سُكَّان المدينة، لإرغامها وأهلها على الركوع.

ملأ هدير القذائف سماء ساحة الشهداء، وانضمّت أسماء جديدة إلى لائحة الشهداء.

سقطت القذائف على المستشفيات، ليصبح المرضى أكثر مرضًا، ووضعت النساء الحُبَالِيَّ أطفالهنَّ قبل أوانهم.

سقطت على أماكن العبادة، حيث كان الناس يدعون ألا يكون هذا آخر أيامهم.

سقطت على المدارس، على الأسواق، على المتاجر وأصحابها، وعلى البنوك.

كانت المدينة في قبضة الذعر والرعب والهستيريا.
والناس يفرون بذعر في الاتجاهات كلّها.

أولئك الذين كانوا في المباني خرجوا هاربين منها، والذين في الشوارع هربوا إليها مذعورين.

القتلى والجرحى تركوا في الشوارع.
انجُ بحياتك، أو مُت كالآخرين.

كان الجميع يبحثون عن وسيلة للخروج:

بالسيارة،

بالباص،

في شاحنة،

على الحنطور،

أو على دراجة،

على عجلات أو على الأرجل، فقط انْجُ بحياتك.

فقط اخرُج من هنا، بحقِّ الجحيم.

ظلَّ الخوف سيد الموقف في الأيام القليلة التالية.

انتشرت عمليات النهب والسرقات،

لا ماء، ولا كهرباء، ولا وقود،

لا أفران لخبز رغيف واحد، ولا دكَّان لشراء الطعام، ولا بنك لسحب

ما تتوفر من نقود.

يوم من أيام الجحيم عطل المدينة بالكامل.

مثل معظم العائلات اليافاوية في المدينة التي فقدت صوابها، كان

أفراد عائلة صبحي يدورون حول أنفسهم، وفي أرجاء المنزل دون هدف.

كانوا يندفعون من وإلى الغرف، وهم يتجادلون بشأن ماذا يأخذون

معهم، وماذا يتذرون وراءهم. كانوا يصيحون على بعضهم بعضاً، بينما

كانت والدة صبحي وشقيقته يجمعنَ بعض الأشياء الثمينة، وأيضاً

بعض الأشياء التي لا لزوم لها: مخدّة، بطّانية، كعكة برتقال طازجة، شهادة ميلاد، سجّادة قديمة، سكّين. وبينما استمرّت الفوضى في المنزل، خرج والد صبحي مسرعاً إلى الشارع، ليبحث عن أيّ شيء على عجلات: سيّارة، شاحنة، درّاجة، أو حتّى حنطور. ولكن، نظراً لندرة الوقود في المدينة، فإنه حتّى لو وجد سيّارة أجرة أو سيّارة خاصة، فلن يستطيع أن يدفعُ أجرتها. وبانتظار قرار العائلة بشأن مَنْ يغادر ومَنْ يبقى، جلس جَدُّ صبحي وجَدُّته عاجزَيْن في زاوية بعيداً عن جنون بقية العائلة، الأطفال فقط كانت لديهم بقية من صفاء العقل والقلب، ليفكّروا بحيواناتهم الأليفة المذعورة.

سأل سامي، ابن عمّ صبحي ذو الأربع سنوات، جَدَّته: «يا ستّي، بقدر أخذ سامبو معِي؟».

«والله، يا حبيبي، أنا ما بعرف إذا في إللي أنا مطرح في السيّارة، فكيف بدُّه يكون في مطرح للبسْ تبعك؟».

«بس إنت كبيرة، يا ستّي، وسامبو صغير قدّ الکفّ».

رَغْماً عنها ابتسمت الجدّة: «لا، يا حبيبي، اترك البسْ مع صبحي، وهوّي بيجيّبه معه لما يجي على نابلس أو على المزرعة، أو بتشوفه لما نرجع».

«طّيب، يا ستّي، إيمتن رح نرجع؟».

«تعرفش، يا حبيبي، إن شاء الله قريب».

ولكن، كما يعرف الجميع الآن، فإن «قريب» ذاك لم يأتِ أبداً.

على الرّغم من أن معظم الطّرق المؤدية إلى سلامة القدس كانت

مغلقة، والممرور منها في غاية الخطورة، إلا أن خديجة وحصتها من العائلة تمكّنت من الوصول بسلام إلى نابلس بمساعدة جارهم أبو هاني (والد المرحوم هاني)، بينما وصل إسماعيل وأمير إلى بيّارتهم سيراً على الأقدام، أمّا صبحي وجمال، فقد بقيا في البيت مع عمّهما حبيب.

كان يوم الاثنين، السادس والعشرون من نيسان، يوماً آخر من أيام الجحيم، وقد غيرت فيه القوّات اليهودية تكتيكاتها الحربية، فبعد الهجمات على الخطوط الأمامية التي تلت القصف في الخامس والعشرين من نيسان، تحول التكتيك إلى ما سمّاه خبراء الحرب اليهود «تكتيك العربات المتّالية»، فبدل القتال في شوارع حيّ المنشية وأزقّته الضيّقة، أخذت الميليشيا اليهودية تنتقل من بيت عربي إلى آخر، وما إن تحلّل حتّى تُفجّر فجوات في الجدران الداخلية، ثمّ تتقدّم إلى البيت الذي يليه. عندما بدأت الانفجارات تقترب أكثر وأكثر من بيت عائلته، أدرك صبحي، مثل العديد من المقاتلين الشباب غير المدربين، أن الوقت قد حان لكي يتخلى عن بندقيّته، ويأخذ بدلوه الإنگليزي، ويفرّ من المكان. تمنّى لو أنه في وضع يمكنه من إبلاغ عمّه حبيب أو أخيه جمال عن نيته في الهرب، ولكن ذلك كان سيزيد من احتمالات تعرضه للموت، لأنّ عمّه حبيب كان في الخطوط الأمامية، فهو أحد المقاتلين الأشدّاء الذين كانت مهمّتهم زرع الألغام في أزقة الحيّ الضيّقة من جهتي الشّمال والشرق، حيث من المتوقّع أن يتقدّم العدوّ. بعد أن تخلى عن محاولة العثور على عمّه حبيب وأخيه جمال، كان التحدّي الأكبر أمام صبحي هو مغادرة البيت، والوصول سالماً إلى بيت جدّه فريدة في البلدة القديمة. لم يصدق عينيه، وانهمرت دموعه غزيرة منها عندما رأى العلم الإسرائيلي يرفرف فوق جامع حسن بك، عندها فقط أدرك أن حيّه قد سقط.

وهو يهرب غرّاً باتجاه البحر، شعر وكأنه يهرب من جحيم إلى آخر. وجد نفسه وجهاً لوجه مع مشهد آخر من مشاهد يوم الحشر: كانت المدينة بأكملها تهرب باتجاه البحر، آلاف مؤلفة من الناس تندفع إلى الشاطئ مثل شلال من الأجساد البشرية، ومثل السمك خارج الماء كانت أجسادهم تتلوى ألماً. كانوا يركضون ويتدافعون ويتحدون في آن واحد مثل أسراب من النمل الهائج، وكان القصف المتواصل يغطي على أصوات أنين كبار السنُّ، وصياح الأطفال. معظم سكان يافا، البالغ عددهم ما يقارب المئة ألف، كانوا يحاولون الوصول إلى ميناء المدينة بحثاً عن آية وسيلة نقل بحريٌّ، تأخذهم بعيداً عن هذا الجحيم: قارب صغير أو كبير، لا يهمُّ، قارب شراعي، يخت، أو سفينة كبيرة، أي شيء يحملهم إلى اللامكان أو إلى المجهول.

تحوّل ميناء يافا إلى سوق كبير، تُباع فيه الأجساد البشرية وتُشتري: عائلة كاملة، أو نصف عائلة، ربع عائلة، ثلث عائلة، أو حتّى شخص واحد.

«خُد هاي كلّ اللي المصاري اللي معِي، بس طلّع إمي وولادِي من هون». .

«مش شايف إنه القارب مليان، كمان شوي بيقلب باللي فيه».

«الله لا يقدر»، يردد الرجل، ثم يذهب ليساوم صاحب قارب آخر.

«بس خُد هالصغر التنين وإِمِّهم، وأنا وولادِي التلاتة بنقدر نستنى».

«أنا ما عندي مكان إلّا لتنين، قرّرْ بسرعة شو بدّك».

كان على الناس أن يتّخذوا قرارات صعبة وسريعة، انفصلت العائلات

عن بعضها: أُمٌّ مع طفلها، ووراءها ظلَّت بقِيَّة العائلة، أبٌ مع أبنائه وجَدَّتهم ظلُّوا بلا مكان يذهبون إليه، شخص مسنٌ أو مريض ترك بمفرده بلا بيت ولا أبناء، وكذلك تركت معظم الخادمات والحيوانات الأليفة.

القوارب الصغيرة ذاتها، التي كانت حتَّى وقت قريب تحمل وتنزل الملايين من صناديق البرتقال من مياه ميناء يافا الضحلة إلى السفن الكبيرة الراسية على بُعد كيلومتر أو اثنَيْن، أصبحت الآن تحمل «سادة البرتقال» وعائلاتهم إلى وجهات مجهولة، وأسطول السفن البريطاني المُسمَّى *Liberty*، الذي كان يحمل اللاجئين اليهود إلى فلسطين، أصبح الآن يحمل الفلسطينيين بعيداً عن مُدُنهم وقراهם. أُمَّة جديدة تُولد، وأُمَّة عريقة تُمحى عن الوجود.

كان المتوسط بزرقه المتوجَّحة مأولاً لأهل يافا الهاجرين منها، فوضعوا ثقتهم فيه رغم طبيعته المتقلبة الغدَّارة. وكما كان الحال عبر التاريخ، كان هذا البحر يتلع المسافرين عبره، فيأخذ بعضهم إلى القاع، ويُلقي بآخرين على شواطئه شمالاً وجنوباً. العاصفة التي استمرَّت ثلاثة أيام ابتلعت بعضهم، كما ابتلع الحوتُ النبيَّ يونس، ثمَّ قذفthem، ليتشتَّتوا وأبناءهم وأحفادهم من بعدهم بعيداً عن وطنهم حتَّى آخر يوم في حياتهم.

الفصل الثالث

السادة الجدد

اليوم التالي (يافا، أيار 1948)

ضياع

كما في الليالي السابقة، لم يغمض لصحي جفن تلك الليلة. الانهيار المفاجئ لعالم بأكمله، واختفاء مدینته وناسه وحبيبه، ذلك كله كان فوق قدرته على الاستيعاب. كيف يمكن أن يتحطم وجودي كله في بضعة أيام فقط؟ هكذا كان يتساءل مذهولاً. وفي محاولة منه للتعامل مع واقعه الجديد، فكر مليأاً في الهجمات الثلاث المتالية: سرقة القطار والعشرين ألف قذيفة مورتر، وتكتيك العربات المتالية، وتصفيف القوات الجوية البريطانية للمليشيات اليهودية، والتي قررت مجتمعة مصير مدینته، وغيرت مجرى حياته إلى الأبد.

جافى النومُ صبحي بينما ظلت تتوالى في ذهنه صور الخروج المزلزل لأهل مدینة بأكملها: يتrockون بيوتهم، ينامون على الشاطئ لأيام بلا عدد متظارين قارباً أو سفينة تأخذهم إلى المجهول. شعر برأسه يكاد ينفجر، بينما يمر في ذهنه شريط من الصور الكابوسية، كان أسوأها أنين كبار السن، وصرخات أمّهات يبحثن عن أطفالهن المفقودين، وصراخ أطفال مذعورين يبحثون عن أمّهاتهم. وكأسطوانة مشروخة ظلّ صدى هذا كله يتردّد في أذنيه على الرّغم من الصمت الذي كان يُطبق عليه في وحدة لياليه الطويلة. اختفى معظم سكان المدينة خلف أفق البحر المتوسط، إلا أن أرواحهم كانت مثل الأشباح ما تزال تُحوم فوق البيوت المهجورة والمدينة الخاوية.

لم يكن حاضراً في المدينة إلا الغياب.

وهو يقف على شرفة بيت جَدّه كان كُلّ ما يسمعه هو صوت اقتحام البيوت التي تركها أصحابها في حالة هلع. الآن انضمّ المهاجرون اليهود الجدد، جماعات جماعات، إلى حملات النهب المنظمة التي قادتها الميليشيات اليهودية. اقتحمت البيوت، وكلّ قطعة من الأثاث حُملت بعيداً على الأكتاف أو حُملت في شاحنات: غرف معيشة بأكملها، غرف نوم، غرف طعام، خرائط مطبخ، ثلاجات، أفران، سجاد فارسي، ثريّات، أسرّة أطفال، أجهزة راديو، آلات بيانو، كُتب، طاولات ومقاعد من المهاجوني، خرائط ملابس فاخرة. لم يسلم أيُّ مكان: المستشفيات، المدارس، البنوك، المحال التجارية، المكاتب، العيادات، أسواق بأكملها، المصانع، قوارب الصيّادين، مُعدّات الصيد. كان أكثر ما أحزن صبحي، إضافة إلى سرقة الكُتب والحيوانات الأليفة المذعورة، نهب السيارات الجديدة، خصوصاً سيارات المرسيدس التي كان كثيراً ما يتوقف أمامها بإعجاب في معرض غرغور وهو في طريقه إلى الكراج. كان صمت مدينة الأشباح هو الذي أبقى عيني صبحي مفتوحتين محرومين من النوم طوال الليل.

كُلّ شيء ضاع! هذا كُلّ ما كان يفكّر فيه ليلاً ونهاراً:

ضاع أفراد عائلته وبيته،

ضاع حيُّه وجيرانه،

ضاع أقاربه،

ضاع المعلم مصطفى وكراجه،

ضاعت المحرّكات التي أصلحها، وتلك التي كانت تنتظر،

ضاعت وظيفته وسُمعته كأفضل ميكانيكي في المدينة،

ضاع زبائنه جميعهم، الأغنياء ومتواطئو الحال والفقراء، الذين كانوا يدفعون أجوراً مختلفة،

ضاع النادي الإسلامي، حيث كان يلعب كرة القدم مع أصدقائه،

ضاع أبناء حيّه الذين كان يسبح معهم،

ضاع أصدقاء لعب الشدّة الذين كان يذهب معهم إلى صلاة الجمعة في الجامع الكبير، وإلى المسيرات في ساحة برج الساعة،

ضاعت المكتبة التي كان يستعير منها الكُتب، أو ينتزع من مجلّاتها الصفحات التي تحوي فساتين الزفاف البيضاء من أجل محبوبته شمس،

ضاع حسن الذي خاط له بدلته الإنگليزية،

ضاعت مقاهي ودور سينما ومكتبات المدينة،

ضاع رُوّاد مقهى التيوس،

ضاع السياسيون والمثقفون رُوّاد مقهى الانشراح،

ضاع تجّار البرتقال الأغنياء،

ولكن المأساة الكبرى كانت أن شمسه ضاعت.

والآن، ما فائدة بدلته الإنگليزية وقد تبدّد أمله في الزواج من شمس؟

ضاعت مدینته التي كانت تُسمّى فيما مضى أمّ الغريب، فهي ذاتها أصبحت غريبة،

ضاعت مدینته التي كانت، لحماية نفسها من ويلات الحرب والدمار، قد أعلنت نفسها في التاسع من أيار مدينة مفتوحة.

لم يستطع صبحي أن يمنع نفسه من التفكير بالاغتصاب كلما سمع كلمة مدينة مفتوحة. يافا عروس البحر اغتصبت، وانتهك شرفها بكل ما في الكلمة من معنى.

ضاعت مدینته التي وقع مجلسها البلدي، أو بشكل أدق لجنة الطوارئ فيه، وثيقة استسلام يوم 13 أيار 1948، قبل انتهاء الانتداب بيوم واحد، فعلى أمل حماية ما تبقى من المدينة وسكانها، سلّموا المدينة «سلميأ» لقائد قوّات الهاغاناه، الذي وعد بحماية المدينة والسكان. ولكن، وقبل أن يجف حبر وثيقة الاستسلام، انتهكت المدينة، ونهبت، وقامت قوّات الهاغاناه بترهيب بضعة الآلاف من أهلها المتبقّين.

بدلة إنگليزية، وجدةً صماء، وسؤال مُلحٌّ عما جرى لحبيبه شمس، كان هذا كلّ ما تبقى لصبحي.

غارقاً في محاولة استيعاب ما ضاع وما تبقى له، فكر في جدّه فريدة ذات الثمانين عاماً، التي رفضت أن تترك بيتها عندما جاءتها ابنتها خديجة مخاطرة بحياتها، لتأخذها معها إلى نابلس:

«على جشي»، صرخت فريدة استيعاباً على صوتها، «أنا تركت بيتي مرّة في حياتي، ومش رح أعيدها مرّة تانية»، كانت فريدة تشير إلى فترة الحرب العالمية الأولى، عندما أجّلت الحكومة العثمانية معظم سكان يافا، وخصوصاً الجالية اليهودية، خوفاً من أن يتعاونوا مع الحلفاء. «أنا بقولك، يا ابنيتي، الواحد عمره ما بيحسّ إنه في بيته وهو بعيد عنه».

صمتت قليلاً، ثم أضافت: «في بيتك بتموتي مرّة وحدة، بس في الغربة بتموتي كلّ يوم من المذلّة». ولأن أحداً لم يتوقع سقوط يافا، فقد احترمت خديجة رغبة والدتها، وتركتها وشأنها.

لم يكن صبحي على علم بهذه الحادثة، لذا تساءل مستغرباً عمّا جعل جدّته ذات الثمانين عاماً تصرّ على البقاء في بيتها رغم هَلَع الهروب الجماعي الذي أصاب المدينة بأكملها، هل لأنها صماء أم لأنها عجوز عنيدة، كما كان يقول عنها أبناؤها وبناتها، بمَنْ فيهم أُمُّه خديجة؟ بفضل، اقترب صبحي من فريدة، وصاح بأعلى صوته: «ستّي، إنت ما خفتِ من صوت القذائف؟».

«من إيش؟»، ردّت عليه زاعقة.

قهقهه صبحي، ولم يكن قد ضحك منذ مدة طويلة: «من القذائف، يا ستّي، الليّ ضلّت تضرب البلد كلّ أيام الأحد والاثنين والتلاتا. يا حرام حارتنا ما ضلّ منها إشي، والله بيعلم شو صار لبيتنا. أنا هربت من الشبّاك لما اليهود فجّروا الحيط الجوّاني، وعملوا فتحة في غرفة نوم أبيي وإمّي»، كان صبحي يصبح بصوت أعلى من أصوات القذائف. كان تكرار سرد الأحداث مرّة بعد أخرى هو طريقته في التعاطي مع واقعه الجديد.

«قصدك لما طيارات الإنگлиз قصفت ولاد الكلب، وخلتّهم ينسحبوا ع تلّ أبيب؟ آه، هداك النهار احتفلت وأكلت كعكة شوكولاتة كاملة لحالى».

«أكلتِ الكعكة كلّها لحالك؟ والسكرّي، يا ستّي؟».

«شو ماله السكري؟»، سألت، ثم أضافت: «طبعاً أعطيت لولاد الجيران شوية منها».

كانت جدّة صبحي فريدة تحدث عن اليوم الذي قصفت فيه الطائرات البريطانية الميليشيات اليهودية، وأرغمنتها على الانسحاب من حيِّ المنشية. لم يوافق الإنگليز على احتلال اليهود ليافا، وبطريقتهم الملتوية والمتأمرة أعطوهن إإنذاراً في اليوم الثالث طالبين منهم الانسحاب من المنشية، وإلا فإنهم سيستخدمون ضدهم القوَّة الجويَّة. وفي يوم الثلاثاء، 27 نيسان، قصفوا الميليشيات اليهودية مُرغمينها على الانسحاب من يافا، لتترك وراءها حيَاً مدمرَاً، غادره سكَّانه، ولجأوا إلى الشاطئ.

«يا ستّي، الإنگليز كان لازم يتدخلوا من أول يوم، مش بعد يومين من قصف المدينة وتدمير كلِّ حيِّ المنشية. والله، لو إنْك، يا ستّي، شفتني العَلَم الإسرائيلي بيرفرف فوق ميدنة جامع حسن بيك ومركز البوليس الفلسطيني، كنت مش بس بكيت، كنت شهقتِ متلي».

«الحمد لله إنِّي ما شفت ولا بكيت. يا ابنيّي، وفْر دموعك الغالية هَلَّا، وصدق ستّك العجوز، رح تحتاجهم في مصايب كثيرة جاية علينا». وأيَّاً كانت الأسباب التي جعلت فريدة تبقى في منزلها، فقد كان صبحي ممتناً لأن يكون لديه مكان يأوي إليه، وروح مرحة وحكيمة يأنس لها، ويتحدث إليها.

السادة الجُدد

صخب وضجيج وضربات عنيفة على الباب جعلت صبحي يقفز من سريره بملابسه الداخلية مذعوراً ومتوقعاً الأسوأ.

«افتح الباب قبل أن نفجّرك ونفجّرك معه»، جاءه صوت من خلف الباب. من الذي يطرق بابه في مثل هذه الساعة المبكرة؟ تسأله أملاً لا تُوْقِظُ أصوات الضربات والصرارخ جَدَّته. هل هي الميليشيا اليهودية التي كانت ترُوّعُ من تبقى من السكان العرب أم هي إحدى العصابات العديدة التي سيطرت على المدينة التي غاب عنها القانون؟

تمنّى صبحي، الذي كان قد فقد صوابه من الضربات المتالية المصحوبة بالصرارخ، لو أنه كان أصمّ مثل جَدَّته، كما تمنّى لو أنه كان أعمى أيضاً، فمن الذي يودُّ أن يرى أو يسمع ما الذي سيفعله أو يقوله سادة مدینته الجُدد؟!

أرض بلا شعب لشعب بلا أرض

أو، بشكل أدقّ، ما كتبه إسرائيل زانغويل، أحد المقرّبين من ثيودور هرتسل أبي الصهيونية سنة 1901 في مجلة New Liberal Review (نيو ليبرال ريفيو): «فلسطين بلد بلا شعب، واليهود شعب بلا وطن».

كانت هذه كذبة صُمِّمت بدهاء، وسُوّقت بخبث ومهارة، وصدقها

أو تبنّاها «العالم الحُرّ»، لأنّها ذكّرّتهم بتاريخهم. وبغضّ النظر عن الأسباب، فقد نالت الدولة الوليدة تعاطف العالم الحُرّ، واستمرّت الجريمة، بل وتلقيت أيضاً المدح والإعجاب.

لم يعرف صبحي هل كان نائماً أم مستيقظاً عندما سمع الطُّرقَات العنيفة على الباب، ولكنه عرف من لُكْنة المهاجمين وعدوانيتهم، والأهم من هذا وذاك سلسلة الأحداث التي وقعت في مدينته، أن عليه أن يُسرع بفتح الباب، لأن الرصاص كان أسرع من الأوامر.

بيدين مرتعشين سحب مزلاج الباب الخارجي، ولكن، قبل أن يدرك ما يحدث، كانت عدد من رجال الميليشيا اليهود قد اندفعوا إلى غرفة الجلوس.

«ارفع يديكَ، ووجهكَ إلى الحائط».

وقبل أن يتمكّن من تنفيذ التعليمات، وجد نفسه مُلقى على وجهه على الأرض، بينما لوى أربعة من رجال الميليشيا ذراعيه، وكبّلوهما وراء ظهره.

«منْ غيركَ في البيت؟».

«جَدَّتي، عُمُرها تمانين سنة وطرشة ما بتسمع».

«هل يوجد رجال إرهابيّين مثلك في البيت؟».

«إرهابيّين؟».

«في رجال غيرك ف البيت؟».

«لأ ما في، أبي وإخوتي وعمامي كلّهم تركوا».

«أين ذهبوا؟».

«ما بعرف». .

«كذّاب كبير، ألا تعرف أين ذهبت عائلتك؟».

«كلّهم راحوا».

«إلى أين؟».

«إِمِّي وخواتي التنتين وسْتَي وسidi راحوا عند قرايبنا في نابلس، أو يمكن على الشام، وأبوي وأخوي الصغير أمير راحوا ع بيارتنا، وما بعرف أخوي جمال وعُمَّي حبيب وين».

ولأول مرّة تمنّى صبحي لو أنه كان بعيداً عن متناول السادة الجُدد وإذلالهم. كان آخر ما تمنّاه لوالده وعمّه حبيب وأخويه أن يتعرّضوا للإهانة كما يتعرّض لها هو الآن. لعله كان من الأفضل لو أنه ركب مع الآخرين أحد تلك القوارب المزدحمة، واختفى.

بينما كان قائداً للمجموعة يستجوب صبحي، كان ستة من رجال الميليشيا يتجوّلون في أنحاء المنزل بينما دقّهم، يوجّهونها إلى الأمام، ويدفعون الأبواب بعنف، ويقفزون من زاوية إلى أخرى، وكأنّهم يخوضون معركة كبرى. ولكن العدوّ الوحيد الذي وجدوه بعد بحثهم الطويل كان الجدّة فريدة التي كانت تُشخر مستغرقة في سبات عميق.

«قف ولا تحرّك»، قال القائد، فيما تقدّم مقاتلان، وأمراه أن يباعد بين قدميه، وأخذها ينظران تحت ملابسه الداخلية. الأمر الذي أفقد صبحي صوابه، عدا عن فحص أعضائه الداخلية، كان وجود فلسطينيين يعرفهما جيّداً مع الميليشيات اليهودية.

«أنا بھلوس ولا اللّي شايفه حقيقي؟»، سأل نفسه وهو يحاول عبّاً أن يفرك عينيه بيديه المکبّلتين، «فواز وسالم، شو بتعملوا هون؟»، تدافعت الكلمات من فم صبحي رغم إدراكه للأساة. كان الرجلان الفلسطينيان متعاونين، كان يعرفهما جيداً: فواز عصفور كان يملك محلّ لبيع الدجاج في شارع الصلاحي، بينما كان سالم عربيد حارساً في بلدية يافا.

«آخرُنْ، يا ولد، نحن الذين نحقّق هنا، وليس أنت»، قال القائد اليهودي، ثمَّ أضاف: «أخبرُنا ماذا سرقتَ في الأيام الماضية قبل أن نقلب هذا البيت رأساً على عقب؟».

«أنا؟ سرقتُ؟ أنا ما سرقتُ ولا إشي، أصلًا أنا ما طلعت من باب البيت طول الخمس أيام اللّي مضوا».

«كذاب، مثل كُلّ العرب».

تحت هول الصدمة من هذا الاتهام، تتمم صبحي: «أنا عمري ما سرقت إشي في حياتي، لا في الماضي، ولا في الحاضر، ولا حتّى في المستقبل».

«حرامي وكذاب». بدا لصبحي أن هذه هي العبارة الوحيدة التي حفظها القائد اليهودي عن ظهر قلب، لأنّه ظلّ يكرّرها مرّة تلو الأخرى، «حسناً، اذهبوا، وفتّشوا البيت، وابحثوا عن المسروقات»، قال القائد هذا بالعبرية لرجاله، وأيضاً لفواز وسالم، الذين ذهبوا جميعاً لتفتيش غرف النوم.

لم يستطع صبحي أن يمنع نفسه من السؤال: «لكنْ، كيف رجالك بدهم يعرفوا إذا كان الشيء مسروق، إذا ما بيعرفوا شو كان في البيت أصلًا؟».

«لا تجادلني، التزم مكانك، ولا تحرّك»، صاح به القائد اليهودي، فيما أخذ يتجوّل في غرفة المعيشة متقدّداً كُلَّ ما حوله، وخاصة رفوف الكُتب التي كانت تغطي الجدار بأكمله.

«لمَنْ هذه الكُتب؟».

«إنا، قصدي لجَدِّي»، أجاب صبحي دون أن يفهم سر الاهتمام بمكتبة جَدِّه.

«أخبروني أنك كنت ميكانيكيًّا».

أثار قلق صبحي استخدام القائد للفعل الماضي «كنت ميكانيكيًّا» أكثر من التلميح بأن الميكانيكيين لا يقرؤون.

«من أي مكتبة عامَّة أو بيت سرقت هذه الكُتب؟»، سأله، ثم أعطى إشارة لرجاله بأن يُفرغوا الرفوف من الكُتب جميعها التي عليها. وبسرعة البرق، أحضرت الأكياس والحقائب المُعدَّة مُسبقاً خصيصاً لهذا الغرض، وبدأ أنهم كانوا مستعدين حتماً لمثل هذه المهمَّة.

«بس، يا سيدِي ...».

«آخرُنْ، ولا كلمة، وإلا سأجعلهم يأخذونك إلى بيت الدرج، ويطلقون عليك النار مثل كلب».

حين رأى الرفوف وهي تُفرغ من كُتب القانون التي كانت لجَدِّه، اغورقت عيناً صبحي بالدموع، على الرَّغم من اعتقاده أن دموعه جفت من الويلات التي رأها في الأسابيع الأخيرة. كان صبحي، الشغوف بالكتب، ما زال يأمل بأن يتمكّن هو أو أخيه الأصغر أمير ذات يوم من دراسة الشريعة في جامعة الأزهر في القاهرة، مثل جَدِّه لامُّه. ورَغم أنه ترك الدراسة في

عُمُر مبَكِّر، ليحقق حُلمه بأن يصبح ميكانيكيًا، إلَّا أن الكُتُب كانت شَعْفَانَةً حقيقةً بالنسبة إليه. كان روتينه في أيَّام الْجُمُعة لا يتغيَّر: حمَّام صباحي، يتبعه إفطار متأخِّر من الْحُمُص والفول والفلافل، ثمَّ صلاة الْجُمُعة في جامع يافا الكبير، تليها المشاركة في مسيرة يوم الْجُمُعة في ساحة برج الساعة ضدَّ السياسة البريطانية، وأخيراً زيارة للمكتبة لاستعارة الكُتُب. كان من النادر أن يمرَّ يوم جُمُعة دون أن يذهب إلى المكتبة الإسلامية القائمة فوق الجامع الكبير، ويرجع منها بكتاب أو اثنين.

لم يتمكَّن صبحي من مسح دموعه بيدِيه المكبلَتَيْن، ولم يشاً أن يراه هؤلاء الرجال وهو يبكي، لذا أخذ نَفَساً عميقاً، وأغمض عينيه، ولم يفتحهما إلَّا عندما خرج فوَّاز، أحد العميلَيْن الفلسطينيَّيْن، من غرفة نومه حاملاً بدلتَه الإنگليزية على علَاقَة خشبية.

«من بيَت مين سرقت هالبدلة الرائعة، يا صبحي؟»، سأله فوَّاز بعنجهيَّة، وبابتسامة ساخرة وإحساس بالنصر.

«هَاي بدلتي، اتركها محلَّها»، وهذه المرة انهمرت دموعه بغرارة فوق خَدَّيه.

«ليش هلقد معصِّب؟ معناته إنت سرقتها».

«يا ابن الشرمومطة، اترك بدلتي من إيدك، أنا ما سرقتها، بقولك هَاي بدلتي».

«آه، أكيد ما سرقتها، بس كيف شَب ميكانيكي زَيْك بقدر يشتري هيك بدلة غالية؟ آه؟ إنت قلّي».

«خرسًا أنتما الاثنان، لا أريد أن أسمع كلمة أخرى. اعتقلوا الحرامي، وخذلوه إلى مركز بوليس القِشْلة حالاً».

«طِيب بورجيك»، كانت هذه هي الكلمات الأخيرة التي قالها صبحي لفواز وهم يأخذونه مكبلاً خارج المنزل، وينزلونه إلى الشارع، حيث كانت تقف سياراتان عسكرية، وقبل أن يدفعوا به إلى إحدى السياراتتين اللتين ستوجهان به إلى مركز البوليس، نظر إلى أعلى، فرأى جدّته تراقبه من شرفتها.

القِشلة

فقط وهو في السجن أدرك صبحي كيف حرمته الأحداث التي استمرت خمسة أشهر ونصف من التفكير في حبيبه شمس. تذكر المثل الذي كانت تكرره أمّه دائماً: «بعيد عن العين، بعيد عن القلب». «لأنّ مش صحيح»، حدث نفسه بصوت عالي، فلم يكدر يوماً، أو بالأحرى ليلة، دون أن يفكّر في شمسه. لقد أتاح له وجوده في السجن ليومين كاملين، بعيداً عن القلق والموت اللذين أغرقا مدینته، الوقت الكافي ليستعيد تفاصيل اللحظات الثمينة كلّها التي قضتها معها: المرة الأولى التي رأها فيها في النبي روبين بفستانها البرتقالي والأبيض الذي أحبّه كثيراً، المرة الأولى التي حدّق فيها طويلاً، إلى أن فقد السيطرة على جسده، المرة التي طرد فيها من المقام في سلامة، الإثارة التي كان يحسُّ بها لحظة تقع عيناه عليها كلّما ركب الباص من يافا إلى سلامة وبالعكس، ولكن كنزه الأكبر كان القبلة الفرنسية التي تبادلاها بينما خفق قلبها إلى جوار قلبه.

بعد يومين طويلين قضاهما في غرف القِشلة، أخذوه ليقف أمام لجنة تحقيق، يرأسها الكابتن اليمني عوبادي.

«استمع جيداً إلى أسئلتي، وأجبني باختصار، نعم أم لا، هل سرقت هذه البدلة؟».

«لأ، ما سرقتهاش». .

«هل تعرف كمتكلف مثل هذه البدلة؟».

«نعم، كابتني عوباديا، بعرف تمام قدّيش سعرها، تلات ورقات خضراء وورقة حمرا، يعني بقصد تمان جنيهات».

«وكم يتقاضى ميكانيكي مثلك أجراً في اليوم؟ عشرين أم ثلاثين قرشاً؟».

«ثلاثين». .

«ثلاثين قرشاً!».

«أيوه كابتني»، ولأنه غير معتمد على مخاطبة رجال الميليشيا اليهود، فقد كان صبحي يناديه مرّة كابتني، ومرّة جنرال، ومرّة سيدي.

«إذاً كيف يستطيع ميكانيكي أجنته ثلاثين قرشاً شراء بدلة ثمينة مثل هذه؟ هل تستطيع أن تفسّر لي ذلك؟».

«أنا ما دفعت حقّها، يا سidi».

«إذاً، سرقتها». .

«لأ، أنا ما سرقتها، لكن، مش أنا اللي دفعت حقّها، اللي دفع حقّها هوّي الخواجا ميخائيل».

«الخواجا ميخائيل ذاته؟»، سأل الكابتني بدهشة، وقد بدا أنه تعرّف على الاسم.

«أيوه، يا سيدِي، الخواجا ميخائيل، أمين ميخائيل، أبو سليم»، ذكر صبحي أسماء الخواجا ميخائيل جميعها حتّى يقنع المحقق بأنه كان يعرف أحد أهم الرجال المتنفذين في المدينة، بل ويعرفه جيّداً.

«نحن نعرف طبعاً من هو الخواجا ميخائيل، لكن، أنتَ كيف تعرّفه؟»، قال رئيس المحققين وهو ينظر إلى الموجودين في الغرفة، ثمَّ أضاف: «أنتَ في ورطة كبيرة، أيها الفتى، وكما يقول المثل «حبل الكذب قصير»، وكذبتك ستُنكشف قريباً، بما أن الخواجا ميخائيل هو أحد رجال الأعمال القليلين الذين لم يغادروا المدينة».

«يعني قصدك إنه إنْتو لَسَه ما طردته من بيته لهلاً؟».

«نحن لم نطرد أحداً من بيته، قادتكم هم الذين طلبوا منكم المغادرة».

منهكاً ومهزوماً على المستويات كلّها، لم يكن صبحي في وضع يمكنه من مجادلة المنتصر حول سقوط مدينته. لقد عاش الهزيمة كلّها، وشهد عليها كلّها، وخضع للتجربة كاملة بنفسه. مع ذلك، قرّر أن يفكّر بطريقة استراتيجية، وأن يركّز على استعادة بدلته.

«الحمد لله إنَّه الخواجا ميخائيل لَسَه في البلد عشان يكون شاهد على براءتي».

«خذوه واحجزوه إلى أن نستدعي الخواجا ميخائيل غداً أو بعد غد».

كان هذا هو الخبر الذي أعاد الأمل إلى قلب صبحي المكسور، ليس فقط لأنَّ الخواجا ميخائيل سيكون الشاهد الوحيد على براءته، ولكن، أيضاً لأنَّه ربّما يخبره شيئاً عن مصير سلِّمة، وبالتالي مصير شمس. كان قد سمع أنه تمَّ إخلاء نساء سلِّمة وفتياتها قبل سقوطها في التاسع

والعشرين من نيسان بأسابيع، ولكنه أراد أن يعرف أكثر. تذكر قول أمّه «كل إشي بيصير لسبب»، هذا كلام صحيح، فالسبب الوحيد لاتهامه ظلماً وإحضاره إلى السجن هو أن يلتقي الخواجا ميخائيل.

على أمل هذا اللقاء لم ينم صبحي تلك الليلة، ألقى بجسمه على أرضية غرفة السجن، وأسند رأسه إلى الجدار، ثمَّ أخذ يستعيد اللحظات الحميمة التي قضاها مع شمس في يومهما الأخير في موسم النبي روبين. مغمض العينين كان يحسُّ بجسدها ملائقاً له، وحصلات شعرها الأشقر بين أصابعه. في هذه اللحظة فتح عينيه، وحاول أن يخفي الانتصار الذي أصابه، وهو ما لم يشعر به منذ تصاعدت الأحداث في يافا. كان التفكير في شمس دائماً يُدْفِئ قلبه، ويرفع معنوياته.

استعاد المرات العديدة التي كان يركب فيها باص يafa اللّد، الذي كان يتوقف في طريقه في سلامة، فقط على أمل أن يرى حبيبته وهي تخرج من المدرسة، وتمشي إلى حيث يتوقف الباص. كانت تغمره السعادة وهو يراها تبتسم له، فيبقى في الباص نفسه الذي يأخذها إلى اللّد، ثمَّ يعود به إلى يافا عبر سلامة من جديد. كان هو وشمس يحفظان جدول هذا الباص عن ظهر قلب.

تذكّر أيضاً يوم رافق أمّه وجّهته إلى سلامة في زيارتها السنوية لمقام الشيخ سلام (الذي سُميَّت قرية سلامة باسمه). تذكّر التاريخ بالضبط، كان يوم الرابع من شعبان، ومن هنا جاءت تسمية الاحتفال (الشعباوية). علّت وجهه المتّعب ابتسامة ضعيفةٌ وهو يتذكّر كلمات حارس المقام وهو يطرده خارجاً قائلاً إنَّ الأولاد الصغار فقط يمكنهم مرافقة أمّهاتهم، بينما هو «جحش»، وطلب منه أن يترك المقام فوراً. ومع ذلك فقد تحقّقت رغبة «الجحش»، إذ لمح شمس من بعيد بين جموع النساء

والفتیات. ابتسما لها، وغمزها، فاستجابت له بتلك الابتسامة الخفیة التي جعلت قلبه يذوب في صدره. ومع أن اللقاء كان قصيراً، إلا أنه ملأ قلبه بدفعه، يكفيه إلى أن يتذمّر أمر لقاء آخر، أو حتى آب القادر، حين يقام موسم النبي روبين.

ومع سقوط يافا، وسقوط سلّمة، واختفاء فلسطين، لم يبق لديه أيُّ أمل في رؤية شمس من جديد.

ولكن، بالرَّغم من كآبة ذلك كُلُّه، فقد وجد، ولدهشته، أن التفكير في جسد شمس الدافئ إلى جانب جسده ممكِّنه من النوم لبعض ساعات في تلك الليلة.

تحقيقات البدلة المتنازع عليها

«صبيٍّ صبخيٍّ، مين صبخي؟»، صرخ حارس السجن وهو يفتح باب العنبر الفولاذي.

«أنا، أنا»، قفز صبخي من مكانه نصف نائم.

«الحقني».

مترنحاً من النعاس والتعب، هرول وراء الحارس عبر متأهات دهاليز بلا نهاية، قبل أن يُؤمر بالانتظار في غرفة مُكَدَّسة برجال وشباب، جيء بهم إلى السجن بتهم مشابهة. نظر حوله بحثاً عن الخواجا ميخائيل، ولكن، لم يكن من السهل العثور عليه في غرفة مزدحمة كهذه. وعندما نُودي على اسمه مرّة أخرى تبع الحارس إلى الغرفة ذاتها التي تمَّ فيها التحقيق معه قبل يومين.

في قاعة المحكمة، جلس عوباديا خلف مكتب معدني، في حين وقف رجلاً مليشيا اللذان كانا قد فتّشا بيت جَدَّته فريدة، وإلى يمينهما وقف فوّاز، أحد العميلين الفلسطينيين اللذين جاءا معهم. هبط قلب صبخي، وأخذ رأسه يغلي غضباً بمجرد أن لاحظ غياب بدنته. جال بنظره في أرجاء الغرفة جميعها، ولكنه لم يعثر عليها. ومثل الممتلكات العربية كلُّها في فلسطين (الأرض، والبيارات، والبيوت، والفيلات، والبنيات، والمحال التجارية، والمدارس، والمستشفيات،

والسيارات، والقوارب، والمصانع، والبنوك، وحتى الكُتب والاثاث) التي آلت ملكيتها إلى الدولة المُقاومة حديثاً، إلى أن يثبت العكس، أصبحت بدلة صبحي أيضاً «مُتنازعاً عليها»، وتحتاج ملكيتها إلى إثبات، وعدّ صبحي ذاته لصّاً، إلى أن يثبت العكس.

كان صبحي منشغلًا باختفاء بدلته من غرفة المحكمة، لهذا مرّ بعض الوقت قبل أن يدرك مذهولاً أن الرجل ذا المنظر الأشعث الذي كان يجلس منحنياً في مقعد في الزاوية لم يكن سوى الخواجا ميخائيل. لم يصدق عينيه: رجل الأعمال الأكثر أناقة في يافا سيق إلى السجن بالبيجاما والرُّوب! انهمرت دموع صبحي على وجنتيه الشاحبتين، وارتعشت شفتيه بصمت. وبقدر ما كان المشهد مؤلماً، إلا أنه لم يستطع أن يزيح نظره عن الرجل غير الحليق الذي جيء به إلى غرفة المحكمة الزائفة رغمما عنه. وتحت تأثير الصدمة والحزن الكبيرين استعاد المرأة الأولى التي رأى فيها الخواجا ميخائيل عند مدخل الكراج، واقفاً تغمّره حالة من الضوء، وقد بدا مثل إله أو لورد إنگليزي أو فارس.

لم يثير إعجاب صبحي في حياته شيء أكثر من أناقة الخواجا ميخائيل ببدلته الكتان وقبّعته الفيدورا الإيطالية، كما لم يمنّحه شيء السعادة والأمل بمستقبله ومستقبل شمس أكثر من البذلة ذات الثمانية جنيهات (أو بشكل أدقّ ورقة الجنيهات الفلسطينية الحمراء والأوراق الثلاثة الخضراء) التي أعطاها له الخواجا تقديراً لمهاراته في عمله. ظلت الدموع تنهمر من عينيه المُتعبيّن وهو يفكّر بالحال التي وصل إليها أحد أغنى رجال يافا وأكثربهم نفوذاً، وقد صار شبحاً محطّماً وممزقاً مثل مدینته، التي كانت حتى وقت قريب مدينة عاملة بالحياة والأناقة، مدينة مزدهرة، فخورة ومفتوحة للجميع. وهو يفكّر في ما آل إليه الخواجا ميخائيل،

نسى صبحي أنه هو نفسه كان في ملابسه الداخلية منذ أن جرُوه إلى السجن قبل يومين.

بعد أن أفاق من ذهوله، صرخ: «يا الله! مش ممكن، هاد إنت، يا خواجا ميخائيل؟»، واندفع باتجاهه.

«آخرُسْ، وارجع إلى مكانك»، صرخ به كابتن عوادي، بينما أمسكت به ذراعان قويتان، ودفعته إلى الخلف.

«ممنوع أن تتكلّم مع الشاهد أو تنظر إليه، مفخوم؟».

«شاهد؟ شاهد؟ هيـك صار اسم الخواجا ميخائيل، شاهد؟ أـوـلـيـشـيـ يـيـلـغـواـ لـقـبـهـ «ـالـخـواـجـاـ»، وـبـيـنـادـواـ عـلـيـهـ باـسـمـهـ حـافـ، وـهـلـلـأـ صـارـ مجـرـدـ شـاهـدـ! شـاهـدـ عـلـىـ إـيـشـ؟ شـاهـدـ عـلـىـ جـرـائمـكـمـ، وـلـأـ عـلـىـ قـسـوتـكـمـ؟ إـحـناـ كلـنـاـ صـرـنـاـ شـهـودـ عـلـىـ أـكـبـرـ عـمـلـيـةـ سـرـقةـ فـيـ تـارـيـخـ الـبـشـرـ، بـتـسـرـقـواـ أـرـضـنـاـ وـمـدـنـاـ وـبـرـقـانـاـ وـبـسـاتـيـنـاـ وـبـيـوـتـنـاـ وـمـحـلـاتـنـاـ وـكـرـاجـاتـنـاـ وـقـوارـبـ الصـيدـ تـاعـنـاـ وـسـيـّارـاتـنـاـ وـمـوـاشـيـنـاـ وـأـثـاثـنـاـ وـكـتـبـنـاـ وـحـيـاتـنـاـ وـأـرـواـحـنـاـ، بـتـسـرـقـواـ بـلـدـ بـحـالـهـ، بـلـدـ مـفـروـشـ جـاهـزـ، وـبـعـدـ كـلـ هـادـ، إـلـكـمـ عـيـنـ تـهـمـونـيـ بـسـرـقةـ بـدـلـتـيـ!ـ»، فـكـرـ صـبـحـيـ وـهـوـ يـكـادـ يـتـفـجـرـ حـرـتـاـ وـغـضـبـاـ.

وفي ذهوله من قسوة ما جرى وظلمه، نظر إلى الخواجا ميخائيل منتظراً منه أن يقول شيئاً، ولكن الخواجا ظلَّ على حاله متجمداً في مقعده كتمثال، حتى شكَّ صبحي وهو يرى عينيه الزائغتين ووجهه الخالي من التعبير بأنه قد أُصيب بجلطة بينما هو جالس هكذا، بل وربما كان ميتاً.

«ما اسمك؟»، سأله الكابتن عوادي من وراء مكتبه محدقاً في صبحي.

«إِنْتُو جَبْتُونِي مَعَ بَدْلِتِي لِلْقِشْلَةِ، وَنِيَّمْتُونِي عِنْدَكُمْ لِيْلَتِينِ، وَمَشْ عَارِفِينَ إِيْشَ اسْمِي؟».

«أَخْرَسْ، وَأَعْطَنِي اسْمَكَ الْكَامِلِ».

«صَبْحِي إِسْمَاعِيلَ حَلاَوةً».

«الشَّاهِدُ الْأَوَّلُ، مَا هُوَ اسْمُكَ؟»، صَرَخَ عَوْبَادِيَا هَذِهِ الْمَرَّةِ مُخَاطِبًا الخَوَاجَا مِيخَائِيلَ، وَلَكِنَ الصِّمَتُ كَانَ سِيدُ الْمُوقَفِ.

«الشَّاهِدُ الْأَوَّلُ، أَخْبَرْنِي مَا هُوَ اسْمُكَ؟»، وَعِنْدَمَا لَمْ يُجْبِبِ الخَوَاجَا مِيخَائِيلَ، أَجَابَ صَبْحِي: «بَسْ، يَا كَابِتنَ، إِنْتَ بِتَعْرِفَ اسْمَ الخَوَاجَا مِيخَائِيلَ، لِأَنْهُ إِنْتُو الَّذِي جَبَتُوهُ هُوْنَ».

«اسْكُتْ، أَنَا لَمْ أُوجِّهِ السُّؤَالَ إِلَيْكَ، أَنَا أَسْأَلُ الشَّاهِدَ».

«أَمِينُ مِيخَائِيلَ»، هَمَسَ أَحَدُ رِجَالِ الْمِيلِيشِيَا الْيَهُودِ الَّذِي كَانَ مِنْ بَيْنِ آخَرِينَ حَمَلُوا الخَوَاجَا بِالْقُوَّةِ فِي الْجَيْبِ الْعَسْكَرِيِّ، لِيَحْضُرُوهُ إِلَى الْقِشْلَةِ، وَيَعْرُفَ مَدْيَ سَوَءَ حَالَتِهِ.

«أَمِينُ مِيخَائِيلَ، هَلْ تَعْرُفُ هَذَا الشَّخْصِ؟».

ظَلَّ الخَوَاجَا مِيخَائِيلَ مُتَسَمِّرًا فِي مَقْعَدِهِ، وَلَمْ يَجْبِ، لَكِنَّهُ أَخْذَ نَفْسًا عَمِيقًا، طَمَآنَ صَبْحِي أَنَّ شَاهِدَهُ الْوَحِيدَ مَا يَرَالُ عَلَى قِيدِ الْحَيَاةِ.

«أَمِينُ مِيخَائِيلَ، الْلَّصُّ الْوَاقِفُ أَمَامَكَ يَدْعُوكَ أَنْكَ دَفَعْتَ ثَمَنَ الْبَدْلَةِ الْأَنِيَقَةِ الَّتِي عَثَرْنَا عَلَيْهَا فِي غَرْفَةِ نُومِهِ، هَلْ تَشَهِّدُ عَلَى ذَلِكَ؟».

حَدَّقَ الخَوَاجَا مِيخَائِيلَ بِعَيْنَيْهِ الرَّازِغَتَيْنِ إِلَى السَّقْفِ، وَأَخْذَ نَفْسًا عمِيقًا، وَظَلَّ صَامِتًا.

أعاد عوباديا صياغة السؤال: «إذا كان هذا صحيحاً، هل تستطيع أن تشير برأسك بنعم؟»، ولدهشة الجميع أشار الخواجا برأسه إلى أسفل في إشارة تعني «نعم».

أضاءت وجه صبحي ابتسامة عريضة قبل أن يطلق عوباديا سؤالاً آخر: «الشاهد الأول، هل لك أن تصف البدلة؟».

مستدركاً نفسه، لأن البدلات كلّها متشابهة، أضاف: «هل لك أن تخبرنا ما لون البدلة؟»، وفي هذه اللحظة فقط أدرك صبحي سبب اختفاء البدلة من غرفة التحقيق. ساد صمت طويل قبل أن ينطق الخواجا ميخائيل بالكلمات المصيرية التي سُحرَّ صبحي ونصف بدلته: «رمادية بخطوط حمراء رفيعة».

تبادل كابتن عوباديا ورجاله الثلاثة والمخبران العرييان النظارات مصعوقين، بينما غمرت ابتسامة أكبر وجه صبحي ولمعت عيناه وهو ينظر باتجاه منفذ بدلته، ليجده غارقاً في ما يشبه الغيبة من جديد.
«أرجعوا الشاهد إلى بيته»، قال عوباديا بصوت مليء بخيبة الأمل، ثمَّ وقف، وأدار ظهره، وغادر الغرفة.

نزف قلب صبحي ألماً وهو يرى رجُلَّ الميليشيا يرفعان الخواجا ميخائيل من مقعده، ويجرّانه خارج الغرفة، وهو بالكاد قادر على المشي.
«خذ هي البدلة»، قال العميل فوّاز وهو يدخل مرّة أخرى إلى غرفة المحكمة الفارغة. لاحظ صبحي أن فوّاز، مثل متهميه الآخرين، قال خذ البدلة، متجنّباً أن يقول بدلتك.

مدّ صبحي يده، وانتزع البدلة من يد فوّاز وهو ما يزال يفكّر بالخواجا

ميخائيل. ولكن، بمجرد أن أخذ علاقة البدلة شعر بأن هناك خللاً ما، فقد كان قد حمل بدلته على العلاقة مراراً في السابق، لكنها بدت الآن أخفّ مما كانت عليه. تفقد العلاقة على عجل، ليكتشف أن البنطال قد اختفى: «وين راح بنطلوني؟»، صاح بجنون.

«ما بعرف»، أجا به فواز بحقد وعدم اكتراث.

«شو يعني ما بتعرف؟».

«ما بعرف يعني ما بعرف».

«يا ابن الكلب، بقولك وين بنطلوني؟».

«قلت لك ما بعرف».

«يا ابن الش، رجّعلي ياه».

«ما بعرف وينه. احمد ريك إله رجّعنالك الجاكيت».

شعر صبحي بالقهر والعجز في آن واحد، وقد نفذت منه الكلمات، فأخذ نفساً عميقاً، وقال بصوت مستسلم: «أنا ليش مستغرب؟ شو الواحد ممكن يتوقع من عميل ساعد عدوه بسرقة بلده؟». انتابه رغبة قوية بأن يبصق على فواز، ولكن، تجنبأ لإشكالات وتحقيقات إضافية قرر أن ينفذ بريشه، ويخرج من القِشلة بأسرع ما يمكن بعد أن أعطى فواز نظرة احتقار طويلة.

بنصف بدلة في يده، غادر صبحي القِشلة.

مكتباً وغارقاً في اليأس، هام على وجهه في شوارع يافا شبه المهجورة بلا هدف. فكّر بنصف بدلته المفقود، وبحبيبه شمس: النصف المفقود

من حُلْمه الكبير. تنهَّد وهو يفكّر بمصيره ومصير أسرته، وخصوصاً مصير أخيه جمال وعمّه حبيب، اللذين لم يسمع أخباراً عنهم منذ أن حمل بدلته وفرّ من منزل عائلته، فقد كان الاثنان عضوين في ميليشيا الحيّ التي قاتلت في محاولة لصدّ تقدُّم الميليشيا اليهودية إلى المنشية. لم يعرف إلى أين يتّجه ليسأل عنهم، فقرّ أن يغامر بالذهاب إلى حيّه، وإن أمكن إلى بيته.

كانت المنطقة محاطة بالأسلاك الشائكة بعد أن أعلنت منطقة عسكرية مغلقة، لذا لم يغامر في الذهاب إلى بيت عائلته. أخذ يسير حول حيّ المنشية وهو يكاد لا يصدق أن هذا الدمار والخراب كلّيهما نتج عن معركة الأيام الثلاثة في الحيّ. وعن بُعد رأى أن معظم البيوت، بما فيها بيته، قد سُويت بالأرض لمنعه والآخرين من العودة.

فقط في تلك اللحظة، أدرك صبحي كم كان محظوظاً، لأن لديه بيت جَدّته فريدة، ليأوي إليه.

في ميناء يافا

بعد عام

ينقلب العالم رأساً على عقب، وتبقى المناكفات العائلية على حالها.

مثل الأيام الثلاثة المتالية من القصف التي غيرت مصير المدينة، حدث الكثير الكثير في الأيام التي قضاها صبحي في القشلة، فما إن عاد إلى بيت جدّه فريدة في البلدة القديمة حتّى فوجئ بشقيقه الأصغر أمير يفتح الباب. صحيح أنّهما لم يلتقيا منذ أسابيع، إلا أنّ عنانق أمير له وبكاءه حيرَ صبحي، إلى أن ظهر والده، وأبلغه الخبر المفجع: جمال، أخوه الأكبر، استُشهد في معركة المنشية، بينما أصيب عمّه حبيب بجرح بالغة.

«كلّ الحقّ واللّوم على أخي حبيب، ما بيجي من هالهامل إلّا كلّ شرّ، ميت مرّة قلتُله إنه إنت وأخوك جمال بعدكم صغار، والأهمّ من هيک مش مدربين كفاية لتحملوا الحّيّ وتواجهوا الصهاينة الوحوش، بس الحمد لله إنت طلعت عايش، يابا، يا حبيبي»، قال إسماعيل بانفعال، ثمّ عانق ابني بقوّة، وبكي. انهار صبحي على الأريكة بجانب جدّه، ووضع رأسه في حجرها، وأخذ يئنُ. تسأله: كيف يمكن أن يتغيّر كُلّ شيء في حياته إلى الأبد، وتبقى المناكفات العائلية على حالها؟ كم كان فاسياً ومريكاً اتهام والده لعمّه حبيب وتحميله مسؤولية موت شقيقه جمال. في الواقع الأمر كان والده إسماعيل هو الذي هرب واختبأ في الزيارة،

تاركاً حبيب وجمال وصحي وراءه، ليدافعوا عن البيت والحيّ. وكيف لا يقع في فحّ الملامة الذي نصبه والده، اختار صبحي أن يستفسر عن مصير بقية أفراد أسرته المشتّة، بمَنْ فيهم عُمُّه حبيب:

«في أيّ أخبار عن إِمّي وخواتي؟ وشو بالنسبة إلى عُمّي حبيب؟».

«إِمّك وخواتك في نابلس، وإن شاء الله عن قريب رح الأقي طريقة عشان أرجعهم تهريب».

«تهريب؟ ليش تهريب؟».

«إنت وين كاين، يا ابنِي؟ ما بتعرف إِنه يافا صارت منطقة عسكرية مغلقة بقيادة حاكم عسكري يهودي؟ هاد يعني إنه صار لازم نحصل على تصاريح خاصة عشان نطلع منها أو ندخلها».

«كيف يعني؟»، سأل صبحي وهو يحاول أن يستوعب الصدمات المترتبة التي ظلّ والده يرميها في وجهه واحدة تلو الأخرى.

«فرضوا علينا تصاريح عشان يتأكدوا إِنه ما حدا يرجع على مدینته أو بلدده، شو، يا صبحي، ما بتعرف هاد كلّه؟»، سأله إسماعيل مندهشاً، وكرر: «إنت وين كاين، يا ابنِي؟».

«كنت في السجن يابا، في القِشلة».

«هاد اللي عرفته من حماتي، وعشان إيش؟ عشان بدللة تافهة!».

صُدم صبحي من وصف والده لبدلته الإنگليزية بالتافهة، ولكن، نظراً لمؤسسة فقدان أخيه الأكبر جمال، والخسائر النفسية والمادية الامتناهية التي كانت العائلة بأكملها تمُّر بها، قرر أن يتغاضى عن تعليقات والده القاسية حول عُمُّه حبيب وبدلته.

«رح تقدر تطلع تصاريح لِمّي وخواتي وكمان جدّي وجدّتي عشان
يرجعوا؟».

«أيّ تصاريح، يا ابني؟ نظريأ بيدّعوا إله في تصاريح، بس في الواقع ما
يعطوش تصاريح لحدا، بس أنا تعرّفت على مجموعة من المهرّبين اللي
بيقدروا يرجعوا الناس على مدنهم وقراهم مقابل مصاري». ما أغفل
إسماعيل ذكره أنه هو نفسه صار ينتمي إلى إحدى هذه المجموعات،
ففي ظلّ الانهيار الاقتصادي الشامل، وعدم وجود أيّة وظائف أو دخل،
كان أمّا إسماعيل أحد خيارين: إمّا الانضمام إلى عصابة لصوص أو
عصابة مهرّبين، أو كليّهما.

«يعني آخرتك تدفع مصاري مشان ترجع إمّي؟»، قال صبحي مازحاً
في محاولة للتخفيف من ثقل الواقع المرّ.

«لأكيد مش أنا اللي رح أدفع عشان أرجع مرتي، حماتي أولى إنها
تتكلّل بيتها»، أجاب إسماعيل مبتسمًا وهو ينظر إلى فريدة.

«شو، شو؟ ما سمعت ولا فهمت»، صرخت فريدة.

«طبعاً طبعاً، يا حماتي، طول عمرك بتتنقّي شو تسمع، وشو ما
تسمع، ما في إشي جديد في الموضوع».

مزاح والده ذكره بأنه هو أيضاً لم يتبقّ معه شيء من النقود القليلة
التي كان يمتلكها، ولأول مرّة فكّر بضرورة البحث عن عمل. أحسّ بغرابة
الفكرة: كيف يمكن أن يعثر المرء على عمل في مدينة مدمرة، غاب
عنها أهلها وعمالها وأصحاب الأعمال الصغيرة والكبيرة؟ تساءل كم من
الوقت سيمضي قبل أن يعودوا؟ ومع هذا لم يكن لديه أمل كبير في
ذلك بعد أن أصبحت يافا مدينة مغلقة أمام منْ بقي فيها ومنْ هُجّر

منها. لحظات كهذه كانت تجعله يفتقد معلّمه مصطفى وعمّه حبيب، الرجلين اللذين كانا يهباً لمساعدته كلّما احتاجها.

«يَلَّا، يا أمير، خلّينا نروح قبل ما تعُمّ»، قال إسماعيل، ثمَّ حمل كيساً مملوءاً بأدوات المطبخ التي استقرضها من حماته لبيت الزيارة الخالي من أيّة أدوات للطبخ.

قبل أن يغادر والده وأخوه أمير البيت، استجتمع صبحي شجاعته، وسأل: «معلش، يابا، طمّنّي كيف حال عمي حبيب؟ قدّيش خطورة إصابته؟ وفي أيّ مستشفى موجود؟».

«مستشفى؟ مش موجود في مستشفى، هو في مكانه الطبيعي، في السجن، انجرح ووقع بين إيدين اليهود، وأخدوه أسير حرب». «وكيف عرفت كلّ هاد؟».

«رحت على مكاتب اللجنة الدولية للصليب الأحمر أسأل عن أخيك جمال، وهناك استفسرت برضو عن حبيب».

«صليب أحمر وأسرى حرب»، تتمم صبحي لنفسه مدركاً كم كان عليه أن يتعلّم حول الواقع الجديد لحياته ما بعد الحرب. التزم الصمت عندما سمع والده يقول:

«يا ربّني خسرت أخ مش ابن». كانت هذه آخر الكلمات التي خرجت متقطّعة من بين شفتَي إسماعيل المرتجفَيْن قبل أن ينفجر بالبكاء، ويغادر البيت.

بلد مُتنازع عليه

لم يعد صحي يخرج من البيت إلّا للضرورة القصوى، ليتجنب اعتداءات قوّات الهاغاناه وإهاناتهم، وأيضاً ليتجنب العوليم، المهاجرين اليهود الجدد القادمين من بلغاريا وبخارى واليمن، ليستقرّوا في بيوت الفلسطينيين في يافا. كان الخوف يملأ قلوب أهل يافا بعد أن أصبحت مدinetهم بلا قوانين، وقد اجتاحتها الفوضى، وصارت تخضع لمنع التجوّل من الساعة السابعة مساءً حتى السادسة صباحاً، مثلها مثل المدن والقرى جميعها في فلسطين، التي أصبحت الآن تُعرف بإسرائيل.

من أجل إخضاع الألقى شخص المتبقّين في يافا، والأهم من ذلك مصادرة بيوتهم وممتلكاتهم، أنشأت الدولة الحديثة الولادة ما يُسمّى «لجنة الترحيل»، التي كان هدفها ليس فقط طرد الفلسطينيين من مُدُنهم وقرابهم، ولكن، أيضاً إطلاق النار على أيّ شخص يحاول أن يتسلّل عائداً إلى بيته. مثل المنشية، كانت القرى المجاورة مثل سلّمة ويازور والعباسية والسافرية، والعديد غيرها، قد أخلت من سكّانها، وسُويت بالأرض، كما وُضعت خطة «إعادة توطين» من أجل ترحيل منْ تبقى من الفلسطينيين من بيوتهم إلى غيتوهات مخصّصة للعرب، وتوطين المهاجرين اليهود الجدد في بيوتهم. وهكذا تمَّ تنفيذ خطة «إعادة توطين الفلسطينيين و«توطين» المهاجرين اليهود الجدد في آنٍ واحد.

مع أن حيَّ العجمي كان من أحياي يافا الراقية، إلّا أن موقعه بعيداً

عن تل أبيب في الشمال وبيت يام في الجنوب جعله مكاناً مناسباً لإقامة الغيتور العربي، حيث يقيم الآلfa شخص المتبقون من أهل يافا بعد إخراجهم من بيوتهم، إضافة إلى ثلاثة آلاف من القرويين المهجرين من القرى المجاورة. خمسة آلاف شخص أصبحوا يعيشون الآن في حي شديد الازدحام، أصبح يُسمى المنطقة أ. وما إن تم نقل أبناء يافا والقرى المجاورة إلى العجمي حتى أحياط المنطقة أ بالأسلاك الشائكة مع ثلات نقاط عبور تحت الحراسة.

لم تكد تمر بضعة أشهر على اعتقال صبحي والتحقيق معه حول بدلته المُتنازع عليها حتى اعتُقل من جديد، ولكن التّهم هذه المرة كانت أكثر خطورة، فقد اعتُقل بدعوى أنه يحتل، بصورة غير قانونية، ملكيّة لعرب غائبين، هذه الملكيّة المُتنازع عليها لم تكن إلا بيت جدّه فريدة الذي كان يقيم فيه منذ بضعة أشهر، وهو كل ما تبقى له بعد أن دُمِر بيته في المنشية.

كان من مستجدّات الحياة تحت سيطرة السادة الجُدد اقتحام بيوت الناس، لذا كانت الموسيقى التي تُسمع في بيت فريدة وبيوت جيرانها هي صوت القرع بعنف على الأبواب، الصوت الذي كان مؤذياً حتى لأُذني فريدة الصماوين. ذات صباح وجد صبحي جدّه في سريرها وقد فارقت الحياة. ألقى بنفسه منهاراً على السرير، وأخذ يبكي بحرقة آخر من تبقى له من عائلته بعد رحيل الجميع. هدا قليلاً، واستجتمع شجاعته، ثم أمسك بيدها الباردة كالثلج، وحدّق فيها. أكثر ما حيره كانت الابتسامة الساخرة التي علت وجهها وهي ترقد هناك بسلام، وكأنها تقول: «الحمد لله إني مُتّ يا ستّي عشان ما أضل أسمع الخبيط عالباب، أو أشوف اللي بيصير بحكاية هالنكبة اللي بلشت ومش رح تنتهي. ربّنا يجمعنا في الجنة بعيد عن هالجحيم».

بعد مرور ما يقارب أسبوعين على وفاة جَدّه فريدة، استيقظ على صوت طرقات عنيفة على الباب.

«لَا، يا ربِّي، دخلك خلص، والله ما عاد فِي»، صرخ بصوت عالٍ معتقداً أن الطارقين من قوَّات الهاغاناه التي أصبحت الآن تسيطر على المدينة تماماً. لم يكن أمامه خيار إلَّا أن يفتح الباب، ليجد أربع عائلات من اليهود البلغار تقتل فيما بينها على تقاسم بيت جَدّه، وقبل أن يدرك ما يحدث كان في طريقه من جديد إلى القِشلة.

لكنْ ...

«أنا أعرف أن فريدة هي جَدّك لأُمك». «لكنْ ...».

«أعرف، أعرف أنها جَدّك لأُمك، لكنك لست ورثها، هل تفهم؟ ورثتها هم أبناؤها، يعني أُمك خديجة وخالتك عبير وأخوالك الثلاثة الذين أستطيع أن أسمّيهم لك إن أردت. لكن، كما تعرف، كُلُّهم غائبون، ولهذا فإن ممتلكاتهم مصنفة على أنها أملاك غائبين».

شاعراً بالهزيمة والخيبة أمام القوانين غير الشرعية للمحتلين، أخرج صبحي من بيت جَدّه، مثله مثل سُكَّان البلدة القديمة جميعهم في يافا. أصبح الآن يتشارك بيتاً من بيوت حِي العجمي التي أخلت من سُكَّانها مع عائلتين، واحدة من خمسة أفراد، والثانية من سبعة أفراد، هُجِرتا من قرية يازور المجاورة. وأكثر ما أزعجه احتمال وصول المزيد من العائلات المهجرة، ليصبح الوضع غير محتمل، حيث سيضطرُ إلى تقاسم غرفته الصغيرة مع عائلة أخرى. غني عن القول إن عدداً قليلاً فقط من أهل يافا، مثل الخواجا ميخائيل، قد تمكّنوا من الاحتفاظ ببيوتهم.

هرباً من كابوس البيت المزدحم، وأيضاً من الرقابة المشددة على منطقة الغيتو العربي، أصبح البحر صديق صبحي وملاده الوحيد، على الرغم من سمعته كبحر يafa الغدار. وعلى الرغم من مشهد الغروب المثير للشجون، إلا أنه ظلّ يومياً يراقب الأفق الذي اختفى وراءه أهل مدینته بين يوم وليلة. ظلت مشاهد هروبهم المأساوية وصراخهم الذي يضمُ الآذان تردد في رأسه. كان البحر العميق قادرًا على محو آثار الجرائم كلّها التي ارتکبت فيه، خلافاً للجرائم التي ارتکبت على الأرض، والتي ستحتاج وقتاً أطول لتمحّى. فكلّما نظر شرقاً باتجاه ما تبقى من مدینته، فاضت عيناه بالدموع. النظر شرقاً ذكّره بسلامة وشمس، والنظر شرقاً كان يعني رؤية مدینة أشباح، وأناس محطّمين، ورجال ونساء مُسنيّن تُركوا وحيدين، وحصان جائع، وقطط تموء، وكلاب ضالة، وركام المنشية، والأسواق الخالية، والمحال المغلقة، والبيوت المنهوبة، والفيلاّت المسروقة التي فرّ منها أصحابها آمليين أن يعودوا إليها ما إن يتوقف القصف. النظر شرقاً ذكّره بالموت، ومثل بنطال بدنته الإنگليزية المفقود وبيت جَدَّه، فقد أصبح كُلُّ ما في حياته مُلتبساً و«مُتنازعًا عليه»، ومثل الكثبان الرملية كان كُلُّ شيء يتحرّك تحت قدميه.

كثيراً ما كان صبحي يغيّر طريقه، ليتجنب المشكلات، وكذلك ليوفر على نفسه ألم رؤية أعمال التخريب والنهب الجماعي للبيوت والممتلكات. في طريقة اللقاء أبو غالب، وهو صديق قديم للعائلة وعده بعمل في ورشة التصليح التي يمتلكها في ميناء يafa، مرّ من أمام فيلاً البيطار في حيِّ النزهة، الذي كان حتّى وقت قريب أفحى وأحدث حيّ في يafa. ومثل العديدين الذين كانوا يقرؤون جريدة «فلسطين» اليومية، كان صبحي يعرف جيّداً أنَّ مالك هذه الفيلاً الفخمة هو السيد عبد الرحمن البيطار، إذ كان قد دخلها مرّة أو مرّتين لإصلاح شيء ما، نسي الآن، إنْ كان موتور كهرباء أو شيئاً آخر.

فيلاً البيطار

حتّى لا يشير شكوك قوّات الهاغاناه التي كانت تشرف على عملية النهب المنظمة لفيلاً البيطار، اختار صبحي أن يقطع الشارع إلى الجهة المقابلة بدلاً من أن يعود أدراجه. لقد تغلّب فضوله بشأن هذه السرقة على خوفه. رأى عن بُعد ستَّة من ميليشيات الهاغاناه يشرفون على فريقين من الحمّالين، كان أحدهما يحمل أثاث الفيلاً الفاخر في شاحنة كبيرة، بينما الآخر يحمل مكتبة عبد الرحمن البيطار الشخصية في شاحنة أصغر، وبسبب حُبه للكُتب، وأيضاً بسبب نهب مكتبة جَدِّه والمكتبة الإسلامية، فإن سرقة المكتبة كانت أكثر ما أثار غضبه. «ليش يسرقوا كُتبنا مع إنْه معظمها بالعربي؟ ولি�ش يسرقوا كُتب عربية مع إنهم بيكرهوا كلّ إشي عربي؟»، هكذا تساءل صبحي بينه وبين نفسه.

وهو يستمع إلى التعليمات التي كان يعطيها زعيم عصابة النهب لعشرات الحمّالين الذين ينقلون المقاعد والسجاجيد والثريّات وأجهزة الراديو والكتب، استنتج أن معظم، إن لم يكن جميع، الحمّالين فلسطينيون، وإلاً فلماذا يصبح عليهم زعيم الهاغاناه بعربية مكسّرة؟ صحيح إنه حتّى وقت قريب كان أفراد العصابات من العرب واليهود، ولكن، منذ 13 أيار 1948، عندما استسلمت يافا رسمياً إلى قوّات الهاغاناه، أصبح النهب مقتضاً على اليهود. وفي حين استولت الدولة على العقارات، فقد نُهبت الممتلكات المنقوله، مثل أثاث البيوت والمكاتب والعيادات ومُعدّات المستشفيات والشاحنات والسيّارات وقطعاً المواشي والقوارب، أو أُعطيت للمهاجرين اليهود الجدد.

كان صبحي مأخوذاً بالطابع المنظم لعملية النهب هذه، فسار بخطوات بطيئة محاولاً أن يحيط بتفاصيل المشهد. قطعت عليه أفكاره

مفاجأة أدهشتُه: بدا له أحد الحمّالين الذي كان خارجاً من حديقة فيلّا البيطار، حاملاً صندوقاً مليئاً بالكتب، شديد الشبه بعمّه حبيب. فرك عينيه مرتّين، مرّة ليتأكد من أن الرجل الملتحي الأعرج كان فعلاً عمّه حبيب، ومرة ثانية ليحاول أن يفهم لماذا يقوم عمّه حبيب الذي لم يقرأ كتاباً في حياته، والذي كانت اهتماماته مُنصبة في مكان آخر، بسرقة الكتب بالتحديد.

«أنا بلهوس ولا انجنيت؟»، سأل صبحي نفسه، بينما أخذته قدماه دون أن يشعر إلى الجانب الآخر من الطريق، «يا الله! هاد إنت، يا عمّي؟»، واقترب منه، وعانقه، أو بالأحرى تعلق برقبته بقوّة، بحيث لم يتمكّن جنود الهاغاناه من الفصل بينهما، وكأنهما جسد واحد، وأخذما يذرفان الدموع، إلى أن صاح أحد رجال الميليشيا، الذي كان يراقب الموقف، بأعلى صوته: «أرجوكم، اتركوههما».

احتاج المحيطون بهما، يهوداً وعرباً، بعض الوقت والعديد من الأسئلة قبل أن تَضح لهم الصورة. مثلما أخبره والده قبل هذه الحادثة بشهرين، كان عمّه حبيب قد أُصيب في ساقه في معركة المنشية، ثم اعتُقل كأسير حرب. وكمعظم أسرى الحرب الفلسطينيين، كُلف بالعديد من الأعمال المُشينة، بما في ذلك مساعدة أجهزة الدولة الحديثة في نهب الممتلكات العربية. أمّا بعض المثقفين الفلسطينيين مثل أبو خالد البطراوي، أمين المكتبة الإسلامية، فقد طلب منهم أن يصنفوا الكتب، أمّا الآخرون مثل عمّه حبيب، فكُلّفوا بالعمل اليدوي. لم يدرك صبحي حينها أنه ستُمرّ عقود قبل أن تكشف التقارير السرّية في الأرشيف الصهيوني أن المكتبات الفلسطينية الخاصة (ليس فقط في يافا، بل في أنحاء فلسطين كلّها) قد نُظمت بإشراف قوّات الهاغاناه لصالح المكتبة

الوطنية الإسرائيلية الجديدة ومكتبة الجامعة العبرية. لقد ظهرت هذه الكُتب على رفوف هاتئن المكتبيّن مع مرور الوقت.

تبادل صبحي الحديث مع عمه حبيب، وأبلغه، بتؤُرّ وعلٰى عجل، أخبار أفراد عائلته المشتَّة، بينما طمأن حبيب صبحي بأنه سيتم إطلاق سراحه بعد ما يقارب ستة أسابيع، ووعده بأنه سيبحث عنه إمّا في حي العجمي أو في ورشة أبو غالب في الميناء، «هاد إذا ما رموني عالحدود مثل ما عملوا مع كثير من أسرى الحرب».

«لا، إن شاء الله ما بيرموك ورا الحدود حتّى تلقيني، لأنّه مش ضايل حَدَّا من أهل يافا في هالخربة».

«يا ريت شوشانا كمان تكون لسّه موجودة»، قال حبيب مازحاً،
وبحك بصوت عالٍ.

مكتبة
t.me/soramnqraa

أشطر ميكانيكي في اللامدينة

«صنعة في إيدك أو علم في راسك، بس هدول اللي إلهم فايدة أو قيمة بهالزمن اللي جار علينا، وهُمه جواز السفر الوحيد للفلسطينية المسخّمين»، قال أبو غالب ذو السبعين عاماً، معلم صبحي الجديد الذي يمتلك محلّاً صغيراً للتصليح موتورات القوارب والسفن في ميناء يافا، «ومش هدول»، أضاف، وهو يمسك بيد جواز سفره الفلسطيني، وباليد الأخرى رزمة من أوراق العملة الفلسطينية.

باتنتظار ظهور زيون أو محرك مُعطل، كان صبحي وأبو غالب يجلسان على الرصيف البحري أمام ورشة التصليح يشربان القهوة أو العرق الرخيص، حسب الوقت من النهار. كان العمل شحيحاً، ولذا كانوا يجلسان مع الصيادين والعاطلين عن العمل طوال اليوم، ليقتلوا الوقت بالدردشة.

«هاد الجواز الفلسطيني صار وثيقة بلا قيمة، مكانه الوحيد صار بس في المتاحف. وكمان هدول الجنieurs ما عاد إلهم أي قيمة، صاروا مهمّين بس للّي بيجمعوا الروبابيكيا والأشياء القديمة». نهض أبو غالب عن صندوق البرتقال الخشبي، متھاماً على نفسه ومُسندأً جسده الهرم إلى عگارته الخشبية السوداء، وتوجه إلى الرصيف البحري للميناء، وقف على حافته دقيقة، ونظر إلى جواز سفره وأوراق العملة التي في يده، وبأقصى ما يستطيع من قوّة رماها في البحر. صُعق الجميع مما

رأوه، فوقفوا معاً، وركضوا باتجاه أبو غالب وهم يخشون الأسوأ، وهو أن يلقى نفسه في البحر.

«إنت إنجيّيت؟».

«برّيك إيش اللي عملته؟ وليش هيـك؟».

وبينما اعترض بعضهم على ما فعله أبو غالب، صمتت الأغلبية، وسمعت أصوات حشرحات وأنين هنا وهناك.

«من اليوم وطالع بتنادوني أبو مغلوب ومش أبو غالب، مفهوم؟»، قال غاضباً، بينما امتلأت عيناه بالدموع.

сад الصمت لدقائق قبل أن يقول صياد مُسنٌ: «أبو غالب معه حقٌّ...»، ولكن، قبل أن يُكمل كلامه، قاطعه أبو غالب قائلاً: «إن كان معك حقٌّ، ليش لسه بتسمّيني أبو غالب مع إني قلتلك تناديني أبو مغلوب؟ هيني بنبهكم، مش رح أردّ على أيّ واحد بيناديني باسمي القديم».

«طوّل بالك، يا أبو مغلوب...، ليش إنت متشارم هيـك؟»، قال أحد الصيادين الذي كان يعرف أبو غالب منذ عقود، ولهذا لم يستطع أن يتلفّظ باسمه الجديد.

«اسمعوا، يا رجال، اللي بيقوله أبو مغلوب صحيح ميّة بالميّة، حضروا حالكم عشان تسلّموا هوّياتكم وجوازات سفركم الفلسطينية، وتهيّؤوا نفسياً عشان تُخدوا هوّيات إسرائيلية. نفسي أعرف شو رح يكتبوا على الوثائق الجديدة: محمد علي، فلسطيني، مواطن من الدرجة الرابعة؟».

«ولو، يا رجل، مواطن من الدرجة الرابعة، يمّ هيـك؟ ليش مش مواطن من الدرجة الثانية أو الثالثة؟».

«لأ، لأنّه هدول الدرجتين محجوزين لليهود اليمنيين والمغاربة، عشان هيك، إحنا يا دوب رح نكون مواطنين درجة رابعة».

«هاد إذا كنّا محظوظين، أنا خايف إنه الفلسطينيين ملهمّش درجة من أصله. أظنّ إنّه من هلّاً وطالع رح نكون عبيد عندهم».

«فسروا، ولو! مستحيل، إحنا مش عبيد عند حدا، هدول اليهود لمّم جمعوهم من كل بلاد العالم، تطلع عليهم يا رجل، هدول عصابة حراميّة»، صرخ شاب من بين الحاضرين.

«وهدول اللّمّ هزموك أكبر هزيمة، بطلّ حكي فاضي، هاد الحكى الليّ وصلنا لهون. إنت وأمثالك عم تستنّوا أسيادكم العرب والجيوش العربية يوصلوا وينقذوا يافا. إنت شفت جندي عربي واحد أجا يدافع عن مدینتك؟».

هـ الشابُ من مكانه وقال مُصرّاً على رأيه: «شو اللّي صايرلكم، يا رجال؟ ليش إنتو انهزميّين لهالدرجة؟ هاي الأزمة رح تعدّي مثل غيرها. تذكّرواكم مرّة يافا انهزمت وتدمّرت، أنا بقدر أعدّلكم على أصابعي: القُرس، اليونان، الرومان، البيزنطيّين، الصليبيّين، نابليون، إبراهيم باشا المصري، وفي كلّ مرّة بنرجع نوقف على رجليّنا أقوى من قبل. يلّا شدُوا حيلكم، وما تكونوا مكسورين هيك، إحنا لازم نقاوم».

عند ذِكر الكلمة المقاومة ساد صمت مُطبق وما يشبه القُشعريرة، وفي أثناء ذلك الصمت المُطبق جاء الشكُ بأن الشاب المفتول العضلات صاحب الكلمات الثورية جاسوس أو عميل. مرّت لحظات قبل أن يكسر أحدهم الصمت، ويببدأ تبادل النظارات المتشكّكة: «ومين بالله اللي ضل واقف على رجليه وصار أقوى؟»، سأل صياد مُسّن بصوت مُتعَب و مليء باليأس.

«إحنا، أهالي يافا الأبطال»، أجاب الشاب بلهجة حماسية.

«طَيِّب، إِذَا وَيْنَ أَهَالِي يَافَا الْأَبْطَالِ عَنْكَ الْيَوْمِ؟ سَأَلَتْ حَالَكَ هَادِ السُّؤَالِ؟».

«بس ما هُمَّه رح يرجعوا قريب»، ردّ الشاب بإصرار.

«قريب؟ قدّيش قريب؟ ويرجعوا لوين؟ أحسنك تبطل تحلم وتواجه الكابوس اللي إحنا عايشين فيه». أخذ الرجل المُسْنُ نفساً عميقاً، وابتسم، ثمَّ أضاف: «على كل حال، يا عزيزي، أنا بحترم حماسة الشباب اللي عندك، وعشان هيكل عازمك على كاس عَرَق، وبتبقى تدفعلي حُقُّه لِمَا تلاقيلك شغلة أو لِمَا يرجعوا أسيادك الفلسطينية».

رَغْم صدق تعليق الرجل المُسْنُ ومراته وإهانته للشاب المندفع، ضحك الجميع بحسنة، وطلبوه دورتهم الرابعة من العَرَق. كان صبحي، ولاول مرّة، ثملاً بما يكفي، ليشارك في النقاش: «أنا شخصياً بكون في ساقع سما، بس لو يرفعوا عنّا منع التجول أو يلغوا التصاريح اللي بتسمحلنا نتحرّك خارج يافا، لأنّه سمعت إنه في شُغل في طبريا».

«طبريا من دون كل المدن؟ مين قلّك هالحكي؟».

«عمي حبيب خبّرنـي».

«آه، صحيح، دخلك وينه عمّك حبيب؟ أنا ما شفته من دهر، كل فكري إنه ترك البلد على واحد من القوارب أو السفن».

«لأ، عمّي حبيب ما ترك البلد، أخدوه أسير حرب، بس رح يطلقوا سراحه قريب، وهوه اللي خبّرنـي إنه في شغل في طبريا، ووعدني ياخذني معه».

«أكيد بمزح. شو اسمك، يا شب؟».

«صبحي».

«أكيد عم تمزح، يا صبحي. الحكم العسكري مفروض على كل المدن والقرى الفلسطينية، وعمرهم ما رح يرفعوه. وقرب رح تحتاج تصريح خاص عشان تنفس أو تنام مع مرتك، واعذرني على هالحكى»، قال الرجل المُسْنُّ وضحك هو وصبحي والآخرون.

«بَدَّك تقنعوا إنه إنت لَسَّه فيك حيل، يا أبو الأمين؟ والله إنها محظوظة».

«طِيب شو في إشي تاني نعمله لما نكون محسورين مثل الحاج غير إنه نسام مع نسواناً ونجيب ولد ورا ولد مثل الأرانب؟ والله غير يندموا على فرض منع التجول علينا لما يلاقوا حالهم غرقانين في مزرعة أرانب».

«يعني قصدك إنه رح نغلبهم بالحرب؟».

«بالضبط، هَيْك فهمتني، هاد بالضبط اللي رح يصير، وعلى هالسيرة الحلوة، يَلَّا خلّينا نروح على قفاص الحاج تاعتمنا، لأنّه الدنيا المغرب، وقرّب وقت منع التجول».

«إتو سمعتوا آخر نكتة عن منع التجول؟».

«لأ، ما سمعتش، أصلًا ما كنتش أعرف إنه في نكت عن منع التجول».

«جendi من الهاغاناه طَخْ فلسطيني قبل موعد منع التجول بعشرين دقيقة، ولما سألهو ليش طَخَّيْته؟ جاوبهم: أنا بعرف وين ساكن، ومتأكد إنه مش رح يقدر يصل بيته بعشرين دقيقة».

«الحمد لله إنه في حدا غلَّب حاله وسائل ليش فلسطيني انطخ».

ورغم أنه لم يتبق على موعد منع التجول إلا أربعين دقيقة، إلا أنهم واصلوا الحديث.

«إذا ما بدهم يسمحوا لأهل يافا يرجعوا على بيوتهم، بقدروا عالقليلة يرجعوا الفلاحين اللي خربوا الدنيا ونزلوا مستوى حي العجمي على قراهم».

«هيي هيي، وقف عندك، هاد كلام مش مقبول ولا مسموح، هاي عنصرية واضحة، إنتو اليافاويَّة أسوأ من اليهود. إنت مفكِّر إنه إحنا مبسوطين نعيش فوق بعض تلات عيل في بيت من بيوتكم اللي ما بتشف الفضا، ولا حتى إليها جنайн؟ والله يا ريت يرجعونا على قرانا وبيوتنا وأراضينا الشاسعة، بس أنا وإنْت بنعرف منيح إنه هاد الحكي مش رح يصير، لأنهم هدموا بيوتنا، وجرفوا قرانا، وسُووها بالأرض، عشان هيك أحسنلكم تعودوا تعيشوا مع الفلاحين، يا أكابر يافا».

«أنا كل اللي بدّي ياه إني أطلع من هالغيتو، وما بدّي إشي تاني».

لم يعرف صبحي المضطرب ماذا عليه أن يفهم من تلك المشاعر المُعادية للفلاحين. ومع أنه كان يفتقد شمس، إلا أنه أدرك الآن أن الظروف حرمته من التفكير فيها كما كان يفعل في الماضي. لم يستطع أن يفهم مشاعره المتضاربة، فهو ذاته كان يعاني من العيش في المنزل نفسه مع عائلتين مُهجَّرتين من قرية يازور، وبسببهما كان يقضي معظم الوقت بين ساعات منع التجول (من السادسة صباحاً وحتى السابعة مساء) في الميناء يشرب القهوة والعرق الرخيص، وبيني صداقات جديدة، ويستمع، ويشارك في النقاشات اللانهائية حول الواقع الجديد.

«خلص إنت وياه، مش بي肯ّي اللي عملوه فينا، قسمونا لعرب ويهود، ولمسلم ومسيحي، وهلأ بدمكم تقسمونا كمان لمدني وفللاح، الحمد لله إنه لوّنا متل اليهود «المزراحي»، ولا كان زادوا كمان تصنيفة جديدة».

«صدقوني هاد كله من صنع إيدينا، شوفوا اليهود وتعلموا منهم، جابوا ناس من كل أنحاء الكرة الأرضية، من كل الجنسيات والثقافات والألوان، وبحكوش نفس اللغة، وعملوا منهم شعب».

كان صبحي، مثل الجميع، قد ملّ من المناقشات السفسطائية العقيمة، وكان على وشك العودة إلى البيت، عندما لمح فجأة شخصاً أو شيئاً من بعيد. ولكونه ثملاً لم يصدق عينيه للوهلة الأولى. نهض عن كرسيه متربّحاً، وراح يمعن النظر ليتأكد من أن ما رأه هو الشخص الصحيح والبنطال المفقود. تدفق الأدرينالين في شرائمه، وسحب وجهه. ظنَّ معلمه الجديد أن قوّات الهاغاناه قد ظهرت في الميناء، لتعتقل شخصاً ما، حين لاحظ أن صبيه كان خائفاً أو شديد الانفعال. أدار وجهه إلى حيث حدقَت عيناً صبحي، ولكنه لم يرَ أيَّ جنود، فسألَه: «شو في، يا صبحي؟».

«يا إلهي، هاد هوّي، هاد هوّي ابن الكلب»، عندما نطق هذه الكلمات كان قد أصبح متتأكداً من أن الشخص كان فواز عصفور، العميل الفلسطيني الذي أعطاه نصف بدلته مدعياً أنه لا يعرف أين ذهب النصف الآخر.

ها هو فواز يرتدي بنطال صبحي، ويتمسّى على الرصيف البحري، وكأن شيئاً لم يكن.

منذ اللحظة التي ناوله فيها البدلة منقوصة، ساور الشكُّ صبحي أن فوّاز كان مَنْ سرق النصف الأسفل من بدلته، ولذا ظلَّ يستفسر عن أماكن تواجده، إذ كانت السلطات الإسرائيلية قد استغنت عن خدماته، وطردته من خدمة البوليس بعد أشهر من التحقيق حول البدلة، فذهب ليعيش (أو يتجمس) في حيفا، حيث كان يعمل في محل لنتف الدجاج.

«رح أنتف بدن ابن هالكلب مثل ما بيتف ريش الجاج»، كانت هذه آخر كلمات صبحي قبل أن يندفع كالسهم باتجاه هدفه.

حمل صبحي صندوق البرتقال الذي كان يجلس عليه وهو يتربّح ورفعه بذراعيه القويَّتين، وركض باتجاه فوّاز، وما إن تحطم الصندوق على رأس فوّاز إلى قطع صغيرة، حتَّى اتجه صبحي مباشرة إلى البنطال، وأخذ يسحبه بذراعيه إلى الأسفل. من هُول الصدمة كان كُلَّ ما استطاع فوّاز أن يفعله هو أن يحمي رأسه بذراعيه، ثمَّ مدَّ يديه، ليرفع سرواله الداخلي الذي كان صبحي قد سحبه مع البنطال إلى الأسفل. حاول فوّاز، الذي كان نصف عار، أن يسحب سرواله إلى الأعلى. أعلى وأ أسفل، أعلى وأ أسفل، ظلَّ البنطال والسروال يتنقلان بين أيديهما إلى أن تمرقا تماماً.

«بنطلوني، بنطلوني، بنطلوني!»، كان هذا كُلَّ ما استطاع صبحي قوله إلى أن هبَّ عدد من الرجال، وفصلوه عن فوّاز. ولو لا منع التجوُّل الذي لم يبقَ عليه إلَّا عشرون دقيقة، لعاد صبحي إلى البيت حاملاً قطعاً من لحم فوّاز بدلاً من القطع الممزقة من بدلته الإنگليزية.

الفصل الرابع

شمس

أم بالتبني

اللّد، أيار (1948)

«إنت يا بنت، يلّي هناك.».

«مين؟ أنا؟»

«نعم إنتِ، شو اسمك؟.».

«شمس»، ردّت بصوت أضناه التعب.

«أعلى، أعلى»، صاح العامل الاجتماعي الغارق في بحر من الأجساد والأرواح التائهة.

منذ منتصف نيسان، حينما كثفت الميليشيات اليهودية هجماتها على يافا والقرى المجاورة، بما فيها سلامة، تدفقَآلاف اللاجئين إلى اللّد، المدينة المتوسطة الحجم التي يبلغ عدد سُكّانها عشرين ألفاً، والتي تقع على بُعد عشرين كيلومتراً إلى الشرق من يافا. كانت اللّد، مثل يافا، جزءاً من الدولة العربية بحسب قرار التقسيم.

في الساحة الرئيسة للمدينة تجمعَ مئات اللاجئين باحثين عن أفراد عائلاتهم المفقودين، وعلى منصة مرتفعة، وقف عدّة موظفين من دائرة الشؤون الاجتماعية والأوقاف الإسلامية، كان ييدو عليهم السُّخط والإرهاق أكثر من اللاجئين الذين يحاولون مساعدتهم.

كان المشهد المجنون للجماع المحيطة بالعاملين الاجتماعيين يشبه

مشهد يوم القيمة، كما وصفه القديس يوحنا قبل 1948 عاماً: «ثُمَّ رأيْتُ عرضاً عظيماً أبيض، والجالس عليه الذي من وجهه هرت الأرض والسماء، ولم يوجد لهما موضع، ورأيْتُ الأموات صغاراً وكباراً واقفين أمام الله، وانفتحت أسفار، وانفتح سِفْر آخر هو سِفْر الحياة، ودينَ الأموات مما هو مكتوب في الأسفار، بحسب أعمالهم»، المشهد الذي يمثل نهاية التاريخ البشري وبداية الحياة الأبدية. حقّاً كان الأمر كذلك بالضبط، «نهاية التاريخ البشري وبداية الحياة الأبدية»، ولكن، في هذه الحالة كان العرش الأبيض العظيم مجرّد منصة خشبية بائسة أقرب إلى مسرح، والواقف عليها لم يكن الذات الإلهية، ولكن، مجموعة من العاملين الاجتماعيين اليائسين.

حتّى تأكّد من عدم ضياع فرصتها في العثور على أفراد أسرتها المفقودين، بمنْ فيهم والدتها ووالدها وشقيقها الأصغر محمد ابن الثاني عشر عاماً، صرخت شمس بأعلى صوتها: «اسمي شمس، وأسماء خواتي نظيرة ونوال»، وكرّرت ذلك أكثر من مرّة وهي تمسك بأختيّها ابنتي السادسة والسابعة، اللتين تعلّقتا بها.

على مدى الأسابيع الأخيرة، أو منذ اعتقلت الميليشيا اليهودية والدها وعدداً آخر من الرجال من تحت أشجار الزيتون، حيث كنَّ «يعشن»، أو، بالأحرى، ينتظرنَ ظهور والدتهنَ وأخيهنَّ، كانت الفتيات الثلاث ملتصقات معاً.

منذ ذلك اليوم الذي أخذ فيه الرجال «ليحفروا قبوراً جماعية، ويدفونوا الموتى على طول الطرّق» ولم يعودوا أبداً، أصبحت الشقيقات ثلاثيّاً لا ينفصل. ومثل القطط الصغيرة كنَّ ينمنَ الواحدة فوق الأخرى، على الرّغم من حرارة حزيران القاتلة. ومثل ثلاثة توائم ملتصقة، بجسد

واحد وثلاثة رؤوس، كنَّ يتحرّكُن معاً، يأكلنَ من طبق واحد، ويذهبنَ لقضاء حاجتهنَّ معاً، ويمس肯َ بأيدي بعضهنَّ وهنَّ يمشيَن في ساحة جامع دهمش، حيث كان يتجمَّع المئات من اللاجئين.

منذ فقدَت والدتها بين أمواج اللاجئين الفارِّين شرقاً، أصبحت شمس أمّاً بديلة، تطيعها شقيقاتها طاعة عمياً. لم يكن في هذا ما يثير الدهشة بعد كُلَّ ما مررنَ به منذ أن هُجّرُنَ من سَلَمَة قبل ذلك بشهرين.

في هذه الظروف الكارثية لم يعد الوقت يعني شيئاً لشمس، فالأمر المهمُّ منذ أن طُرد الناس من بيوتهم في سَلَمَة كان ما حدث، وليس متى حدث. ولهذا، فكلَّما سألها العاملون الاجتماعيون أو أيُّ شخص آخر «متى؟» كانت تجيب قبل شهر من الآن، وإذا سُألَوها «منذ متى؟» كانت تجيب أيضاً منذ شهر.

«إيمتى هربتوا من سَلَمَة؟».

«قبل شهر».

«قدِّيش قعدتوا في البيت الفاضي جنب محطة قطارات اللَّدَّ لما هربتْ عيلتك من سَلَمَة؟».

«شهر».

«لما الجنود اليهود طردوكم من هداك البيت، قدِّيش قعدتوا جنب المزرعة؟».

«شهر».

«كانت كُلَّ عيلتك معك في هداك الوقت؟».

«أيوه»، صمت قليلاً، ثم أضافت: «أيوه، إِمْي وأبوي وأخوي وخواتي التنتين وجارتنا فاطمة وبناتها التنتين».

«إنتِ ضيَّعتِ إِمْك وأخوك أول ولا أبوك؟».

«أول ضيَّعتِ إِمْي وأخوي، وبعدين ضيَّعتِ أبي».

«وإيمتى الجنود اليهود اعتقلوا أبوكِ والرجال الثانيين عشان دبحوا البقرة؟».

«قبل شهر».

«إيمتى ضيَّعتِ إِمْك وأخوك؟».

«قبل شهر، لَمَّا الجنود كانوا يطخوا علينا، ويصيحو علينا، روحوا روحوا، روحوا عالأردن عند عبد الله».

«وقدِّيش قعدتِ تستنِّي أبوكِ وإِمْك تحت شجر الزيتون؟».

«شهر كامل».

«وإيمتى اعتقلوا أبوكِ عشان يحفر قبور ويدفن الأموات عالطريق؟».

«قبل شهر».

«وقدِّيش صارله أبوكِ مفقود؟».

«صارله شهر».

«وإيمتى جابوكم إنتِ وخواتك على جامع دهمش في اللّد؟».

«قبل شهر».

«قدِّيش قعدتِ هناك؟».

«شهر».

وعلى الرّغم من فقدانها الإحساس بالوقت، إلّا أن شمس لحسن الحظّ، أو لسوءه، ظلّت تذكّر هذا كله بوضوح حتّى بعد سبعين عاماً.

عودة إلى الساحة الرئيسة في اللّد

«شمس، الله يخلّيكِ أعطيني اسمك الكامل حتّى أقدر ألاقي باقي أفراد عيلتك المفقودين، بدّي اسم بلدكم، واسم أبوكِ، واسم عيلتك، واسم إمّك، واسم أخوكِ». .

«اسمي الكامل شمس خليل أبو سعد من سَلْمَة»، صرخت بأعلى صوتها عدّة مرات، ولكن، لسوء حظّها، لم يصل اسمها الكامل إلى العامل الاجتماعي الذي دفعته بعيداً موجات من اللاجئين اليائسين الباحثين عن المساعدة:

«شفتوا ابني ماجد؟».

«لقيتوا جوزي محمّد؟».

«مرّ عليكم ولدين مع بعض اسمهم خالد وماهر؟».

«مشان الله، في حدا شاف بناتي مي ونائلة؟»، كانت امرأة تصرخ كالجنونة، ثم سقطت على الأرض ميتة.

كان الموت قد أصبح مألفاً.

«هدول البناء التلاتة من قرية سَلْمَة، بنات واحد اسمه خليل، مين خليل؟»، سأل العامل الاجتماعي.

«أبو سعد»، أجابت شمس.

«خليل أبو سعد من سَلَمَةٍ، إنت موجود؟ إذا موجود تعال وخد بناتك الثلاثة»، قال المرشد الاجتماعي، وانتظر أن يستجيب أحد ما، ثم أضاف: «إذا أبوهم مش موجود، في أيّ حدا من قرايبهم أو جيرانهم من سَلَمَةٍ بيعرف هالبنات؟».

نظرت شمس حولها بقلق آملة أن يتقدّم والدها المفقود، ويطالع بها وبأخيّتها، ولكن، دون جدوى. بقلب كسير ظلّت واقفة مع شقيقتيها بين الجموع.

ولكن، فجأة، استقرّت عيون الفتيات الثلاث، وقلوبهن تخفق بشدّة، على شابة سمعن صوتها الحادّ قبل أن يرينهما وهي تخترق الجموع وتشير إليّهنّ بيديّها قائلة: «أيوه أيوه، هدول بنات قرائيي، بنات بنت أخوي نجلا اللي متوجزة علاء نجم من سَلَمَةٍ». قفز قلب شمس في صدرها وهي تحدّق في المرأة الجميلة الممتلئة التي لم تكن قد رأتها في حياتها من قبل. «هدول بنات بنت أخوي من سَلَمَةٍ، هدول قرایب نسائيي في سَلَمَةٍ».

شمس لم تفهم شيئاً.

مين هاي؟

مين بنت أخوها نجلا؟

أيّ نسایب؟

ومين هُمّه عيلة نجم؟

ومن وين بقريولنا؟

كانت شمس مذهولة عاجزة عن فهم هذا المشهد الغريب وغير المتوقع، فالترمت الصمت، بينما شدَّت المرأة على يدها في إشارة تعني «خلِّيكِ ساكتة هَلَّا، وبعدين رَحْ تفهمي كُلَّ شيء».

بعد الصعوبات كلُّها التي مرَّت بها، وبعد أن فقدت الأمل في العثور على أمّها وأبيها وأخيها الأصغر الذين فقدتهم في أوقات مختلفة وظروف مختلفة، استسلمت شمس مرتبة ومهزومة إلى قدرها وقدر شقيقتيها الصغيرتين.

لم تشاً أن تعود إلى الحياة المزرية في جامع دهمش المزدحم، لذا ظلَّت صامتة، وكذلك فعلت أختها. لم تعد قادرة على تحمل منظر أفراد الميليشيات اليهودية الذين كانوا يأتون إلى جامع دهمش، وينادون على الرجال والشباب، ويطلبون منهم أن يذهبوا معهم، والأسوأ من ذلك كان صراخ النساء والفتيات اللواتي يُؤَخَّذْ رجالهنَّ بعيداً دون وعد بالعودة.

خلال بضع دقائق، كانت المرأة قد سجَّلت اسمها باسم زوجها وعنوانها في اللَّدْ وأسماء «بنات أخيها» الثلاث لدى العامل الاجتماعي الذي لم ينتبه لتغييرُ اسم العائلة من أبو سعد إلى نجم.

«يَلَّا، يا بنات، خلِّينا نروح»، قالت المرأة، وتركَت المكان مسرعة وهي تمسك نوال بيد وشمس باليد الأخرى. كانت هذه أولَّ مرَّة «في شهر» ترك شمس فيها يد واحدة من شقيقتيها، ولكنها أيضاً كانت المرَّة الأولى التي يمسك فيها شخص بالغ يدها في أكثر من «شهر».

بشكل غريزي، ولاول مرَّة منذ زمن طويل، شعرت شمس بمعنى أن يمسك طفل بيد شخص بالغ: الشعور بالأمان وبعض الاهتمام جعلا شمس تنفجر في البكاء، إذ إن الحنان وحده يشفى القلوب المكسورة.

ممسكة بيد المرأة، شعرت بالحب الصافي والرقة يفيضان في قلبها، وكذلك شعرت أختها.

فقط عندما شدّت بيدها راحة المرأة الممتلئة الجميلة، التي ستصبح أمّها بالتبنّي، تذكّرت كيف أفلتت يدها من يد أمّها عائشة. تذكّرت كيف أخذت تصرخ عندما وقعت عيناهما على صُفٌّ من الجثث، فتركت يد أمّها، وقفزت إلى الخلف، ثم استدارت، وأخذت تقیأً، وعندما استعادت توازنها، ووقفت، كانت أمّها وأخوها محمّد قد غابا عن نظرها. تجمّدت للحظات، ونظرت حولها، فلمحت والدها ممسكاً بيدي شقيقتيها الأصغر.

«وين إمّك؟ وين محمّد؟»، صرخ خليل بذعر مُدرِكاً معنى فقدان شخص في هذه الفوضى كلّها.

«يمكن طلعوا على التلّة من هون»، قالت شمس وهي تشير باتّجاه الجثث.

«يا إلهي!»، صرخ خليل وهو يلهث ويستدير بنظره بعيداً: «أنا متأكد إنه عايشة ما راحت من هناك، أكيد إنها إمّا راحت في الطريق الثاني أو رجعت تدور عليك».

في وسط الآلاف من اللاجئين لم تكن شمس ولا أختها قادرات على إدراك الاتّجاهات، وكلّ ما أردنه في تلك اللحظة كان أن يمسكن بأيدي بعضهنّ وبيدي والدهنّ بشدّة، وألا يفترقن من جديد.

«لازم نرجع ندور على إمّكم وعلى محمّد»، قال خليل.

كانت شمس تواقة إلى الذهاب في الاتّجاه المعاكس بعيداً عن رائحة الموت.

«آاخ، يا ربّ، ما صدّقنا إِنْهُ أبونا طلع من السجن، وهلّا ضيَّعنا إِمْنا وأخونا». لم تكن شمس تعرف أن الأحداث ستأخذ مساراً أكثر مأساوية.

عودة إلى دفء البيت

«فوتوا فوتوا يمّا، يا حبيباتي، هادا بيتك من اليوم وطالع»، قالت المرأة وهي تدخل البيت حيث تعيش مع ابنها محمود ذي العشر سنوات وزوجها عبد الحميد المصري.

لأن شمس وأختيئها كُنَّ يعشن تحت أشجار الزيتون في الخلاء، وبعدها في ساحة المسجد، فقد نسيَّنَ معنى أن يكون المرء في بيته. ذَرَّتهنَ الغرفة ذات العقود ببيتهنَ في سَلْمة، البيت الذي كُنَّ ينتظرنَ العودة إليه مع والديهِنَ ما إن يلتَمِّ شملهم من جديد، وما إن تنتهي الشواشر.

«محمود حبيبي، وين إنت؟ تعال تعرّف على خواتك». من خلف ستارة تفصل غرفة المعيشة عن المطبخ الصغير، ظهر صبيٌّ أسمُر ممتليءُ الخدَّين في عمر أخيهما المفقود، وباسم قريب من اسمه. تقدَّم الصبيُّ بخجل، وصافحهنَّ، ثمَّ وقف صامتاً، فمثل أخواته اللواتي ظهرنَ في حياته فجأةً لم يكن يعرف ماذا عليه أن يفعل أو يقول.

«هادا ابني محمود، وهاي شمس، وهدول ...»، قالت الأم، ثمَّ توقفت متنتظرةً من شمس أن تذكّرها باسمِي الابنَيْن اللَّتَيْنَ تبنَّثُهما حديثاً.

«هاي نظيرة، وهاي نوال».

بعدها عرَّفت الأمُّ نفسها: «الكلَّ بناديي أمَّ محمود، بس أنا بفضلِ تnadوني «يمّا»».

«وأخيراً قدرت تقني الموظفين بإنك تبني بنت، ضليت تنفي عليهم لحد ما أعطوك ثلاثة»، قال محمود وقد علت وجهه ابتسامة عريضة.

«الحمد لله، يمّا، أنا كتير ميسوطة. روح، يمّا، اطلع جيبلنا شوية حطب، بدّي أسخن مي وأحّمم خواتك».

ظلّت الفتيات واقفات قرب الباب حائرات ماذا يفعلن أو ماذا يقللن.

«شمس حبيبي، جيبي خواتك، والحقوني عالجنينة. لازم أنصف شعركم من القمل بالكاز قبل ما أحّمّمكم. خُدي، هاي مشط، أنا بمشّطلك شعرك، وإنْت بتمشطي شعر نظيرة، ونظيرة بتمشط شعر نوال، يلّا، يا بنات، تستحوش، رح نعمل متل قطار ماشي».

شعرت شمس بالحُكاك في رأسها ما إن سُكِب عليه الكاز.

«ما تصيبيش القمل، رح يوقع لحاله، بس ضلي مشطي شعر أختك».

بعد أن أصبح شعرهن خالياً من القمل، طلبت منهن أم محمود أن يخلعن ملابسهن القدرة، ويغسلن أجسادهن التي لم تمتسها قطرة من الماء منذ أن غادرن البيت في سلامة.

«يلّا، حبيبائي، تعالوا، أنا متأكدة إنكم ميتات من الجوع والتعب، اقعدوا عالطاولة لحد ما أحضر لكم الأكل».

بيطون ممتئلة وملابس نظيفة، حظيت شمس وأختها بليلة نوم هادئة لأول مرّة منذ أكثر من شهر.

بقرة يهودية

قبل ذلك بشهر

رَغْمَ أَنَّهَا كَانَتْ مِنْ أَوَّلِ الْأَطْفَالِ الَّذِينَ نَزَّلُوا التَّلَهُ رَاكِضِينَ بِحَمَاسَةٍ لِمَشَاهِدَةِ بَقْرَةٍ فِي حَقْلٍ قَرِيبٍ، إِلَّا أَنَّ شَمْسَ لَمْ تَعْدْ تَذَكَّرْ إِنْ كَانَتْ هِيْ أَمْ صَدِيقَتِهَا الْجَدِيدَةُ سَلْمَى مَنْ لَمَحَتْ الْبَقْرَةَ أَوْلَأً؟ مَا كَانَ لَهَا السُّؤَالُ أَنْ يَشْغُلَ بَالَّشَمْسِ لِبَقِيَّةِ حَيَاتِهَا لَوْ أَنَّ هَذِهِ الْحَادِثَةُ الْعَادِيَّةُ مَرَّتْ دُونَ أَنْ تَسْبِبَ التَّنَائِجَ الْمَرْوُعَةَ الَّتِي تَلَّهَا.

كَانَتْ شَمْسٌ تَدْرِكُ الْعَلَاقَةَ الْقَوِيَّةَ وَالْعَفْوِيَّةَ بَيْنَ الْأَطْفَالِ وَالْحَيَوانَاتِ، وَأَيْضًا الْقَدْرَةَ السُّحْرِيَّةَ الَّتِي تَمْتَلِكُهَا الْحَيَوانَاتُ لِتَسْلِيَّةِ الْأَطْفَالِ وَإِخْرَاجِهِمْ، وَلَوْ مُؤْقَتاً، مِنْ بُؤْسِهِمْ، لِذَلِكَ نَادَتْهُمْ وَاحِدًا وَاحِدًا، لِيَنْضُمُوا إِلَيْهَا:

«نَوَالُ، نَظِيرَةُ، مُحَمَّدُ، صَالِحُ، عَلَى، لَيلَى، تَعَالَوْا تَعَالَوْا شَوْفُوا الْبَقْرَةُ، بَقْرَةٌ كَبِيرَةٌ، أَكْبَرُ مِنْ عَنْزَاتِنَا بِعَشَرَ مَرَّاتٍ».

«أَنَا مُشْتَاقٌ كَتِيرٌ لِجِدِينَا عَفْرِيتٍ، إِيمَتِي بَدِنَا نَرْجِعُ عَالِبِيتِ عَشَانْ نَطْعَمِيهِ؟»، قَالَ مُحَمَّدٌ مُتَنَهِّدًا، ثُمَّ سَأَلَ: «يَمَّا، إِحْنَا لِيَشْ مَا جَبَنَا عَفْرِيتَ مَعْنَا؟ وَشُو صَارَ فِي بِسْتَنَّا سَمْسَمَ وَالْجَاجَاتَ؟ مَيْنَ بُدُّهُ يَطْعَمِهِمْ؟؟».

«يَا ابْنِيِّي، إِحْنَا يَا دَوْبَ قَدْرَنَا نَجِيبُكَ إِنْتَ وَخَوَاتِكَ، كَيْفَ بَدِنَا نَجِيبَ عَفْرِيتَ وَلَا سَمْسَمَ؟ وَلَا كَانَ بَدَّكَ يَا نَارِنَكَ وَنَحْمَلُ الْجِدِيدَ وَالْجَاجَاتَ بَدَالَكَ؟؟».

سادَتْ لَحْظَةَ صَمْتٍ.

أيقظت رؤية الأطفال للبقرة الحنين لديهم عوضاً عن الحماسة. ما أثار دهشة شمس أن عدد الكبار من الرجال والنساء الذين لحقوا بها تجاوز عدد الأطفال، فأدركت حينها أن أهلها وأصدقاءهم من الكبار كانوا بحاجة إلى التسلية بقدر حاجة الأطفال إليها، إن لم يكن أكثر. يبدو أن منظر البقرة وهي ترعى في الحقول قد منح الجميع، أطفالاً وكباراً على حد سواء، شيئاً من الإثارة، أو فرصة للخروج من البوس الذي كانوا يعيشونه منذ طردوا من قراهم.

مثل آلاف الناس من حولهم، كانت عائلة شمس، والدها ووالدتها وأشقاؤها الثلاثة وجيرانهم، ينتظرون تحت أشجار الزيتون في الخلاء توقف القتال حتى يستطيعوا أن يعودوا إلى قراهم، ولكن، بدلاً من ذلك، ولأن الاعتداءات قد زادت حدة، فقد ظلت تصل موجات من اللاجئين إلى اللّدّ ومحيطها كلّ يوم.

بعد أن عثرت عائلة شمس وعائلات أخرى على مزرعة خضار شرقى اللّدّ، التجأوا إلى أشجار الكينا والزيتون. كان عليهم أن يحتموا من الحرارة والعطش والجوع، وأن يذهبوا في جولات طويلة أو قصيرة في الحقول، كلّ حسب عمره، بحثاً عن الطعام. جمع بعضهم الخضار من المزرعة المجاورة، فيما انطلق آخرون إلى الخلاء بحثاً عن أيّ شيء، تُنتجه الأرض: خبزة وهندياء وسرّيس وبقلة وزعتر وزعتر برّي، وكلّ ما وقعت عليه أيديهم، أمّا المحظوظون، فكانوا يعودون ومعهم بعض فاكهة ناضجة أو غير ناضجة، مثل اللوز الأخضر والمسمّش والجارنك، أمّا الفتيات الصغيرات، مثل شمس ونظيرتها، فكنّ يرافقن أمّهاتهنّ، ويغامرن في التسلل إلى بعض البيوت الخاوية في القرى المهجورة. كنّ يغامرن بالدخول إلى البيوت التي هجرها أصحابها مثلهنّ تماماً،

تاركينها وراءهم عامة بالأطعمة المخزونة، مثل العدس والقمح والزيتون وزيت الزيتون والبندورة المجففة والتين المجفف والدقيق والسكر وجرار من مخلل الخيار واللّفت، ويُعدن أحياناً بالبصل والثوم اللذين كانت عائشة تحرص على وجودهما، لأنهما يضيفان طعمًا للأعشاب البريّة التي كان معظم الألّاجئين يعتاشون عليها. وكانت عائشة، كلّما دخلت بيته مهجوراً، تتساءل ماذا حدث لبيتهم، لعنزاتهم ودجاجاتهم وحمارهم والحصان الذي كان خليل قد اشتراه قبل رحيلهم ببضعة أشهر، وكلّ ما تركوه وراءهم عندما أجبروا على الفرار من سلّمة.

لم تنتبه شمس إلّا عندما اجتمعت العائلة والجيران مساء حول قدر الخضار الضخم إلى أن البقرة كانت موضوع الحديث الرئيس الذي لم يخلُ من الخلاف والجدال طوال المساء.

«فكرة منيحة إنه يكون في شوية لحمة مع الخضرة والأعشاب، شو راييك، يا عايشة؟».

«مش عارفة شو أحكي لك، يا خليل، أكيد إنه نتفة لحمة لهالصغر اللي ما داقوهاش من أسبوع رح تنفعهم. أظنّ إنهم نسيوا كيف شكل اللحمة وطعمها. أنا متأكّدة إنه كلّهم صار عندهم فقردم».

وهي تصغي لوالديها، لم تعرف شمس إن كانا يتحدّثان بجدّية أم أنهما يعبران عن أمنيّة ليست في المتناول، فمن جهة كانت تتفق مع أمّها، فلا هي ولا إخواتها، ولا حتّى أيّ شخص من المحظيين بهم، تناول قطعة من اللحم أو الدجاج طوال شهر، ولكن، من جهة أخرى، لم تنسَ أبداً كم كانت تحزن كلّما تجمّع والدها وأعمامها في صباح عيد الأضحى، ليذبحوا الخروف الذي كانت هي وأخوها محمّد قد أطعماه

طوال شهر كامل قبل العيد. أحرزتها النقاش حول البقرة وهي تذكّر أنين خروفها قبل وفاة ذبّحه، ولم تعرف أبداً ما الذي أبكّاها أكثر، أنين الخروف أم الصمت المفاجئ الذي تلا ذلك. وعدا عن أخيها محمد، لم يلاحظ أحد من العائلة أنها لم تأكل أبداً قطعة اللحم التي كانت تُوضع في طبقها يوم العيد. ولكن محمد، على عكس شمس، كان سعيداً بالحصول على قطعته وقطعة أخته أيضاً.

«ممممم، شو زاكِي، صحيح إِنَّه أَنَا وَيَّاكِي عَلَفْنَا وَرَبِّنَا هالخروف منيحة». لم تكن شمس تعرف هل تضحك أم تبكي على نكبة أخيها. ولكن هذه المرة أرغمت الظروف شمس على التعاطف أكثر مع أخيها والديها والآخرين المتshawقين لتجربة قطعة من اللحم.

سمعت أمّها تحذر والدها ذلك المساء: «مشان الله، يا خليل، ما تروح هناك لحالك، خُد معاك كم رجال».

«طبعاً مش رح أروح لحالِي، أصلأً تشاورت مع الرجال، وهي إبراهيم وسامي وافقوا يروحوا معي الليلة».

غالباً ما تقيدت شمس بتعليمات أمّها والمرحومة جدّتها بـالآ تدخل في أحاديث الكبار، ولكن القلق جعلها تتدخل هذه المرة، وتسأل: «بس، يمّا، هاي البقرة لمين؟»، إذ كانت تشلّ، أو بالأحرى تعرف، أن البقرة حتماً لم تكن لأهل سلامة الذين فرُوا من القرية معهم، وأصبحوا عائلة كبيرة ممتدة، تعيش معاً في الخلاء.

قبل أن تجيب عن سؤال ابنتها تلعثمت عائشة قليلاً، ثمَّ أجبت: «البقرة لأبو محمد».

«أبو محمد مين؟».

«أبو محمد اليازوري»، في إشارة إلى رجل جاء من قرية يازور.
«أيَا يازوري؟».

«الختيار اللّٰٓي هرب من يازور مع بقرته».

«طِّيبٌ كَيْفَ الْيَهُودُ مَا سَرَقُوْشَ بَقْرَتِهِ مَتَلَّ مَا سَرَقُوا مَصَارِنَا وَدَهَبَنَا؟».

دُهشت شمس من أن الميليشيات اليهودية التي نهبت من أهل سلامة ممتلكاتهم كلّها قد سمحـت لهذا الرجل العجوز من يازور بأخذ بقرة معه، ولكنـها التزمـت الصمت. ظلـلت تسأـل مـن هو أبو محمدـ، فقد كان معظم الرجال يسمـون أبو محمدـ، بمـن فيهم والدهـا، «وأـي خـتـيار مـهـجـرـ؟» ما دـام النـاس جـمـيعـهـم حولـها مـهـجـرـينـ! التـعرـيف الـوحـيد الـذـي حـمـل مـعـنى لـشـمـسـ كان قـرـيـةـ يـازـورـ الـتي زـارـتـها مـرـةـ مـعـ أـمـهـاـ.

الـحـتـ شـمـسـ بـالـسـؤـالـ: «وـوـيـنـ الـيـازـورـيـ الـخـتـيـارـ هـلـأـ؟».

«هـرـبـ عـالـأـرـدنـ، وـتـرـكـ بـقـرـتـهـ وـرـاهـ».

«يـا حـرـامـ!». لمـ يـكـنـ وـاضـحاـ إـنـ كـانـ التـحـسـرـ عـلـىـ أـبـوـ مـحـمـدـ الـذـي أـرـغـمـ عـلـىـ الفـرـارـ شـرـقاـ أـمـ عـلـىـ الـبـقـرـةـ الـتـيـ تـرـكـهـ وـرـاءـهـ، وـلـحـبـهـ لـلـحـيـوـانـاتـ، فـهـيـ، عـلـىـ الـأـغـلـبـ، كـانـتـ تـقـصـدـ الـبـقـرـةـ.

لمـ يـنـمـ أـحـدـ تـلـكـ الـلـيـلـةـ، كـماـ لـمـ تـنـمـ شـمـسـ، لـيـسـ فـقـطـ لـأـنـ الـأـرـضـ كـانـتـ فـرـاشـهـمـ، وـالـسـمـاءـ غـطـاءـهـمـ، وـيـدـ قـرـيـبـ مـاـ مـخـدـّـهـمـ، وـلـكـنـ، أـيـضاـ بـسـبـبـ تـهـامـسـ الرـجـالـ طـوـالـ الـلـيـلـ. الـآنـ أـصـبـحـتـ شـمـسـ مـُـتـيقـّـنـةـ مـنـ أـنـ

مصير البقرة لن يكون مختلفاً عن مصير خروفها، الخروف الذي كانت تحبُّه وتُطعمه وتلعب معه.

لم يكن الصباح التالي مختلفاً عن صباحات أول أيام عيد الأضحى: كان والدها مع رجلين آخرين من سلامة، إبراهيم وسامي، منهمكين في تقطيع اللحم وتوزيعه على الجموع الجائعة التي احتشدت حولهم في انتظار الحصول على حصتها.

«أعطيوني شقفة صغيرة، لقمة، إلنا زمان ما أكلناش زي الناس، واللحمة بنحلم فيها حلم من لما تركنا يازور».

فقط عندما سمعت شمس كلمة يازور، صدقت أن البقرة المذبوحة كانت بالفعل لأبو محمد اليازوري.

ومثل الرجل اليازوري الجائع، كان العديدون، رجالاً ونساء وأطفالاً، يتواضلون للحصول على قطعة لحم. ومع أن البقرة كانت أكبر بعشر مرات من عنزات شمس، إلا أنها بدت أصغر بكثير بسبب هذه البطون الجائعة كلّها التي تنتظر حصتها.

بيطون ممتئلة، نامت شمس وبقية الأطفال بعمق تلك الليلة. لقد أسعدت تلك الوجبة قلوب الجميع. وبينما غطّ الأطفال في النوم، بقي الرجال والنساء ساهرين يتسامرون ويتمازحون، الأمر الذي لم يفعلوه منذ زمن، ولكن، كما يقول المثل: «الله يكفيينا شرّ الضحك».

البقرة اليهودية

جرائم كبرى وجرائم صغرى

أصوات مركبات، ضجيج وصرارخ، تبعها تعليمات غير واضحة بعربية ركيكة صادرة عن مكّبّر صوت متحشرج، أيقظت شمس والنائمين جميعهم في الخلاء من حولها. مذعورة نهضت عن الأرض مُحاولة أن تكتشف أية كارثة جديدة حلّت بهم في هذه الساعة المبكرة من النهار، فقد مرّ يومان على ذبح البقرة، ولذا كان الشعور بالشبع قد ولّى.

للحظات كانت شمس عاجزة عن إدراك إن كان الصراخ الذي أيقظها حقيقةً أو مجرد كابوس، إذ أصبحت الكوابيس تُوقظها منذ حاول المستوطون اليهود أن يختطفوا ابنة عمّها عليا ذات الستة عشر عاماً، التي كانت في الحقل تقطف اللوز من شجرة عائلتها. صادف أنها كانت وحدها عندما هاجمتها ثلاثة مستوطنين، وأخذوا يجرّونها في محاولة لاختطافها، وكذلك لبّث الرعب في القرية وخارجها، ولكنها أخذت تصرخ وتضرب بقدميها وتعوض خاطفيها، إلى أن هبّ والدها وإخوتها الثلاثة وعدد آخر من رجال سلّمة لنجدتها. وكما كان مخططاً له من محاولة الاختطاف، امتلأت قلوب الناس بالخوف، خصوصاً النساء والفتيات. ونتيجة لهذه الحادثة ظلّت العديد من الفتيات عاجزات عن النوم لأيام وأسابيع، بينما بدأت آخريات، مثل شمس، بالمعاناة من الكوابيس المتكرّرة. لم تعرف والدة شمس بالتحديد إن كانت كوابيس ابنتها ناتجة عن هذه الحادثة أم عن الأخبار المرؤعة عن مجرزة دير ياسين

قبل ذلك ببضعة أسابيع. كانت شمس من الفئة الثانية، ولذا فقد كانت تحلم بأنها إحدى الفتيات اللواتي تم عرضهن في موكب الرعب في شوارع القدس.

كان الصياح بعربيه ركيكة دائمًا يملأ قلب شمس بالخوف، وغالباً ما يجلب الدموع لعيئتها الناعستين.

«اجمعوا كل الرجال، كبار وصغار».

عبر فحيح مكّبِر الصوت، كرر الضابط تعليماته لرجال الميليشيا اليهودية الذين جاؤوا معه في عربتين بريطانيتين مدرعتين. نفذ الرجال المسلاحون التعليمات فوراً، وسحبوا «الرجال جميعهم، كباراً وصغاراً، بمَنْ فيهم الأولاد الصغار، وصفوهم أمام جدار حجري مهدّم.

كانت عبارة «اجمعوا كل الرجال، كبار وصغار» أكثر عبارة تخيف الرجال والنساء، الكبار والصغار، وتملأهم رعباً، فقد سمعوها مرّات عديدة من قبل، وجربوا تبعاتها المريعة.

هذه العبارة يمكن أن تعني معاقبتهم وإذلالهم وضررهم وتركهم تحت الشمس الحارقة لساعات طويلة.

وقد تعني أيضاً جمعهم وأخذهم كأسرى حرب.

أو أخذهم للعمل في معسكرات الأشغال الشاقة.

وفي بعض الأحيان، قد تعني الإعدام.

ولكن، في أكثر الأحيان، كانت تعني أخذهم لدفن الموتى.

لو لم يكونوا قد طردوا من سلامة، وكانت هذه العبارة تعني تفتيش بيوتهم بحثاً عن السلاح، وتدمير مخزون طعامهم، والأثاث القليل الذي

يملكونه. وقد تعني، أيضاً، حرق حقول القمح، وقطع أشجار البرتقال، ومصادرة المواشي، وإطلاق النار على الخيول.

أما الآن، وقد خسروا بيوتهم وحقولهم وممتلكاتهم كلّها، فقد أصبحت الاحتمالات محدودة أكثر.

ما إن أطلقت العبارة المشؤومة حتى تجمّعت النساء من الأعمار جميعها، وأحطنَ بقائد الميليشيا، وأخذنَ يُجادلنه:

«شو بدكم منا هالمَّة؟ ما يكفي إنكم شرّدتونا من بيوتنا وببلادنا؟ إنتو ما بتخافوا الله؟»، هكذا قالت امرأة، مدافعة لا شعورياً عن ابنها إبراهيم الذي كان أحد الرجال الثلاثة الذين ذبحوا البقرة.

«أنا قلت اجمعوا كلّ الرجال، مش كلّ النساء»، أجاب الكابتن متجاهلاً أم إبراهيم.

«اتركوهم بحالهم، شو بدكم منهم؟»، ردّت بأعلى صوتها كما يفترض أن تفعل أم تدافع عن ابنها.

«بّي أعرف مين منكم سرق البقرة اليهودية؟».

«بقرة يهودية؟ أيّ بقرة يهودية؟»، أجابته أم إبراهيم.

«حجّة، لا تتغابي، أتم جمِيعاً تعرفون عما أتحدّث. أهل بيت شيمن قدّموا شكوى بأنكم سرقتوا بقرتهم».

«إحنا ما سرقنا بقرة حَدَّا»، أصرّت أم إبراهيم، ثمّ أضافت: «تفضلّ، فتّشنني»، وهي ترفع ثوبها إلى صدرها، حيث كانت تخبّئ نقودها بالعادة، ثمّ أضافت: «بتتفكّر إنه بنقدر نخبّي بقرة تحت ثوابنا؟».

«البقرة اليهودية اللي سرقوها خبيتوها في معداتكم، هناك خبيتوها».

«آه، قصدك هديك البقرة»، مُدركة أن الضابط كان يعرف أكثر مما توّقعت».

«آه، يا حَجَّة، هديك البقرة».

«بس البقرة اللي دبحناها ما كانت يهودية، كانت بقرة فلسطينية لصاحبها أبو محمد».

«أبو محمد؟ أي أبو محمد»، سألها الكابتن بفضول، معتقداً أنها قد كشفت هوية السارق دون قصد.

«ورجيني مين أبو محمد اللي سرق البقرة اليهودية، وادعى إنها بقرته، وهيك ما في حاجة إني أعاقبهم كلّهم»، قال الكابتن وهو يحدّق في الرجال المصطفين إلى الجدار، «اركعوا على ركبكم»، كان يصرخ فيما يتبع حواره مع أم إبراهيم: «مين أبو محمد؟».

«أبو محمد اليازوري».

«أبو محمد اليازوري أوقف، وتعال هون»، لكن، لم يتقدّم أحد.

«أبو محمد اليازوري، بقولك وقف وتعال هون، وإلا كل هدول الرجال رح يتعاقبوا».

«أبو محمد اليازوري هرب عالأردن، وترك بقرته وراه»، هكذا صرخت أم شمس عائشة وهي تقترب من أم إبراهيم، ثم أضافت: «البقرة اللي دبحناها هي بقرة أبو محمد، صدقني، يا كابتن يوسي، هاي بقرة عربية،

ومش يهودية». لم يكن واضحًا لماذا نادتهُ بالكابتن يوسي، ولكنها فعلت.

«ومين اللي دبح البقرة العربية؟».

أخذ سؤال الضابط الجميع على حين غرّة، فasad صمت مُطبق.

«كمان مرّة، مين دبح البقرة؟ البقرة يهودية ولا عربية بيفرقش معنّي».

sad الصمت من جديد.

«طيب، ولا حَدَّا بُدُّه يعترف بسرقة البقرة اليهودية ودبحها، إذاً،
الحقوني»، قال الكابتن مخاطبًا الرجال الراكعين على ركبهم.

في هذه اللحظة، وقف خليل والد شمس على قدميه، وتقدّم من
الضابط وقال: «أنا اللي دبحت البقرة».

«مش ممكن رجّال واحد يقدر يدبح بقرة لحاله، مين كان معك؟».

خِيم صمت مرعب قبل أن يقف سامي ويقول: «أنا كنت مع خليل».

«ومين كمان؟».

«أنا»، قال إبراهيم وهو يقف على قدميه.

وهنا انفجرت أمُّ إبراهيم بالبكاء.

«ومين كمان؟»، سأل الكابتن بصوت منتصر.

«بس هدول، ما في حَدَّا تاني»، صاح رجل مُسنٌ لا يستطيع الوقوف
أو المشي.

«طيب، إذاً، إنتو التلاتة الحقوني»، هكذا أنهى الكابتن تحقيقه،

لأن المستوطنين الذين قدّموا الشكوى قالوا إن الذين سرقوا البقرة
كانوا ثلاثة.

ما إن جرّ رجال الميليشيا خليل والد شمس، وإبراهيم ابن العشرين،
وسامي ابن الثمانية عشر، واعتقلوهم في سيّارتِي جيب، حتّى ركضت
مجموعة من النساء، من بينهن عائشة زوجة خليل، وأمهات إبراهيم
وسامي وأخواتهم، وأحطّن بالكابتن «يوسي». كنَّ يجهلن نوع العقوبة
التي تنتظر الرجال الثلاثة، لذلك حاول بعضهنَّ أن يناقشنه، بينما أخذت
آخريات يتولّن إليه، أمّا الزوجات والأمهات، فقد أذهلنَّ الرعب،
وأفقدهنَّ عقولهنَّ. أمّا شمس، فقد صاحت بأعلى صوتها: «أرجوك،
يا كابتن، ما تاخذ أبيوي»، وهي غارقة في شعور عميق بالذنب.

«بديكم يانا نموت من الجوع؟»، صاحت أمُّ سامي.

«بس احكينا وين بديكم تاخدوهم؟ ولا يمتنى؟»، قالت أمُّ إبراهيم،
التي كانت قد فقدت زوجها وابنها الأصغر في واحدة من المعارك التي
وقعت بين قرية سلّمة والمستوطنة اليهودية المجاورة. ركضت خلف
سيّارتِي الجيب، حيث كان ابنها قد حُمل مُكْبِل اليدين ومعصوب
العينين، وهي تصرخ بأعلى صوتها:

«يا ولاد الكلب، يا ولاد الشرمودة

يا عرصات

يا منايك

ارحمونا

شو عملنا لكم حتّى نستاهل هاد كله؟

قولولي شو عملنا لكم؟

إنتو اللي جيتوا قعدتوا في بلادنا مش إحنا اللي سرقنا بلادكم

شو بدمكم مّا أكتر من هيـك؟

أخذتوا بلادنا

طردتـونـا من بيـوتـنا

سرقـتوـوا مصارـبـنا ودهـبـنا

اتـهـكتـوا أعراضـنا

قتلـتوـوا وسـجـنـتوـوا رـجـالـنا

ما يـكـفـيـ إـنـكـمـ قـتـلـتوـوا جـوزـيـ وـابـنيـ عـلـيـ، وـهـلـأـ بـتـاخـدـوا اـبـنـيـ إـبـرـاهـيمـ،
بسـ لـإـنـّـاـ كـنـّـاـ جـوعـانـيـنـ وـبـدـنـاـ نـطـعـمـيـ وـلـادـنـاـ!

الله يـسـخـطـكمـ وـيـسـخـطـ بـقـرـتـكمـ الـيهـودـيـةـ!

إـذـاـ بـتـعـاقـبـونـاـ عـلـىـ سـرـقةـ بـقـرـةـ، بـإـيـشـ لـازـمـ نـعـاقـبـكـمـ عـلـىـ سـرـقةـ بـلـدـ
بـحـالـهـاـ؟

ظـلـلـتـ أـمـ إـبـرـاهـيمـ تـصـرـخـ وـتـرـكـضـ خـلـفـ الجـيـبـ المـدـرـعـ، إـلـىـ أـنـ سـقطـتـ
جـثـةـ هـامـدـةـ عـلـىـ الطـرـيقـ التـرـابـيـ الضـيـقـ، حـيـثـ اـخـتـفـىـ اـبـنـهـاـ.

أحدهم بالباب

قُرع جرس الباب بينما كانت أم محمود وعائلتها مجتمعين حول المائدة، يتناولون طعام الغداء. نهضت ومشت متأنية باتجاه الباب وهي تهمس: «شيششش، ولا كلمة، خلّيكم قاعدين، ما حدا يتزحرز من مكانه، أنا رح أفتح الباب»، ثم تمنت لنفسها: «مين اللي ممكن يجي بهيك وقت يوم جمعة؟». وضعت إصبعها على فمها مشيرة لهم أن يبقوا صامتين، وترددت قليلاً قبل أن تفتح الباب.

منذ التاسع من تموز، عندما استولت الميليشيات اليهودية على مدينة اللد (المدينة التي التقت فيها وأحببت وتروّجت عبد قبل خمسة عشر عاماً)، أصبحت أم محمود مهوسّة بحماية أفراد عائلتها، ذلك أنها كانت الأقل عرضة للخطر في ظل الأحوال التي تعرض لها أهل المدينة، وخاصة الرجال والصبية منهم، فزوجها عبد، مدير مدرسة اللد، كان متّهماً بتحريض طلابه على المشاركة في المظاهرات ضدّ الإنگليز والصهاينة، ولذا فقد قضى في السجن أكثر مما قضى مع زوجته وابنه. أمّا ابنها محمود ذو العشرة أعوام، فكان يُعدُّ، مثله مثل بقية الذكور الفلسطينيين، تهديداً لأمن الدولة الوليدة. ولكن أكثر ما أقلق أم محمود وشغل فكرها كانت المعلومات الكاذبة التي قدّمتها لدائرة الشؤون الاجتماعية حول صلة قرابتها لبناتها بالتبنّي.

كان للملمة العائلة حول مائدة الغداء هذا اليوم مغزى خاصّ، ليس

فقط لكونها احتفاء بإطلاق سراح عبد بعد خمسة أشهر قضاها في السجن، بل لأنّ القدر قد وحبه ثلث بنات دفعة واحدة، وهو الذي طالما تمنّى أن يهبه الله بنتاً، إذ إن فترات سجنه الطويلة حرمته وزوجته من الإنجاب.

«مِنْ هَالْبَنَاتِ الْحَلَوِينَ؟»، سأّل عبد وهو يدخل البيت مفاجئاً زوجته وابنه.

«هُدُولُ بَنَاتِنَا، بَنَاتِ سَلَمَةِ اللَّيْ تَبْنِيَتُهُمْ قَبْلَ أَرْبَعِ أَشْهُرٍ».

«يَا إِلَهِي عَلَى هَالْخَبَرِ! يَا اللَّهِ، شُو أَنَا سَعِيدٌ إِنَّهُ عَيْلَتْنَا كَبَرَتِ فِي غِيَابِي بَدْلٌ مَا تَصَغَّرُ»، ثُمَّ رَكَعَ عَلَى رَكْبَتِيهِ، وَقَبَّلَ الْأَرْضَ، «أَشَكَرُكَ، يَا رَبُّ، أَشَكَرُكَ، يَا رَبُّ»، كَرَّرَ وَقَدْ غَمَرَتِ وجْهَهُ ابْتِسَامَةً عَرِيشَةً. بِهَذَا الْاسْتِقْبَالِ الدَّافِعِ لَمْ يَكُنْ غَرِيباً أَنْ يَصْبَحَ عَبْدُ الْلَّطِيفِ، صَاحِبُ الشَّخْصِيَّةِ الظَّرِيفَةِ، الْأَبُ الَّذِي افْتَقَدَهُ شَمْسُ وَشَقِيقَاتِهِ مِنْذَ اعْتُقَلَ وَالْدَّهَنَّ خَلِيلٌ، وَظَلَّ مَفْقُوداً مِنْذَ ذَلِكَ الْحَينِ.

كانت أَيَّامُ الْجُمُوعَةِ الْأَيَّامُ الْوَحِيدَةُ الَّتِي امْتَلَكتِ فِيهَا أُمُّ مُحَمَّدٍ الْوَقْتَ لِتَعْدَّ الطَّعَامُ لِأَسْرِهَا الصَّغِيرَةِ بَدْلًا مِنْ الْأَسْرَةِ الْكَبِيرَةِ الَّتِي كَانَتْ قَدْ تَبَنَّتُهَا فِي اللَّدَّ. كَانَتْ، بِمَسَاعِدِهِ جَارِهَا الْمُسِيَّحِيِّ أَسْطَةٍ، وَابْنَهَا مُحَمَّدٌ وَبَنَاتِهِ الْثَّلَاثُ، قَادِرَةٌ عَلَى تَوْفِيرِ وَجَبَاتِ يَوْمِيَّةٍ لِلْمُحْتَاجِينَ وَكِبارِ السَّنَّ الَّذِينَ عُثِرُ عَلَيْهِمْ فِي الْبَيْوَاتِ الْمَهْجُورَةِ أَوْ فِي الْحَقولِ، مَمَّنْ تُرُكُوا دُونَ رِعَايَةٍ حِينَمَا عَمَّ الْخَرَابُ الْمَدِينَيَّتَيْنِ التَّوْهُمُ اللَّدُّ وَالرَّمْلَةُ، إِذْ كَانَتْ هَذِهِ أَوَّلَ مَرَّةً تَسْتَخْدِمُ فِيهَا دُولَةُ إِسْرَائِيلِ الْمَقَامَةَ حَدِيثَأً طَائِرَاتِهَا الْحَرِيَّةَ لِقَصْفِ الْمُدُنِ الْفَلَسْطِينِيَّةِ.

«حَبِّيْبيِّ مُحَمَّدُ، إِنْتَ رُوحُ مَعْنَكَ أَسْطَةُ عَالِبَسَاتِينَ، وَإِنْتُو، يَا بَنَاتِ، حَضَرُوا حَالَكُمْ لِجَوْلَتِنَا الْيَوْمِيَّةِ».

كانت أمُّ محمود تعطي هذه التعليمات لفريقها المكوّن من خمسة أشخاص كلّ صباح. وبينما كان أسطة ومحمود يذهبان لجمع الحطب والورقيّات الصالحة للأكل، كانت شمس ونظيره نوال ترافقان والدتهما في جولة على الأحياء المحيطة، ليجمعنَ الطعام من البيوت المهجورة: «ما تاخدوا إلَّا الأكل، يا بنات، ما تلمسوا ولا إشي، بيوت الناس وأشياؤهم مقدّسة مش لازم تنمسّ، لازم نحميها ونحترمها حتّى في أوقات الحرب». كانت أمُّ محمود تكرّر هذه الجملة لبناتها كلّ يوم وهنَّ يجمعنَ الدقيق والأرز والعدس والبصل والزيت والزيتون والثوم والبندورة المجففة والقطين والزيت من تلك البيوت.

«يِمَّا يِمَّا، تعالى شوفي شو لقيت»، صاحت شمس من غرفة المعيشة في أحد أغنى البيوت التي هجرها أصحابها، كانت تقف وهي تنظر مذهولة إلى الأسوار الذهبية المُلقة فوق خزانة أدراج. كانت أمُّ محمود تعرف أن عليها إلَّا ترك الأسوار الذهبية لرجال الميليشيات اليهودية الذين كانوا ينهبون بيوت الناس ليلاً ونهاراً منذ سقطت اللُّد، إلَّا أنها لم تشاُنْ تكون هي أو بناتها شريكات في مثل هذه الجرائم. كانت ما تزال تحت تأثير الصدمة منذ طُرد خمسة وثلاثون ألف شخص من أهالي اللُّد والرملة من بيوتهم بالقوّة، كما حدث أيضاً لما يزيد عن أربعين ألف لاجئ، هربوا من يافا والقرى المجاورة، وما زالوا ينتظرون العودة إلى بيوتهم. وحده التاريخ سيكشف بعد عقود أن الإشارة التي أعطاها بنْ غوريون بيده عندما سُئل عمّا يجب فعله بسكان اللُّد والرملة واللاجئين المقيمين فيها وفي محيطهما كانت تعني: «تخلّصوا منهم». كانت خطّة «دالت» جزءاً لا يُجتزأ من الاستراتيجية الصهيونية: «اطردوا أكبر عدد ممكن من الفلسطينيين من بيوتهم»، حتّى من المناطق التي كانت مخصّصة للدولة العربية بحسب قرار التقسيم.

«ما تصيبوا، ولا إشي، خلّوا كلّ شي زيّ ما هو، الناس قريب رح ترجع على بيتها»، قالت أمُّ محمود وهي تشكي في كلماتها، ولكنها لم تكن مستعدّة، بايّة حال من الأحوال، للسماح لنفسها ولا لبناتها بأن يكُن جزءاً من عملية النهب الكبري التي تجري حولهنَّ كلَّ يوم وكلَّ ساعة.

حين تعود إلى البيت، كانت أمُّ محمود تُعدُّ الوجبات الساخنة مما جمعوه من ورقّيات بُرّية وبقوليات، لتوزّعها على الأعداد الهائلة من المحاجين في مدينتها، ثمَّ تنادي: «محمووووود، أسطاااا، تعالوا خُدوا هاي الطناجر، وروحوا وزعوا أكل للناس في الحارة الشرقية، وأنا والبنات رح نروح على الحارة الغربية والحارة الشامية».

فيما عدا جامع دهمش، حيثُ أُعدم ستُون فلسطينياً على يد قوات البالماخ بعد أسبوع فقط من تبنيِ أمُّ محمود لشمس ونوال ونظيره، لم تكن شمس تتردد في الدخول إلى البيوت، حيثُ كانت تحدث، وتتبادل النكات مع المسنّين الباقيين فيها، بل وأيضاً تطعمهم بالملعقة من يدها، وهي تدعوه أن تعود عائلاتهم قريباً لتعتنى بهم. استمرَّ هذا الحال حتّى اليوم الذي كانت فيه شمس وأمُّها بالتبنّي وأخوها محمود يسرون في زقاق في أحد الأحياء القرية وسمعوا صوت شخص يئنُ.

«شمس، محمود، إنتو سامعين اللي أنا سامعته؟». «أيه، يمّا، أنا سامعة».

«شو اللي عم بصير؟»، تساءلت أمُّ محمود وهي تدخل إلى غرفة فقيرة، كان بابها مفتوحاً.

«آاخ، آاخ»، كانت امرأة مُسنّة سمينة تئنُ، وقد غطّت الدبابير وجهها ويدّيها ورجلّيها.

«يا إلهي!»، صرخت أم محمود وهي تناول شمس ومحمود قطعاً من القماش كانت ملقة على الكرسي، ليطردوا بها الدبابير.

«حبيبي، يمّا، اركض عالشارع، وجيب معك رجال تنين، وإذا ممكن كارّة خشب، وخدوها على دائرة الشؤون الاجتماعية في الأوقاف».»

ومثل أعضاء جيشها الصغير كلّهم، نفّذ محمود تعليمات أمّه بحذافيرها، وتمّ إنقاذ المرأة المُسنة.

وعلى الرّغم من كُلّ ما مرّت به شمس في الأشهر الماضية، كانت هذه واحدة من الحوادث التي تركت فيها أثراً لا يمحى، وظلّ هذا المشهد محفوراً في ذاكرتها لبقيّة حياتها.

عودة إلى جرس الباب

فتحت أم محمود الباب بتردد، لتجد أمامها رجلين فلسطينيين في منتصف العمر. ومع أنها اطمأنت، لأنهما لم يكونا من رجال الميليشيا اليهودية الذين كانت تخشى أن يأتوا في آية لحظة لاعتقال زوجها وابنها، إلا أنها تلعمت قبل أن تخرج الكلمات من فمها بصعوبة: « بشو بقدر أساعدكم؟».

«يا ترى، الأستاذ عبد موجود؟».

«مين أحكيله؟».

«احكيله في موظفين من دائرة الشؤون الاجتماعية في الأوقاف بيحبّوا يحكوا معه».

«يا ريت ما تقول ولا كلمة زيادة»، كانت هذا كُلّ ما قالته أم

محمود لنفسها، بينما ارتحى حنكتها وشحُب وجهها وكاد قلبها يقفز من صدرها، فاللحظة التي كانت تخشاها وصلت إلى عتبة بابها أسرع بكثير مما توقّعت. كان عبد والأطفال الأربع يقفون خلف أمّ محمود وقد استشعروا جديّة الموقف.

«تفضّلوا تفضلوا فوتوا»، قال عبد مرحباً بالضيوفين، وبطريقته المحببة اللطيفة طلب من شمس أن تأخذ إخوتها ليلعبوا في الحديقة. «ما تبعـت البنـات بـرـه قبل ما نـحـكـي بالـموـضـوع»، اعتـرض أحد الموظـفين.

«أنا مش باعـتهم بـرـا الـبيـت، هـيـهم هـونـ فيـ الجـنـينـة»، قال عبد، ثم أضاف: «تفضّلوا اقعدوا»، وظلّ محتفظاً بهدوئه. وبينما جرّت شمس نفسها وإخوتها إلى الحديقة، دخل عبد بالرجلين إلى غرفة المعيشة. «تغدّـيـتوـا؟ بـتـحـبـوـ تـغـدـدـواـ معـنـا؟».

«لـأـ، أـكـلـناـ، شـكـراـ، ياـ أـسـتـاذـ».

خففت لهجة عبد اللطيفة من حدة التوتر.

«ما تستـحـواـ»، قال وهو يـعـرـفـ أنـ الـلـبـاقـةـ معـ موـظـفـيـ الأـوقـافـ سـتـسـهـلـ التـفـاهـمـ معـهـمـ. وبـماـ أنـ القـهـوةـ وـالـسـكـرـ كـانـاـ منـ المـوـادـ المـقـنـنـةـ فـيـ وقتـ الحـربـ، فـقـدـ خـطـرـ لـهـ أـنـ تـقـدـيمـ وـجـةـ العـائـلـةـ التـيـ قـاطـعـاـهـاـ لـهـمـاـ سـيـفـيدـ كـثـيرـاـ، أوـ هـكـذـاـ اـعـتـقـدـ.

رغم امتعاض أمّ محمود بينها وبين نفسها من هدوء زوجها، إلا أن تجاربها السابقة قد علمتها أن لطفه كثيراً ما كان مثمرة، واليوم بالذات كانت أحوج ما تكون إلى سحره.

«كيف بتحبوا قهوتكم؟ حلوة؟ حلوة كتير؟».

«أيوه، يا أستاذ، حلوة كتير».

«حبيبي، ممكِن تعاملينا قهوة، ولا أنا دي شمس تعاملها؟».

«لأ، أرجوك، خلي شمس بره الموضوع، أنا بعمللكم القهوة». ذهبت أم محمود إلى مطبخها الصغير، لستجتمع نفسها، وما إن أصبحت خلف ستارة المطبخ حتى أخذت نفساً عميقاً، لتُطْبعَ من دقات قلبها. كانت تعرف أن أسلوب زوجها في الالتفاف حول المواضيع قبل الدخول في صلب المشكلات كان يعطي نتائج إيجابية. من نافذة مطبخها الصغيرة راقبت بناتها الثلاث وهن يلعبن «الغمائية» في الحديقة مدعيات عدم الاكتئاث بما يجري، وبيد مرتعشة مسحت الدموع عن خديئها.

كان يصلها صوت عبد المطمن وهي يناقش مع الموظفين ظروف ما بعد الحرب، وهذا أتاح لها الوقت الذي احتاجته لترتيب أفكارها وتحضير الحجج والتفسيرات التي كان عليها أن تقدمها للرجلين. استرقت نظرة أخرى إلى بناتها قبل أن تضع أربعة فناجين على صينية نحاسية، وبيدين مرتعشتين قدّمت فنجانين للرجلين وفنجاناً لزوجها، ثم أخذت واحداً، وألقت بنفسها إلى جانب زوجها على المقهى المزدوج.

دفع حضورها الرجال الثلاثة للدخول في الموضوع مباشرة:

«طيّب، أكيد صرت عارفة إنه إحنا جينا بخصوص بنات سلامة الثلاثة».

«شو مالهم؟»، سالت أم محمود وهي تحاول جاهدة أن تمنع دموعها من الانهيار.

خاطب الموظف الأكبر سنًا عبد قائلًا: «أستاذنا المحترم، إحنا عارفين منيح، وب Russo مُمتنين إلك ولزوجتك رِفْقَةِ الـ...».

«قصدك أمّ محمود»، حاول عبد أن يؤكّد على الاسم الذي اختارت زوجته أن تستخدمه لنفسها منذ أن تزوّجا، ولكن، لم يكترث الرجلان لكلامه.

«أكيد رِفْقَةِ كانت نِيَّتها طيبةٌ لِمَا ادَّعَتْ إِنَّهُ البناءُ التَّلَاثَةُ الـ... من سَلَمَةِ قرياتها، وإِحنا كمان عارفين إِنَّهُ زوجتك مش بس اعتنت بالبنات، لكنْ، كمان أنقذت حياتهم لِمَا أخذتهم من جامع دهمش قبل المجزرة بأسبوع واحد. وإِحنا كمان مُمتنين لكُلِّ الـ... بِتَعْمَلِهِ مِن الطبيخِ لِلْكَبَارِ وَالْمُحْتَاجِينِ فِي الْمَدِينَةِ». لكنْ، زيّ ما إِنْتَ عارف، يا أستاذنا المحترم، بنات سَلَمَةِ مسلمات، وما بيصير تربيتهم أمّ يهودية»، كان الموظف يتحدّث وهو محرج، ثمّ أضاف: «أنا متأسف كتير مدام رِفْقَةِ، إحنا عارفين إِنَّك دايرةِ بالـ... على البناءِ كأنَّك أمّهم وأكثُر، لكنْ، عَنَّا تعليماتِ من مدير الأوقافِ إِنَّا ناخدهم».

«تُوخدوهم؟ تُوخدوهم وين؟ لأ، مش ممكِّن، هاد مش كلام عُقال»، قالت رِفْقَةِ التي بدا عليها الاضطراب بوضوح.

تدخل عبد قائلًا: «استنوا استنوا، يا جماعة، صلوا على النبيِّ، قبل ما تبلشو تحكوا عن أخذ البناءِ، خلُوني أشرح لكم. أَوْلَأَ وَأَهْمَّ إِشِي أنا زيّ ما إِنْتَ عارفين عربي و مسلم، وابني محمود متلي، وزيّ ما بتعرفوا كمان إِنْتَوْ ومديركم إنه بحسب الشريعة الإسلامية الأولاد بتبعوا أبوهم ومش إِمّهم، بس الأَهْمَّ إِنْتَوْ وَأَنَا بنعرف إنه ما في حَدَّا، وبكِّرْ ما في حَدَّا، اهتمّ بالمحجاجين والكبار واللاجئين مثل مرتي اليهودية».

«ما في داعي تشرحنا لأنّه كلّ اللي تفضّلت فيه يا أستاذ عبد،
صح ميّة بالميّة، لكنْ، عنّا تعليمات صارمة من مدير الأوقاف نفسه
إنه نلاقي للبنات أمّ مسلمة متلهم، وفعلاً أخيراً الله وفّقنا، ولقينها.
وعشان هيّك لازم ناخدهم عشان يتربيوا عندها كمسلمات».»

«لكنْ هاي عائلة مسلمة، شو مالكم يا جماعة؟ الأطفال بتبعوا أبوهم،
ولأ أنا غلطان؟».

«للأسف، يا حضرة المدير، الأمور ما عادت هيك، لأنّه بحسب التقاليد اليهودية، وكمان بحسب قوانين الدولة الجديدة، الأطفال بتبعوا أمّهاتهم».

هذه المعلومات الصادمة أفقدت رِفْقَةً وعبد القدرة على الكلام، فواصل الموظف قائلاً: «للأسف هاي ما عادت فلسطين الانتدابية ولا فلسطين العربية، هاي صارت إسرائيل».

هنا ثارت ثائرة رُفَّقة وعبد: «بس إنتو الأوقاف الإسلامية اللي عم تعترضوا ومش الدولة الجديدة، شو اللي صايرلكم؟ إنتو يا دوب قادرین تحلووا مشاكلکم، كيف بدمک تعاملوا مع های المشكلة کمان؟».»

«والله بنعرف، يا أستاذ، ومش قادرین نوصلك قدیش إحنا
محجبن من هالموقف».

«اللّٰي بتعملوه جنون، يا عيب الشوم!»، قال عبد، بينما انفجرت رفقة في البكاء.

محجاً ومتائراً بدموعِ رفقة، قال الموظف لعبد: «ليش ما تروح بکرا وتحكى مع مدير الأوقاف، أنا متأكد إنه رح يتعاطف مع قصّتكم، لكن،

إحنا عنّا تعليمات واضحة إنه ناخد بنات سلامة اليوم، ونسلمهم لسيدة مسلمة، اسمها مريم».

«تسليموهم؟ هيك بتعامل مع تلات بنات صغار زيّ القمر؟ أنا بعرف كلّ وحدة اسمها مريم في البلد، أيّ مريم منهم؟»، قالت رفقة بغضب. «ما بعرف».

«مش عارف لأيّ مريم، ولا لوين ما خد بناتي الثلاثة، لا لا، هذا كفر وإجرام».

«حببتي رفقة، بتروحّاك تهدي»، قال عبد، ثمّ اقترب من زوجته التي كانت على وشك الانهيار، «أنا عارف إنه الليّ بصير مصيبة، بس بتروحّاك ما تخلّي البنات يشوفوك بهاي الحالة. الموضوع صعب علينا كلّنا، حاول أن يهدئها بينما عيناه تغورقان بالدموع.

ساد صمت قصير قبل أن يقول عبد بصوت مستسلم: «طيب، خليني أنا دي البنات»، ولكن، قبل أن يفعل ذلك نظر أحد الموظفين إلى رفقة، وسألها: «إنت عبد خبرتوا البنات إنك يهودية؟». «لأ، ما خبرناهم».

«فكك ابنك محمود خبرهم؟».

«ما أظنّ»، قالت، ثمّ أضافت وهي تصيح بأعلى صوتها: «هذا جنون رسمي، الناس عم بنطروا من بلادهم، من بيتوthem ومن مدنهem وقرابهم ومزارعهم، والرجال عم بنسجنوا أو بيعدموا بدم بارد، والنساء بيعتصبو، وآلاف اللاجئين الفلسطينيين بيموتوا من الجوع والعطش، وكلّ الليّ بيهمّك إنت والأوقاف تاعتكم إنكم تاخدوا بناتي مني لأنّي يهودية؟

يا عيب الشوم! شو هالحكي الفاضي!»، ثُمَّ انهارت باكية على الكتبة.

«حبيبتي رِفْقَة طولي بالك، أنا رح أحكي مع مدير الأوقاف بُكرا الصبح بدري، وبوعدك أرجعلك ياهم بنفس اليوم، صدِّيقين».

بخطوات ثقيلة وكأنهما تلقَّيا ضربة على رأسِيهما، ترك عبد ورِفْقَة موظَّفي الأوقاف، وسارا باتِّجاه الحديقة الخلفية، ولكن، قبل ذلك سألت رِفْقَة زوجها: «عبد، فكرك بيكون أحسن إذا قلنا لهم إنه إحنا التنين شِيوعيَّين ومُلحدين؟».

«إنت انجِنِيت، حبيبتي؟ ما بتعرفي إِنَّه بالنسبة إلى الأوقاف إنه نكون أَبْ وَأُمْ ملحدين أسوأ بكثير من إِنَّه نكون أَمْ يهودية وأَب مسلم؟». لإدراكها أن عبد قد استسلم ل الواقع الأليم، انهارت رِفْقَة على الكتبة، وأخذت تشهق وتئنُ، فتوجَّه عبد وحده إلى الحديقة، ليؤدِّي المهمَّة الصعبة.

مثل ثلاثة تماثيل حجرية دخلت البناء إلى البيت، وكما وجَهُهُنَّ والدهنَ، سرَّنَ باتِّجاه والدتهنَ، وجلسنَ حولها على الكتبة، وأخذنَ يعانقنهَا بشدَّة.

مرةً أخرى واجهت شمس وأختها مصيرهِنَّ المتكررُ: الافتراق عن أحَبَّهُنَّ. ولكن، منذ سنٍ مبكرة، أدركت بنات سَلَمة الثلاث أن التعاطف الإنساني وحده، وليس الدين أو القومية، قادر على أن يغزو القلوب.

مكتبة

t.me/soramnqraa

أم مسلمة

«مريم ... مرسيام، ولك، يا مريم، وين إنت؟»، صاح موظف الأوقاف، الذي رافق شمس وأختها من بيت أمّهن اليهودية إلى تخشيبة أمّهن المسلمة التي وقع عليها اختيار الأوقاف. لم يكن في مدخل البيت المهلل أو محيطه المهدّم ما يدلّ على أن بشرًا يعيشون هناك.

«مريم، مريم، جبتلك التلات بنات اللي رح يعيشوا معك».

على الرغم من جولاتها العديدة مع أمّ محمود إلا أن شمس لم تر هذا الجزء من المدينة من قبل. كانت ما تزال تحت تأثير الصدمة، تحاول التعامل مع وضعها الجديد، واستيعاب حقيقة أن والدتها التي أحبّتها كانت يهودية. كيف يمكن ذلك مع أن اليهود هم السبب في الكوارث كلّها التي حلّت بها وبعائلتها؟

لقد جاء انتزاعها من عائلتها بالتبني في الوقت الذي اعتتقدت فيه أن الله قد عوّضها أخيراً عن خسارتها، وأعطتها أمّاً حنونة وأخاً طيباً، تمكّنا في وقت قصير من تعويضها عن فقدانها لأمّها وأخيها محمد، كما أعطها عبد، الأب المصري المُحبّ ذا القلب الطيّب. كان أكثر ما أحرزتها فقدان الإحساس بالأمان الذي منحه لها الانتفاء إلى عائلة.

برغم الحيرة التي غمرتها، إلا أن شمس لاحظت أن موظف الأوقاف دخل إلى بيت مريم دون أن يقرع الباب، وهو أمر لم يكن مألوفاً. كرّر

الموظف قوله: «هـاي البنات التلاتة اللـي حكينا عنهم»، ولكن، من جديد لم يكن هناك أي ردّ. مرّت دقيقة أو دقـيقـتان قبل أن يصـبح بأعلى صـوـته: «مرـيمـ، وـينـ إـنـتـ؟ ليـشـ ماـ بـترـدـيـ؟».«

وبـعـدـ أنـ يـئـسـ منـ الحـصـولـ علىـ ردـ، أـخـذـ يـمـشـيـ حولـ الـبـيـتـ بـحـثـاـ عـنـ مـرـيمـ: «عـلـىـ فـكـرـةـ، لـازـمـ تـعـرـفـواـ إـنـهـ مـرـيمـ خـرـساـ وـطـرـشاـ، لـكـنـ، مـعـ الـوقـتـ رـحـ تـعـلـلـمـواـ كـيـفـ تـفـاهـمـواـ مـعـهـاـ».«

كـانـتـ الـفـتـيـاتـ الـثـلـاثـ مـصـعـوقـاتـ مـنـ كـلـ مـاـ يـحـدـثـ. أـخـذـنـ يـمـشـيـنـ بـيـنـ الـكـراـكـيـبـ فـيـ سـاحـةـ الـخـرـدـوـاتـ وـهـنـ يـمـسـكـنـ بـأـيـديـ بـعـضـهـنـ، كـمـاـ كـنـ يـفـعـلـنـ وـهـنـ يـعـشـنـ وـحـدـهـنـ تـحـتـ الـأـشـجـارـ، وـبـعـدـهاـ عـنـدـمـاـ نـقـلـنـ، لـيـعـشـنـ مـعـ مـئـاتـ الـلـاجـئـينـ الـآخـرـينـ فـيـ جـامـعـ دـهـمـشـ.

بـشـعـورـ غـامـرـ بـعـدـ الـأـمـانـ تـبـعـتـ شـمـسـ وـأـخـتـاـهاـ الـمـوـظـفـ، الـذـيـ بـداـ وـاضـحاـ أـنـهـ كـانـ فـيـ هـذـاـ الـمـكـانـ مـنـ قـبـلـ. كـانـ أـكـثـرـ مـاـ أـدـهـشـ الـفـتـيـاتـ الـمـذـهـولـاتـ وـجـودـ عـدـدـ كـبـيرـ مـنـ الـحـيـوانـاتـ الـمـتـنـوـعـةـ دـاخـلـ الـبـيـتـ، وـبـحـسـبـ خـبـرـتـهـنـ الـمـحـدـودـةـ كـانـ مـكـانـ الـحـيـوانـاتـ خـارـجـ الـبـيـوتـ، وـلـيـسـ دـاخـلـهـاـ، عـلـىـ الأـقـلـ، كـانـ الـأـمـرـ كـذـلـكـ فـيـ سـلـمـةـ، فـبـقـدـرـ مـاـ أـحـبـتـ الـعـائـلـةـ الـجـرـوـ عـنـترـ، إـلـاـ أـنـ الـوـالـدـيـنـ لـمـ يـسـمـحـاـ لـهـ أـبـدـاـ بـالـدـخـولـ إـلـىـ الـبـيـتـ، أـمـاـ هـنـاـ، فـيـ بـيـتـ مـرـيمـ، فـقـدـ بـدـاـ أـنـ الـحـيـوانـاتـ تـعـدـ الـبـيـتـ بـيـتهاـ.

كـانـتـ مـرـيمـ، الرـؤـوفـةـ وـالـمـحـبـةـ، تـحـضـرـ كـلـ حـيـوانـ تـرـكـ دونـ رـعـاـيـةـ إـلـىـ حـظـيرـتهاـ، الـتـيـ تـحـوـلـتـ روـيدـاـ إـلـىـ حـدـيـقـةـ حـيـوانـاتـ تـحـتـ رـعـاـيـتـهاـ.
«يـمـكـنـ الـأـوـقـافـ فـكـرـوـنـاـ حـيـوانـاتـ عـشـانـ هـيـكـ جـابـونـاـ هـونـ»، هـمـسـتـ نـظـيرـةـ.

«مـبـيـنـ هـيـكـ»، أـجـابـتـ شـمـسـ، وـصـمـتـ قـلـيلـاـ، ثـمـ أـضـافـتـ:

«ما تقلقي حبيبي، شدّة و بتزول، رح تمُرُق متل كلّ شي مَرَق قبلها،
صدّقيني». .

ومع أن نظيرة لم تستطع أن ترى ضوءاً في نهاية هذه المأساة الجديدة، إلا أن تجاربها السابقة جعلتها تثق بشمس ثقة عمياً. ومن جديد مارست شمس دور الأم الحامية، ففي محاولة لتخفيض القلق المتزايد حول أمّهن الجديدة وبيتها الغريب، حاولت أن تشغل أختيّها في عَدُّ الحيوانات جميعها التي رأينها حتّى الآن.

«أنا شايفه أكثر من دُرْزِنَة حاج سمان، ونص دُرْزِنَة أو أكثر بسَسْ كسلانة، وأرانب في كلّ مكان، وعنزة طالعة على كرسٍ، وبتمدّ رقبتها عشان تأكل غصن أخضر طري مرمي فوق الخزانة، وخروفين مبيّن عليهم مبسوطين جوّا البيت بعيد عن الحرّ والبرد، هدول اللي عَدَّيتهم لهلاً، بس أنا متأكّدة إنه في غيرهم برأّا البيت»، قالت نوال.

كانت الفتيات يحاولن العثور على طريق لعبور ساحة الخردة عندما وقعت أعينهنَّ على أمّهنَّ الجديدة. ومع أن مريم كانت في أوائل الأربعين، إلا أن الظروف جعلتها تبدو عجوزاً أشبه بالساحرة. كانت لديها الملامح جميعها التي تُدهش الأطفال، ولكن، أيضاً، تخيفهم: شعر رمادي أجدع طويلاً، لم يلمسه المشرط منذ زمن، وطبقات فوق طبقات من الملابس القدرة التي غطّت جسدها النحيل الذي يشبه هيكلأً عظيمأً دون عضلات، تُسند ظهرها المنحنى. كانت تحمل بين ذراعيّها بحنان جدياً رضيعاً، ومثل أمّ وطفلها كانت تُرضعه من زجاجة حليب. «نانا، دادا»، سمعت البنات صوت مريم العالي وتمتماتها غير المفهومة. عندما لمحت ضيقاتها لم تُعرّهنَّ أيّ اهتمام، واستمرّت في أداء عملها، وعندما انتهت من إرضاع الجَدِي الصغير، وضعّته باهتمام

على كومة من الخرق، وهنا لمحته أمُه التي كانت تأكل الأوراق الخضراء، وركضت إليه، وبدأت تلعقه، وتلعق مريم أيضاً.

لم تُبَدِّ مريم أَيْ اهتمام بالفتيات الثلاث. بدأت الآن بنقل عدد من الأغراض الكبيرة والصغيرة من إحدى زوايا الحظيرة إلى زاوية أخرى. جعل الْكُمُ الهائل من الأغراض المكانَ يبدو كغرفة مخزن أكثر مما هو بيت مستعد لاستقبال فتيات ثلاث. ومثل أفراد قبيلة مفقودة نظرت شمس ونظيره ونوال إلى بعضهنَّ بيأس، لا يعرفنَّ ماذا يُقْلِنَ أو يفعلنَ.

أراد موظف الأوقاف أن يُنهي مهمته بتسليم البنات المسلمات الثلاث إلى أمِّهنَ المسلمة، فطلب منهُنَّ أن يتبعنهُ: «مريم، هدول البنات الثلاثة اللي حكينا عنهم، بِدْك تديرِي بالِك عليهم، والأوقاف رح تعطيكِ أجراً شهرية، ماشي؟»، قال، ثُمَّ وقف متطرضاً جواب مريم.

«تاتا»، كانت هذه شبه الكلمة التي تمتَّت بها مريم موافقة على تلقيِّ المقابل، ثم أشارت إلى زاوية في الحظيرة، يفترض أن تنام فيها البنات.

«بِدْك ياهم يناموا هناك؟؟».

«آه»، أجبت مريم موافقة.

استدارت الفتيات، وحملقْنَ في الزاوية بدھشة.

«ما بِدِّي أضل هون، أنا خايفَة من هاد المكان ومرعوبة من هاي المَرَّة»، قالت نظيره، فجاءت نوال، والتتصقت بشمس.

«ما تقولي هيـك»، اعتراض الموظف دفاعاً عن قرار الأوقاف، ثم أضاف: «مسكينة، والله، إِنَّه قلبها طَيْبٌ وحنونة، صحيح إنها ما تتعرف تصرَّف مع الناس، لكنْ، قلبها دَهْبٌ».

«ذهب؟ أيّ دهب؟»، قالت نظيرة.

«ليش هي عايشة لحالها؟ ما عندها أهل؟»، سألت شمس.

«طبعاً إليها عيلة، لكن، مثل ما صار معكم، عيلتها انطربت من البيت، لما هي كانت عم ترعى غنماتها في الخلا». صمت الموظف قليلاً، ثمَّ أضاف: «أمها طبعاً أصرت إنها ما تطلع بدون بنتها الوحيدة، لكن الضابط اليهودي هدّدها إِنَّه يقتل جوزها وولادها التنين إذا ما بتتحرّك فوراً. أخذوا العيلة بالقوة، وحطّوهم مع اللاجئين اللي راحوا باتجاه الشرق عالأردن، لكن، بعد أسبوع أو تنين رجع أخوها الصغير هاشم عشان يأخذها، لكنها رفضت تطلع. حضرت عنترها وتنتين من بسّها وكم جاجة، وتمتّت بإنها لا يمكن تحرّك بدون حيواناتها، وإنها رح تضلّ مع حيواناتها اللي اعتبرتهم عيلتها، وفعلاً ضلّت معهم، وإحنا وعدنا أخوها اللي أجا يطلب منّا نساعدته، بإِنَّه نديربالنا عليها لحد ما عيلتها ترجع أو هي توافق على إنها تروح عندهم. وهلّا صرتو إِنتو عيلتها».

«الله لا يقدر»، قالت نظيرة.

«عشان هيكس هي خرساً؟ قصدي عشان خسرت عيلتها؟».

«لأ، حبيبي، هي انولدت خرساً وطرشاً، مسكينة الكلّ كان يضحك علىها، وعشان هيكس صارت تحبّ الحيوانات كتير، وعلاقتها فيهم صارت قوية».

«يمكن لأنّه الحيوانات هُمَّه الوحدين اللي ما كانواش يضحكون عليها»، أضافت نوال بخجل.

مستمتعًا بفضل نوال بشأن مريم، أجاب الموظف: «أحسنتِ، يا نوال، هاد صحيح تماماً»، أخذ نفّساً عميقاً، ثمَّ أضاف: «يمكن هي صَحْ في النهاية، لِإِنَّهُ الْحَيَّوَنَاتِ ممكِنَ تَكُونُ أَكْثَر إِنْسَانِيَّةً مِنْ أَكْتَرَنَا».

«أَكِيدُ، شُوفِ إِنْتُو شُو عَمِلْتُو فِينَا»، هكذا فَكَرِّتْ شَمْسُ قَبْلَ أَنْ يَتَابِعَ الْمَوْظَفَ: «وَعُشَانْ هِيكْ ضَلَّتْ مريم تَسْجُولْ فِي الْمَدِينَةِ وَتَدْوَرْ عَلَى الْحَيَّوَنَاتِ اللَّيْ صَاحِبَاهَا تَرْكُوهَا. هَدِيكَ الْيَوْمَ كَانَتْ رَحْ تَنْطَخُ وَهِيَ بِتَحَاولِ تَحْمِي خَيْوَلَ الْجِيرَانَ، كَانَتْ تَحْطُلُهُمْ أَكْلَ لِمَّا أَجَأَ تَلَاثَةَ مِنَ الْمَيلِيشِيَّا، وَأَخْدُوا الْخَيْوَلَ مَعَهُمْ. مَا بِقَدْرِ أَوْصَفَ قَدِيسٌ كَانَتْ غَضْبَانَةَ هَدَاكَ الْيَوْمَ، إِجْتَعَنَّا تَصْرُّخَ وَتَبَكِيَ وَتَشَكِّي إِنَّهُ وَلَا حَدَّا غَيْرَهَا عَمْ يَدِيرُ بَالْهُ عَلَى الْحَيَّوَنَاتِ فِي الْمَدِينَةِ. طَبِيعاً كَتِيرٌ مِنَ الْحَيَّوَنَاتِ كَانَتْ عَمْ بَتْمُوتَ مِنَ الْجُوعِ وَالْعَطْشِ، وَكَنْتَ بَدِيَ أَقُولُهَا إِنَّهُ إِحْنَا يَا دَوْبَ قَادِرِينَ نَعْتَنِي بِالْبَشَرِ، فَكِيفَ بَدِنَا نَعْتَنِي بِالْحَيَّوَنَاتِ، بَسْ طَبِيعاً مَا تَجَرَّأَتْ أَقُولُهَا هَادِ الْكَلَامِ». فِي هَذِهِ الْلَّحْظَةِ تَذَكَّرَتْ شَمْسُ كَيْفَ كَانَتْ أُمُّ مُحَمَّدٍ تَطْلُبُ مِنْهَا وَمِنْ أُخْتِيهَا أَنْ يَضْعُنَّ الْمَاءَ وَالطَّعَامَ لِلْحَيَّوَنَاتِ الْمَتَرَوَّكَةِ.

«هَلَّا فَهَمْتَ لِيْشَ هِيَ بِتَخْلِيِّ الْحَيَّوَنَاتِ جَوَّا الْبَيْتِ، بَسْ لَسَّهَ مَا فَهَمْتَ كُلَّ هَايِّ الْفَوْضِيِّ اللَّيْ مَخْلِيَّةَ الْبَيْتِ مَتَلَ سَاحَةَ خَرْدَةَ»، قَالَتْ شَمْسُ.

سعیداً لنجاھ بالحصول على بعض التعاطف من الفتيات تجاه مريم، بدأ الموظف يشرح سبب هذه الفوضى كُلُّها: «مريم جامعة قمامنة».

«إِيْشَ يَعْنِي؟».

«بِتَعْرُفُوشِ إِيْشَ يَعْنِي؟».

لأ».

«يعني هي شخص يجمع الخردة، وبيقدرش يتخلّص منها أو يرميها».

لم تستطع شمس أن تفهم أو تتعاطف مع شخص يجمع الخردة، ذلك أن أمّها عايشة وكذلك أمّها اليهودية كانتا تهتمّان بالحفظ على بيتهما المتواضعين نظيفين ومرتبين، ولكنها لاحقاً فهمت لماذا كانت مريم تجمع أكواماً فوق أكواخ الأغراض المتنوّعة.

نظرت شمس حولها، وشعرت كأنها وأختها قد سقطنَ من الجنة اليهودية إلى جهنّم المسلمة. مُدرِكاً الخطيئة التي ارتكبها في حقّ الفتيات، نظر موظف الأوقاف في عيني شمس، وسألها: «في إشي بقدر أعمللكم ياه قبل ما أروح؟».

لم تعرف شمس ماذا تقول، ولكن نظيرة قالت برجاء: «خدنا عاليت، الله يخلّيك، الله يخلّيك، ما بدننا نضل هون».

«هادا طلب صعب، أو بالأصحّ مستحيل، انسوا الموضوع، يا بنات، ما بيصير ترّيكم أمّ يهودية، هادا مخالف للشريعة، ممنوع، حرام».

لشعوره بالعجز أمام الفتيات الباكيات، حاول الموظف أن يغادر المكان: «طّيب، يا بنات، أنا رح أترككم هلّاً، ومتل ما اتفقنا مع أبوكم بتروحوا الصبح عالمدرسة».

«على نفس المدرسة، صح؟».

«أيوه، على نفس المدرسة. أنا خبّرت مدير المدرسة والمعلمات إنّه تغيّرت إمّكم وعيّلتكم وبيتكلّم. بخاطركم، وأكيد بتعرفوا كيف تيجوا على مكتبي إذا احتجتوني».

بالسؤال عن المدرسة كانت شمس قد بدأت بالخطيط لتنفيذ ما همس به والدها عبد في أذنها عندما أخذت هي وأختها من والدتها رفقة: «شمس، حبيبي، الله يخليلك بطيلاً بُكا، وما تصعييش الأمور على إمّك وأخوكِ، وأنا بوعدى إني أرجعكم قريب، قريب كتير، وإذا اضطربني الأمر راح أخطفكم من أمّكم تبعـت الأوقاف، أهمّ إشي إنكم تصممـوا تروحوا على نفس المدرسة، وتأكـدوا إنكم تمـروا من قدـام دـكان أمين كلـ فترة، وأنا راح أعطي تفاصـيل الخـطة لأـسطـة بمـجرـد ما أـعـرف أـرتـب الأمـور».

احتـفظـت شـمسـ بـهـذاـ كـلـهـ لـنـفـسـهـاـ خـشـيـةـ أـنـ تـكـشـفـ أـخـتـاهـاـ عـنـ خـطـةـ الـهـربـ.

وضـعـت شـمسـ رـأـسـهـاـ عـلـىـ كـوـمـةـ الـخـرـقـ التـيـ سـدـتـ مـسـدـ وـسـادـةـ،ـ غـيرـ قـادـرـةـ عـلـىـ النـوـمـ أـوـ حـتـىـ عـلـىـ إـغـلاقـ عـيـنـيـهـاـ.ـ اـسـتـلـقـتـ نـظـيرـةـ وـنـوـالـ بـجـانـبـهـاـ،ـ بـيـنـمـاـ كـانـتـ قـطـّـانـ وـثـلـاثـ دـجـاجـاتـ تـرـقـدـانـ فـيـ الجـانـبـ الـآـخـرـ.ـ كـشـرـيـطـ سـيـنـمـائـيـ مـرـتـ أـمـامـهـاـ صـورـ مـنـ الفـصـولـ الـمـرـيـرـةـ التـيـ عـاشـتـهـاـ:ـ طـرـدـهـاـ وـأـسـرـتـهـاـ مـنـ بـيـتـهـمـ فـيـ سـلـمـةـ،ـ تـحـقـيقـ الـبـقـرةـ الـيـهـودـيـةـ،ـ ضـيـاعـ أـمـهـاـ وـأـخـيـهـاـ،ـ الـمـصـيرـ الـمـجهـولـ لـأـبـيهـاـ الـمـعـتـقلـ،ـ لـجـوـؤـهـمـ إـلـىـ الـمـسـجـدـ،ـ وـقـوـفـهـاـ فـيـ السـاحـةـ وـالـبـحـثـ عـنـ وـالـدـهـاـ،ـ الـظـهـورـ غـيرـ الـمـتـوـقـعـ لـأـمـهـاـ الـيـهـودـيـةـ،ـ ثـمـ اـنـتـزـاعـهـاـ مـنـهـاـ.ـ فـكـرـتـ طـوـيـلـاـ بـأـمـهـاـ الـيـهـودـيـةـ وـبـمـرـيمـ الـمـسـلـمـةـ،ـ وـبـفـكـرـةـ الـحـلـالـ الـحـرـامـ.

وـفـيـ ظـلـمـةـ الـلـيـلـ الـحـالـكـةـ،ـ وـظـلـمـةـ الـوـضـعـ الـذـيـ فـرـضـ عـلـيـهـاـ وـعـلـىـ أـخـيـهـاـ،ـ اـسـتـعـادـتـ شـمـسـ الـكـلـمـاتـ التـيـ هـمـسـ بـهـاـ وـالـدـهـاـ عـبـدـ فـيـ أـذـنـهـاـ.ـ وـفـجـأـةـ رـأـتـ لـمـعـانـ بـرـقـ فـيـ السـمـاءـ،ـ وـسـمـعـتـ حـفـيفـ وـرـقـ،ـ هـلـ هـوـ

حُلم أم حقيقة؟ سألت نفسها. خارج الجدار المتتصدع رأت شرائط من الأوراق الملوّنة لطائرات ورقية ترفرف عالياً، وفي صفاء سماء الصباح الزرقاء ظهرت ملامح صبيٌّ أنيق وأيادٍ ماهرة تصنع طائرات ورقية جميلة من الأوراق الممزقة. كانت تلك الأيدي نفسها تلمس يديها بحنان، مما أثار فيها إحساساً خافتاً بالإثارة.

خُطّة الهرب

ليلة طويلة قضتها شمس دون أن يغمض لها جفن، ومع بزوغ الفجر استعادت وكررت في ذهنتها بدقة تفاصيل خطة الهرب كلها التي كان قد أرسلها لها والدها عبد قبل أن تشاركها مع نظيره ونوال: «اسمعوني مني، خدوا معكم كل كتبكم وأغراضكم عالمدرسة، لأنّه عالغلب إنه ما نرجع هون اليوم».

«شو قصدك إنّه يمكن ما نرجع هون اليوم؟».

«اعملني مثل ما بقولك بالحرف الواحد»، قطعت شمس الكلام على نظيره، فأطاعتھا أختاھا. ولخشيتها من أن يحدث شيء يتحقق خطة الهرب، حرصت على الآلا تكشف إلّا القليل لنظرية المولعة بالجدل والأسئلة الرائدة، ولنوال التي أفقدتها الأحداث ثقتها بنفسها وكلّ منّا حولها، باستثناء أختها شمس.

رغم مرور شهرٍ على إقامة شمس وأختها تحت سقف واحد مع مريم، إلّا أنهنّ كنّ يعشنّ في عالميْن مختلفيْن. في بينما انشغلت شمس وأختها بشؤون المدرسة، كانت حياة مريم تدور حول حيواناتها التي ملأت المكان. ولأن مريم كانت بالعادة تخرج من البيت مع شروق الشمس، فإن الهرب من البيت لم يتطلّب التسلل أو التحايل. خلال دقائق فقط كانت الفتيات قد جمعنّ أشياءهنّ القليلة، وغادرنّ البيت، ولكنّ، قبل أن يخرجنّ بلحظات ظهر القطُّ الأسود «بسُسُس» وأخذ يركض

خلف نوال ويموء ويتمسّح بساقها، فحملتهُ وعانقتهُ، وقبلَتْهُ، ثُمَّ وضعَتْهُ على الأرض، ولحقَتْ بأختيَّها.

في الطريق إلى المدرسة، أخرجت شمس من جيبها ورقة مطوية، وأخذت تقرأ وتراجع التعليمات الواردة فيها ربماً للمرة العاشرة. كانت على أتمِ الاستعداد لفعل كلّ ما بوسعها من أجل أن يلتمَ شملها مرة أخرى بعائالتها، وخصوصاً والدتها رفقة، لذلك فقد حرصت طوال الشهرين الماضيين على المرور من أمام دكَّان أمين، إن لم يكن كل يوم، في يوماً بعد يوم. كانت تردد دائماً في ذهنها الكلمات التي همس بها عبد في أذنها يوم الفراق: «صدّقيني، حبيبي، أنا بوعدى إني أعمل المستحيل عشان أرجّعكم، بس أوعي تحكي لحداً، هاد سرّ بيني وبينك، ما تبوي فيه لحداً تاني بالعالم».

ولكن تحقيق هذا السرّ، أو بالأصح الحُلم، كان يتطلّب تخطيطاً وتتنفيذًا مُحكَمَيْن. وحتّى لا يقع عبد في مشاكل بسبب «خطف» بناته، فقد تطلّب تنفيذ خطّته تسييقاً دقِيقاً مع أسطة وصاحب الدكَّان أمين وشمس طبعاً: «أيّ خطأ أو تأخير رح يسبّب كارثة إلنا كلنا»، كانت هذه هي الجملة التي ظلّ عبد يكرّرها لمساعديه، وهي الجملة ذاتها التي افتتح بها الرسالة التي سلّمها لأسطة، الذي سلّمها بدوره لأمين، الذي أعطاها لشمس.

طوال شهرين كان عبد وأسطة وأمين يخطّطون بصمت. كانوا يراقبون ما يجري، فتوصلوا إلى معرفة مَنْ هي الأُمُّ المسلمة، عرفوا موقع بيتهَا، وتحرّكاتها اليومية في الحقول وفي أنحاء المدينة، وطريق شمس وأختيَّها إلى المدرسة، وساعة ذهابهنَّ إليها وعودتهنَّ منها. كذلك عرفوا في أيّ يوم من الأسبوع كانت شمس تذهب إلى مكاتب الأوقاف لتسليم

حصتها المتواضعة من الطعام والملابس والمصروف. كان عبد يراقب شمس عن بعد وهي تدخل إلى دكان أمين مُدعية أنها ستشتري غرضاً أو غرَّتين، في حين أنها كانت تنتظر وصول الرسالة والتعليمات الواردة فيها.

«كل اللي عليك تعامله إنك تخلّي البنات يستنوا في الدكان لحد ما يوصل باص الساعة تنتين ونص، وتأكد إنك تعطي شمس أجرة الباص، وإنك تساعد البنات يركبوا في الباص الصح، واحكي لشمس إنها تعدّ خمس محطّات، وبعددين تنزل من الباص في المحطة الكبرى، وأنا بكون أستناهم هناك. الله يوّقنا جمِيعاً»، هذا ما قاله عبد لأمين صاحب الدكان قبل أن يناله الرسالة وبعض النقود من أجل أجرة الباص، والأهم مُغلفاً يحوي المبلغ الذي طلبه أمين مقابل خدماته. كان هذا طبيعياً، لأن تهريب الناس من منطقة إلى أخرى أصبح مصدر الدخل الوحيد للعرب الباقيين في المدينة.

عبد ورفقة

لم يرغب عبد في أن يرفع من توقعات زوجته رفقة أو أن يمنحها أملاً زائفاً بعودتها، بل عمل جاهداً على أن يحميها من الصدمات العاطفية التي ما زالت تعاني منها، لذلك لم يُشركها في خطّته. ولكنَّ تنفيذ المرحلة الثانية من خطّة الهرب كان يتطلّب موافقتها وتعاونها، لذلك فقد استغلَ وجوده معها وحدهما، وأطلعها على الخطّة كاملة: «حتى نرجع البنات يعيشوا معنا لا بد إنّه نغير البيت، ونرحل من المدينة».

وقع الخبر كالصاعقة على رفقة وهي تحضر طعام الغداء. تجمّدت

في مكانها وهي تحمل الطنجرة، ثم استدارت وسألت: «استنى استنى استنى شوي، خليني أفهم. يعني أفهم من كلامك إنك رحت وحكيت مع مدير الأوقاف؟ بفهم من الحكى إنه وافق يرجعونا بناتنا على شرط إنه نترك البلد؟».

«لأ، يا رفقة، ما فهمت عليّ، ولا يمكن أنا ما فسرت مني. صحيح إني التقيت بمدير الأوقاف أكثر من مرة، لكن، عالفاوضي، هو مصمم إنه البنات لازم يتربوا مع أم مسلمة. حاولت أتفاهم معه وأقوله إنه مريم نفسها بدها أم تدير بالها عليها، والأهم من هاد وهداك إنهم رموا بناتنا في ساحة خردة، أو بالأصح في حظيرة حيوانات، لكن، إاني بحكي مع الحيط».

«طيب؟».

«عشان هيكل أنا قررت إنه الطريقة الوحيدة هي إنه نخطف بناتنا، ونروح نعيش في مكان ثاني».

«شو قصدك نخطف بناتنا؟ ووين هاد المكان الثاني؟»، ظلت رفقة تكرر السؤال محاولة أن تستوعب التطورات الجديدة التي فاجأها بها عبد في الوقت الذي كانت ما تزال تحاول جاهدة أن تتعافي من صدمة تشتيت عائلتها.

«رفقة، أنا فكرت كتير في هاد الموضوع، صدقيني أنا ما نمت ولا ليلة مثل الناس من يوم ما أخذوا بناتنا منا».

كانت رفقة تدرك ذلك جيداً، لأنها هي ذاتها كانت تقضي الليالي الطوال تتقلب في السرير إلى جانب عبد.

«يعرف إِنَّهُ الْخُطْةُ صعبة، وفيها كثير مخاطرة، لكنْ، واضح إنها الطريقة الوحيدة اللي قدّامنا هي إِنَّهُ ناخد البنات، ونروح نعيش في يافا، لِإِنَّهُ طول ما إحنا عايشين في اللَّدَّ ما عنَّا أيَّ فرصة في استرجاعهم. لكنْ، إذا أخذناهم واختفينا، الأوقاف مش رح يقدروا يلاقونا».

«وشنو بدنَا نعمل إذا بلَّغوا الشرطة؟».

«أيَّ شرطة؟ يعني فكرك ممكِن الأوقاف الإسلامية تروح تشكينا للبوليسي أو للميليشيا اليهودية؟ وشو بدهم يقولولهم؟ إحنا حرمنا أم من أطفالها لأنها يهودية؟».

برغم توجُّسها، بدأت رُفَقَةَ ترى أن جنون زوجها قد يعيده إليها بناتها: «رَبِّي ما إِنْتَ عارف، يا عَبْد، أنا بعْملِي إِشِي، إِشِي، عَشَانْ أَرْجِعْ بَنَاتِي، ممكِنْ أَرْوَحْ لِنْهَايَةِ الْعَالَمِ، حَتَّى عَالَقَمَرِ، عَشَانْ خَاطِرَهُمْ».

«أَوَّلًا هُمَّهُ بَنَاتِنَا مش بَنَاتِكِ إِنْتَ لِحَالِكِ»، قال عبد مازحاً، ثم تابع: «تَانِيَا فِشْ حاجة إِنْكِ تروحي لنْهَايَةِ الْعَالَمِ، ولا تطلعِي عَالَقَمَرِ، أَكِيدْ خَمْسَةَ وعشرين كيلو لِلْغَرْبِ رح تكون كافية. مع إِنَّهُ العِيشَةُ معكِ ومع ولادنا بعيد عن هَالْجَحِيمِ أَحْسَنِ إِشِي ممكِنْ الْوَاحِدِ يَعْمَلُهُ فِي هَالْأَيَّامِ»، قال ذلك بطريقته وحركاته الفكاهية، ثم اقترب من رُفَقَةِ وعائقها بحرارة وحنان، فأخذت تبكي بُحرقة.

«بِتَمْنَى نَقْدِرْ نَرُوحْ نَعِيشْ عَالَقَمَرِ، لِإِنَّهُ الْحَيَاةُ فِي هَايِ الْبَلَادِ صَارَتْ لَا تُحْتَمَلُ لِلْنَّاسِ اللَّيْ مِتْلَنَا، وَأَنَا خَايِفَة إِنَّهُ الْأَسْوَلَسَهُ جَايِ. عَلَى كُلَّ حَالِ إِنسَانِيَّا مِنْ القَمَرِ هَلَّا، وَاحْكِيلِي أَنَا شُو مَطْلُوبُ مِنِّي»، كعادتها كانت رُفَقَةَ متأهِّبةً للعمل لاستعادة شمس وأختَيْها.

«المطلوب مِنْكِ حَبِيبِي، تُرُوحِي عَلَى يَافَا، وَتَسْتَأْجِرِيلَنَا بَيْتُ هَنَاكِ».

بِتَمْنَى لَوْ بِقَدْرٍ أَوْفَرْ عَلَيْكَ الْمَشْوَارَ وَالْتَّعْبَ، وَأَرُوحُ أَنَا عَنْكَ، لَكُنْ، مَتَّلِي
مَا إِنْتَ عَارِفَةَ رَحْ أَحْتَاجَ تَصْرِيحَينَ مَشَانَ أَوْصَلَ، وَالْأَهْمَّ إِنَّهُ رَجُلٌ مَتَّلِي
اسْمُهُ عَبْدٌ مَا عِنْدَهُ فَرْصَةٌ يَقْدِرُ يَسْتَأْجِرُ بَيْتَ فِي يَافَا هَالَايَامِ». صَمَتْ
قَلِيلًا، ثُمَّ أَضَافَ: «مَسْكِينَةُ يَافَا، أَكْبَرُ مَدِينَةِ بَفْلَسْطِينَ، وَشَوْفِي شَوْ
صَارَ فِيهَا».

«طَيْبٌ عَبْدُ، بَطَلْ بُكَا هَلَّا، وَخَبَّرْنِي فِي أَيِّ حَيٍّ مِنْ أَحْيَاءِ يَافَا لَازِمٌ
نَسْتَأْجِرُ بَيْتَ».

«أَكِيدُ مَا بَدَنَا نَعِيشُ فِي الغَيْتُو الْعَرَبِيِّ، صَحْ؟».

«مَا بَعْرَفُ، مَشْ شَايِفٌ إِنْتَ إِنْهُ أَحْسَنُ نَعِيشُ فِي الْعَجمِيِّ مَعَ الْعَرَبِ
مِنْ إِنْهُ نَعِيشُ بَيْنَ الْمَهَاجِرِينَ الْبَلْغَارِ الْجَدِيدِ الَّتِي مَا بِنَفْهُمْ عَلَيْهِمْ، وَلَا
يَفْهُمُوْا عَلَيْنَا».

«بَسْ قَرِيبٌ رَحْ يَتَعَلَّمُوا عَبْرِي».

«قَرِيبٌ؟ قَدِّيشَ قَرِيبٌ يَعْنِي؟ وَشُو بِالنَّسْبَةِ إِلَى مُحَمَّدٍ وَالْبَنَاتِ؟».

«مَشْ عَارِفٌ شُو أَحْكِيلَكَ، يَا رِفْقَةَ، عَنْدِي شَعُورٌ إِنْهُ مَشْ ضَايِلٌ
مَكَانٌ فِي هَالْبَلَادِ إِنَّا».

«مَعْلِشَ، يَا عَبْدُ، خَلَّيْنَا هَلَّا نَنسِي الَّتِي صَارَ لِيَا فَا، وَنَرَكَّزْ شَوِي
عَلَى الْبَنَاتِ، أَنَا رَحْ أَرُوحُ هَنَاكَ، وَأَشُوفُ شُو الْوَضْعُ، بَسْ شُو بِالنَّسْبَةِ
إِلَى شَغْلَكَ؟».

«آهُ، هَادُ أَهْمَّ وَأَحْلَى خَبْرٍ كُنْتَ مُخْبِلِكَ يَا هُوَ، أَجْتَنِي موافِقةً عَلَى
النَّقْلِ إِلَى الْمَدِيرَسَةِ الْعَامِرِيَّةِ فِي يَافَا».

«عن جَد؟ صحيح؟ هاد خبر عظيم. معناهُ رح أروح، بس اوعدني تدير بالك على ابني محمود، وتطعميه لِمَا يرجع من المدرسة».

«بوعدك إني أطعمي ابنك جزر عالفطور، وجزر عالغدا، وجزر عالعشاء، ولِمَا ترجعي بتلاقيه صار أرنب مربوب، لأنْه هاي البلد بدها رجال أرانب مش رجال أشاوس». في هذه اللحظة اتبه عبد إلى أنَّ أيَّاً منهمما لم يلمس طعامه بعد: «تعالي تنغدَّا قبل ما تروحي».

«لازم أروح فوراً»، قالت رِفْقَة بانفعال وهي تجلس لتناول طعامها.

«استنِّي حبيبي، ليش تروحي اليوم، معنا وقت، ممكن تروحي على يافا بُكرا الصبح بِكِير».

«لازم أروح وأستطلع وضع البيوت اليوم». كان الفعل أسرع من الكلام، هكذا كانت رِفْقَة دائمًا. تركت المائدة، ووضعت طبقها في الحوض، ثمَّ أسرعت باتجاه غرفة النوم، وخلال دقائق كانت تقف عند المدخل وفي يدها حقيبة صغيرة.

«بخاطرك عبد، رح أخبرك بمجرَّد ما أعرف شو الوضع»، قالت قبل أن تأخذ طريقها باتجاه بيت يام، المدينة اليهودية الواقعة جنوب يافا، حيث تعيش أمُّها وأختها.

«دينري بالك على حالك، حبيبي، واوعديني إِنْك ما تخاطري»، قال عبد بصوت مرتعش، لأنَّه كان يعرف أنَّ الطريق بين اللَّد وبيت يام كانت خطرة. اقترب منها، وعانقها بحرارة، ثمَّ وقف على جانب الطريق يراقبها بينما كانت تبتعد وتختفي في الطريق المغطى بأشجار الكينا على الجانبين.

بقلب مرتعش، أمسكت شمس يدي نظيرة ونوال وهنَّ يغادرنَ ساحة المدرسة. بدا لها مشوار العشر دقائق بين المدرسة ودكَّان أمين كأنه المسيرة الأطول في التاريخ. كانت كل خطوة خطتها على هذا الطريق تملأ عروقها بالمزيد والمزيد من الأدرينالين.

«مشان الله نظيرة بطي حكي، وركزي معي شوي»، صاحت شمس على أختها، وهو أمر لم تكن تفعله مع أختيها أبداً.

«أنا ما حكيت ولا كلمة، كل اللي قلته إني رح أموت إذا خطتك بتفشل».

«هاي جملة كاملة مش بس كلمة»، أجبت شمس غاضبة.

رَكَّزت عينيها على الطريق خشية أن ترى شخصاً يعرفها. وباقترابهِنَّ من دكَّان أمين، أعطت أختيها التعليمات النهائية:

«لمَّا ندخل عالدكَّان ما توقفوا متل الأصنام أو زَيْ بنات المدرسة المعاقبين في الراوية، ضلُّوا تحرّكوا وكأنكم بدكم تستروا إشي، صاحب الدكَّان بيعرف ليش إحنا هون، ورح يساعدنا نركب الباص. ما بدنَا حَدَّا يتبه إنه إحنا عم نستَّنَ الباص، فهمتوا؟»، ثمَّ تلفَّت حولها بحذر وهي تدخل مع أختيها إلى دكَّان أمين المتواضع. تجاهل أمين، الذي كان يجلس خلف طاولة خشبية قديمة، وجود الفتيات الثلاث. ومع أنها كانت تعرف أنه يتصرَّف حسب الخُطَّة، إلَّا أنها خشيَت أن يكون شارد الذهن، ولا يتبه عند وصول الباص. وبينما كانت نظيرة ونوال تتجوَّلان في الدكَّان، وتنتظران إلى الأغراض القليلة الموجودة على الرفوف، كانت شمس تسأله إن كان ما تعشه حقيقة أم حُلْماً. بدا لها أن عودتها إلى

أُمّها رِفْقَة أَقْرَب إِلَى الْحَلْمٍ مِنْهَا إِلَى الْحَقِيقَةِ. كَانَ أَكْثَر مَا أَقْلَقَهَا وَأَشْعَرَهَا بِالذَّنْبِ أَنَّهَا كَانَتْ تَفْكِرُ بِأُمِّ مُحَمَّد أَكْثَرَ مِمَّا كَانَتْ تَفْكِرُ بِأُمِّهَا الْمُفَقُودَةِ عَائِشَةَ، هَلْ يَئِسَتْ حَقًّا مِنَ الْعَثُورِ عَلَى عَائِلَتِهَا أَمْ أَنَّهَا كَانَتْ تَنْتَظِرُهُمْ أَنْ يَعْثِرُوْا عَلَيْهَا؟ لَمْ تَعْرِفْ شَمْسٌ لِمَا شَرَدَ ذَهْنَهَا فِي الْوَقْتِ الَّذِي كَانَ عَلَيْهَا فِيهِ أَنْ تَرْكَزَ عَلَى مَا كَانَ يَهْمِسُ بِهِ فِي أُدُنْهَا صَاحِبُ الدَّكَّانِ: «جَهَزُوا حَالَكُمْ، الْبَاصِ رَحِ يُوصَلْ بَعْدَ دِقَائِقٍ، رَحِ يُوقَفْ هُنَاكَ بِالضَّيْطِ»، كَانَ يَشِيرُ مِنْ مَكَانِهِ دَاخِلَ الدَّكَّانِ بِاتِّجَاهِ مَوْقِفِ الْبَاصِ، «هَا يَ الأَجْرَةِ، بَتَدَفَعُوا لِلشَّوْفِيرِ أَوْلَ مَا تَرْكَبُوا. فِي الْبَاصِ رَحِ تَلْقَوْا أَسْطَةَ، اعْمَلُوا حَالَكُمْ مش شاييفينه».

«أَسْطَةٌ؟ عَنْ جَدِّ؟»، تَسَاءَلَتْ نَظِيرَةُ بِانْفَعَالٍ.

«صَحِيحٌ، جَارِكُمْ أَسْطَةَ رَحِ يَكُونُ فِي الْبَاصِ، اعْمَلُوا حَالَكُمْ مش شاييفينه، يَعْنِي تَجَاهِلُوهُ، وَمَا تَحْكُوا مَعَهُ، مَا تَقْعِدُوا قَدَّامَهُ، بِتَقْعِدُوا وَرَاهُ بِصَفَّ أَوْ صَفَّيْنِ عَشَانْ تَضَلُّوا شاييفينه. عَدُّوا خَمْسَ محَطَّاتٍ، وَهُنَاكَ رَحِ تَشَوْفُوهُ بَيْنَ زِيَارَتِكُمْ، بِتَلْحِقُوهُ، إِلَّا بِتَضَيِّعُوهُ». لَمْ يَدْرِكْ صَاحِبُ الدَّكَّانِ تَأْثِيرَ كَلْمَاتِهِ عَنِ الضَّيَاعِ عَلَى الْقُلُوبِ الصَّغِيرَةِ أَمَامَهُ.

«الْبَاصِ إِجا، يَلَّا، اطْلَعُوا فُورًا»، قَالَ أَمِينٌ وَهُوَ يَعُودُ إِلَى دَاخِلِ دَكَّانِهِ بَعْدَ أَنْ أَخْرَجَ شَمْسَ وَأَخْتَيْهَا. وَمِثْلُ إِوْرَتِينْ صَغِيرَتِينْ تَبَعَتْ نَظِيرَةُ وَنَوَالُ أَخْتَهُمَا شَمْسٌ إِلَى مَوْقِفِ الْبَاصِ، ثُمَّ صَعِدَتَا إِلَيْهِ مَعَهُمَا. لَمْ تَسْتَطِعْ شَمْسٌ وَلَا أَخْتَاهَا أَنْ يَمْنَعَنَّ أَنْفُسَهُنَّ مِنَ الْابْتِسَامِ حِينَ لَمَحَنَّ أَسْطَةَ جَالِسًا عَلَى مَقْعَدٍ إِلَى جَانِبِ الْمَمِّرِ فِي الصَّفَّ الثَّانِي.

وَرَغْمَ أَنْ أَسْطَةَ رَسَمَ عَلَى وَجْهِهِ تَكْشِيرَةً، إِلَّا أَنْ عَيْنَيْهِ لَمْ يَعْتَدَا وَخْفَقْ قَلْبِهِ سَعَادَةً حِينَ رَأَهُنَّ فِي الْبَاصِ: «يَا إِلَهِي، وَاللَّهِ أَشْتَقْتُهُمْ»، كَانَ يَفْكِرُ بَيْنَهُ

وبين نفسه. حاول أن يتجاهل وجودهنّ، لأن الظروف قد علّمتهُ أن الأمور قد تسوء في اللحظة الأخيرة. وبينما سيطر على قلقه كانت الفتيات قد تجاوزنَّه، وجلسنَ خلفه بثلاثة صفوف. كانت عيونهنَ مثبتة على رأسه المنبسط، فيما بدأت شمس في العدّ: «خمس محطّات، بعديها استعدُّوا عشان ننزل في المحطة الكبرى». ومثل محطّات المسيح في طريق الآلام، كانت كُلّ محطة تزيد من قلق شمس ومن خفقان قلبها: «شو ممكن يصير إذا حَدَّا بلَّغ مدير الأوقاف إِنْه التلات بناة مفقودات؟ أو إِذا حَدَّا من الموظفين طلع عالباص في وحدة من المحطّات؟»، كانت الهلوات رفيقة شمس خلال رحلة الباص التي استمرّت عشرين دقيقة.

لم تستطع شمس أن تمنع دموعها من التدفق عندما لمحت عبد من نافذة مقعدها. لحقت البناء أسطة حين نزل من الباص، ومثل السهام انطلقَنَ عبر الشارع للقاء عبد الذي كان يقف إلى جانب سيارة بلايموث سوداء، وتعلّقَنَ به مثل ثلاثة قرود على أغصان شجرة. عانقهنَ واحدة بعد الأخرى والدموع تنهر سخيةً من عينيه، ثم رجاهنَ أن يجلسنَ في المقعد الخلفي في السيارة التي كان قد استأجرها لهذه المهمة.

ورغم أنه كان قد قال بوضوح إنه سيكون وحده بانتظارهنَ في المحطة، إلا أن أول سؤال وجّهنه له كان: «وين إِمّي؟».

«رفقة عم تستناكم في بيتنا الجديد في يافا».

لاحظت شمس أن هذه هي المرّة الأولى التي يدعو فيها عبد زوجته باسمها اليهودي، وتساءلت إن كانت هذه طريقة غير المباشرة لإبلاغ السائق اليهودي الذي كان قد دفع له لتهريبهم إلى يافا أن أمّهنَ كانت يهودية.

صحي

البحث عن ماضٍ وعن مستقبل

تسارعت الأحداث منذ أن ضرب صبحي العميل فواز، وتركه معلقاً بين الحياة والموت. عاد إلى البيت منهكاً، حاملاً بين يديه المرتعشين المرق المتبقية من بدلته الإنكليزية. فگَّر بشمس، وكلّمها بصوت عال: «حبيبي شمس، يا ترى رح أشوفك مرّة تانية في حياتي، ولا، أعتبر إنه ضياع البدلة فالعاطل؟».

تأمل مرق البدلة، ثمَّ وضعها بحرص على سريره المنفرد. سقط على السرير بجسده المثقل بالتعب، واستلقى على ظهره، وراح يحدُّق في السقف، ثمَّ أغلق عينيه.

غمره الخوف من كُلِّ شيء وعلى كُلِّ شيء، الخوف على حياته، والخوف من انتقام فواز، والخوف من أن يظهر رجال بوليس القشلة مرّة أخرى على بابه، ويسحبوه من سريره، ويُلْقِوْه به في السجن لاعتدائه على أحد رجالهم. لم يستطع أن يتخيّل نفسه واقفاً من جديد أمام الكابتن عوبادي مدافعاً عما تبقي من بدلته. كان قد وصل إلى الشعور باليأس المطلق من كسب أي قضية أمام هذه المحاكم الرائفة، والأهمّ اليأس من العثور على شمس، لذا شعر بحاجة ملحّة لأن يغادر سريره وغرفته الصغيرة، ويخرج من هذا البيت المزدحم، من هذا الحي المسحوق، وهذه المدينة المهزومة. تملّكته الرغبة في تحرير نفسه من سلسلة الحصارات التي بدت مثل الدمية الروسية «ماتريوشكا» بسجونها

المختلفة الأحجام. تملّكته الرغبة في الصعود على ظهر إحدى السفن الضخمة التي كان يراها يومياً في الميناء، حيث كان يبدّد حياته في انتظار زيون نادر. سأله نفسه عن جدو الظهور بأنه يمتلك حياة أو عملاً في الميناء، بينما كان كُلُّ ما يفعله هو وبقية الرجال أن يشربوا حتى الثمالة أرخص أنواع العرق، وأن يتتشوا بأسوأ أنواع الحشيش. لم يستطع ذهنه المشوش أن يعي إن كانت هذه الرغبة العارمة في الصعود إلى واحدة من تلك السفن الضخمة من أجل البحث عن ماضٍ أم عن مستقبل.

لولا حظر التجول المفروض على الغيتو العربي حتى السادسة صباحاً، لكان صبحي الآن على سطح سفينة، يُحدّق في البحر الواسع الوعاد بآفاق جديدة. ولكن، كيف يخرج المرء من هذا الوضع الخانق وهو يحتاج إلى تصريح لمغادرة الغيتو، وتصريح آخر لمغادرة مدينة أعلنت منطقة عسكرية مغلقة؟ مع ذلك، ففي أرض العصابات هذه لم تكن الحدود مُحكمة الإغلاق، فقد كان يحكمها المهرّبون، وكان تهريب البشر ما يزال ممكناً، وحتى الفلاحين الذين كانوا قد طردوا من قراهم كانوا ما يزالون قادرين على التسلل، ليعملوا في أرضهم، ويحصدوا محاصيل حقولهم.

أعادت خطط صبحي للصعود على السفينة العديد من الأحداث التي وقعت في ذلك الشهر: لقد أطلق سراح عمّه حبيب من السجن، وتمّ تهريب والدته وشقيقتيه من نابلس إلى بيّارتهم الواقعة في شرق يافا، حيث كان يقيم والده وأخوه الأصغر أمير، في محاولة لمنع سلطة أراضي إسرائيل من مصادرة البيّارة، وهي محاولة تبيّن لاحقاً أنها غير مجدية.

رغم أن القرار كان صعباً، إلا أن صبحي لم يستطع أن يمنع نفسه من

القبول فوراً بعرض عُمّه حبيب بأن يرافقه للعمل لدى مقاول يهودي في طبريا. مستفيداً من علاقاته القديمة والجديدة، استطاع حبيب، بوسائله المتلوية، أن يحصل لنفسه ولابن أخيه المفضل على التصاريح اللازمة لمعادرة يافا، والذهاب للعمل في طبريا.

«حبيب عمره ما رح يطّل عَوْج»، اعترض إسماعيل عندما جاءه صبحي في الزيارة، ليخبره ووالدته عن نيته في مرافقة عُمه. كان العثور على عمل مع مقاول يهودي فرصة ذهبية شبيهة بفرصة العمل في تجارة البرتقال في يافا قبل 1948. وفَّرت عودة حبيب لصبحي الدعم النفسي والمادي اللذين احتاجهما لمواجهة تداعيات ضربه للعميل، ولكن عودة والدته صَعِبَت عليه المغادرة، خصوصاً وأنها لم تكن قد عرفت بعد عن وفاة ابنها الأكبر جمال.

«وين الأولاد؟»، سألت خديجة، والدة صبحي، بمجرد أن عانقت زوجها بقوّة، ثمَّ احتضنت ابنها أمير، وبدأت بالبكاء.

«جمال وحبيب أخدوهم أسرى حرب، وصبحي لقي شغل في المينا، وهلَّا ساكن في العجمي».

«جمال في السجن؟ وين؟ ومن إيمتنى؟»، انهالت خديجة على إسماعيل بسلسلة من الأسئلة المتلاحقة، كان قد جهز الإجابات عنها مُسبقاً.

«خديجة حبيبتي، أكيد إنت والبنات ميتات من الجوع والتعب من رحلة يومين على الحمير، خدي اشربي»، ناول إسماعيل زوجته وابنته كؤوساً من الشاي بالنعناع الطازج، ثمَّ أضاف: «يَلَّا حبيبتي خديجة، كلّي لقمة وبنحكى عن كلّ إشي بُكرا». كان إسماعيل يحاول أن يؤخر

قدْر الإِمْكَان إِبْلَاغ خَدِيجَة بِوفَاهَا الْأَكْبَر جُمال، وَلَكِنَّهَا اسْتَمْرَّت فِي السُّؤَال: «أَنَا مِثْ فَاهِمَة، إِنْتَ قَلْتَ إِنَّهُ صَبْحِي سَاكِنٌ فِي الْعِجمِي؟ لِيش فِي الْعِجمِي؟».

«حَبِيبِي طَولِي بِالْكَ، رَحْ نَحْكِي فِي كُلِّ إِشِي بُكْرًا»، ثُمَّ اقْتَرَبَ مِنْهَا، وَعَانِقَهَا بِلَطْفٍ، جَعَلَهَا تَفْجُرُ بِالدَّمْوعِ، «عَجَبِتُكَ قَلَّا يَة الْبَنْدُورَة؟ أَمِيرَ قَعْدَ يَشْتَغِلُ فِيهَا طَوْلَ النَّهَار عَشَانْ نَحْتَفِل بِجَمِيعَتِنَا. تَعَالَوْا يَا بَنَاتَ اقْعَدُوا جَنْبِي، أَنَا مِشْتَاقُكُمْ كَتِيرٌ».

«جَمِيعَتِنَا؟»، هَرَّتْ خَدِيجَة رَأْسَهَا، وَتَنَهَّدَتْ، «أَيْ جَمِيعَهَا يِي، إِذَا ولَدَ فِي السُّجُونِ، وَالْتَّانِي عَايِشَ لِحَالَهُ فِي غُرْفَةِ الْعِجمِي، وَأَبُوكَ إِيمَكَ وَوَحْدَةِ مِنْ بَنَاتِنَا وَوَلَادَهَا ضَلُّوا فِي نَابُلِس؟».

«مَا تَقْلِقِي حَبِيبِي، أَكِيدَ رَحْ نَلَاقِي طَرِيقَةً نَجِيَّبُهُمْ كُلَّهُمْ لِمَّا نَدِبْرُ شُوَيْيَة مَصَارِي عَشَانْ نَدْفَعُ أَجْرَةَ نَقْلِهِمْ لِهُون»، فَضَلَّ إِسْمَاعِيلُ أَنْ يَتَحَدَّثُ عَنْ وَالَّدِيَهُ الْمَتَرَوِّكِيَنْ فِي نَابُلِسِ عَلَى أَنْ يَخْبُرُ زَوْجَهُ بِوفَاهَا الْأَكْبَرِ جُمال.

لَمْ يَنْمِ أَحَدٌ فِي تِلْكَ اللَّيْلَةِ، كَانُوا جَمِيعًا يَخْشُونَ الصَّبَاحِ الْمُلِيءِ بِأَخْبَارِ حَزِينَةٍ.

«يَا رَبِّي، لَا، لَا، كَيْفَ؟ لِيش؟»، ظَلَّتْ خَدِيجَة تَصْبِحُ، ثُمَّ انْهَارتْ عَلَى الْأَرْضِ.

كَانَ الصَّمْتُ وَالدَّمْوعُ كُلُّ مَا تَبَادَلَتُهُ الأُسْرَةُ فِي ذَلِكَ الْيَوْمِ.

«بَسْ اشْرَحُولِي كَيْفَ، كَيْفَ مَا بَعْتَلِي خَبْرُ مَوْتِ ابْنِي؟»، ظَلَّتْ خَدِيجَة تَعَاتِبُ زَوْجَهَا، وَكَانَ أَكْثَرُ مَا أَحْرَثَهَا أَنَّهَا ظَلَّتْ لِمَدَّةٍ طَوِيلَةٍ تَجْهَلُ مَصِيرَ ابْنَاهَا الْأَكْبَرِ.

«والله العظيم إني حاولت المستحيل عشان أقدر أبعتلك، صدّقيني، يا حبيبي، الأمور ما كانت سهلة هون، أنا نفسي ما كنت أعرف إنه جمال راح قبل ما أروح أشوف صبحي في بيت إمك».

كلّما حاول إسماعيل أن يوضح شيئاً لزوجته كان يكشف دون قصد عن مأساة جديدة. في هذه الحالة كشف عن موت أم زوجته فريدة، وخسارة بيت العائلة في البلدة القديمة.

لم يكن لدى والد مكسور القلب كلمات لتخفييف ألم أم فقدت ابنها.

«وإمّي، وبيتها، و، و...».

«أيوه، حبيبي، و، و....، هيك الوضع من يوم ما تركنا بيتنا في المنشية».

«بس أنا ما قلتُك إنهم صغار، وما يصير ينتركوا لحالهم في البيت؟ ما قلت إنّه ولا واحد فيهم بعرف يستعمل بارودة؟؟، ثمّ انهارت باكيّة من جديد.

«صحيح، يا حبيبي، والله إنّك قلتِ ونبّهتِ، بس مين كان يصدق كلّ الكوابيس اللي صابتنا وصابت مدینتنا!».

كلّ ما استطاع إسماعيل فعله هو محاولة امتصاص غضب زوجته وحزتها.

لكونها لم تعش التغييرات الدرامية التي حدثت في مدینتها، احتاجت خديجة إلى الكثير من الوقت ل تستوعب وتحزن وتعيش مع ما حدث لأسرتها ولحّيّها خلال الأشهر الثمانية عشر التي قضتها عند أقاربها في نابلس. كانت ما تزال تندب خساراتها، وتحاول أن تتقبّل اقتلاع أسرتها

وتشتّتها، وفوق هذا كله كان عليها أن تقبلَ الآن فكرة ذهاب صبحي مع عمّه حبيب إلى طبريا.

نظراً لـتعدد أشكال الحرمان واليأس والفقير، لم يكن أيُّ عربي في وضع يمكنه من رفض فرصة عمل مهما كانت، ولهذا لم يتمكّن أحد من إقناع صبحي بتغيير رأيه، ولا حتّى والدته.

كانت خديجة تُعاني من صعوبة التنقل للعيش بين البيارة وغرفة صبحي في العجمي، لذا، أصرَّ صبحي على أن تنتقل هي وأختاه للعيش في غرفته الصغيرة قبل أن يغادر مع عمّه حبيب، إذ أدرك، كالكثيرين من حوله، بأنها كانت مسألة وقت قبل أن تقرر سلطة أراضي إسرائيل مصادرة الأراضي العربية شرقى يافا جميعها، وطرد أصحابها من بيارااتهم، وكذلك لأنَّه كان يعرف في قرارة نفسه أنه سيدير ظهره لهذا المكان المدمر والمدمر، ولا يعود إليه أبداً.

لم يكن واضحًا مَنْ ذرف كمًا أكبر من الدموع، صبحي أم والدته التي كانت تقف مع بقية أفراد العائلة على بوابة البيارة وتراقبه وهو يختفي في ضباب صباح مبكر من صباحات كانون الأوَّل.

طُرُقَاتٌ خِجُولَةٌ عَلَى الْبَابِ

(يافا 1950)

لم تكن الطُرُقَاتُ المُتَتَالِيَّةُ عَلَى بُوَابَةِ الْبَيَارَةِ تَعْنِي إِلَّا شَيْئاً وَاحِدَاً: وَقْوَعَ مَصِيبَةٍ مَا.

«مِنْ اللَّيْ جَاءَنَا عَلَى هَالْمَسَا؟»، تَسْأَلُ إِسْمَاعِيلُ، وَالدُّصْبِحِيُّ.

لَمْ يَكُنِ الْوَقْتُ مَتَّخِراً، نَظَرَ إِلَى سَاعِتِهِ، كَانَتْ 6:45، مَا يَعْنِي أَنَّهُ خَلَالْ رِبْعِ سَاعَةٍ سَيَحِينُ مَوْعِدَ مَنْعِ التَّجُولِ، وَتَصْبِحُ الشَّوَارِعُ خَاوِيَّة، وَلَنْ يَجِدُ عَرَبٌ عَلَى الْمُغَامِرَةِ بِالْخَرْجَةِ مِنْ بَيْتِهِ. الطُرُقَاتُ الْخَفِيفَةُ عَلَى الْبَابِ (وَالَّتِي لَا تَشْبَهُ أَبْدَأَ طُرُقَاتَ قَوَّاتِ الْهَاغَانَاهِ) جَعَلَتْ إِسْمَاعِيلَ يَعْتَقِدُ أَنَّ الَّذِي بِالْبَابِ قَدْ يَكُونُ أَحَدُ جِيرَانِهِمْ، إِذَا كَثِيرًا مَا كَانَ الْجِيرَانُ الْقَلِيلُونَ الَّذِينَ مَا زَالُوا يَعِيشُونَ فِي بَيَارَاتِهِمْ يَطْلَبُونَ مَسَاعِدَهُمْ بَعْضُهُمْ، وَيَتَبَادِلُونَ بَعْضَ الْأَشْيَاءِ، مُثْلِ رُغْيِفِ خَبْزٍ أَوْ حَفْنَةَ مِنَ الشَّايِ أَوِ الْقَهْوَةِ أَوْ كَأساً مِنَ الْحَلِيبِ لِطَفْلِ جَائِعٍ.

كَانَ إِسْمَاعِيلُ فِي خَوْفٍ دَائِمٍ مِنَ الْعَقُوبَةِ، لَأَنَّهُ كَانَ مَتَورِّطاً فِي تَهْرِيبِ النَّاسِ مِنْ وَإِلَى يَافَا، وَلَكِنْ، مَاذَا تَبَقَّىَ أَمَامَهُ وَأَمَامَ غَيْرِهِ لِتَحْصِيلِ قُوتِهِمْ فِي هَذِهِ الظَّرُوفَ غَيْرَ ذَلِكَ؟ بِتَوْجِسٍ أَشَارَ بِيَدِهِ إِلَى زَوْجَهُ وَبَنَاهُ لِكَيْ يَخْتَبِئَ فِي الْغُرْفَةِ الْخَلْفِيَّةِ، وَذَهَبَ لِيَفْتَحَ الْبَابَ مُتَوَقِّعاً أَلْأَسْوَأَ.

وَجَدَ أَمَامَهُ رِجَلًا طَوِيلَ الْقَامَةِ قَوِيَّ الْبَنِيةِ فِي مُثْلِ عُمُرِهِ تَقْرِيباً، رِجَلًا يَيدُو مُسْنَأً رَغْمَ أَنَّهُ بِالْكَادِ فِي الْأَرْبِيعَينِ. كَانَتْ تَكْسُو وَجْهَهُ لِحَيَّةٍ شَعْنَاءً، وَقَدْ غَطَّى رَأْسَهُ وَجْزِئاً مِنْ وَجْهِهِ: «بِسْرَعَةٍ، افْتَحِ الْبَابَ، هَادِ أَنَا، خَلِيلٌ».

«يا إلهي! كنت عارف إنه هاد إنت لـّمَا سمعت صوتك وشفت
لمعة عينيك، بسرعة بسرعة، فُوت فُوت»، همس إسماعيل وهو يفتح
البواة فقط بما يتسع لجسد خليل النحيل، ونظر حوله ليتأكد من أن
أحداً من الجيران لم ير أنه يُخْبِئ عنده متسللاً، ثمَّ أغلق الباب. وقف
الرجلان لبعض ثوانٍ قبل أن يتبدلا النظارات، ويتعانقا بشدَّة، ويبكيَا.

«يا إلهي، يا خليل، شو اللي صاير فيك، يا رجل؟ شوف حالتك
صاير مثل الهيكل العظمي! شو اللي صار معك؟».

«السؤال مش شو اللي صار معي، السؤال شو اللي ما صار معي
من لـّمَا شفتكم آخر مرَّة».

الكثير حدث لخليل منذ التحقيق في مصير البقرة اليهودية، وبعد
أن أطلق سراحه وطُرد إلى الأردن، لم يترك حجراً على حجر وهو يبحث
عن أفراد عائلته. ذهب إلى كلّ مكان تحت الشمس يسأل عن زوجته
عايشة وابنه محمد وبناته الثلاث، ولكنْ، دون جدوى. بحث في كلّ مكان
لجأ إليه أهالي سلَّمة، من قرية نعلين إلى قرية بيرزيت، ومن بيرزيت
مش إلى رام الله، وعندما أخفقت محاولاته جميعها ذهب إلى غَرَّة
التي كانت قد تحولت إلى أكبر مخيَّم للاجئين في المنطقة. وبعد أن
أخفق في العثور عليهم في بحر اللاجئين قطع الطريق كله إلى العريش
على حدود مصر، وبعدها، عندما أخفقت محاولاته جميعها، قرر أن
يتسلل عائداً إلى المرىء الأوَّل، يafa.

«إسماعيل، أنا قصدتك لأنَّه افتكرت إنه ممكن تكون شفت أو
سمعت إشي عن بناتي الثلاثة، بتعرف إشي عنهم؟ أجوا عندك؟
شفتهم؟ عندك أيَّ فكرة وين ممكن يكونوا؟».

سبَّب سؤال خليل المتدقق بأشكال مختلفة التوتر لإسماعيل، وجعله يفگر بينه وبين نفسه: «ليش بدهم يجوا عندي مع إِنْه ما بتذَّكَر إِنْه عمرهم أجووا عالبيَّارَة؟ ولি�ش بناته بدهم يطلبوا مساعدتي في يافا مع إِنْه كل أهل سلَّمة لجوءاً للّد والرملة والأردن؟»، لكنه طبعاً لم يفصح عمماً يدور في خاطره للأب اليائس والصديق القديم.

«أنا متأسف، يا خليل، بناتك ما أجوش عندي، ولا شفتهم، ولا سمعت أيّ إشي عنهم».

«أنا راح أنجن، يا إسماعيل، أنا فقدت كُلّ عيلتي».

«شو قصدك فقدت كُلّ عيلتك؟ كمان مرتك وابنك؟»، وفي تلك اللحظة، فگر إسماعيل بخسارته لابنه جمال.

«بعيد الشر، أنا مش قصدي فقدتهم يعني فقدتهم، أنا قصدي إني ما بعرف وين هُمَّه».

«وكيف، يا رجل، صار هيـك؟».

«أولَ مرَّة اعتقلوني أنا وشبيـن عشان دبحنا بقرة يهودية».

«بقرة يهودية؟ أكيد بتمنـح».

«والله العظيم إني بحكي جـد، وبعد ما أطلقوا سراحي ورجعت لقيت مرتي وأولادي بستـنوني تحت الشجر، أجيـت الميليشيات اليهودية وطحـتنا، وقتها ضاعت عايشة وابني محمـد. ولمـا رجـعت أنا والبنـات نستـنـاهـم تحت الشجر أجوـوا علينا الميليشيات، واعتـقلـونـي مرـّة تـانية، بـس هـالـمرـّة رـمونـي في السـجن خـمسـطـعـشرـ شهرـ، وبـعـدـها طـرـونـي منـ الـبلـادـ، وهـيـك افترـقتـ عنـ شـمـسـ وـنظـيرـةـ وـنوـالـ، وـفـقـدـتـهـمـ هـمـهـ كـمانـ». صـمتـ

خليل قليلاً، ثمَّ تابع: «وهلَّا بمساعدة تنين من اللَّدْ قدرتُ أتسَلَّلُ من نعلين لِلَّدْ، لأنَّه في ناس قالولي إِنَّه رح الأقى بناتي هناك. خبُونِي في سدَّة بيت مهجور، وراحوا داروا في كُلَّ اللَّدْ يسألوا عن البنات، وبعد تلات أيَّام رجعوا لي بشوَّيَّة أكل وقصص غريبة، كُلَّ قصة أغرب من الثانية، يا إِسماعيل»، صمت قليلاً، ثمَّ أخذَ نفَسًا عميقًا، وأضاف: «قالولي إِنه مرَّة يهودية وجوزها المصري خطفوا بناتي».

«يا رجل، شو مالك؟ قبل شوي بتقولي بقرة يهودية، وهلَّا بتقولي مرَّة يهودية، إيش مالك، إنت فقدت عقلك؟»، قال إِسماعيل، ثمَّ حدق في ملامح صديقه وعينيه المحمَّرَيْن، وقال لنفسه: «مسكين خليل، والله العظيم كنت رح أفقد عقلي وأصير أهلوس أنا كمان لو خسرت كُلَّ عيلتي متله».

محاولاً أن يعوّض صديقه عن انْهامه له بالجنون، قال له: «أنا بعرف إِنَّه كُلَّ شَيْ حوالينا صار يهودي، مدَّنا وبيوتنا ومحالَتنا ومستشفياتنا وبلدنا كلَّها، بس ما عرفت إِنه البقرة الهولندية برضو صارت يهودية».

لإعطاء صديقه قليلاً من الراحة، توقف إِسماعيل قليلاً عن الحديث، ثمَّ قال: «خلَّيني أنا دي خديجة والبنات حتَّى نشوف إذا رح يتعرَّفوا عليك. على كُلَّ حال، اقعد ارتاح، أكيد إِنت ميَّت من الجوع، خلَّيني أجيبلك إشي تأكله».

«كُلَّ اللَّي بدي ياه كاسة مَي كبيرة، ما بدِي إشي تاني».

«ماشي، رح أجيبلك مَي كمان».

بعد تناول طعام العشاء مع بقية العائلة، أخذ الرجال إبريق شاي بالنعناع الأخضر وكأسَيْن، وخرجَا للجلوس في العَتمَة تحت أشجار البرتقال.

«يا إلهي، شو اشتقت لها الشجرات؟»، قال خليل وهو يجلس مستندًا إلى جذع شجرة برقال. ساد الصمت قليلاً قبل أن يقول إسماعيل: «إنت قلت رجّال مصرى ومَرَّة يهودية؟».

تسلى الأمل إلى قلب خليل، فسأل: «إنت سمعت عن هيك تنين؟».

«لألا، عمرى ما سمعت عنهم، مع إنه في الماضي، في الأيام اللي راحت، كان في كتير زيجات مختلطة في يافا، مثل زوجة الخواجا أندراوس، بس عمرى ما سمعت عن هدول التنين. وكيف بدّي أعرف عنهم إذا كانوا بعيشوا في اللّد قبل ما يخطفوا بناتك؟ تزعلش منّي، يا خليل، بس أنا مش فاهم قصة الخطف اللي بتقول عنها، ليش يخطفوا بناتك؟».

«وأنا متلك استغرست، وما صدّقتش القصة في الأول، بس بعدين عرفت إنهم تبنوهم».

«آه، تبنوهم؟ طيب، يا خليل، ليش ما قلت هيكل من أول، هاد إشي مختلف، يا رجل، عن الخطف. طبعاً يا صاحبي في ناس كتير تبنوا أطفال أو أخدوهم على بيوتهم لحد ما يسأوا أهلهم يسألوا عنهم. هلاً صار لكلامك معنى، وحياة الله إني في الأول فكرتك انجنيت». «بس أنا فعلًا انجنيت».

تجاهل إسماعيل تعليق خليل، ثم أضاف: «مع إنه فيه في يافا هلاً فلاّحين أكتر من اليافاويّة، إلا إنه خديجة والبنات اللي يقضوا وقتهم في غرفة صبحي في العجمي صاروا يعرفوا أكثر الناس هناك. المشكلة إنه لازم خديجة تزور كل العائلات اللي عندهم بنات بأسماء بناتك.

المدارس هَلَّا مسكرة، بس بوعدك أَوْلَى ما ترجع تفتح رح أروح بنسفي
وأسأل عن بناتك. أنا بس خايف إني ما أقدر أتعرّف على شمس إذا
بشووفها.».

«وأنا خايف إِنْه أنا نفسي ما أعرفها إذا شفتها. صارلي قريب تلت
سنين ما شفتها، وزي ما انت عارف البنات بتغيّروا بسرعة بهاد العمر».»

«بس إنت متأكّد إِنْه هدول الزوجين أجوا يسكنوا في يافا؟ أنا
شخصيًّا بشك في الموضوع، عال أقل مش رح يكونوا في الغيتو العربي».»

صمت خليل قليلاً، ثمَّ قال: «بتعرف، يا إسماعيل، أكبر هاجس
عندِي إِنْه بناتي يكونوا عايشات في بلدة يهودية أو حيٌّ يهودي، أو مع
عيلة يهودية، بهالحالة أكيد مش رح يخلُّوهم يحافظوا على أسماءهم
العربية. الله أعلم، يمكن صارت أسماؤهم روث ودفنة وشلوميت!».»

«أنا شايف إِنْه أفكارك صارت أسود من هالليل. يَلَّا الوقت تتأخّر»،
نظر إسماعيل إلى ساعته، ليجد أنها قاربت الواحدة بعد منتصف الليل،
«خلّينا نروح ننام، بعددين بنشوف شو بدنَا نعمل، وإن شا الله، متل ما
بيقولوا، الصباح رياح».»

جيران جُدد

(يافا 1951)

«خدِيجَة، إِلَكَ عَنْدِي خَبَرٌ يُطِيرُ الْعَقْلَ».»

«صَحِيقٌ؟ مَنْ تَمُّكَ لِبَابِ السَّمَا، يَا رَبَّ، وَاللَّهُ وَاللَّهُ، يَا هَنْرِيَّتَ، مَا سَمِعْتَ خَبَرًا يُشَرِّحُ الْقَلْبَ مِنْ سَنَيْنِ»، قَالَتْ أُمُّ صَبَحِي.

«مَشْ لَقِيْتُكَ عَرْوَسَ زِيَّ الْقَمَرِ؟».

«عَرْوَسٌ إِلَيْيِ؟»، أَجَابَتْ أُمُّ صَبَحِي ضَاحِكةً، ثُمَّ قَالَتْ: «صَدِيقِي، يَا هَنْرِيَّتَ، الصُّبُحِيَّةُ وَفِنْجَانُ الْقَهْوَةِ مَعَكَ بِيَسُورٍ الدُّنْيَا عَنْدِي، وَمَشْ بَسْ هِيكَ، رَفْقَتُكَ بِتَخْفِفِ الْهَمِّ عَنِ الْقَلْبِ».

«أَيُّ، يَا اللَّهُ، يَا جَارَةً، إِنْتَ فَاهْمَةٌ قَصْدِي. لَقِيْتُكَ عَرْوَسَ حَلْوَةً وَنَفْسَةً لَابْنَكَ أَمِيرًا»، قَالَتْ هَنْرِيَّتَ لِجَارَتِهَا الْمُقْرَبَةِ خَدِيجَةَ.

بَاسْتِثنَاءِ خَدِيجَةَ، لَمْ تَكُنْ هَنْرِيَّتَ تَحْبُّ أَوْ تَخْتَلِطُ مَعَ أَيِّ مِنْ جِيَرَانِهَا الَّذِينَ حَمَلُوهُمْ مَسْؤُلِيَّةَ تَدْنِيَّ مَسْتَوِيِّ حِيِّ الْعَجْمِيِّ. كَانَتْ تَسْتَلْطِفُ خَدِيجَةَ دُونَ غَيْرِهَا، رَغْمَ أَنَّهَا مِنْ طَبَقَةِ اِجْتِمَاعِيَّةِ أَدْنِي وَحِيِّ أَقْلَ شَأْنًا. خَلَالِ الْعَامَيْنِ السَّابِقَيْنِ، أَيِّ مِنْذِ جَاءَتْ خَدِيجَةَ وَابْنَتَهَا لِيُقْمَنَ فِي غَرْفَةِ صَبَحِيِّ فِي الْعَجْمِيِّ، رَحَبَتْ هَنْرِيَّتَ، التِّي أَحْرَنَتْهَا غِيَابُ الْمِيكَانِيَّكِيِّ الشَّاطِئِ صَبَحِيِّ، بِأُمَّهِ وَأُخْتِهِ بِحَرَارَةِ الصَّبَاحِ. بَعْدَ أَنْ فَقَدَتْ أَفْرَادَ أَسْرَتِهَا جَمِيعَهُمْ، وَمَعْظَمُ جِيَرَانِهَا، وَجَدَتْ فِي خَدِيجَةَ الرِّفْقَةَ الْمُسْلِلَةَ لِقَهْوَةِ الصَّبَاحِ، أَوْ مَا يُسَمَّى الصُّبُحِيَّةَ. كَانَ الشَّعُورُ مُتَبَادِلًا، فَخَدِيجَةَ أَيْضًا كَانَتْ فِي مَسَاسِ

الحاجة لقضاء بعض الوقت بعيداً عن بيتها المزدحم بالعائلات الثلاث التي تُشاركها المنزل الصغير، والأهمُ من هذا وذاك أن شخصية هنريت المرحة العابثة كانت كثيراً ما تُضحكها، وهو أمر أصبح نادراً في هذا الزمن الأسود.

كلّ صباح كانت الجارتان تجلسان على شرفة هنريت لساعة أو ساعتين، متقابلتين أحياناً، ومتحاورتين أحياناً أخرى. كانتا تُبعان فنجان قهوةهنَّ الأوَّل بفنجان ثانٍ أو ثالث، وتتبادلان الحديث وهما تراقبان الجيران الذين يدورون حول أنفسهم كالتأهين، أو يذهبون ويجهّون بلا هدف. ورغم أنهما تنتميان إلى طبقتين مختلفتين (إن كان هذا التصنيف ما يزال قائماً)، إلَّا أن موقفهما من الفلاحين قد قرّيئما من بعضهما.

«أسوأ إشي حصل إلنا ولمدينتنا هوَّه وصول حثالة الناس من القرى الليّ حوالينا. كنت أفكّر إنه أوطى ناس هُمَّه الحوارنة، لكنْ، طلع إنه الفلاحين أسوأ بكثير»، كانت هنريت كثيراً ما تشتكى لخديجة التي كانت أكثر منها تعاطفاً مع الفلاحين، ربما تقديراً لعائلات الفلاحين الطيبة والمحببة التي كانت تشاركها البيت، أو ربما بسبب العديد من الفلاحين المخلصين الذين طالما عملوا مع زوجها في بِيَارتهم.

«شو هالحكي الفاضي، يا هنريت؟ هاي مش غلطة الفلاحين المساكين، الحقيقة المرّة هي إنه كلنا تسخمنا».

«بس أنا لحدّ هلاً ما حدّا سخمني»، قالت هنريت، ورقت عضكة عالية.

«ولك إيش هالزعنة، يا هنريت؟ بس الشي اللي أنا مش فاهمته كيف مع كلّ هالجمال وهالغنى ما لقيتيلكيس رجال يسخمنك؟».

«للأسف كل الرجال المسيحيين الأغنيا والمتعلمين هاجروا، ومثل ما إنت شايقة ما ضل إلا الناس الهردبشت، بددك ياني أتجوز واحد من هدول؟»، قالت هنريت وهي ترفع يدها مشيرة بإصبعها إلى رجل رث أحدب كان يمر من تحت شرفتها، «بس ما تخافي علي، أنا مدبرة حالي لحالى»، ثم أطلقت المزيد من القهقات وهي تقول: «مش المثل بيقول الرغبة أُم الاختراع؟».

«مش هيكل بيقول المثل، يا هنريت، المثل بيقول الحاجة أُم الاختراع».

«طيب، يا خديجة، انسيك مني هلاً، وخلينا نرجع لموضوعنا. إنت ما عندك فضول تعرفي مين العروس الحلوة اللي لقيتها لابنك أمير؟».

«والله، يا هنريت، لازم الأوقاف يعينوك مأزونة، لأنه إذا بتضللي هيكل مش رح يصلل لا شب ولا بنت عرّابية في هالبلد».

«كلامك صحيح، رح أصل أنا العانس الوحيدة في البلد. إنت عارفة، يا سنت خديجة، إنه الأوقاف مش ممكن تعين مَرْأَة مسيحية مأزونة».

«الأوقاف برضو مش ممكن يعينوا مَرْأَة مسلمة مأزونة، فكيف بهم يعينوا مَرْأَة مسيحية؟ على كل حال، مين العروس اللي لقيتها لأمير؟».

«بنت حلوة من قرايبى»، ردت هنريت مازحة.

«الله لا يقدر، مسيحية؟».

«ولك بمزح معك، عم بنتقم من الأوقاف لإنهم مش راضيين يعینوني مأزونة. وهيني بقولك رح يجي وقت قريب، سواء رضينا ولا ما رضينا، رح ينجبروا فيه المسيحيين والمسلمين يتجوّزوا من بعض، ولا كلينا بنصير عوانس، والأضرب من هيكل آخرتنا كلينا نتجوز يهود».

«يعني قصدك تقوليلي إنّه من آلف الفلسطينية اللي عايشين في
يافا ما قدرتيش تلاقي عروس مسلمة لابني؟».

«بحبّي الأقيلك عروس فلّاحة؟ إذا بيرضيك بقدر الأقيلك عشرة
من الصبح».

«لأ، الله لا يقدّر».

«يالا، يا خديجة، ما أنا قلتلك إني بمزح. العروس اللي لقيتك ياكها
مش مسيحية ولا فلّاحة. هي بنت جيران ماري، واسم أبوها عبد».

«ومين ماري؟»، تساءلت خديجة.

«ولالاااو، أنا مستغيرة إنّك ما بتعرفي بنت عمّي ماري اللي ساكنة
في الجبلية».

«وليش لازم أعرف بنت عمّك ماري أو حيّ الجبلية؟ شكلك نسيت
إني انولدت وتربيت وعشت كلّ حياتي في المنشية، اللي ...، واللي
...، وهلّا توسمت بالأرض».

«طيب، يا خديجة، معلش بلاش نضلنا نتدبّح حظنا ونبكي على
الماضي، أنا عم بحكيلك عن مناسبة سعيدة، وبقولك لقيتك عروس
لابنك، وإنّت عم تحكيلي عن الدمار والسخام، بعددين معك؟ ما بنفع
نضل نلطم. تطلع على، أنا الوحيدة اللي ضايلة هون من كلّ عيلتي،
فبلاش ننافس بعضنا في الحزن. كلّ اللي بعرفه إنه الحياة لازم تستمرّ»،
قالت هنريت بألم، ثمّ أضافت: «عالاًقلّ الجنس لازم يستمرّ، عشان
هيكي بسألوك بدّك تعرفي عن العروس اللي لقيتك ياكها ولّا؟».

«طبعاً طبعاً بدّي أعرف. احكي لي مين هي؟ وبنّت مين؟ وأهم إشي

قدّيش عمرها، لأنّه زي ما بتعرفي أمير يا دوب صار عمره خمسة عشر سنة»، قالت خديجة بلا حماس وقد شرد تفكيرها إلى بيتها المهدّم في المنشية، ووفاة ابنها جمال، واختفاء ابنها صبحي، الذي لم تكن قد رأته أو سمعت عنه شيئاً منذ أن غادر يافا قبل عامين. رغم أن عمه حبيب كان قد نصحه بأن يتخلّى عن فكرته العقيمة بالذهاب إلى الأردن بحثاً عن شمس في وسط بحر من اللاجئين، إلا أن صبحي اختفى في ليلة، ليس فيها ضوء قمر.

لم يفقد حبيب يوماً الأمل بعودته صبحي إلى طبريا أو يافا، لذا ظلّ يكذب على خديجة، فمرة يقول لها إنه مشغول بعمله، ومرة أخرى إنه لم يستطع الحصول على تصريح يمكّنه من التنقل بين طبريا ويافا، وإن عليه أن يختار بين عمله وعائلته.

وفي تلك الأيام التي كان الحزن فيها رفيقها الدائم، لم يكن أمام خديجة إلا أن تصدق حبيب، وتنتظر.

«خلص خلص، يا خديجة، أنا حاسّة إنّك مش مهتمّة بموضوع العروس».

«لأ، تفهمنيش غلط، طبعاً أنا مهتمّة، بس زيّ ما إنتِ عارفة الفرح دائمًا بحبيب معه الحزن».

«أقولك، خديجة، انسى الموضوع. فكّرت إنّه كلامي رح يسعدك، بس مبيّن إنّه خلاك تحزني».

«كنت دائمًا أحلم إني أرقض في عرس جمال، هاد اللي كنت...»، خرجت الكلمات بصوت خافت من شفتّي خديجة المرتعشتين قبل أن تنفجر بالبكاء، وترتمي في حضن هنريت.

«يا الله، يا خديجة، أنا آسفة».

«أنا اللي آسفة، حبيبتي هنريت، بس إنتِ بتعرفي إنّه الوقت ممكّن
يشفي كلّ الجراح إلّا لوعة الأمّ اللي فقدت ابنها، هاد الوجع ما يشفّيه
إلّا الموت».

صباح اليوم التالي

«يلّا، يا هنريت، أنا اليوم كلّي آذان، وجاهزة أسماعلك، احكيلي كلّ
إشي بتعرفيه عن عروسة أمير. رحت مبارح عاليّارة، وشاورت إسماعيل،
وطبعاً أمير، وبقدر أقولك إنّهم التنين متحمّسين كتير للموضوع،
خصوصاً إنه أمير نادر ما يشوف بنات، لأنّه ما بقى إلّا كم عيلة عربية
حوالين البيّارة».

«أنا براهنك إذا ابني ضل عايش في البيّارة آخرُه يتجوّز ذيبة في
الخرابة. طبعاً مش ضايل ناس كتير في سكنة أبو الريش، خصوصي
بنات. على كلّ حال، الحمد لله إنه مزاجك اليوم أحسن، والله، قلقت
عليكِ مبارح كتير. يعني شو بقدر أقولك، البنت صغيرة وحلوة وأمُورها
وبنت عيلة، بس يمكن تكون لسه صغيرة عالزواج، بس أنا متأكّدة إنه
أمير بقدر يستّاله سنة أو سنتين، ويمكّن أكثر شوي، بس صدقيني
بنت زيّ القمر تستاهل إنه يستّاتها، بنت مؤدبة ومربيّة منيح، لدرجة
ما بتصدقيش إنّها مسلمة»، قالت هنريت وهي تعابث جارتها، ثمَّ
أخذت تقهّه.

«يقطع لسانك، يا هنريت، أنا متأكّدة إنّك في الآخر إنت نفسك
رح تجوّزي مسلم».

«أهم إشي بالنسبة إللي يكون معه رجّال في هالسرير اليتيم، مين ما كان يكون، مسيحي، مسلم، يهودي، ما بتفرق».

«طّيب، خلص، اسكتي، واحكيلي بنت مين هالعروس».

«بدّك الحقيقة ما بعرف، بس مثل ما حكّيتلك عيلتها ساكنة قريب من بيت ماري في حي الجبلية، اللي بعده حلو ومرّب».

«والله ما كنتش أفكّر إنه لسه في عرب في الجبلية، فكّرت إنه كلنا مكّدسين فوق بعض في العجمي».

«لأ، إنت غلطانة، صحيح إنه كتير من بيوت العرب اللي هاجروا من الجبلية سكنوها يهود، لكن، في أكم عيلة عربية قدروا يدبّروا حالهم ويضلّوا في بيوتهم، ومن بينهم بنت عمّي ماري والخواجا ميخائيل إذا بتعرفيه».

«قلتّلك إني ما بعرف لا خواجات ولا حدا من الروس الكبار غيرك إنت، يا هنريت».

«آه، صدقت، ما أنا صرت وحدة كتير مهمّة في حارة العجمي اللي صارت كلّها لّمّ. على كلّ حال إذا إنت معنّية بعروسة أمير، أنا بُكرا بروح أشوف بنت عمّي ماري، وبرتّب معها نروح أنا وإنّت نشوف عيلة العروس هاليومين الجايين».

«لازم تتأكّدي إنه نشوف العروس مش بس عيلتها، بدّي أتأكّد إنها حلوة، ومش ضوري تكون بتجنّن».

«تعرف، فاهمة عليكِ، في الأيام اللي راحت، لما يافا كانت يافا، وكان فيها عائلات أكابر وغنية، كان أهم إشي الحسب والنسب، بس

هَلَّا لِمَا صاروا كُلَّ أَهْل يَا فَا شَحَادِينْ صَار أَهْمَّ إِشِي إِنَّهَا تَكُون الْبَنْتْ
لطيفة ومربيّة».

«وَكَمَانْ تَكُونْ حَلْوَة».

«طَيْبٌ، فَهَمْتُ، أَنَا مَتَأْكِدَة إِنْكَ رَحْ تَحِبُّهَا قَدْ مَا أَنَا حَبِّيَّتُهَا».
«أَهْمَّ إِشِي إِنَّهَا تَعْجِبُ أَمِيرٍ، وَإِنَّهُ يَسْتَلْطِفُهَا».

نقد العروس

«أَهْلًا وَسَهْلًا، خَلِيلِهِمْ يَسْجُوا عَفْنَجَانْ قَهْوَة، مَعْ إِنْهُ أَنَا وَإِمْهَا شَافِينْ
إِنَّهَا لَسَّهَ صَغِيرَة عَالِزَوْاج»، قَالَ وَالَّدُ الْعَرْوَسُ بَعْدَ إِلْحَاحِ هَنْرِيَّتِ، الَّتِي
كَانَتْ قَدْ زَارَتْهُمْ ثَلَاثَ مَرَّاتٍ خَلَالَ الْأَسْبُوعِ: مَرَّةً مَعَ ابْنَةِ عَمِّهَا مَارِي،
وَمَرَّةً وَحْدَهَا، «كَمَانْ لَازِمْ نَشَارِرْ بَنْتَنَا قَبْلَ أَوْ بَعْدَ مَا يَسْجُوا، وَعَالَأَغْلَبِ
بَعْدَ لِإِنْهِ مَا بَدَنَا يَا هَا تَحْسَّ بِالْخَجْلِ، وَإِنَّهَا مَرْفُوضَة».

«مَا تَقْلِقْ، بَنْتَكَ بِتْجَنْنُ، وَالْعَرِيسُ صَغِيرٌ، بَسْ مَعْ هِيكَ لِيشْ مَا
تَخْطُطُولَهَا عَالِبَدْرِي، إِنْتِ سِيدُ الْعَارِفِينَ إِنَّهُ عَدْ شَيْبَ يَا فَا اللَّيِّ عَلَيْهِمْ
الْعَيْنِ صَارَ قَلِيلٌ، بِتَقْدِرْ تَعْدِهِمْ عَلَى أَصَابِعِ إِيْدِيكَ. تَطْلَعُ عَلَيْيِّ، فَكَرَكَ
أَنَا لَسَّهَ عَنْدِي فَرْصَة أَتَجُوزُ رِجَالَ يَا فَاوِي مَحْتَرِمٌ، وَلَا خَلْصَ عَنْسِيْتُ
وَرَاحَتْ عَلَيْيِّ؟»، قَالَتْ هَنْرِيَّتِ، وَقَهْقَهَتْ بِصَوْتٍ مُدُوّ كِعَادَتِهَا.

خَجْلُ أَبُو الْعَرْوَسِ مِنْ صَرَاحَةِ هَنْرِيَّتِ قَلِيلًا، فَابْتَسَمَ، ثُمَّ قَالَ:
«وَاللَّهِ، مَا عَارِفُ شَوْأَحْكِيلِكَ، مَاشِي الْحَالِ، خَلِيلِهِمْ يَتَفَضَّلُوا يَزُورُونَا».

«فَنَجَانْ قَهْوَة؟ طَيْبٌ، وَبَعْدَ هِيكَ نَقُولُهُمْ مَتَأْسِفِينَ الْبَنْتِ صَغِيرَة
كَثِيرٌ؟ لِيشْ مَا نَخْتَصِرُ الْمَوْضُوعَ، وَنَقُولُ إِنْهَا الْبَنْتِ صَغِيرَة وَلَسَّهَ مَشْ فِي

سن زواج؟ ليش ما تبعت تقولهم يرجعوا بعد سنتين أو ثلاثة أو حتى أربعين؟»، قالت رفقة وهي تعبر عن رفضها للفكرة ولباقة زوجها عبد.

«ع مهلك علي، حبيبتي، كله فنجان قهوة. خليني أروح أعملك غلابة»، بطريقته المرحة استطاع عبد، كالعادة، أن يمتص توثر زوجته المتزايد، «إذا أهلها الحقيقيين ما بینوا، وما أظن إنهم بینوا بعد كل هالستين، البنت لازم في يوم من الأيام تتجوز»، قال ردًا على اعتراض رفقة الواضح على موضوع الخطبة بأكمله.

«تعرف، طبيعي إنه في يوم من الأيام شمس والبنات ومحمود رح يتتجوزوا مثل كل الناس، لكن، أنا مش شايفة ليش إنت مستعجل تتجوزها من هلا». .

«يا الله، يا رفقة، إنت بتعرفي إني أنا مش مستعجل أجوز شمس ولا حدا من الأولاد، لا هلا ولا بعدين، بس كمان مش أصول إنه نرفض نستقبل الجماعة على فنجان قهوة، حتى لو بدننا نقولهم لا. تفضللي، يا رفقة، خديلك كمان فنجان قهوة، وروقي»، قال وهو يشعر أن رفقة ما زالت غير مقتنعة بزيارة أهل العرس.

«وهاي المحنّة مثل غيرها رح تعدّي»، كان هذا دائمًا شعار عبد في الحياة، ولكن، الآن أكثر من أي وقت مضى.

الزيارة

«تفضلوا، تفضلوا، يا ميت أهلاً وسهلاً، تفضلوا تفضلوا ارتاحوا، أهلاً وسهلاً»، ظل عبد يكرر جملته الترحيبية، إلى أن جلس الضيوف،

تقودهم هنريت، في غرفة الجلوس المتواضعة. كان أمير هو الوحيد الذي أبدى اهتماماً وحماسة بهذه الزيارة، ربما لصغر سنّه، أو ربما بسبب هرموناته الفائرة. وكما يحدث في مثل هذه المناسبات، ساد الجلسة شعور بالحرج. اختار الجميع، وخصوصاً الرجال، أن يتحدثوا في مواضيع شائكة، باستثناء الموضوع الذي اجتمعوا من أجله. تحدث عبد وإسماعيل عن الأوضاع المزرية في البلاد، وخصوصاً ما حدث ليافا واللّد والرملة، وشعور العرب المتزايد بالاغتراب:

«شي محزن، الواحد بيمشي في شوارع يافا وما بيسمع ولا كلمة عربي، مسكنة عروس البحر ما ضل فيها ولا جريدة، راحت أيام العزّ لما كان في يافا لحالها تلات جرائد يومية»، قال إسماعيل.

«كلامك صحيح، الواحد ما بيسمع حَدَّا بيحكي بالعربي، بس الغريب أكثر إنه ما بيسمع عبري كمان، يمكن آن الأول إنّه كلنا تعلّم اليידش».

«بلغاري قصدك»، صحيحت رفقة زوجها.

«أيوه، قصدي بلغاري».

«إحنا انتهى أمرنا، يا جماعة، ومدينتنا انتهت، وانتهى كلّ شعبنا»، ردّ إسماعيل، بينما كانت النساء الثلاث وأمير يتظرون بقلق انتهاء هذه المقدمة الطويلة.

«هي هيبي، يا جماعة، دخل لكم وقفوا هالسيرة، مبيّن إنكم نسيتوا المناسبة السعيدة اللي جمعتنا مع بعض»، اعترضت هنريت، بينما أشرق وجه أمير. بدا أنهما الوحيدان اللذان أرادا لهذه المقدمة أن تنتهي. عممت الضحكات والابتسamas المتباعدة لفترة قصيرة، إلى أن ساد

صمت مُطبق. نظر الجميع باتجاه إسماعيل متظرين أن يقول شيئاً حول موضوع الزيارة. عدّل من جلسته وتحنّح، ورسم على وجهه ابتسامة متوجّرة، ثمَّ قال: «بِسْمِ اللَّهِ أَنَا وَزَوْجِي خَدِيجَةُ، رَأَيْتُ مَا أَكِيدُ تَوْقِعْتُوا، جَاءِينَ نَطْلَبُ إِيْدَ بِنْتَكُمْ...».

«شمس»، قالت هنرييت التي أدركت أن إسماعيل نسي اسم العروس.

«أيوه شمس»، كرر، ثمَّ أضاف: «نعم، إحنا جاين نطلب إيد بنتكم الكريمة شمس لابنًا أمير». نظر إسماعيل إلى ابنه الذي كانت قد ارتسمت ابتسامة عريضة على وجهه الطفولي، «إحنا عارفين إنه بنتكم لسَّه صغيرة، بس أكيد مثل ما خبَّرْتُكم هنرييت، إحنا مستعدّين نستنِّ سنة أو سنتين».

«الله يمسيكم بالخير جميعاً. شرّقتوна بزيارتكم في بيتنا المتواضع، وبنشكركم على هالزيارة الكريمة»، أجاب عبد وهو يختار كلماته بعناية، ليُرضي ضيوفه، ولكن، الأهم، ليُرضي زوجته رفقة، «كلامكم صحيح مية بالمية، بنتنا لسَّه صغيرة كتير، وأنا وإيمها بدنَا ياهَا تكمِّل تعليمها أولاً، عشان هييك إحنا ما خبَّرْنَاها عن زيارتكم الكريمة اليوم».

أجل إسماعيل وخدِيجَة من كلمات عبد، ونظراً إلى بعضهما، لا يعرفان ماذا يقولان، ثمَّ تدخلت خديجة بسرعة خشية أن تطلق هنرييت واحدة من نكاتها الفجّة، وقالت بحذر: «بس والله، إحنا جينا اليوم عشان نشوف العروس، يا ترى ما بنقدر نشوفها اليوم؟». كان واضحًا أنها شعرت بالضيق، وأيضاً بالإهانة من قول عبد إنهم لم يخبروا ابنته، فلا هي ولا ابنها أمير على استعداد لانتظار سنة أو سنتين من أجل عروس، لم يرياهَا.

«أنا آسف، ما قصدت إنكم مش رح تشووفوا بنتنااليوم، طبعاً رح
تشووفوا ولادنا كلّهم، بس بدمكم توعدوني إنكم ما تقولوا إشي قدّامهم
عن سبب زيارتكم. بس اسألوها هي وخواتها أسئلة عادية عن المدرسة
أو أيّ إشي تاني بدمكم ياه، وكأنكم في زيارة عائلية عادية»، قال عبد، ثمَّ
ذهب ليستدعي شمس وأختها.

بعد دقائق دخلت شمس إلى الغرفة وخلفها نظيرة ونوال. وقفـت
البنات الثلاث مرتـبات لا يـعرفنـ ماذا يـفعلـنـ.

«تعالوا، حبيباتي، اقعدوا جنبي»، قالت رفقة التي لاحظـت خجل
بناتها، وأفسـحت لهنـ مكانـاً بـجوارـها.

مرـرتـ لـحظـاتـ منـ الصـمتـ الـحرـجـ قبلـ أنـ يـمـيـزـ الضـيـوفـ أـيهـنـ شـمـسـ،
ثمـ استـجـمـعـ إـسـمـاعـيلـ شـجـاعـتهـ، ليـقطـعـ الصـمتـ:
«ـشـوـ اـسـمـكـ، ياـ صـبـيـةـ؟ـ»، قالـ وهوـ يـنـظـرـ إـلـىـ شـمـسـ.

«ـشـمـسـ»، ردـتـ بـصـوتـ مـرـتـعشـ وـبـنـظـرةـ مـتـفـحـصـةـ، وتـلـقـتـ نـظـرةـ مـثـلـهاـ
منـ إـسـمـاعـيلـ.

«ـوـشـوـ اـسـمـ أـبـوـكـ؟ـ»، ضـحـكتـ خـديـجةـ وهـنـرـيـتـ وأـمـيرـ لـغـرـابـةـ السـؤـالـ
فـكـيفـ يـسـأـلـ عـنـ اـسـمـ أـبـيـهـ وـهـوـ مـوـجـودـ بـجـانـبـهـ. بـدـاـ وـاضـحـاـ أـنـ هـذـاـ
الـسـؤـالـ أـرـبـكـ عـبـدـ وـرـفـقـةـ، تـمـاماـ كـمـاـ أـرـبـكـ شـمـسـ. عـالـقـةـ بـيـنـ الشـلـكـ
وـالـأـمـلـ، أـجـابـتـ شـمـسـ:

«ـاسـمـيـ شـمـسـ خـلـيلـ أـبـوـ سـعـدـ».

مـذـهـوـلـاـ مـنـ أـنـ الـفـتـاةـ قـدـ أـعـطـتـهـ اـسـمـهـ الـكـامـلـ، أـرـادـ إـسـمـاعـيلـ أـنـ
يـتـأـكـدـ مـنـ حـقـيقـةـ مـاـ سـمـعـهـ: «ـشـوـ قـلـتـيـلـيـ اـسـمـ أـبـوـكـ؟ـ».

«خليل».

«واسم عيلتك».

«أبو سعد».

«إنتِ من سَلَمَةٍ؟».

«أيوه». سعيدة بأن أحداً قد عرفها، ولكن، خائفة في الوقت ذاته من عواقب هذه الأسئلة كلّها، التصقت شمس برفقة، ونظرت إليها وكأنها تطلب المساعدة.

«شمس، إنتِ عارفة مين أنا؟ ما عرفتني؟».

«لأ»، فهي، في الحقيقة، لم تعرف منْ هو.

«أنا إسماعيل، أنا أبو جمال، بتذكّري؟ أبوكِ كان يشتغل معي في البيارة».

تجمّدت شمس في مكانها عاجزة عن أن تقول أو تفعل أيّ شيء، وكذلك كان حال الموجودين كلّهم في تلك الغرفة. وعندما أدركت شمس أهميّة تلك اللحظة، عانقت أمّها بقوّة وهي ترتعش، ثمّ وضعت رأسها في حضن رفقة، وبدأت تبكي. هل هي مستعدّة لفصل درامي آخر في حياتها؟ لم تكن متأكّدة من ذلك.

ادرك الجميع جيّدة هذه اللحظة، باستثناء هنريت العابثة: «استنوا استنوا شوي، أنا مش فاهمة إشي، مش شمس بنتكم؟»، نظرت إلى رفقة التي كان فكّها يرتعش، بينما عيناه الدامعتان تُحدّقان في إسماعيل.

«أرجوكِ، هنريت، اسكتي شوي، وما تقاطعينا»، قال عبد الذي شُحب وجهه.

«شمس، إنت عندك فكرة وين أبوك هلّا؟»، سأل إسماعيل وهو يحاول أن يفهم ما الذي أتى بشمس وأختيّها إلى بيت عبد ورفة.

«ما بعرف، يمكن في عمان. آخر مرّة شفناه كانت في اللّد لما اعتقلوه مرّة تانية بعد ما اعتقلوه أول مرّة، لأنّه دبح بقرة يهودية».

«بقرة يهودية؟»، كرّر إسماعيل وهو مشوش الذهن، بينما تذكّر حواره مع خليل والد شمس، «وإمّك وأخوك محمد؟».

«همّه كمان ضاعوا».

«ضاعوا وين؟»، سأل إسماعيل، رغم أنه كان قد سمع القصّة من خليل.

«في الطريق للأردن»، أجبت محاولةً أن تكبح دموعها.

«بتعرفي إنّه أبوك إجا يدور عليكم قبل نحو سنة؟»، قال إسماعيل بينما كان كُلّ من الغرفة لا يصدقون آذانهم.

«عن جَد؟»، قالت شمس.

«صحيح اللي بتقوله؟».

«إنت متأكد من اللي بتقوله؟».

كان إسماعيل يفكّر بالجهود كلّها التي بذلها هو زوجته خديجة للعثور على شمس وأختيّها. نظر إلى زوجته، وابتسم، ثمّ استدار بعينيه باتجاه شمس: «بتحبّي تشوفي أبوك؟».

«أشوف أبي؟ طبعاً»، قالت شمس وهي تنظر إلى عبد ورفة باحثة عن تفسير.

«طِيبٌ طِيبٌ، رجاء وقفوا هون»، قال عبد بلهجة قاطعة لأول مرّة في حياته، «شمس حبيبي خدي خواتك، وروحوا على غرفتكم، أو أقولك خليلك هون مع إمّك، وأنا رح أطلع مع إسماعيل براً عشان بدّي أحكي معه». وقف الرجالان، وخرجوا إلى شرفة صغيرة. حرص عبد على أن يغلق الباب خلفه، تاركا النساء المذهولات وأمير في الغرفة. أمّا أمير، فقد فتح الباب، وخرج خائب الأمل مما آلت إليه الأمور.

مدركة العوّاقب الهامة لما حدث، ليس فقط على بناتها، ولكن، أيضاً على أسرتها كاملة، استأذنت رفقة من خديجة وهنريت: «اسمحولي، أنا لازم أحكي مع بناتي لحالنا»، قالت وقد استحوذ عليها شعور الالم بضرورة حماية بناتها. نهضت عن الكنبة، وكذلك فعلت بناتها المذهولات: «شمس، نظيرة، نوال، تعالوا معي يمّا، بدّي أحكي معاكم».

نصائح أُمٌّ

«حبيباتي، شو هالأخبار العظيمة! على قدّ ما أنا حزينة، على قدّ ما أنا سعيدة عشانكم، أخيراً، الله فرجها عليكم»، كانت دموع الفرح والحزن تنهمر من عيني رفقة وعيون بناتها، وقد غمرهن جميعاً الإحساس بالقلق والإثارة.

«يمّا، صحيح إنه بقدروا يجيبوا أبونا من عمان ليافا؟ أنا كنت أفكّر إنه اليهود بيخلوش حداً يرجع».

«مزبوط، يا حبيبي، بس أكيد بقدروا يهرّبوه». وقبل أن تتساءل شمس من هم الذي يستطيعون تهريبه، أوضحت رفقة:

«لما كانت الحدود بين إسرائيل والدول اللي حواليها لسه مش متفق عليها ومش محروسة كان سهل على الناس إنهم يروحوا ويسجوا، لكنْ،

هَلَّا بعد حوالي تلات سنين ونص على وجود دولة إسرائيل صار حرس الحدود يطحّ على أيّ حدّاً بِيحاول يرجع».

«لألاً»، قالت نوال قلقة على حياة والدها.

«لألاً حبيبي ما تخافي، أبوكِ رح يكون بخير، ما سمعتِ عُمُّكِ إسماعيل بيقول إنه إجا السنة الماضية يدور عليكم، أكيد هوّه رح يدير بالله، وممش رح يغامر. بعدين هدول المهرّبين بيعرفوا كلّ الطرق ووين يروحوا ووين ييجوا»، قالت رفقة وقد ندمت لأنها أثارت قلق بناتها، ثمّ أضافت: «المهرّبين بيعرفوا كلّ الطرق، وبيعرفوا الأرض عن غيب أكثر من الجنود اليهود، صدقوني إنهم رح يجيبوا أبوكم من بِيارة للثانية تحت الشجر. يَلَّا، يا بنات، خلُونا نرجع مشان نحتفل بها المناسبة السعيدة مع بعض. أخيراً رح تجتمعوا بأبوكُم، بعد قدّيش؟ تلات سنين ونص؟».

«تلات سنين وسبعين أشهر وتلاتة وعشرين يوم»، قالت شمس، ثمّ اقتربت من والدتها المذهولة، وعانتها بشدة، وكذلك فعلت نظيره نوال.

حين عاد الجميع إلى غرفة المعيشة، اكتشفوا أن أمير وهنريت قد اختفي. ولكن، بينما شعر أمير المراهق بأن القدر كان أقوى من رغباته، شعرت هنريت أنها قد أنجزت، من دون قصد، مهمةً كبرى. ربما لم يكن ذلك مسلّياً بقدر ما أرادت، إلّا أنها، وهي التي أصرّت على البقاء في بيتها بينما صعدت أسرتها كلّها على سفينة متوجهة إلى بيروت، فهمت ماذا يعني للعروس أن تجتمع بأسرتها من جديد، أوّلاً مع والدها، ومن ثمّ مع أمّها وأخيها الأصغر، اللذين استنتجت أنهما يعيشان في عمّان الآن.

«مبِرُوك، ألف مبروك، حبياتي»، اقترب عبد بسرعة من نسائه الأربع، وضمّهنَّ إلى صدره، وغمّرهنَّ بالقبلات، «شاييفين، الله كبير. عن

قرِيب، إن شاء الله، رح تجتمعوا بأبوكُم بعد ما يجي ويأخذكم عشان
تشوفوا إمّكم وأخوكم في عَمَان». .

«إيمتى؟»، قالت نظيرة التي كانت قد ظلّت هادئة طوال هذا
الوقت.

«إنت مستعجلة تركينا، يا شيطانة؟»، كانت تلك نكتة عبد التي
جلبت الدموع إلى عيون الجميع، وعينيه هو أيضاً.

امتلأت عينا نظيرة بالحيرة للحظة، وكانت على وشك أن تردد على
ملاحظة عبد، ولكنها قررت أن تتبع كلماتها في اللحظة الأخيرة، فقد
كانت هي بالتحديد تخشى الذهاب إلى عَمَان. كانت تشعر بالأمان مع
رفقة عبد، لذلك فإن خشيتها من المجهول الذي سيأخذها والدها
خليل إليه كادت تجعلها تعبر عن رغبتها بعدم المغادرة. خائفة من
الكشف عن مشاعرها الحقيقة، اقتربت من عبد، والتصقت به بجسمها
الصغير.

«إن شاء الله خلال هاد الأسبوع»، أجاب إسماعيل محاولاً أن يخفّف
من وطأة الجو المشحون بمشاعر متضاربة.

الترم الجميع بالصمت المُطْبِق، إذ لم تبدُ أي كلمة أو نكتة أو جملة
مناسبة لهذا الموقف.

أدرك الجميع أن لا أحد منهم يمتلك القدرة على التفكير في ما
سيحدث بعد أن تجتمع البنات بوالدهن في بَيَارة إسماعيل، لذا لم
ينطق أحد بكلمة، إلى أن استاذن إسماعيل: «بخارطركم، إلى اللقاء قريباً،
إن شاء الله». .

المعروف صغير لصديق قديم

شعاع من الضوء الأبيض الساطع شقّ طريقه إلى عتمة غرفة المولدات بمجرد أن فتح الباب الحديدي الثقيل مُصدراً صريراً قوياً. فاجأ الوهج والصوت خليل الذي كان يجلس متربعاً على حصيرة قشّ بجوار الجدار الرمادي المرتفع. فوق رأسه على الجدار علقت الأدوات الصدائة التي كان يستعملها في ما مضى لريّ وتقنيب أشجار بِيَارَة البرتقال التي وجدها بالأمس نصف ميتة.

وسط ضوء الصباح الشفيف ظهر خيال شمس وخلفه خيال نظيره نوال. قفز خليل واقفاً، وانطلق كالبرق باتجاه الباب: «يا الله!»، صرخ بأعلى صوته، وفرك عينيه عدة مرات، وصفع وجهه مرّتين غير مصدق، قبل أن يستطيع أن ينطق بأسماء بناته، «شمس، نظيرة، نوال، هاد إنتو عن جد، ولا أنا بحلم؟». لم يعرف خليل إن كانت لحيته الطويلة أم جسده الأشبه بهيكل عظمي أم الخطوط السوداء تحت عينيه هي التي أخافت نوال، وجعلتها تتراجع خطوة أو خطوتين إلى الخلف، قبل أن تعود وتقترب من جديد. في لحظات كانت الفتياں الثلاث قد التصقن بجسد والدهن. مثل قطط صغيرة جائعة، أخذت شمس وأختها في الآئين والبكاء، ثم تدحرجن على ظهورهن، وبدأن يضحكن بصخب، ذلك كله في آن واحد.

«وين إمي؟ لقيتها؟ لقيت محمد؟»، كانت هذه أول الكلمات

المفهومية التي استطاعت شمس أن تنطق بها. ولأن أباها لم يشاً أن يخيب أملها، ولكن، أيضاً، لأنه أراد أن يحتفظ ببهجة هذه اللحظة، ردّ قائلاً: «معلش حبيبي شمس، خلّينا هلّاً نفرح بها اللحظة الحلوة اللي من زمان بستناها. شو رأيكم نطلع من العتمة عالفضاء براً، وبإذن الله مع بعض رح نلاقي إمّكم وأخوكم عن قريب. أنا عمري ما توقّعت أرجع الأقىكم، بس هيكم معي وبين إيدي»، ومن جديد أحاط بناته بذراعيه، وضمّهنَّ بقوّة. ورغم حزن شمس من تأكيد والدتها بأن أمّها وأخاها ما زالاً مفقودين، إلا أنها كانت تعرف ذلك من إسماعيل عندما جاء يطلب يدها، وأخبرها عن زيارة خليل ليافا قبل عام.

انتظر إسماعيل وخدِيجَة بقلق ظهور خليل وبناته، إلا أنهما، وبرغم فضولهما الشديد حول اللقاء، أتاها لخليل بعض الخصوصية معهنَّ احتراماً للحدث الجَلَل. وما إن انتهوا من العناق حتّى كانوا جميعاً يجلسون حول الطبليّة التي وضعَتْ عليها خديجة بعض أطباق الطعام والحلويات التي استطاعت أن تدبّرها.

كانت شمس حريصة على ألا تقلُّل من فرحة هذه اللحظة بالحديث عن أحبّتها المفقودين، لذلك فضَلت أن تحتفي بلّم شملها مع والدتها: «آه، ياباً، لو تعرف قدّيش اشتقتنا لك! أنا مش قادرة أصدق إنه إحنا نمنا في نفس المدينة، لكنْ، بعد عن بعض الليلة الماضية».

لم تشاً أن تعرف لنفسها، والأهمُّ أن تُشعر والدتها خليل، كم كانت ممرّقة وحزينة لتركها رِفْقة عبد وأخيها محمود، عائلتها بالتبنّي، فاقتربت من خليل، وعانقتُه، ووضعت رأسها على كتفه، وقالت: «كلّ الحقّ على عمّي إسماعيل، كان لازم يجيئنا هون الليلة الماضية».

فرد إسماعيل مازحاً: «صار لكم بعاد عن أبوكم سنين، فقلت لحالى
كم ساعة زيادة مش رح تفرق».

«هدول الأكم ساعة كانوا الأطول والأصعب من كل السنين»، قال
خليل. هنا شعر إسماعيل أنه بحاجة للدفاع عن نفسه: «إنتو عارفين إنه
كان موعد منع التجوّل لما خليل وعلى المهرّب ظهروا من تحت شجر
البرتقان، ومع إني كنت متوقّع وصولهم من تمانية وأربعين ساعة، إلا إني
نقرت لما سمعت همس وصوت خطوات من بين الشجر. مين عارف،
كان ممكن يكونوا من الميليشيا اليهودية اللي صار لهم مدة بيهدّدوا
يصادروا كل البيارات في المنطقة».

«طيب ليش يا عمّي ما اتصلت فينا بالتلفون؟».

«لأنه مكالمة تلفون بهالوقت المتأخر من النهار بتبلغكم عن وصول
متسلّل كانت رح تجيب المخابرات الإسرائيلي لأبوكم بدل ما تجيبكم
إنتو عنده».

«المهم إنه إحنا كلنا مجتمعين بفضلك، يا أخي إسماعيل، أنا وبناتي
الثلاثة رح نضل مديونين إلك طول العمر».

«صحيح، يا عمّي إسماعيل، شكرأ إلك»، قالت نظيرة وهي تنھض
من مكانها إلى جانب والدها، وتذهب لتعانق إسماعيل، وتبعتها
شمس ونوال.

«طيب، طيب، يا بنات»، قال إسماعيل مُحرجاً، لا يعرف كيف
يادلهنّ هذا الحبّ كلّه. نظر إلى خليل، وقال: «طيب، يا خليل، أنا
وخديجة بدننا نروح عالسوق نشتري أغراض لعزومة رفقة وعبد بکرا،

وبهالوقت إنتو استمتعوا ببعض، أنا متأكد إنه إنت والبنات عندكم كتير حكي تحكوه لحد ما نرجع الساعة خمسة أو ستة».

وما إن اختلى خليل ببناته حتّى بدأوا يتلعلّثمون بحمل غير مفهومة بدت بلا معنى، ولكن، حين هدأت عواطفهم المتاجّحة أصبحوا قادرين على تبادل كلام مفهوم، ومن ثم انطلق سيل الحكايات فيما بينهم، ولم يتوقف حتّى ساعات الليل المتأخرة.

لأول مرّة منذ سنوات نامت شمس وأختها إلى جانب والدهن، بعيداً عن رفقة. ومثل قطط صغيرة تجمّعن في حضنه، أمّا رفقة عبد ومحمود، فكانوا مثل السمك خارج الماء، يتقلّبون طوال الليل في أسرّتهم. فجرّ مشهد الأسرّة الفارغة الدموع من عيون رفقة ومحمود، بينما قضى عبد تلك الليلة وهو يشعر بعُصّة في حلقه. لم يستطعوا النوم في تلك الليلة، فنهضوا ثلاثهم مع بزوغ الشمس، وخرجوا من البيت، تسبّقهم ظلالهم الطويلة تحت أشعة شمس الصباح المبكر، وهم يمشون متعرّين على الطريق الترابي الضيق الذي أخذهم من بيتهما في حيِّ الجبلية إلى بَيَارة إسماعيل. تحت تأثير الأحداث والمصادفات المتسارعة، كانوا، مثلهم مثل خليل، عاجزين عن الكلام عندما التقوا به لأول مرّة بعد طول انتظار. مُثقلًا بالشعور بالذنب بسبب أفكاره الشريرة تجاه المرأة اليهودية والرجل المصري اللذين «خطفا» بناهه، لم تكن أمام خليل إلّا وسيلة واحدة للتعبير عن امتنانه حين خاتمه الكلمات: بعد أن صافح عبد ومحمود، رکع على ركبتيه، وانحنى وقبل قدامي رفقة قائلًا: «مش غريب إله النبي قال «الجنة تحت أقدام الأمّهات»، وظلّ يعيد هذه الكلمات، إلى أن أعادته رفقة وبعد على الوقوف على قدميه، «لا أنا ولا بناي ولا ربّنا رح ننسى اللي عملتوه، إلكم الجنة، بإذن الله».

ابتسمت رِفْقَةُ التي أدركت أن خليل لا يعرف أن فكرة الجنة والنار ليست موجودة في الديانة اليهودية، وقالت: «بما إِنَّه كُلُّنا عَايِشِينَ فِي جَهَنَّمَ هَاهِي الْأَيَّامُ، بِتَمَنِّي إِنَّهُ يَكُونُ فِي جَنَّةٍ بَعْدَ هَالْحَيَاةِ».

وَرَغْمَ أَنَّ النَّهَارَ كَانَ فِي أَوَّلِهِ، إِلَّا أَنَّ الْجَمِيعَ كَانُوا يَتَرَاكَضُونَ هُنَّا وَهُنَّاكَ لِلمساعِدَةِ فِي التَّهْضِيرَاتِ لِلْعَشَاءِ الْأَخِيرِ الَّذِي سِيَجْمُعُ الْعَائِلَاتِ الْثَّلَاثَ مَعًا. وَلَسُوءِ حَظِّ الْجَمِيعِ سَتَكُونُ هَذِهِ الْوَجْهَةُ فِي ذَاتِ الْلَّيْلَةِ الَّتِي سِيَحْضُرُ فِيهَا الْمَهَرِّبُونَ لِيَأْخُذُوا خَلِيلَ وَبَنَاتِهِ إِلَى حَدُودِ الْأَرْدَنِ. بِرَغْمِ الصَّخْبِ وَالْحَرْكَةِ، فَقَدْ سَادَتْ فِي ذَلِكَ النَّهَارِ الْمَشَاعِرُ الْمُتَضَارِبَةُ وَالْحَيْرَةُ وَتَقْلُبَاتُ الْأَمْزَجَةِ. اخْتَلَطَتْ دَمْوعُ الْفَرَحِ بِدَمْوعِ الْأَسْىِ، كَمَا اخْتَلَطَتْ الْأَخْبَارُ السَّعِيدَةُ بِالْأَخْبَارِ الْحَزِينَةِ. عَلَّتْ بَعْضُ الْوُجُوهِ بِابْسَامَاتِ مُتَرَدِّدَةِ، بَيْنَمَا كَسَّتِ التَّجَاعِيدُ وَالْكَآبَةُ وَجُوهاً أُخْرَى.

وَمَا إِنْ أُعْدَّتْ مَائِدَةُ الْعَشَاءِ حَتَّىٰ سَارَعَتْ شَمْسُ لِتَجْلِسَ بِجَانِبِ رِفْقَةِ، بَيْنَمَا أَحاطَتْ نَظِيرَةُ وَنَوَالُ بِوَالدَّهَنِ.

«مَعْقُولٌ هَذِهِ يَكُونُ آخِرُ عَشاً إِلَيْيَّ مَعَ رِفْقَةٍ؟»، تَسَاءَلَتْ شَمْسُ، بَيْنَمَا اغْرُورَقَتْ عَيْنَاهَا بِالدَّمْوعِ. حَاوَلَتْ أَنْ تُخْفِي دَمْوعَهَا، فَوَقَفَتْ، وَابْتَعَدَتْ خطواتٍ عَنِ الْجَمِيعِ، ثُمَّ عَادَتْ بَعْدَ لَحْظَاتٍ، وَجَلَسَتْ إِلَى جَانِبِ رِفْقَةِ مَرْأَةٍ أُخْرَى، وَعَانِقَتْهَا بِقُوَّةِ.

كَانَتْ رِفْقَةُ مَا تَرَالَ تَأْمِلُ فِي الاحْتِفَاظِ بِبَنَاتِهَا لِفَتْرَةِ أَطْوَلِ، لِذَلِكَ سَأَلَتْ عَنْ مَصِيرِ وَالدَّهَنِ، مُلْمِمَةً إِلَيْهِ أَنَّهُ قَدْ يَكُونُ مِنَ الْأَفْضَلِ أَنْ تَحْفَظَ بِهِنَّ إِلَى أَنْ يَتَمَّ الْعُثُورُ عَلَيْهَا. أَرْعَبَتْ هَذِهِ الْفَكْرَةُ خَلِيلَ، فَحَسِّمَ الْأَمْرَ وَاضْعَأَ حَدَّاً لِهَذِهِ الْمَرْحَلَةِ مِنْ حَيَاةِ بَنَاتِهِ:

«عَنِّي أَمْلِ إِنِّي أَرْجِعُ قَرِيبَ مَعِ عَايِشَةَ وَمُحَمَّدَ، وَهِيَكَ بِتَلْتَقِوا إِنْتَ

والبنات مِرَّةً تانية. أنا كتير ممنون على كلّ اللي عملتيه لبنيتي، ومتأكّد إِنْهَا عايشة رح تكون ممنونة أكثر على محبّتكم ورعايتكم إِلهم».

برَغم كلمات خليل المطمئنة، كان الجميع يُدركون أنها مجرد كلمات مجاملة، فالمستقبل لم يكن يُعد بعودتهم، فكلُّهم سمعوا تصريح بن غوريون بعد نحو شهرين من قيام ميليشياته بطرد الفلسطينيين من بيوتهم: «لن يُسمح لأيّ لاجئ بالعودة»، ولهذا فقد كانت رِفْقة تخشى الأسوأ: المستقبل المجهول الذي ينتظر بناتها، في أحسن الأحوال في خيمة في مخيم لللاجئين في الأردن أو قطاع غَزَّة.

«مِنْ بُدُّه يدير باله على بناٰتِي إذا أَمْهُم مرضت أو ماتت»، فَكَرِرت رِفْقة، ولكنها احتفظت بالفكرة لنفسها.

ظلَّ محمود ابن الثالثة عشرة يحوم حول العائلتين محاولاً أن يعرف مصير محمد، الأخ الذي لم يلتقي به أبداً، ولكنه حمل عبء القيام بدوره، وملا الفراغ الذي تركه طوال السنوات الثلاث الأخيرة. لم يستطع محمود أن يستوعب تداعيات صدفة، أدَّت إلى فقدانه أخواته الثلاث في لحظة واحدة. لم يتحمل قلبه الصغير فكرة العودة إلى البيت وحده، مع مَنْ سيلعب؟ مَنْ سيناكف؟ مع مَنْ سيتقاول؟ أمّا شمس، فقد امتنجت سعادتها بلقاء والدها بالحزن لعدم العثور على والدتها، ولكن، أيضاً بالحزن الأكبر لفارق محمود وعبد، وخصوصاً رِفْقة. فجأة أدركت شمسكم كانت تحبُّ رِفْقة، لم تستطع أن ترى حياتها القادمة من دونها: «معقول إني بحب رِفْقة أكثر من إِمِّي؟»، أَرْعَبَتْها الفكرة، ولكنها لم تمنعها من التساؤل بينها وبين نفسها: «معقول إني خلال تلات سنين نسيت قدِّيش كنت أحب إِمِّي؟ ولَا أنا كنت متغودة على حبّها، وبعتبره تحصيل حاصل؟»، تشوّش ذهنها بهذه الأفكار. في ظلّ طوفان المشاعر الذي

غمّرها، كان غريباً، أو ربّما ليس غريباً إلى هذا الحدّ، أن تتلقّى شمس خبر اختفاء صبحي، الذي ذكره والده بشكل عابر، بمشاعر متبلّدة، مكّنتها من أن تكرّس ذهنها للتعامل مع المشاعر المتضاربة الكثيرة الأخرى.

عندما رأت نوال والديها خليل وعبد جالسين جنباً إلى جنب، تمّنّت لو أن والديها وأخويها كانوا هنا أيضاً. تسألت إن كانت هناك طريقة سحرية، تجمع العائلتين معاً في الوقت نفسه، والمكان نفسه: «ليش لازم نخسر عيلة عشان نكسب الثانية؟»، فكّرت، وراودتها فكرة أن يذهب والدها خليل وحده إلى عَمَان، ليبحث عن والدتها، بينما تبقى هي وأختها لفترة أطول مع رفقة عبد ومحمد: «وبلكي رحنا كلنا على عَمَان، وما لقيناش إمّي ومحمد؟»، هذه الفكرة جعلت جسدها يرتعش. مُدركة الوضع الصعب الذي ترك مصير والدها بيدي المهرّبين، وحزينة أيضاً لترك عائلتها بالتبني، تسألت نوال: «يابا، إحنا بدنَا نضل في يافا، ولا بدنَا نروح عالأردن ندور على إمّي ومحمد»، ذكرت محمد وكأنها تذكّره في اللحظة الأخيرة.

«لأحبيبي، أنا فكّرت إِنّك عارفة الخطّة، إحنا رايحين على عَمَان الليلية، عشان ندور على إِمّك وأخوك، وكمان عشان نعيش هناك. بتمنّى لو بقدر أضل في يافا، بس زَيْ ما إِنتِ عارفة ما عندِي بطاقة هوية حمرا متلك».

«هوية حمرا؟ إيش حمرا؟ ما فهمت شو يعني؟»، سألت نوال بفضول.

«الفلسطينييّن القلال اللي ضلّوا انحصوا وتسجّلوا وتسلّموا هويات حمرا».

«ليش حمرا؟»، أصرّت نوال.

«أكيد مش لإنهم شيوعيين متلي أنا ورفقة، لكن، لأنّه بالنسبة إلهم الأحمر إشارة خطر»، قال عبد.

«قصدهم يقولوا دينروا بالكم من الفلسطينيين اللي سرقتوا بيتهم وأرضهم وأرواحهم»، قال إسماعيل.

«حبيبي نوال، أنا آسف على هالشرح الكبير والكلام الكبير، الوضع معقد كتير وشحره وتفسيره مش سهل، بس باختصار إحنا لازم نغادر خلال ساعات، لأنّه أكيد الحاكم العسكري الإسرائيلي مش رح يوافق يعني لي شمل حتّى ألتّم مع عيلتي وأصل مع بناطي، أكيد بيفضل يتخلّص من أربع فلسطينية بدل ما يعطي بطاقة حمرا لفلسطيني زيادة بيقى في يافا».

«أصلاً كيف بذك تدور على إمي ومحمد، إذا رح يعطوك إقامة تسمح لك تضل في يافا بس بتمنعك تغادرها؟»، سالت شمس التي اتضحت أنها الوحيدة التي كانت تتبع وتفهم تعقيدات الموقف.

«متل ما إنت شايقة يا شمس الموضوع مش سهل»، قال خليل الذي أرهقه الحوار العقيم، لإدراكه بأن خياره الوحيد هو أن يأخذ بناه الثلاث، ويغادر مع حلول الظلام.

من جديد، راودت رفقة فكرة أن تُبقي بناها معها لفترة أطول، إلا أنها ترددت في قول ذلك صراحة. شعرت بالحاجة إلى أن تنفرد بناها قليلاً، فقالت: «شمس، نظيرة، نوال، خلينا تتمشّي شوي في البارّة، ما رح تتأخّر، لأنّه أكيد عبد ومحمود بيحبووا يمضّوا معكم وقت قبل ما تروحوا»، وما إن أنهت الجملة حتّى اغرورقت عيناهما بالدموع، ولا ول

مرةً منذ أسبوع انفجرت بالبكاء: «معقول ما أرجع أشوف بناتي أبداً بعد هيـك؟».

طلب محمود أن ينضم إلى أمّه وأخواته في مشوار الوداع.

«تأخرـوش، المهرـين رح يوصلوا خـلال ساعـة أو ساعـتين، والبنـات لازـم يـحضرـوا أغـراضـهم»، قال عبد، الذي شـعرـ هو أـيـضاً بالـحـاجـة للـانـضـام إلى عـائـلـتهـ في مشـوارـهـمـ الأـخـيرـ، ولكـنهـ، وهو الرـجـلـ المـهـذـبـ، بـقـيـ معـ خـليلـ وإـسـمـاعـيلـ.

«أـيـ أغـراضـ؟»، ضـحـكـ خـليلـ، «ما هـمـهـ رـحـ يـروحـواـ مشـيـ، أوـ فيـ أـحسـنـ الأـحوالـ علىـ حـمـيرـ مـعـظـمـ الرـحلـةـ، لـازـمـ يـكونـواـ خـفـافـ خـفـفـ الرـيشـةـ. كـلـ اللـيـ بيـقدـرـواـ يـاخـدـوـهـ مـعـهـمـ شـوـيـةـ أـكـلـ وـمـيـ»، قال خـليلـ الذـيـ كانـ قدـ قـطـعـ بلـادـاـ وـهـوـ يـبحـثـ عنـ أـسـرـتـهـ.

«صـحـيـحـ طـبـعاـ، خـلـونـيـ أـرـوحـ أحـضـرـ شـوـيـةـ سـنـدوـيـشـاتـ وـتـمـرـ وـمـيـ للـطـرـيقـ»، قـالـتـ خـديـجةـ، وـدـخـلـتـ إـلـىـ الـبـيـتـ مـُسـرـعـةـ، وـمـنـ هـنـاكـ نـادـتـ زـوـجـهاـ. أـرـادـتـ أـنـ تـعـرـفـ إـنـ كـانـ خـلـيلـ قدـ دـفـعـ لـهـ النـقـودـ، لـيـسـ فـقـطـ أـجـرـةـ تـهـرـيـبـهـ وـبـنـاتـهـ، وـلـكـنـ، أـيـضاـ أـجـرـةـ الـخـدـمـاتـ الإـضـافـيـةـ لـلـعـثـورـ عـلـيـهـنـ. «أـيـوهـ ماـ تـقـلـقـيـ، رـتـبـتـ الـمـوـضـوعـ بـرـاسـيـ. رـحـ أـخـبـرـكـ كـلـ إـشـيـ لـمـاـ يـروحـواـ»، قالـ إـسـمـاعـيلـ باـختـصارـ، ثـمـ عـادـ لـيـجـلـسـ مـعـ الرـجـلـيـنـ.

«رـتـبـ الـمـوـضـوعـ بـرـاسـهـ؟ شـوـ قـصـدـهـ؟ كـانـ بـيـقـدـرـ يـقـولـيـ بـيـسـاطـةـ قـدـيـشـ أـعـطاـهـ»، فـكـرـتـ خـديـجةـ فـيـ نـفـسـهـاـ، وـلـكـنـهاـ قـرـرـتـ فـيـ النـهـاـيـةـ أـنـ تـرـكـ الـأـمـرـ لـلـصـدـيـقـيـنـ، فـرـغـمـ مـسـاسـ حـاجـةـ زـوـجـهاـ لـلـنـقـودـ، إـلــآـ أـنـهـاـ تـعـرـفـ أـنـ خـلـيلـ كـانـ رـجـلـاـ كـرـيمـاـ وـمـحـترـمـاـ طـوـالـ حـيـاتـهـ، لـذـاـ عـادـتـ لـتـرـكـ عـلـىـ حـشوـ السـانـدـوـيـشـاتـ بـمـاـ هـوـ مـتـوـفـرـ».

عندما عادت رِفْقَة وأطفالها من مشوار الوداع المرهق عاطفياً، كانت الساعات العصيبة الأخيرة لوجودهم معاً على وشك أن تنتهي. استجتمع إسماعيل شجاعته، ليتقدّم بطلب من صديقه خليل في اللحظة الأخيرة. كانت هذه هي اللحظة المناسبة للحصول على ثمن مناسب من خليل، ولأنه كان يدرك حساسية طلبه، انتظر اللحظة المناسبة، واستأذن، وطلب أن ينفرد بخليل: «خليل، بنقدر نحكي مع بعض أنا وإنْت على انفراد؟».

«أكيد»، أجاب خليل، وتبع إسماعيل إلى داخل البيت.

«خليل»، قال إسماعيل، ثم صمت قليلاً وهو يستجتمع شجاعته التي كادت تخونه، وأخذ نفساً عميقاً: «بَدِّي أطلب منك معروف»، قال وهو يرُكِّز على الكلمة معروف.

«منّي أنا؟».

«أيوه، يا صديقي، متّك إنْت. أنا بَدِّي أطلب إيد شمس لابني».

«إيد شمس؟».

«أيوه، لابني أمير».

«لأمير؟»، كان التكرار طريقة خليل في استيعاب الطلب غير المتوقع والمفاجئ.

«أيوه، لأمير»، كرّر إسماعيل وهو ينظر في عيني خليل.

على الرّغم من العُصَّة التي شعر بها خليل من فكرة افتراقه عن واحدة من بناته بعد هذه المعاناة كلّها، إلّا أنه شعر بأنه مدين لصديقه، لذا لم

يُكَنُ في وضع يسمح له برفض طلبه، فرَغْمَ أنَّهُما أصبحا متساوين في الفقر، إلَّا أنَّ خليل لم يستطع أن يقول لا لِمعلِّمه السابق. شعر إسماعيل بتَرَدُّدٍ خليل، فضغط عليه أكثر قائلًا: «ولو، يا خليل، أنا رجَعتُك بِناتِك التَّلَاثَةَ، بِتَقدِيرِكِ إِنْتَ تعطِينِي وحدَةً مِنْهُمْ بِالْمُقَابِلِ؟».

مُدرِّكاً ما يعنيه التَّفَرِيقُ بين الأَخْوَاتِ الْثَّلَاثَ، استعان خليل ببناته: «شَمْسَ، نَظِيرَةَ، نَوَالَ، تَعَالَوْا لِهُونَ دِقِيقَةَ». شَعَرَتْ شَمْسَ وَأَخْتَاهَا بِجَدِيدَةِ المَوْقِفِ، بِمَجْرِدِ أَنْ سَمِعَنَ صَوْتَ الدَّهْنِ الْمَرْتَعِشِ، فَوَقَفَنَّ أَمَامَهُ بِتَرَقُّبٍ. تَبَادَلَ الرِّجَالُ النَّظَرَاتِ قَبْلَ أَنْ يَقْطَعَ خليل الصَّمْتَ المَتَوَرِّ: «حَبِيبِي شَمْسَ، إِنْتَ بِتَعْرِفِي إِنَّهُ إِسْمَاعِيلَ بِالنِّسْبَةِ إِلَيْيَ أَعْرَّ مِنْ أَخِّي، وَهُوَهُ وَمَرْتَهُ أَكْتَرُ مِنْ أَهْلِ بِالنِّسْبَةِ إِلَيْيَ وَإِلَيْكُمْ»، تَرَدَّدَ قَليلاً قَبْلَ أَنْ يُضِيفَ: «عَمِّكِ إِسْمَاعِيلَ طَلَبَ إِيْدِكِ مَنِّي لِابْنِهِ».

«أَمِيرٌ»، أَكْمَلَ إِسْمَاعِيلَ.

«أَنَا مَا بِقَدْرِ إِلَّا أَوْفَقَ، بَسْ بَدِيْ مَوْافِقَتِكِ إِنْتِ كَمَانَ، يَا شَمْسَ».

لَمْ تَعْرِفْ شَمْسَ مَاذَا تَقُولُ أَوْ تَفْعَلُ، فَاقْتَرَبَتْ تَلْقَائِيًّا مِنْ أَخْتَيْهَا وَضَمَّتْهُمَا بِشَدَّةَ. كَانَتْ فِي حَالَةِ الْذَّهُولِ، وَلَمْ يَبُدْ وَاضْحَى إِنْ كَانَتْ مَا تَرَالَ تَسْتَمِعُ إِلَى الرِّجَالِيْنَ وَهُمَا يَتَحَدَّثَانِ باحْثَيْنِ عَنِ الْكَلْمَاتِ.

«إِنْتِ بِتَعْرِفِي حَبِيبِي شَمْسَ إِنْكِ كُنْتِ دَايِمًا مِتَّلِ بِنَاتِي، وَرَحْ تَكُونِي بَيْنِ عِيلَتِكِ. لَكِنْ، لِإِنْكِ إِنْتِ وأَمِيرُ لَسَّاتِكُمْ صَغَارُ كَتِيرٍ عَالِزَوْاجِ، مِنْ الأَفْضَلِ تَخْطُبُوا كُمْ سَنَةَ قَبْلَ مَا تَزَوَّجُوا».

بِيَنِّمَا كَانَ الْجَمِيعُ يَنْظَرُونَ إِلَى شَمْسَ بِانتِظَارِ قَرَارِهَا، كَانَتْ تَأْهِهَةُ فِي أَفْكَارِهَا: «يَا ربَّ، شَوْ عَمِلْتَ عَشَانَ أَسْتَاهِلَ كُلَّ هَادِ؟ بَعْدَ مَا أَخِيرًا لَقِيتَ أَبُوِي صَارَ لَازِمَ أَخْسِرُ نَظِيرَةَ وَنَوَالَ، وَبَعْدَ مَا أَخِيرًا تَقْبَلَتْ اخْتِفَاءَ صَبَحِيِّ، رَحْ أَتَجُوزُ أَخْوهُ الصَّغِيرِ!». اجْتَاحَتْ شَمْسَ رَغْبَةً جَامِحةً

بالسؤال عن صحي، ولكنها لم تفعل .. لم يستطع أحد أن يتحدث أو يناقش شمس التي وقفت غير قادرة على الحركة، وعاجزة تماماً عن الكلام والتعبير.

أدرك إسماعيل ضرورة حضور رفقة ومشاركتها في النقاش، إذ كان يعرف جيداً أنه إن كان هناك من يستطيع أن يقنع شمس في هذه اللحظة المصيرية من حياتها، فهي، بالتأكيد، أمّها رفقة.

«أيوه، إيش في؟»، قالت رفقة وهي تدخل متأهبة مع إسماعيل. عانقت بناتها الثلاث، ثم أمسكت بذراع شمس، وخرجت بها إلى جولة أخرى في البيارة.

«حبيبتي شمس، أنا عارفة قدّيش صعب عليكِ تعاملني مع كلّ الليّ عم بصير معكِ وحواليكِ، وكمان إنّكِ ترجعني تفترقي عن أبوكِ وعن نظيرة ونواال، الله أعلم لإيمتنى»، في اللحظة الأخيرة، أوقفت نفسها عن قول كلمة «إلى الأبد»، «بس إنت بتعرفي حبيبتي إنّه في هالحياة إحنا بنخسر إشي وبنكسب إشي. فكّري في أبوكِ وكيف قدر يسترجعكم إنتو التلاتة، وهلّاً جاهز إنّه يخلّيكِ تزوّجي وتعيشي حياتكِ. فكّري بإسماعيل وخديجة الليّ طول الوقت كانوا بدهم ياكى تكوني وحدة من عيلتهم، بس الأهمّ فكري فيينا». أشرق وجه رفقة عندما قالت ذلك، ثمّ أكملت: «فكّري فيكِ وفيّي، وكيف بدننا نضلّ قراب على بعض في هالعالم القاسي، أرجوكِ، شمس، ليش ما تقبلني وتضلي قريبة منّي؟».

فكّرت شمس طويلاً في كلّ ما فعلته رفقة لها ولاختيّها، وأيضاً بالمستقبل المجهول والخطير الذي كان والدها سيأخذهنّ إليه. وبعد تردد وانفعال حسمت أمرها، وقررت أن تبقى في يافا، وتتزوج أمير شقيق صحي.

كانون الثاني 2018

(يافا)

في الثالث والعشرين من كانون الثاني 2018 التقى بشمس في بيتها في حي العجمي في يافا. أمضيت معها يومين كاملين، تحدثنا فيما مطولاً عن حياتها، وبشكل خاص عن الأحداث التي شهدتها خلال نكبة العام 1948. أكثر ما استوقفني في شمس ذات الخمسة والثمانين عاماً كان سكينتها ورقتها، وأكثر من ذلك كله قدرتها على التسامح والغفران.

بوجه بشوش كانت تحدّث مع بناتها وأحفادها الذين أحاطوا بها. كانت تحضن الجميع، بمن فيهم أنا التي لم تعرفني من قبل.

أذهلني التناقض بين قسوة الحكايات التي روتها لي والرقة التي انسابت من صوتها. منها عرفت الأحداث التالية:

تزوج شمس وأمير، وعاشا معاً حياة هائمة، رُزقا بست بنات، أطلقت شمس على الكبارين اسمى نظيرة ونوال. سنة 2013 توفى أمير «الله يرحم روحه، كان رجل لطيف وخلوق، وعاملني مثل الأميرة، وما شفتش منه إلا كلّ خير».

لم تَر شمس والدتها منذ أن افترقتا، فقد مرضت عائشة وماتت في غرفة وهي تبحث عن بناتها. بعد زواجهما من أمير لم تَر شمس والدها خليل، فقد توفى سنة 1969 في عمان.

كما لم تلتقي بأخيها محمد، فقد تركته أمه عند أقارب لها في عُمان، وذهبت إلى غَرَّة بحثاً عنها وعن أخيتها. في العام 1952، وبعد أشهر من وصوله إلى الأردن، عثر خليل على ابنه محمد في عُمان، حيث قضى حياته كلّها، إلى أن توفي في سنة 2003 في عمر السبعين.

بعد عام على حرب سنة 1967، حين احتلت إسرائيل ما تبقى من فلسطين، حصلت نظيرة ونوال على تصاريح، مكتنثهما من زيارة إسرائيل، وبالتنسيق مع أمير دون علم شمس جاءتا إليها في زيارة مفاجئة. حضرتا للغداء مع أبنائهما. في البداية لم تعرّف شمس عليهما، إذ كان أمير قد أبلغها أن بعض رجال الأعمال سيحضرون مع عائلاتهم للغداء.

توفي إسماعيل بالسكتة القلبية سنة 1963 عندما صادرت سلطة الأرضي الإسرائيلي بيَارَتْهُ، وقطعت أشجار البرتقال كلّها فيها. بعد نوبة من الصراخ والبكاء سقط على الأرض، فحمله أمير إلى مستشفى في يافا، حيث فارق الحياة.

وجد حبيب نفسه عاجزاً عن الحياة والحركة والعثور على عمل في إسرائيل، فذهب ليعيش في مخيّم نهر البارد شمال لبنان. لم يتزوج أبداً، ولم يُنشئ عائلة، ومثل العديد من اللاجئين الفلسطينيين انضم إلى منظمة التحرير الفلسطينية، وفي العام 1982 استشهد وهو في الخامسة والخمسين في المعركة ضد إسرائيل التي اجتاحت لبنان، وظلّت قوّاتها فيها حتى أيار 2000.

توفي عبد وفاة طبيعية في العام 1972.

مثل العديدين، هاجر محمود إلى تشيلي.

بعد وفاة زوجها عبد وهجرة ابنها محمود، انتقلت رفقة لتعيش في بيت يام، البلدة اليهودية جنوب يافا.

استمرّت علاقة رِفْقَة وشمس الحميمة حتّى آخر يوم من حياة رِفْقَة. كانت بنا شمس يعشقُن «سُتّي رِفْقَة»، وكُنَّ يزرنَها دائمًا، إِمَّا وحدهنَ أو برفقة شمس، في سُقْتها الصغيرة في بيت يام، كما كانت كثيرًا ما تأتي هي لزيارتنهنَ، وتتناول الغداء معهنَ في أيام الجمعة. في سنة 1988 مرضتْ، فعاد ابنتها محمود من تشيلي، ليكون مع أمّه الراقدة في مستشفى في يافا، حيث تُوفّيتْ بعد أسبوع. كانت شمس تعدُّ الملفوف، طبق رِفْقَة المفضل، عندما دقَّ جرس الهاتف، ليُخبرها محمود: «إِمِّي ماتتْ»، وهو ينشج بالبكاء.

أَتت شقيقة رِفْقَة من بيت يام، لتأخذ جثمان أختها، وتدفنه في المقبرة اليهودية، ولكن محمود اعترض مؤكًّداً أنَّ أمَّه قد أسلمتْ، وأوصت بأن تُدفَن إلى جانب زوجها عبد في المقبرة الإسلامية في يافا، وأمام إصرار محمود استسلمت شقيقة رِفْقَة.

«طِيب، وهلَّا أحكيلي عن قصَّة حُبِّك مع صبحي»، استجمعتْ شجاعتي، وهمستُ في أذنها عندما كنتُ على وشك المغادرة.

«إِيسِي، هاي كانت ولَدَنَة»، ضحكت بخجل، واحمرَ وجهها.

«عمرك شفته بعد هيك؟».

«لَا»، قالت وهي تبتسم.

بعد ذلك ببضعة أسابيع، ذهبتُ لألتقي بصبحي في غرفته المتواضعة في جبل المرّيخ في عَمَان. كان هو، أيضًا، مُحااطاً بأحفاده الكثرين. أظهر صبحي ابن الثمانية والثمانين رغبة أكبر في الحديث عن بدلته الإنگليزية من الحديث عن شمس. عندما سألهُ عن البدلة، نهض عن كرسيّه، وجَّرَ جسده النحيل باتجاه خزانة، وفتح بابها على

سعته، ثمَّ رفع يده إلى أعلاها، وأخرج خرقة رمادية مخططة بالأحمر، وبيديه المرتعشتين ناولني إياها، ثمَّ عاد إلى كرسيه، وأخذ نفساً عميقاً قبل أن يقول: «هاد كلَّ اللي بقيلي من فلسطين».

صمت قليلاً، لاعطيه وأعطي نفسي لحظة، لنبلغ العُصَّة في حلقينا، ثمَّ تحسست بيديّ بقايا بدله الإنگليزية. وعندما تماست قليلاً، نظرت في عينيه، وسألته: «وشو بالنسبة إلى شمس؟».

Sad الصمت بينما راح صبحي ينظر من النافذة. عكس الضوء الذي سقط على وجهه تلك الهشاشة والاستسلام اللذين لا بد وأنهما رافقاه طوال هذه السنوات. انتظرت بخشوع بينما تركّز نظراتي على البقع الداكنة التي تركها العُمر على يديه.

«صحيح إني ما رجعت شفت شمس بحياتي، لكن، هادا ما يعني إني ما كنت أفكّر فيها طول هاي السنين». بارتباك، وبرققة خفيّة أضاف: «كلَّ اللي بقدر أقوله إني سعيد إنها ضللت في العيلة». صمت صبحي قليلاً قبل أن يقول: «كلَّ واحد ونصيبه في هالدنيا».

مكتبة
t.me/soramnqraa

فهرس الرواية

الفصل الأول: صبحي

قصة بدلة (يافا، تمُوز 1947)	9
1. أشطرب ميكانيكي في يافا.....	11
2. بدلة الميعاد.....	22
3. بَيَّارات يافا.....	29
4. البدلة: أن تكون أو لا تكون.....	35
5. يافا أم الغريب	45
6. ثلات ورقات خضراء وورقة حمراء	49
7. الخواجا صبحي	58
8. كبراء إنگليزي	65
9. ستوديو صابونجيـان.....	72
10. مقهى التيوس	79
11. مقهى المثقفين	84
12. من عالم الصبا إلى عالم الرجولة.....	91
13. في الكرخانة	98
14. موسم النبي روبيـن	103
15. مدينة الخيام	107
16. صباح الجمعة: احتفالات الكسوة من يافا إلى النبي روبيـن	111
17. سماء مزركشة بطائرات الحُبُّ الورقية	116
18. حُبُّ حياتي	124
الفصل الثاني: العودة إلى يافا.....	133.....
19. الله يكفيـنا شـرـ الضـحك	135.....

142.....	20. برتقال الموت
147.....	21. سرقة قطار.....
151.....	22. استعراض الرعب في القدس
163.....	الفصل الثالث: السادة الجُدد
165.....	23. ضياع
171.....	24. السادة الجُدد
182.....	25. تحقیقات البدلة المُتنازع عليها
189.....	26. في ميناء يافا
193.....	27. بلد مُتنازع عليه
200.....	28. أشطر ميكانيكي في اللامدينة
209.....	الفصل الرابع: شمس
211.....	29. أمُّ بالتبني
221.....	30. بقرة يهودية
227.....	31. البقرة اليهودية: جرائم كبرى وجرائم صغرى
234.....	32. أحدهم بالباب
245.....	33. أمُّ مسلمة
254.....	34. خطة الهرب
264.....	35. صحي: البحث عن ماضٍ وعن مستقبل
270.....	36. طرقات خجولة على الباب
276.....	37. جيران جُدد
293.....	38. معروف صغير لصديق قديم
305.....	39. كانون الثاني 2018

telegram @soramnqraa

يافا - فلسطين 1947، يتمكّن صبحي الفتى "الفلتة" في الميكانيك، ذو الـ 15 عاماً، من إصلاح نظام الري في بيوارات برقال الخواجة ميخائيل؛ الذي كان وعده ببدلة إنكليلزية "صوف من مانشستر، يفصلك ياهما أحسن خياط في البلد، بختاره إنت بنفسك"، كجائزة له. تصبح هذه البدلة حلماً لصبحي، ليرتديها في حفل زفافه من شمس ذات الـ 13 عاماً، وهذا الحلم يصبح صلباً ومملوحاً قبل تحقيقه حتى. بل يصبح من القوّة إلى الحدّ الذي تتمكّن العامري من تحويله إلى مختبر للقيقةيات الكبرى المرتبطة بفلسطين، حيث تتحضر أمّة، بينما تولد أمّة أخرى محاطة برعاية العالم الذي يشعر بالذنب.

يذهب صبحي للحرب دفاعاً عن بلده وعن بدلته الإنكليلزية التي تبدأ بالتللاشي، بينما تجد شمس بقرة في مخيّم اللاجئ في اللد، وتتنازل عن حبّها للحيوانات أمام بطون اللاجئين الجائعه، وبعد يومين نكتشف أن البقرة يهودية!

بأسلوبها السهل الممتنع (ومع أنني بُتُّ أكره هذا التعبير، ولكنني لا أجد غيره في هذا المقام) تعيد سعاد العامري، في هذه الرواية، تأصيل القصة الفلسطينية بناء على قصة حبٍّ حقيقة بين طفلين، تتعرّض أيام حياتهما بلحظة تاريخية حاسمة، مملوءة بأحداث حقيقة، نقرؤها كما لو كنا نقرأ حكاية شعبية متواترة عن الأجداد. الأجداد الذين مثل الجدّ على لشدة خبرتهم بالماضي أصبحوا الأقدر على قراءة المستقبل، كما فلسطين الآن هي الأقدر على امتحان وجودنا.

الناشر



ISBN 979-12-80738-53-0

المتوسط

9 791280 738530